

Hmong Folktales: Dab Neeg Phau IB; Vol.1
Bertrais Yves

HMO.3151.00

WINTER 2003

DAB NEEG

PHAU IB



DANS LA MEME COLLECTION

1 -Kaeb Tshoob Kev Kug. Phau ib. = Chants et Rites de Mariage.-Volume 1.

2 -Kaeb Kwm Hmoob raws tsav Koom Hum Vib Nais = Origine des Hmong, d'après la Confraternité de Vinai.

3 -Dab Neeg Phau ib - Contes et légendes - Vol.1

4 -Xyum nyeem ntawv Hmoob Ntsueb. = Manuel de lecture du Hmong Vert.

5 -Cim Xeeb Haav Txiv Daw = La Mémoire des Hmong verts de Anning

En préparation pour 1987 6 Kaeb Ke paem tuag. Cov zaaj = Les funérailles traditionnelles : Les Chants.

" 7 -Kab Ke pam tuag. Cov txheej txheem. = Les funérailles traditionnelles : Ordonnance de la Célébration.

" 8 -Dab Neeg Phau ib - Contes et légendes - Vol.2

Collection " PATRIMOINE CULTUREL HMONG "

Cette collection comprendra une vingtaine de titres.
Les livres seront publiés dans un programme allant de 1986 à 1989.
Ils sont écrits et mis en forme par des membres de l'Association
Communauté Hmong, en Guyane française, principalement par
Ya Va Thai, Heu Nyia Ngau et Heu Tcha Siong. L'impression se
fait à Bangkok, en Thaïlande.

Yves Bertrais est le Coordinateur et Editeur de la Collection.

Adresse : Association Communauté Hmong
97318 Javouhey
FRANCE. (Guyane fr.)

Copyright 1985 : Association Communauté Hmong.

Tous droits réservés. Toute reproduction intégrale ou partielle faite
par quelque procédé que ce soit des livres de la Collection est illicite,
sans une autorisation écrite préalable de l'Association Communauté
Hmong.

La publication de cette Collection a été rendue possible grâce à
l'aide de Missio-Aachen, de Misereor et de quelques autres Orga-
nismes et Fondations.

Elle est placée sous le Patronage de la Nonciature Apostolique de
Bangkok dans le cadre d'une action humanitaire.

Distributeurs :

Association Communauté Hmong
97318 Javouhey
FRANCE. (Guyane fr.)

Hmong Community Association
P.O. Box 12-178
BANGKOK 10120
THAILAND

Centre Pastoral Laotien
48 rue des Pyrénées
75020 PARIS
France

Hmong Catholic Association
951 E. 5th Str.
ST. PAUL MN. 55106
USA.

D A B N E E G

PHAU IB

CHIV KEEB HMOOB TXUJ SUE QHIA LOS

DAB NEEG PHAU IB

Cov zaj dab neeg nyob hauv phau ntawv no, yeej tsis tau muab tej zaj nyob hauv lwm phau dab neeg coj los txuam rau. Yog thawj zaug muab luam tawm.

Cov dab neeg no, yog xyoo 1976, Txiv Plig Nyiaj Pov tau kom cov Xib Hwb qhia kev ntseeg nyob Tsheej Maim thiab tej tus Hmoob nyob hauv cov yeej thoj nam Thaib teb pab mus nrhiv, zom rau hauv cov cam lus cia. Xam tas nrho cov dab neeg tseem ceev tseg tsis tau luam tawm mas yuav muaj kwv yees li ntawm 200 zaj.

Tom qab, zom tau tas, ces Xib Hwb Vaj Kuam tau muab cov zaj, uas kaw rau hauv cov cam lus ntawd, ntaus thawj tom ua tej riam ntawv ceev tseg rau rooj ntawv Hmoob thiab ntawv Sib Fi Xov nyob tsheej Maim. Ua ke lub caij ntawd, Txiv Plig Nyiaj Pov tau nrog xav tswv yim khaws Hmoob tej txuj sib qhia los ntau tsav ntau yam tseg, xws li cov txuj Hmoob tau ua nyob rau Vees Cas, Los Tsuas teb, txij li, xyoo 1962 los txog rau lub caij tawg teb chaws. Tsis tas li, tseem rov khaws ntau yam txuj ntxiv nyob hauv cov yeej thoj nam Thaib teb.

Vim yog sawv daws ua lub neej nyob tsis ruaj chaw, hauj lwm los muaj ntau yam leg thiab tsis muaj paj peev los ua.

Lub qab xyoo 1979, Txiv Plig Nyiaj Pov thiaj tau pus Hmoob tej txuj no los ceev tseg rau Guyane teb. Nyob hauv yuav luag 6 xyoo dhau los mas sawv daws tab tom los tsim Hmoob lub neej tshiab, npaj kev nthuav tsim rau cov Hmoob nyob Guyane teb. Tsis xyeej los muab tej txuj Hmoob no teeb kom meej kho kom zoo, ua phab ua phau tseg. Tab sis yeej tau npaj ib lub sim xeeb kom tau tsa tej yam los nres tej txoj num ua cov txuj Hmoob no.

Txij li xyoo 1979, cov Hmoob tuaj txog tas. Yeej tau pib npaj siab thov lub Koom Haum Txoos Hmoob kom los nres Hmoob tej hauj lwm txhua yam, kom haum raws li tseem fwv txoj cai nyob rau Fab KIs teb. Ua li mas Lub Koom Haum thiaj tau ncau

ib ceg num los nres phab kev khaws Hmoob tej txuj sib qhia los nrog kev tshaj xo Liaj Luv.

Txog rau hnuv tim 18 lub 3 hlis 1982, thiaj tau lus kheev ntawm Tseem Fwv, muaj cai tsa lub Koom Haum Txoos Hmoob Guyane. Txiv Plig Nyiaj Pov thiaj tau pib nrhiv peev los nres tej num, ua tej txuj Hmoob tseg.

Txog rau xyoo 1985, sawv daws nyob tus chaw. Lub Koom Haum Txoos Hmoob thiaj tau txais me ntsis peev los pab rau phab kev khaws txuj. Ces lub Koom haum mam li pib npaj siab ua tej phau ntawv raws li Hmoob txuj sib qhia los.

Cov phau ntawv uas tau teev tseg hais tias yuav luam tawm xyoo 1985, mas tau luam tawm tiag muaj:

Kab tshoob kev kos. Phau 1: 4.000 phau.

Keeb kwm Hmoob raws Koom Haum Vinat: 4.000 phau.

Dab neeg. Phau qub ua nyob Vees Cas: 2.000 phau.

Dua li, Koom Haum kev tshaj xo "Liaj Luv Chaw Tsaws." Luam tawm ib xyoo 4 zaug xim yeem.

Lub qab xyoo 1986 no, yuav ua tawm kom muaj ntau phau sib txawv. Thiab yuav luam tawm ib hom 4.000 phau.

Qhia meej tau tias thawj phau yog Dab Neeg Phau ib.

Cov tub num uas tau khaws, ntaus, tu cov ntawv nyob hauv rooj hauj lwm phab kev "Khaws Hmoob txuj sib qhia los" thiab kev tshaj xo "Liaj Luv Chaw Tsaws", mas xyoo 1986 muaj:

Yaj Vam thaiv, Hawj Nyiaj Nkaub, Hawj Tsav Xyooj.

Thiab tus nrhiv peev, saib cov hauj lwm sib haum sib dhos yog Txiv Plig Nyiaj Pov. Nws kuj yog ib tug thawj tuav xam nyob hauv lub Koom Haum Txoos Hmoob Guyane thiab.

Tus tau pab cov nyiaj txiaj los nres lub Koom Haum phab kev "Khaws Hmoob txuj sib qhia los" yog tus Tiam Lis Vaj Qhia nyob Koos Thej, Thaib teb. Nws tau cev lus thov lwm lub Koom Haum nyob pej kum teb pab nres txoj hauj lwm khaws txuj no.

Phau dab neeg no ua tiav hnuv tim 10 lub 3 hlis 1986.

Ua tawm: Koom Haum Txoos Hmoob Guyane
Village de Javouhey
97318 Acarouany
FRANCE

LOS CEEV

Kwv tij sawv daws,

Phau ntau no yog dab neeg phau ib. Nyob hauv no muaj 12 zaj dab neeg, yog cov dab neeg ntev hauj sim, nyias muaj nyias zaj hais sib txawv.

Nyob hauv cov dab neeg no, zaj puav yog dab neeg los tsuas. Tab sis cov laus thaum ub lawv tau pom Los Tsuas lub neej los, ces lawv kuj yuav piav tej zaj dab neeg kom phim raws li lawv tau pom, tau hnov luag piav. Dua li mas puav leej yog cov dab neeg uas tej laus Hmoob ib txwm hais sib qhia los.

Txawm li cas los xij, hu ua dab neeg no mas tsis yog ib co zaj lus hais kom zoo mloog xwb. Yog tus txawj mloog mas kuj yog ib zaj lus qhuab qhia los yog lus ntuas rau sawv daws khaws coj mus ua neej nyob hauv lub sim ceeb no.

Tus ua nom ua tswv los kom txawj hlub tej pej xeem huab hwm, hlub tus txom nyem quaj ntsuag, saib txog tus muaj, hwm txog tus pluag.

Tus ho ua pej xeem huab hwm los yuav tsum mloog tej nom tej tsw, hau teb hau chaw hais thiab hwm luag txoj cai.

Tej ua niam ua txiv los kom txawj hlub tej me tub me nyuam. Hos tej me tub me nyuam los kom hwm yus niam yus txiv.

Tej kwv tij nus muag los kom txawj sib hlub, tsis txhob ua zoo li tej zaj dab neeg uas tau hais nyob hauv no.

Vim li no thiaj tau ua ib zaj lus cob qhia pab rau koj kom koj txawj nco, txawj siv txog yus nyeem tej zaj dab neeg. Thaum yus nyeem txog tej qhov phem mas yus yuav tsum txawj tu siab, txawj txiav txim mus rau qhov phem qhov zoo tib si. Yog yus nyeem txog tej qhov zoo mas yus ho yuav tau khaws tseg rau nruab siab, ua ib qho chaw ntuas yus txoj kev ua neej. Thiab ib qho: yog yus nyeem ntau yam ntawv mas kuj ua rau yus ntxiv tswv yim qho me ntsis thiab.

Vim hais tias, yav tom ntej no mus, peb Hmoob yuav tsis tshua muaj cov txawj hais dab neeg thiab tsis muaj lub caij sib sau los mloog dab neeg li thaum ub lawm. Thiaj txhob txwm nrhiv los ntaus ua tej phau ntawv tseg rau sawv daws tau nyeem.



ZAJ 1

NIAM TIJ

THIAB TIJ LAUG

TSIS HLUB NTSUAG

Tus hals: YAJ XOV TXIAB

Puag thaum ub ov, tub ntsuag niam thiab txiv tuag tas lawm. Tshuav tub ntsuag nrog niam tij thiab tij laug nyob xwb. Niam tij thiab tij laug tsis hlub tub ntsuag. Tub ntsuag niaj hnub nqa nws txiv rab phom thiab rab hneev ncig txhua me qab roob hauv roob.

Ces muaj ib zaug tub ntsuag mus taug taug kwj deg, txawm mus pom muaj ib lub nyuag qhov tsua. Nyob hauv lub qhov tsua txawm muaj ib tug kab laum kib tshooj loj loj kwv ib lub pov tawm tuaj ntawm rooj qho. Xob tua ib teg, niag kab laum kib tshooj nkaum zog lawm. Xob tua tua tsis raug li lauj! Tub ntsuag txawm mus ntsia ntsia, nws txawm hais tias:

"Abi Xob niam tua tua tsis raug, cia kuv sim pab xob tua saib." Niag kab laum kib tshooj tawm plaws tuaj, xob tua tib teg tsis raug li thiab lauj!

Tub ntsuag thiaj li nta hlo nws rab hneev cuam loo ib xib xub vos rau ntag. Ces niag kab laum kib tshooj tawm plaws tuaj. Tub ntsuag tib hnee rau, chob nkaus lawm lauj!

Niag kab laum kib tshooj tib plhaw tuaj tom tub ntsuag no, xob cia li tua tib teg txais nkaus kab laum kib tshooj tuag klag. Xob muab tub ntsuag nqa loo pov rhes saum ntug dej. Tub ntsuag tuag lawm lauj! Ib ntsis tub ntsuag tsim los xav xav ib ntsis, nws ntsia ntawm nws txhais tes na has ua clav nws tuav rawv ib lub pov haum. Tub ntsuag thiaj li xav tau tias yog nws tua ib tug kab laum kib tshooj, clav yog nws tuav kab laum kib tshooj lub pov ntag.

Tub ntsuag thiaj li nqes rov los taug taug kwj ha mus ntiv. Mus zoj ib ntsis txawm mus txog ntua ib lub hav, muaj ib tug nyuag dej los tshuam, txawm ntsib ib tug yawg laus laus plaub hau dawb paug. Tus yawg laus laus ntawd txawm hu tias:

"Koj tuaj los me tub. Toj yuav tuaj mus lawm qhov twg na?" Tub ntsuag teb tias:

"Kuv tsis muaj niam tsis muaj txiv. Kho kho kuv slab es kuv lam taug kwj ha xwb."

Tus yawg laus hais tias:

"Aubi Yog li ces koj puas yuav pab tau kuv? Yog tias koj pab tau kuv mas kuv muaj ob tug ntshais. Yog tias koj pab tau kuv mas koj nyiam tus twg los kuv muab rau koj. Yog koj tsis nyiam es koj yuav yuav nyiaj los kuv muab rau koj. Yog koj yuav kub los kuv muab, yuav nyuj yuav nees los kuv muab."

Tub ntsuag txawm hais tias:

"Abi Niag yawg, kuv tsis pom qab yuav pab koj dab tsi osi Ntshai tias kuv lam pab yog tau no los kuv ho yuav. Tsis tau no los tseg xwb lauj!"

Niag yawg laus txawm hais tias:

"Yog li ces koj rov mus tsev. Koj mus ntaus tsuag tsuag kom tau ob khub mos txwv tooj. Tag kis tav caij noj tshais koj tuaj ntsib kuv ntawm no nawd!"

Tub ntsuag txawm los tsev lawm. Nws los ntaus tsuag tsuag tau ob khub mos txwv tooj liab ntag. Tag kis ces tub ntsuag noj tshais ntov ntov, nws txawm mus nyob ntawm qhov chaw uas tus yawg laus hais rau nws. Ib me ntsis tus yawg laus tuaj txog, nws hais tias:

"Koj twb tuaj lawm los me tub?"

Ntsuag teb tias:

"Aws! Kuv tuaj lawm osi!"

Tus yawg laus hais tias:

"Hmo no mas koj pw qhov no ov. Tag kis mas luag yuav los txeeb kuv liaj ia teb chaws, txeeb kuv poj niam tub se. Yog tias koj pab tau kuv mas koj nyiam kuv ob tug ntshais tus twg los kuv muab. Kuv ob tug ntshais mas tus hlob hu ua nkauj Ntsuab, tus yau hu ua nkauj Zuag Paj. Koj yuav tus twg los kuv muab. Koj yuav dab tsi los kuv muab rau koj."

Tub ntsuag teb tias:

"Abi Cia kuv sim pab saib puas yuav tau."

Tus yawg laus hais tias:

"Koj pw qhov no ovi! Ib tsam nag xob nag cua nroo ntws ib tog ntuj los, los koj tsis txhob ntshai nawd! Kaj ntug dawb vog koj yuav pom dej dag huav hwv, cav yuav los sis dug. Pom kev klag koj yuav pom. Kuv mas yog tus ntoo lub mom dawb, khiav ua ntej. Hos tus lawv kuv qab nws ntoo cuaj ceg kub, mas koj rau ntua tus ntawd ntag ov."

Tus yawg laus txawm mus lawm. Tub ntsuag nyob nyob ntawd ib ntsis. Tsaus ntuj zus ua cas nag hlob zus, tsaus ntuj zus nag hlob zus. Nag xob nag cua hlob hlob ib hmos lauji! Tag kis tav li qalb qua laws ntag, ciav pem hauv dej mas nrov nroo ntws cuag xob quaj xwb. Cav mas los lawm sis dug, dej mas kua av daj rhuv xwb lauji! Ces pom kev kiag. Ciav nrov nroo ntws, ntsuag ntsia pem hauv dej, ua cas muaj ib tug niag nab loj loj luaj nkaus cav txoob, ntoo lub kaus mom dawb tiag lauji! Cas tseem muaj ib tug luaj nkaus cav txoob thiab, ntoo cuaj ceg kub tiag. Ob tug sib caum los mus. Ces tub ntsuag thiaj li nta hlo nws rab phom tib phom, tus lawv qab ua nwg ruaj zog ntawd, ib ntsis ploj ntais rau hauv dej lawm lauji! Ib me ntsis xwb, tus yawg laus uas kom tub ntsuag pab ntawd tawm plaws los, txawm los hais rau tub ntsuag tias:

"Aub! Tub ntsuag lauji! Koj tuaj pab tau kuv lawm, nyiam no koj mus tsev nawd! Tag kis tav tshais koj tuaj ntawm no, kuv hais koj."

Tub ntsuag rov los tsev lawm. Tag kis tav tshais, tub ntsuag txawm mus nyob ntawm qhov chaw tos. Ciav ib ntsis tus yawg laus ntawd txawm rov tawm tuaj dua thiab. Tus yawg laus ntawd txawm hais rau tub ntsuag tias:

"Koj twb tuaj lawm los tub?"

Ntsuag teb tias:

"Aws! Kuv twb tuaj lawm os."

Yawg laus txawm hais tias:

"Koj tuaj lawm ces koj tsis txhob ntshai ovi! Koj cev taub hau los rau hauv kuv qhov tsos."

Tub ntsuag txav zog mus. Ua cas tus yawg laus ntawd txawm muab tub ntsuag nyem nkaus rau hauv qhov tsos. Yawg laus txawm coj tub ntsuag mus tib plhaw rau hauv dej lawm, cas dhau plaws tus dej xwb. Hauv mas yog kiab yog khw lawm xwb lauji! Kev mas tawm plua tshauv tog. Tsev tsuj tsev npuag tsev ntaub tsev xov mas laim txias lawm xwb lauji! Neeg mas niam nqaum paj nqaum nruas coob coob kawg. Tus yawg laus ntawd mas yog ib tug yawg kav teb kav chaw ntag lauji!

Tus yawg laus txawm coj tub ntsuag mus txog hauv nws tsev,

nws txawm hais tias:

"Kuv mus tos tau kuv tus vauv tuaj lawm. Zaum no kuv yuav muab kuv tus ntshais nkauj Ntsuab rau nws lauji! ua li, me tub, koj puas yuav nyiaj? Yog koj yuav nyiaj no, kuv muab nyiaj rau koj, yuav kub los kuv muab. Saib koj, yeem yuav qhov twg?"

Tub ntsuag thiaj hais tias:

"Aub! Kuv yuav koj tus ntshais xwb."

Tus yawg laus thiaj hais rau nws cov tub mab tub qhev tias:

"Lawv nyuag lauji! Kuv yuav koos cuaj hnub cuaj hmo dej cawv. Nej mus tua ib tug phaws twm los. Peb yuav noj nqaig haus cawv mogi!"

Tub ntsuag mus ntsia cov tub mab tub qhe cuab twm. Nws mus pom ib tug dej nyob ntawd, muaj ib tug choj hla nyob saud. Cas cov tub mab tub qhe txawm muab txoj voj hlua cuab rau ntawm tus choj. Ua cas cov Hmoob leej twg tuaj txog ntawm lub voj hlua, nws txawm cev tes plhw zog lub voj xwb dhau plaws lawm tsis mag li. Cas tuaj dhau lawm ob peb pwg, Hmoob tsis mag lis las. Ho muaj ib pab Pub Thawj tuaj txawm mag nkaus tau ib tug yawg laus. Txoj hlua muab rub rhe rau hauv dej tawm plaws rov rau tim ntug, cas yog ib tug phaw twm, mas caj dab ntug tsis ntug li lauji!

Ces tub ntsuag txawm ntsia ntsia. Yawm txiv txawm hais rau tub ntsuag tias:

"Ua li koj puas noj tus twm no, me vauv?"

Tub ntsuag thiaj teb tias:

"Aub! Yawm txiv lauji! Kuv mas noj tsis nyog tus twm no, ntshai kuv yuav tsis noj lauji!"

Yawm txiv thiaj hais tias:

"Aub! Yog li no mas kuv mam kom cov nyuag mus cuab ntses los rau koj noj."

Yawm txiv thiaj hais rau nws cov tub txib kom lawv mus ntaus ntses los rau tub ntsuag noj. Koos tau cuaj hnub cuaj hmo cawv lauji! Yawm txiv txawm muab nyiaj muab kub, phi cuam rau tus vauv thiab tus ntshais nkauj Ntsuab, ces tso neeg xa ob tug los nto saum ntug dej no. Cov tub mab tub qhe thiaj li nqes rov qab lawm.

Los txog saum no, ntsuag nkawd ob niam txiv ris tis ris nyiaj ris tis ris kub. Kis tau peb hnuv peb hmo, nyiaj kub mas tso puv ib tag nkaus lauj!

Muaj ib hnuv ov, niam tij thiab tij laug nkawd txawm tuaj pom. Cas tub ntsuag mas niam tau tej niag pawg nyiaj tej niag pawg kub ntau tsis ntau li lauj! Cas ntsuag tus poj niam mas zoo zoo nkauj tsis paub hais li. Tsuas tias niam zoo tas los zoo thiab, zoo zoo cuag suav laus lub hnuv qub tshiab, zoo xab zoo xu, zoo cuag suav laus lub hnuv qub txhu ntag lauj! Tij laug thiab niam tij nkawd mas niam los zaum ntsia ntsia ntsuag poj niam tsis dhuav li. Tij laug ntsia ntsia nws txawm hais rau ntsuag tias:

"Aub! Ntsuag, ua cas koj niag ua ua loj leeb cas koj yuav yuav tau poj niam zoo nkauj ua luaj li? Thov koj qhia kuv lauj, ntsuag lauj! Kuv los txom nyem hwi thiab. Kuv niag poj niam los tus niag phem phem dub dub li tawv li. Saib, koj mus ua li cas koj thiab tau koj poj niam? Thov koj hais qhia rau kuv tso, kuv sim ho mus ua saib kuv puas yuav mus yuav tau ib tug poj niam zoo li koj tus, os ntsuag?"

Tub ntsuag thiab hais tias:

"Aub! Tij laug, niam tij neb cem cem kuv ces kuv niaj hnuv ua loj leeb. Kuv mus txog puag nram lub ntug hav tshuam no, es muaj ib tsoob txiv ncuav pias nyob ntawm ntug hav. Kuv mus nyob nyob ntawd ib ntsis, yawm txiv cia li tawm los. Nws cia li coj kuv mus yuav kuv poj niam no xwb tiag. Yawm txiv cia li muab nyiaj muab kub rau wb coj los ua neej xwb las, tij laug."

Tij laug thiab hais tias:

"Aub! Yog li mas ntsuag lauj, kuv yuav mus pw, saib kuv puas tau poj niam zoo nkauj li koj tus lauj! Saib kuv puas yuav tau koj tus niam hluas thiab."

Ces tij laug niam npaj tsuag tsuag, niam mus pw puag nram kwj ha tshuam tsoob nyuag txiv ncuav pias. Hmo ntawd, mab tuaj noj txiv ncuav pias coob coob, mab tso tso quav rau tij laug ib hmo. Tag kis tij laug lo quav mab tag. Tij laug tsw tsw quav mab. Niam tij tsis pub tij laug chaw los hauv tsev li lawm. Tij laug cia li khiav mus ua loj leeb lawm, hos niam tij tsis muaj txiv lawm. Ces tas li no lawm xwb.



ZAJ 2

NUJ SIS LOOB

THIAB

MUAM NKAUJ NTSUM

Tus hais: YAJ XOV TXIAB.

Puag thaum ub ov, muaj ob niam txiv yug tau ib tug me nyuam tub, nkawd muab tis npe hu ua Nuj Sis Loob no.

Ciav Sis Loob hlob los ov, Sis Loob kawm dab tsi los txawj. Zaj tshoob txiv xaiv los txawj. Txawj txawj qeeg li.

Nyob ntuj Sua teb tom peg, txawm muaj ib tug ntxhais hu ua muam Nkauj See. Hos Sis Loob mas nyob ntuj sua teb tom taug. Ntxawm Nkauj See nyob ntuj Sua teb tom peg. Luag txawm muaj neeg tuaj mus nqes tsev yuav nws lauj. Ces ntxawm Nkauj See niam txiv neej nus zoo siab muab tshoob tas lawm lauj! Ntxawm Nkauj See thiaj hais tias:

"Aub! Ua li cas los nej yeej yuav muab kuv rau lawv no, ces cia nej mus hu kom tau Nuj Sis Loob nyob ntuj Sua teb tom taug tuaj tshuab qeej xa tshoob no, ces kuv mus kuv li ua neej. Yog nej mus hu tsis tau Nuj Sis Loob tuaj tshuab qeej xa kuv tshoob ces kuv mus los kuv yeej tsis ua neej li nawd!"

Ces tog niam txiv neej nus txawm tso neeg nug Sis Loob moo tshuav tuaj ntag lauj! Tuaj tuaj txog ntuj Sua teb tom taug, tuaj nrhiav tau Sis Loob lauj! Thaum ntawd mas Sis Loob yeej muaj poj niam lawm. Nkawd muaj ib tug me tub zaum taus lawm. Ces luag tuaj nrhiav tau Sis Loob. Sis Loob txawm lees mus lawm lauj. Sis Loob tias:

"Aub! Neb mus. Txog nyuj hli kaum tsib tso kuv mam li tuaj."

Luag txawm rov qab lawm lauj! Luag rov mus npaj dej npaj cawv txhij lauj! txog nyuj hli kaum tsib, ces Sis Loob noj tshais tas nws yuav mus tiag. Tab sis tsis muaj kev, hav zoov nuj txeeg. Ces Sis Loob poj niam txawm hais rau Sis Loob tias:

"Sis Loob, cas koj yuav tsis mloog kuv lus? Cuaj kaum los koj yuav mus xwb. Niag ntuj deb kev ncu ntev. Niag hav zoov nuj xiab zoo li no. Koj mus koj tsis lam taus lam haus dej nawd! Thaum twg koj yuav haus dej mas koj ce peb taus tes pov qab deg, peb taus tes pov hauv dej, koj mam li haus nawd!"

Sis Loob txawm tig los pihws nws tus me tub taub hau tas, Sis Loob txawm tuag lawm lauj! Sis Loob tuaj lawm tau ib hnuv ob tog tsaus, ces hnuv ob Sis Loob nqhis nqhis dej lauj! Lub hav twg los qhuav qhawv xwb. Sis Loob txawm seev tias:

"Abl Cas yuav nqhis kuv dej ua lauj! Lam muaj ib tug dej nyob qhov twg es kuv sim mus haus ib pas saib?"

Ces ib niag Poj Ntxoog, mas nws yeej nyiam nyiam Sis Loob thaum ub lawm, niag Poj Ntxoog txawm hnov. Nws txawm khiav khiav mus ua ntej, mus tso zoj zis rau tom ib lub hav qhuav uas nyob ntawm ncauj ke es Sis Loob yuav mus thiab ntag. Tso zoj zis, tsuas tias me kwj nrov tiv tauv ntag.

Sis Loob txawm hnov, cas dej nrov tiv tauv? Sis Loob xav tias: "Abl Nqhis hwy ces mus haus lauj!"

Sis Loob mus txog ntawm ntug dej, Sis Loob txawm tsis nco nws poj niam lo lus lawm lauj! Sis Loob txawm ce zoj tau ob taus tes los haus tas nrho, ce tau ib taus tes los npuav yang nws rab qeej tsuag tsuag tas nrho, muab nchuav nthwv pov tseg. Sis Loob nyuam qhuav mus zoj ob peb dag xwb, niag Poj Ntxoog txawm siv luag tawg nto pem qaum kev tias:

"Aub yaud! Sis Loob niam heev diam! Cas haus kuv qub thiab."

Sis Loob txawm cem tias:

"Nyug nkhaus taw kodl Koj tsis yeem hais ntau nawd!"

Niag Poj Ntxoog cia li ploj ntais lawm lauj.

Sis Loob txawm mus ntxiv thiab. Mus mus txog ntua ib lub hav zoov nuj xiab. Pob zeb pob tuas lawm xwb lauj! Txoj kev mas kawg nkaus hauv niag dawm ntawd lawm. Sib Loob txawm chaws dhau plaws lawm thiab, tsis ua cas.

Sis Loob mus txog ntua ntuj Sua teb tom peg ov. Luag mas niam ua noj ua haus pa taws ncho log lauj! Luag niam noj haus nchuav ntuv, tos Sis Loob xwb lauj!

Sis Loob mas niam mus tshuab tshuab qeej xa ntxhais Ntxawm Nkauj See, tshuab tshuab ib hmo. Tag kis yuav kaj ntug, ho yuav tshuab xa ntxhais Nkauj See mus lawm tom tus vauv tsev. Ces hnuv ntawd Sis Loob nyob tsis qab li lauj! ua li cas

los ntshov Sis Loob siab li lauj. Nws tshuab tsis tsheej qeej li. Ces Sis Loob txawm hais rau nws tus phooj ywg uas nrog nws tshuab qeej xa tshoob ntawd tias:

"Abi Kwv yalg kwv luag lauj! Tav no ces koj nyob koj khee wb qeej tshuab, koj khee wb nqaij noj lauj! Kuv tuaj lawm, kuv tseg tau kuv tus me tub nyuam qhuav txawj luag nrog kuv poj niam nyob tom tsev xwb tsis muaj neeg nrog zov li. Ntxhov kuv siab dhau hwb lawm. Tsis pom qab yuav ua li cas. Koj nyob tso. Koj ua ib siab khee wb qeej tshuab mog."

Tiam sis twb yog niag Poj Ntxoog los yuj Sis Loob siab xwb. Ces luag cuaj cheem kaum cheem los cheem tsis tau Sis Loob li lauj! Cuaj kaum los Sis Loob yuav rov qab xwb. Luag cheem cheem tsis tau, ces Sis Loob txawm los lawm lauj!

Sis Loob rov los txog ntua lub zoov nuj txeeg uas yog lub dawm ti ti, es neej dab kev los kawg ntawd. Cas Sis Loob txawm los ntsib ib tug niag Poj Ntxoog pw caws taw vos ntawm kev. Sib Loob los txog nws txawm hais tias:

"Abi Leej muam, cas koj yuav los pw ntawm kod?"

Niag Poj Ntxoog txawm teb tias:

"Leej yawm dab, twb yog kuv nkees nkees es kuv lam pw xwb los mas."

Sis Loob hais tias:

"Abi Leej muam, koj sawv Kuv los mus tso yuad. Nyob tsam kuv hia koj laiv mog, leej muam."

Niag Poj Ntxoog txawm hais tias:

"Abi Leej yawm dab, koj los mus koj los mas! Kuv nkees nkees, kuv tsis sawv os."

Sis Loob tias:

"Abi Txhob ua li. Kuv maj kev tiag laiv, leej muam."

Poj Ntxoog tias:

"Abi Koj maj ces koj hia los mus tiag, leem yawm dab."

Ces niag Poj Ntxoog cuaj kaum los tsis sawv li lauj! Sis Loob nrog sib cav txaus nkaus los tsis sawv li thiab. Hais li cas los tsis sawv li. Sis Loob txawm hais tias:

"Abi Leej muam yog tias cuaj kaum los koj yeej tsis sawv li no, kuv hia koj. Koj tsis txhob tu siab laiv, leej muad."

Poj Ntxoog tias:

"Tsis tu los mas, leej yawm dab. Koj maj ke, ces koj los koj xwb los maj!"

Sis Loob txawm hia nruam los, Poj Ntxoog txawm lawg taw rau Sis Loob. Sis Loob ntog ua yas daws rau ntawd lawm lauj! Yuav mus lawm tom ntej los mus tsis taus. Yuav rov los rov tsis taus lauj! Sawv los tsis tau li lawm thiab! Thaum ntawd Sis Loob thiag seev hais tias:

"Abi Leej twg npab ncab tsa tau kuv ces kuv ua nws nyab. Leej twg npab ntev tsa tau kuv ces kuv ua leej twg sev lauj!"

Poj Ntxoog txawm sawv tsees ntag. Nws hais tias:

"Tiag los, Sis Loob? yog kuv tsa tau koj saib kuv yuav koj laiv! Yog koj tsis yuav kuv mas kuv tsis zoo siab nawb!"

Sis Loob teb tias:

"Aub! Tiag os, leej muam. Yog koj tsa tau ces kuv yuav tiag."

Niag Poj Ntxoog txawm cev loo tes los tuav nkaus Sis Loob tes rub loo Sis Loob sawv tsees. Cas rov muaj zog li qub ntag, yuav mus twg los mus taus lawm thiab lauj!

Niag Poj Ntxoog txawm koj Sis Loob mus lawm lauj! Niag Poj Ntxoog ua ntej ces Sis Loob txawm lawv niag Poj Ntxoog qab lawm thiab. Thaum ntawd, ob tug txawm tsis taug kev lawm lauj, mus hav zoov lawm xwb! Nkawd mus mus ib hnub, txawm mus txog rau pem ib lub roob. Tshai b tshai b Sis Loob plab. Kkawd mus me ntsis ntxiv, cas ntsia nram tiaj, na has cav muaj ib lub nyuag zos Hmoob. Muaj ib lub roob nyob ze ntawd Sis Loob nkawd mus nyob nyob saud tau peb hnub. Sis Loob txawm seev tias:

"Abi Cas yuav nqhis kuv taum paj ua lauj! Paub li kuv nyob kuv hauv tsev, ces ntshai kuv sev niam nkauj Ntxawm twb zom taum paj rau kuv noj lawm tel!"

Poj Ntxoog txawm nug tias:

"Tiag los, Sis Loob?"

Sis Loob tias:

"Tiag! Nqhis taum paj kawg tiag hosi!"

Poj Ntxoog txawm hais tias:

"Aub! Yog li no ces koj nyob twj ywm, es kuv mus nrhiav los rau koj noj kom koj txhob nqhis nqhis nawd!"

Nlag Poj Ntxoog txawm dam tau ib re nplooj rau Sis Loob tuav. Nlag Poj Ntxoog txawm lawm zoj me ntsis, txawm mus nyilag tau Hmoob ib phiab taum paj taum tsuab ncho lug thiab ib fam tawb mov txua los rau Sis Loob noj.

Sis Loob nyob nyob tau ib hnub tom qab ntxiv. Nws txawm rov seev hais tias:

"Abi Cas yuav tsis tsim txiaj, es yuav tsis nrog yus poj niam me nyuam nyob, es yuav tuaj nyob tus nlag zoo li no? Nyob li yog kuv nyob kuv hauv tsev, tej nlag cooj laus qaib ntshe kuv sev niam nkauj Ntxawm twb tua rau kuv noj lawm tel Cas yuav tuaj nyob ua khav ua khuav li no?"

Nlag Poj Ntxoog txawm hais tias:

"Tiag los, Sis Loob?"

Sis Loob teb tias:

"Tiag hosi"

Nlag Poj Ntxoog txawm hais tias:

"Yog li no ces, Sis Loob, koj nyob twj ywm ntawm no, es kuv mus nrhiv los rau koj noj yuadi"

Sis Loob thiaj teb tias:

"Aws! Koj sim mus nrhiv saib puas tau maji"

Nlag Poj Ntxoog txawm dam zoj tau ib re nplooj rau Sis Loob tuav. Ces nlag Poj Ntxoog nyuam qhuav mus txog nram ntug zos xwb, txawm muaj ob tug yoov los tsaws Sis Loob qhov muag. Sis Loob tsis paub, Sis Loob txawm muab rev nplooj los nplawm yoov. Ces dev tom tsij qees lauji Hmoob txawm tawm plaws hauv tsev tuaj. Ces neeg qw zom zaws tias:

"Aub yaudi Dev tom Poj Ntxoog lawm lauji Sis Loob tsis paub li. Nws rau rau siab muab rev nplooj nplaws yoov lauji Hmoob txhaub dev tom ceev ceev Poj Ntxoog tuag lawm lauji Sis Loob txawm xav xav, abi Ntshai yog kuv tsis paub, kuv muab rev nplooj los nplawm yoov, es thiaj thaiv tsis tau niag Poj Ntxoog ntag lauji! Abi Cas kuv yuav tsis paub? Nyem no Poj Ntxoog tuag lawm ces ntshai yuav tsis muaj neeg nrhiv rau kuv noj lawm lauji! Abi Ntshai kuv yuav rov muab qub yeej cum tso rov mus tsev lauji

Ces Sis Loob txawm rov qab los txog ntua ntawm qhov niag Poj Ntxoog pw tav nws kev ntag. Ces Sis Loob txawm los pw

tav nws kev ntag. Txog ntawm kem tsua ti ti ntawd ntag. Sis Loob txawm los pw tav kev ntawd thiab ntag. Cas ib me ntsis zoj xwb, Ntxawm Nkauj See txawm siv ib lub zam lub kaus piav yeev tuaj txog ntua ntawm qhov Sis Loob pw thiab ntag lauji Ntxawm Nkauj See txawm nug tias:

"Yawm dab, ua li cas koj yuav los pw qhov no nab yuad?"

Sis Loob tias:

"Abi Yog kuv nkees nkees es kuv thiaj li los pw qhov no naj."

Nkauj See tias:

"Koj sawv, es kuv yuav tuaj mus lawm tom kuv niam thiab kuv txiv lawv. Nyob ntsis kuv hla koj laiv!"

Sis Loob tias:

"Aub! Leej muam, koj maj kev ces koj hla koj li las."

Ces ob tug sib hais sib hais ntev loo lawm lauji Sis Loob tsis sawv li ntag. Ntxawm Nkauj See thiaj hais tias:

"Abi Leej yawm dab, yog li saiv kuv hla koj. Koj tsis txhob tu siab laiv!"

Sis Loob teb tias:

"Aub! Kuv yeej pw kuv ntawm no ces tsis tu li ntag lauji!"

Ntxawm Nkauj See hla nruam tuaj mus. Sis Loob cev taw tuaj mus ib nyuag nge xwb, Ntxawm Nkauj See ntog ua yas daws rau ntawd lawm thiab lauji

Ntxawm Nkauj See mas yog tus uas Sis Loob tuaj mus tshuab qeej xa tshoob. Tiam sis mas Sis Loob tshuab qeej tsis kawg, ces Ntxawm Nkauj See thiaj li tsis zoo siab mus ua neej. Ob tug txawm sib tham sib tham. Sis Loob nug tias:

"Aub! Ua li, koj yog leej twg nas, leej muam?"

Ntxawm Nkauj See thiaj hais tias:

"Aub! Kuv ces yog tus ntxhais uas lawv muab quas mus ua nyab. Kuv hais tias kom lawv mus hu Sis Loob nyob ntuj Sua teb tom taug tuaj tshuab qeej xa kuv no. Lawv mus hu nws tuaj. Tuaj txog nws tshuab qeej xa kuv tsis kawg. Ces nyem no kuv mus, kuv thiaj tsis zoo siab mus ua neej. Kuv thiaj khiv tuaj mus lawm tim kuv niam thiab kuv txiv lawv."

Nuj Sis Loob thiaj hais tias:

"Sis Loob, ces yog kuv ntag los mas! Nyem no, kuv tuaj mus tshuab qeej ces kuv tshuab txog tog xwb, kho kuv siab hwi lawm. Kuv nyob tsis taus li. Ces kuv thiaj li khiav los lawm. kuv los, ces kuv los tau dab tau tsov, kuv thiaj los khuam txog tav no, mus tsis txog tsev li tiag."

Ntxawm Nkauj See thiaj hais tias:

"Aub! Sis Loob lauj! Yog li mas tim koj, es kuv thiaj tsis zoo siab mus ua neej. Kuv yeej hais rau kuv cov dab laug hais tias yog tsis tau Sis Loob tuaj mus tshuab qeej mas kuv yeej tsis zoo siab mus ua neej. Tiam sis koj tshuab qeej tsis kawg rau kuv, ces niam no kuv thiaj tuaj lawm tim kuv niam lawv tso thim luag tsiaj puv luag nkuaj, thim luag txiaj puv luag nas tso, kuv yuav rov los ua kuv niam kuv txiv tus ntxhais no tiag. Sis Loob lauj! Yog vim wb ntawv tiam pem ntuj los sib raug tiag lauj! Cia wb mus lawm tom kuv niam lawv tso, mus thim luag tsiaj rau luag thiab thim luag nyiaj puv luag nas tas tso. Koj yuav kuv kuv yuav koj. Wb mam li mus ua neej lauj!"

Sis Loob thiaj li nrog Ntxawm Nkauj See mus tom nws niam tais thiab yawm txiv tsev. Nkawd mus txog, niam tais yawm txiv thiaj li thim luag tsiaj puv luag nkuaj, thim luag txiaj puv luag nas tas.

Ces Sis Loob txawm mus yuav Ntxawm Nkauj See lawm lauj! Nkawd mus nrog niam tais thiab yawm txiv, nyob nyob tau peb xyoo. Ntxawm Nkauj See thiab Nuj Sis Loob nkawd niaj hnuv mus nthua taum pauv. Sis Loob nco nco nws poj niam nyob ntuj Sua teb tom taug thiab nws tus me nyuam. Sis Loob niaj hnuv nce mus lawm pem roob toj siab, nws niaj hnuv mus seev txog nws tus poj niam thiab nws tus me nyuam. Mus seev mus quaj mus qw ov, mus tshuab nplooj, tshuab raj lauj!

Ntxawm Nkauj See nkawd mus ua tau peb hnuv teb, Sis Loob mus seev tau peb hnuv. Ces Sis Loob txawm hais rau nws poj niam Ntxawm Nkauj see tias:

"Aub! Ntxawm Nkauj See lauj! Kuv tso kuv sev muam nkauj Ntsum rau ntuj Sua teb tom taug lawm thiab kuv ib tug tub txawj luag ntxhawv ntxhi lawm mas. Kuv nco hwi! Koj mus hais rau niam thiab txiv tias yog niam thiab txiv kam no, ces

kom nrhiav nus tij nus kwv, niam ntxawm txiv ntxawm thiab tso koj koj thiab. Peb mus phim. Hos yog tias niam hlob zoo nkauj dua no, ces thim peb lub kauj toog nyiaj peb lub kauj toog kub rau koj tso, xa koj rov qab, es kuv nrog kuv sev muam Nkauj Ntsum nyob. Hos yog koj koj mus phim, yog koj zoo nkauj dua no, ces kuv ua ib siab nrog koj ua neej tso, xa niam hlob rov mus nrog niam hlob neej nus nyob lauj yuad!"

Ces Muam Nkauj See thiaj los hais rau nws niam nws txiv. Yawm txiv txawm hais tias:

"Aub! Yog li ces ntshai tus vauv muaj niam hlob nyob tom tsev lawm tiag, es tus vauv thiaj li tsis zoo siab ua neej. Ces yuav xa los sis cia nej xa kuv Ntxawm Nkauj See mus phim saib lauj. Hais niam ntxawm txiv ntxawm tso. Tag kis, nej ua tshais noj ntxov ntxov es nej mus lauj!"

Ces thiaj mus hu niam ntxawm txiv ntxawm niam hlob txiv hlob tuaj. Hais rau niam ntxawm txiv ntxawm tas, ces tag kis ua tshais noj ntxov ntxov. Niam ntxawm txiv ntxawm lawv txawm xa Muam Nkauj See tuaj ntag lauj! Tuaj tuaj ib hnuv ob tog tsaus txawm tuaj txog ntag lauj!

Tuaj txog mas Nuj Sis Loob sev Muam Nkauj Ntsum niam quaj quaj, ncig me qab vag tsib taug mas du lug xwb lauj! Niaj hnuv nqa rab niag nrua zov zov Nuj Sis Loob pab npua.

Sis Loob mus yuav txog ces nws txawm khiav khiav ua ntej lawm. Mus mus txog ntua, Muam Nkauj Ntsum mam hais tias:

"Nim yai, Sis Loob! Kuv xav tias ntshai koj ua tsov qub tsov quav tas lawm no, es tav no koj mam los txog ntawm kod os Sis Loob?"

Ces ob tug mas niam sib qawg quaj sib qawg quaj. Quaj quaj tas, Sis Loob mam plav tsuag tsuag rau nws poj niam tias:

"Muam Nkauj Ntsum, kav tsij mus tu vaj tsev, cheb vaj cheb tsev ov. Luag yuav koj luag Ntxawm Nkauj See tuaj phim koj laiv mog!"

Muam Nkauj Ntsum mas niam zoo zoo siab mus cheb vaj cheb tsev tsuag tsuag, ua hmo tos. Cas ib ntsis yuav luag tsaus ntuj xwb, cov niam ntxawm txiv ntxawm luag koj Muam Nkauj See tuaj txog ntua lawm tiag lauj!

Tuaj txog, Muam Nkauj Ntsum txawm hais tias:

"Aub! Nej cov ua niam ua txiv, nej tuaj txog lawm los zoo kawg nkaus li thiab. Tiam sis mas Sis Loob nws ua txiv nws yuav tau wb ob leeg lawm los ob leeg nyob li ntag. Txawm tias phim kuv zoo dua los ob leeg nyob. Ntxawm Nkauj See ho zoo dua los ob leeg nyob li ntag! Ob leeg yuav Sis Loob, peb nyob ua ke li ntag!"

Ces cov niam ntxawm txiv ntxawm lawv txawm hais tias:

"Aub! Yog koj ua niam hlob, koj ho zoo siab npaum li koj hais, ces tsis phim los tau lawm. Tsuav nej ua neej sib hlob xwb."

Tus nus tij txawm hais tias:

"Tsis tau nawv! Kuv txiv yeej hais tias kom peb tuaj phim. Yog tias leej twg zoo dua los peb mus thiaj yuav pom qab plov rau kuv txiv. Yog peb ua li no, ces peb mus txog, yuav ua cas plov qhia kuv txiv nad?"

Muam Nkauj Ntsum teb tias:

"Aws! Yog li ces yuav phim los phim."

Ces hmo ntawd ov, hnay zam ib hmo, tag kis tav tshais ces phim lauj! Sev Muam Nkauj Ntsum ib ce paj nyiaj paj kub tawg paj rhob ovi Sev Muam Nkauj See ib ce niag paj toog qauj les xwb lauj! Twb tsis phim Sev Muam Nkauj Ntsum ib qho li lauj! Ces cov niam ntxawm txiv ntxawm uas xa ntawd, lawv txawm hais zom zaws tias:

"Aub! Niam hlob zoo dua, ces cia peb coj Ntxawm Nkauj See rov xwb lauj."

Muam Nkauj Ntsum txawm hais tias:

"Tsis laiv! Kuv yeej hais tias, txawm niam hlob zoo dua los ob leeg nyob, niam yau zoo dua los ob leeg nyob. Sis Loob nws ua txiv, nws txawm ua tau li ntawd los ob leeg nyob no laiv!"

Ces niam ntxawm txiv ntxawm uas tuaj ntawd lawv hais tias:

"Aub! Yog koj ua niam hlob, koj hais li ntawd los tsuav phim tas, es peb ho pom qab mus plov rau Ntxawm Nkauj See txiv xwb. Nej nyob nawd! Peb rov qab mus lawm."

Txi j li ntawd los niam hlob thiab niam yau lawv txawm ua neej lawm lauj! Ua neej, nyob nyob muaj ib hnub niam hlob thiab niam yau nkawd ob leeg nyuam qhuav leeg lub thoob

tawm plaws nram qhov rooj tag yuav mus ris dej, cas nkawd txawm pom ob tug npauj npalm tis ob txoj xov ntsuab ntsuab nqis puag nruab ntug los rau nram qab vag lawm, txawm pom tawm plaws ob tug hluas nqas ib hwj cawv, niam hlob thiab niam yau nkawd txawm hais tias:

"Vuad! Ntshai yog Hmoob yuav tuaj thov Sis Loob mus tshuab qeej ntag pobl Wb khiav khiav mus ris dej los tso, wb tsis txhob pub Sis Loob mus yuad!"

Ob tug niam hlob niam yau txawm khiav khiav mus ris dej los txog ntua tsev xwb, ciav tsis pom ob tug hluas Hmoob lawm. Nkawd txawm nug tias:

"Sis Loob, ua cas tsis pom ob tug Hmoob lawm os?"

Sis Loob teb tias:

"Aub! Yog Ntxwg Nyoo tus ntxhais nyob qaum ntuj nws yuav txiv, es nws kom nkawd tuaj hu kuv mus tshuab qeej xwb os, ces nkawd twb mus lawm."

Ob tug poj niam tias:

"Ua li, koj twb lees luag cawv haus lawm ntag los?"

Sis Loob teb tias:

"Kuv twb lees luag lus thiab lees luag cawv haus tas lawm."

Ob niag poj niam txawm cem tias:

"Sis Loob lauj! Koj tsis tsim txiaj lauj! Cas koj yuav mus lees ua tus dab tsis?"

Sis Loob txawm cem tias:

"Aub yauj! Poj niam dab tsis niam yuav hais ua luaj ne? Luag mus luag niam tsis los lawm los ua cas nas? Luag mus luag sis yuav rov los thiab los mas niam yuav cem ua luaj!"

Sis Loob tau hais rau luag tias, nyuj hli tim kaum tsib Sis Loob mam li mus no.

Txog nyuj hli tim kaum tsib ces Sis Loob txawm muab tau ib daim lev los pua ntawm tag. Sis Loob muab qeej los dai, muab ncas los dai rau ntawm nws ib sab. Sis Loob txawm pw ntawd tuag lawm lauj! Tuag lwj lwj ua ib niag pag dub nciab lawm xwb. Ob tug niam hlob niam yau nkawd zov zov ciav puv nkaus ib tsug kaum peb hnub, cas rab ncas cia li nrov ntseeg nkaws, rab qeej cia li nrov zlag lauj! Sis Loob txawm sib xab xeeb xab xaws, ciaj klag nti nti lawm, Sis Loob txawm sawv rov los.

Sis Loob xeev los txog, nws txawm los hais rau nws ob tug poj niam hais tias:

"Niam hlob thiab niam yau lau! Luag qaum ntuj mas cas hluas nkauj yuav coob ua luaj li tiag lau! Luag mas ua npoj ntws ua npalm ua npog xwb. Kuv twb tsis xav los tas nrho. Tiam sis yog kuv hlob neb hwb, kuv thiaj li lam los lawm xwb."

Sis Loob txawm rov los nyob nyob tau ib xyoo. Niam hlob thiab niam yau leeg twb muaj tug tub lawm. Ob niag poj niam txawm rov leeg lub thoob mus ris dej no. Cas tawm txog nram qab tsib taug, txawm pom ob tug npauj npalm tis ob txog xov ntsuab ntsuab los puag saum qaum ntuj los. Cas los poob klag rau ntawm qab vaj, txawm tawm plaws ob tug hluas Hmoob zoo nraug ntxiag los. Ob tug poj niam txawm hais tias:

"Abi Wb khiav khiav mus ris dej los tso, ntshe yog luag yuav tuaj thov Sis Loob mus tshuab qeej qhov twg ntag lau!

Wb mus kwv dej tsuag tsuag los tso, wb tsis txhob pub Sis Loob mus lau!"

Ob tug niam hlob niam yau txawm khiav khiav mus ris dej los txog ntua hauv tsev, ob tug hluas Hmoob twb rov lawm thiab. Sis Loob twb txais luag cawv haus tas. Nws twb lees tias cia txog hnuv ntawd nws mam tuaj.

Ob tug poj niam cem cem Sis Loob. Ces txog hnuv hli xlab kaum tsib, Sis Loob txawm pua tsuag tsuag tau ib lub chaw rau ntawm tag, muab nws rab qeej los khuam rau ntawm ib sab, muab nws rab ncas los khuam rau ntawm ib sab thiab hais klag ib lau! kaub dej los txawb rau nram ko taw. Ces Sis Loob txawm pw ntawd. Cas Sis Loob tuag, ntsej muag daj tseem lawm thiab lau!

Ob niam hlob niam yau zov rawv os. Sis Loob tuag lawm ho tsis lwj. Nws tuag tau ib tsug kaum peb hnuv, cas Sis Loob lau! kaub dej nram ko taw cia li nchuav nthwv lau! Rab qeej ntiv hlaiv klag. Rab ncas dam daws lawm thiab lau!

Ob tug poj niam mas niam quaj quaj ncig qab vag tsib taug los Sis Loob tsis los lawm tiag lau! Ob tug poj niam thiaj li mus nrhlay txiv qeej txiv nruas tuaj muab Sis Loob pam. Pam tag koj Sis Loob mus los tag.

Ua cas nyob nyob tuaj ib tug niag poj qhev saum ntuj tuaj. Niag poj qhev ntawd tuaj yawm tshauv. Nws txawm los thov ob niag niam hlob niam yau nkawd tias:

"Ob tug nyab, kuv yawm neb cov tshauv, es neb pua kam os?"

Ob tug niam hlob niam yau ntawd txawm hais tias:

"Abi Ntshai wb tsis kam lau! Wb tsis muaj txiv los txiav taws rau wb rauv. Ntshai wb yuav tsis kam os, niam pog."

Niag poj qhev ntawd txawm nug tias:

"Neb tsis muaj txiv. Ua li neb tus txiv dua qhov twg lawm?"

Ob niam hlob niam yau tias:

"Wb txiv ces yog Sis Loob. Nws mus tshuab qeej dua qaum ntuj es nws tsis los lawm ne."

Poj qhev thiaj hais tias:

"Abi Yog Sis Loob ntag los! Sis Loob ces nyob ntawm kuv tog tsev ntag los mas."

Ob tug poj niam tias:

"Tiag los niam pog! Pog li no, wb nrog koj mus puas tau?"

Poj qhev hais tias:

"Abi Yog neb xav mus mas tau xwb. Saib neb puas mus?"

Ob tug poj niam hais tias:

"Mus xwb lau! Niam pog lau. Koj yuav yuav tshauv npaum li cas los koj yawm tsuag tsuag tso, koj koj wb mus."

Ces poj qhev yawm tsuag tsuag tas. Sis Loob ob tug poj niam txawm tso nkawd ob tug me nyuam uas nyuam qhuav zaum taus tsaws tseg. Nkawd txawm nrog poj qhev mus lawm ntag lau!

Poj qhev txawm hais tias:

"Ob tug nyab ovi Kuv tsuj twg mas neb tsuj twg xwb. Txhob tsuj tom tej. Nyob ntsis neb mus tsis taus nawd!"

Ces poj qhev tsuj twg ob niag poj niam tsuj twg. Lawv txawm mus mus nto plaws rau puag saum qaum ntuj lawm lau!

Poj qhev hais tias:

"Ob tug nyab, Sis Loob thiab Ntxwg Nyoog lawv lub tsev ces yog lub tod ntag. Neb nrog kuv pw qhov no. Tag kis neb yeej yuav pom Sis Loob xwb ntag los mas."

Ces ob tug txawm nrog poj qhev pw ib hmo ntawd. Tag kis kaj ntug ov, tsuas tias niag Ntxwg Nyoog mas ib tug nees ua ntej, Sis Loob niam rab qeej tsuas tias tawg lawv qab. Mas niam

muaj ib co npauj npaim, mas niam ya ib ntshuas rau tod ib ntshua rau tod. Ces Sis Loob ob niag poj niam, ib tug nyob qab ke ib tug nyob qaum kev, mas niam leeg rab nplawm. Nplawm nplawm cov niag npauj npaim mas tuag los muaj, tu tis tu tw los muaj lauj. Sis Loob thiaj li tsa loo qhov muag los ntsia, nws hais tias:

"Aub! Cas niam hlob thiab niam yau neb yuav tuaj ua dab tsi?"

Ob tug poj niam tias:

"Sis Loob lauj! Koj ciaj los wb nrog koj ciaj, koj tuag los wb nrog koj tuag. Tim koj wb thiaj li los nyob khuam ntab khuam ntuv li no. Wb yeej tsis ntshai li ntag nawv!"

Sis Loob thiaj hais tias:

"Neb yeej tsis ntshai li ntag los?"

Ces Sis Loob xob zog luaj hauv toj, Sis Loob nug tias:

"Neb puas ntshai?"

Nkawd hais tias:

"Hwb! Nyuag nyob li ntawd xwb wb yeej tsis ntshai."

Sis Loob rov luag nyav. Sis Loob xob luaj hauv pes, nug tias:

"Neb puas ntshai?"

Ob tug poj niam teb hais tias:

"Hwb! Nyuag nyob li ntawd xwb, wb niam yuav ntshai hwb."

Sis Loob rov luag nyav. Ob tug poj niam nyob nyob. Sis Loob ntiaj hnuv txhob kom ob tug poj niam rov qab lauj! Sis Loob txhob npaum li cas los ob tug poj niam tsis rov li lawmlauj.

Sis Loob thiaj hais tias:

"Aub! Yog tias li cas los neb yeej tsis rov mus tsev li lawm no, ces cia peb rov mus tu neb hlab chaub nyob ntiaj teb tso, peb mam li los ua ib siab nyob qaum ntuj lauj!"

Ces Sis Loob coj nws ob tug poj niam mus tom tw tsua mus dawj ib lub pob zeb xauj xyuas ntiaj teb. Cas zoo ua lauj! Sis Loob lub tsev mas qaib npua quaj zig qees. Niam hlob thiab niam yau nkawd ob tug tub mas zaum lo tshauv li ntawm ntug cub xwb. Ob tug poj niam nkawd tshua tshua nkawd ob tug tub ua lauj! Nkawd kuj tshua Sis Loob thiab. Ces ob tug poj niam ib leeg quaj ib pluag tas, Sis Loob thiaj xais niam hlob thiab niam yau nkawd hlab chaub. Ces ob tug poj niam nkawd thiaj li tau los nrog Sis Loob ua neej nyob qaum ntuj lawm lauj.



ZAJ 3

NYUJ QUS

THIAB

MOS SUM HEEB

UA ROG

Tus Hias: YAJ VAM TUAM.

Puag thaum ub ov, ntuj tsim nyuj qus los os, txawm muaj ib tug maum nyuj qus yug tau ib tug me nyuam phaw.

Ces tus phaw ntawd hlob los lauj! Nws txawm kav klag pab maum nyuj qus ntawd, tsis pub yug tau ib tug phaw li lawm lauj! Yug tau tus twg yog phaw mas niag heev laus ntawd txawm muaj nrau tuag lawm. Yog maum mas thiaj li tseg xwb. Nyob nyob li ntawd tau ib ntus, muaj ib niag pab maum nyuj qus lawm xwb, kawg muaj ib tug phaw laus ntawd xwb lauj!

Ces txawm muaj ib tug maum nyuj qus txawm xeeb tau ib piab me nyuam lauj! Tus maum nyuj qus ntawd txawm paub hais tias, nws piab me nyuam mas yeej yog phaw xwb xwb li lauj! Ces tus maum nyuj qus ntawd txawm khiav lawm. Khiav mus nyob rau ib lub hav muaj zaub zoo thiab.

Txawm mus xya tau ib tug me nyuam phaw nyuj qus tiag lauj! Ces niag maum nyuj qus koj mus noj noj zaub. Tus me nyuam hlob tiav txiv nyuj lawm. Tus me nyuam txawm taij nws niam hais tias:

"Niad! Ua li koj yug tau kuv los, kuv hlob li no, kuv tsis tau pom kuv txiv ib pliag li. Koj koj kuv mus xyuas kuv txiv yuad?"

Leej niam txawm teb tias:

"Aub! Me tub, koj yuav mus xyuas tau koj txiv nav! Koj txiv mas heev xab heev xu li. Koj yeej mus xyuas tsis tau koj txiv ib zaug li nawd!"

Tus me nyuam txawm hais tias:

"Aub! Niam no kuv twb hlob lawm, kuv xav pom kuv txiv dhau hwi lawm hos niad!"

Ces leej niam thiaj hais tias:

"Yog koj xav pom koj txiv hwi mas koj yuav tsum mus kawm taw tes tso."

Tus tub teb tias:

"Ua koj kom kuv mus kawm. taw tes, yuav kawm zoo li cas?"

Leej niam hais tias:

"Koj mus nram tsob niag txiv lws zoov nrad. Koj mus tib ncaws kub rau tsob txiv lws zoov, poob tsawg lub los mas koj xuas ntsis kub txais tau tas nrho. Tsis pub ib lub poob li no mas kuv mam koj koj mus xyuas koj txiv nawd. Yog tias koj mus tib theev kub rau, txiv lws zoov poob los koj txais tsis raug li, no ces tsis hais yuav mus xyuas koj txiv li. Nyob tsam koj txiv muab koj nrau tuag xwb."

Ces tus me nyuam nyuj txawm mus txog nram tsob txiv lws zoov. Mus tib theev kub rau tsob txiv poob pig poog ntag, twb tsis nco txais tau ib lub li, twb poob tag rau hauv av lawm.

Ces tus me nyuam niaj hnuv mus kawm ntag lauj! Nws mus kawm kawm tau ib xyoo nkaus. Nws thiaj li kawm tiav tag.

Ces nws txawm rov mus tib theev kub rau tsob txiv lws zoov, poob pes tsawg lub los los nws tig loo mus txais, cas chob tau tas nrho huv tib si rau saum nws tus ntsis kub lawm ntag lauj! Tus me nyuam thiaj rov los taij nws niam hais tias:

"Aub! Niam lauj! Kuv txais tau tas nrho lawm ntag lauj! Zaum no koj koj kuv wb mus xyuas kuv txiv lauj!"

Leej niam tseem teb tias:

"Aub! Tsis tau tau thiab me tub. Nyuam qhuav npaum li koj xwb yuav mus mus tau nad. Koj txiv txawj txawj li tiag hos! Yog ua cas los koj yuav kom kuv koj koj mus xyuas koj txiv no, mas, koj mus lawm tim tsob kav theej tid. Koj tib ncaws kub rau, ho yog nws tawg klag ua yim txauj no mas kuv mam koj koj mus xyuas koj txiv. Yog tsis tawg ua yim txauj mas tsis thas mus twb tau."

Ces tus tub thiaj mus txog ntua tid. Nws tib ncaws kub rau txoj niag kav theej. Txoj kav theej nyuam qhuav plam plaws xwb. Ib txaug twb tsis tawg. Leej niam hais tias:

"Aub! Me tub, koj twb nrau tsis tawg txoj kav theej las, yuav ua cas koj thiaj yuav mus xyuas tau koj txiv?"

Ces tus tub niaj hnuv mus kawm lauj! Kawm kawm tau ib xyoo nkaus thiab. Tus tub txawm mus tib ncaws kub rau txoj kav theej tawg rhe ua plaub txaug xwb. Tus tub rov hais rau leej niam tias:

"Aub! Niad, niam no kuv tib ncaws kub txoj kav theej tawg klag ua plaub txaug lawm. Koj koj kuv mus lauj!"

Leej niam teb tias:

"Aub! Tsis tau tau. Yog koj mus nrau tawg ua yim txauj mas li coj koj mus. Yog tsis tawg ua yim txauj mas koj yeej mus fim tsis tau koj txiv li ntag nawd!"

Tus tub rov mus kawm kawm tau ib xyoo ntxiv thiab lauj! Nws thiab rov mus txog tim tsob kav theej. Nws tib tib ncaws kub rau txoj kav theej cav tawg rhe ua yim txauj lawm ntag lauj! Ces tus tub rov los txog, nws los hais rau nws niam tias:

"Niam lauj! Niam no kuv nrau tawg lawm. Koj coj kuv mus xyuas kuv txiv lauj!"

Leej niam tseem hais tias:

"Tsis tau thiab, me tub. Koj nyuam qhuav nyob li kod xwb, koj yuav mus xyuas tau koj txiv nad? Koj txiv heev heev li tiag hos. Tiam sis, nyiam no koj kawm tau ob yam lawm, mas tshuav ib yam ntxiv thiab. Yog tias koj kom kuv coj koj mus xyuas koj txiv no, koj tso quav koj tig loo los tib ncaws kub chob nkaus koj tawb quav ntag no, mas kuv mam li coj koj mus xyuas koj txiv nawd! Yog tias koj tso quav, koj tig loo los tib ncaws kub rau tsis raug koj tawb quav mas tsis mus los tau."

Ces tus tub thiab li mus tso quav poob nthav, nws xuas tib ncaus kub rau tsis raug, quav twb poob tag rau hauv av lawm.

Ces leej tub mus kawm kawm tau rau lub hlis thiab thiab kawm tau lauj! Nws mus txog nram tiaj. Nws tso quav poob nthav tig loo los tib ncaws kub rau chob nkaus lawm ntag lauj!

Leej tub thiab li los hais rau leej niam tias:

"Aub! Niam lauj! Nyiam no mas kuv kawm tau lawm. Koj coj kuv mus xyuas kuv txiv lauj!"

Leej niam hais tias:

"Koj kawm tau lawm tiag ntag."

Tus tub teb tias:

"Aub! Kuv kawm tau lawm tiag ho, niad."

Leej niam hais tias:

"Yog li koj sim ua rau kuv saib saib?"

Ces tus tub thiab li tso quav klag nws tig loo los tib ncaws kub rau chob nkaus rau Nws tawb quav lawm tiag lauj!

Leej niam thiab li coj tub tub mus. Mus lub roob dhau lub roob. Mus mus txog ntua leej txiv lub tshav zaub ntag lauj! Leej niam thiab tus tub nyuam qhuav mus txog puag pem no xwb,

nkawd ntsia nram tiaj cas, tib niag tiaj maum. Hos muaj ib tug phaw mas loj loj dub ncib tsuas tias plav yeev xwb ntag.

Ces leej niam thiab hais tias:

"Me tub, koj txiv mas yog tus nrad ntag nawd!"

Leej txiv txawm siv pom nkawd lawm lauj! Nws txawm zas zis hos kes tes kes taw nrad tuaj ntag lauj! Leej tub txawm zas kes tes kes taw pem no mus thiab ntag. Leej niam txawm khiav khiav mus xyaw pab niag maum nyuj coob coob lawm.

Ces leej txiv thiab leej tub txawm sib nraus lauj! Nrau li cas los sib nrawg xwb. Txawj tes taw ib yam nkaus. Leej txiv saib zoj cas tus tub no yuav heev ua luaj thiab. Nws thiab nug tias:

"Ua li, me tub koj mus kawm qhov twg los? Cas koj yuav nrau heev ua luaj?"

Leej tub teb hais tias:

"Txiv lauj! Kuv mas kawm ntawm Xib Hwb Hauj Sam los xwb."

Leej tub nug leej txiv tias:

"Ua li txiv, koj kawm qhov twg los tiag, thov koj tsum los pov! Cas koj xij yuav nrau kuv? Kuv yog koj tus tub tiag laiv!"

Leej txiv tias:

"Kuv tsum tsis tau nawd! Koj yog ib tug phaw lawm, mas kuv yeej yuav muab koj nrau kom koj tuag xwb xwb li nawd! Yog koj tsis tuag mas kuv yeej tsis zoo slab li ntag."

Ces leej txiv thiab leej tub sib nraus sib nraus tau pab hnuv lauj! Leej txiv laus lawm thiab nws zog ntaug me ntsis lawm.

Leej txiv rov nug tias:

"Ua li tub, koj kawm qhov twg los tiag?"

Leej tub hais tias:

"Txiv, kuv mas kawm ntawm Xib Hwb Hauj Sam los tiag."

Leej tub rov nug tias:

"Ua li ne txiv, koj ho kawm qhov twg los thiab?"

Leej txiv teb hais tias:

"Kuv ua txiv, kuv kawm ntawm kuv lub qhov quav los ntag. Koj es kawm ntawm Xib Hub Hauj Sam los xwb, es koj yuav los nrau kuv. Kuv no tso quav poob ntag, kuv tig loo los tib ncaws kub chob nkaus kuv tawb quav nadi!"

Ces leej tub txawm tib ncaws kub rau leej txiv qhov quav, leej txiv tuag klag lawm lauj! Leej txiv tuag lawm ov, leej tub txawm kav pab niag maum nyuj ntawd tau ib ntus lauj!

Txawm muaj ib tug Mum Phas Hmoob hu ua Mos Swm Xeeb. Nws ib tug neeg tua nqaij. txawm tuaj mus yos tua pab nyuj ntawd. Mos Swm Xeeb tua tus nyuj qus ntawd npaum li cas los tsis raug tus nyuj qus li. Tus nyuj qus nrau los tsis raug Mos Swm Xeeb li thiab lauj! Koj los heev ua luaj, kuv los heev ua luaj thiab! Nkawd sib tua sib tua tau peb hnub peb hmo. Koj tua kuv los tsis raug, kuv tua koj los tsis raug. Ces Mos Swm Xeeb txawm hais rau nyuj qus tias:

"Nyuj qus, koj kawm qhov twg los, cas koj yuav heev ua luaj?" Nyuj qus teb tias:

"Kuv, mas kawm ntawm Xib Hwb Hauj Sam los xwb."

Nyuj qus ho nug Mos Swm Xeeb tias:

"Ua li, Mos Swm Xeeb, koj kawm qhov twg los koj yuav heev ua luaj thiab?"

Mos Swm Xeeb tias:

"Kuv kawm ntawm ntsis ntaj ntsis phom los."

Ces nkawd sib tua sib tua. Koj los heev ua luaj, kuv los heev ua luaj li thiab lauj! Ob tug thiaj sib tua tau ob hlis. Mos Swm Xeeb txawm hais rau nyuj qus tias:

"Aub! Nyuj qus lauj! Koj los heev ua luaj, kuv los heev ua luaj thiab. Wb sib tua saum yaj no tsis muaj tus swb, ces cia wb mus sib tua nruab yeeb lawm zaj teb. Saib leej twg yeej?"

Nyuj qus txawm hais tias:

"Yuav mus los mus tiag. Koj no yog ib tug kws tua nqaij, koj kawm ntawm ntsis ntaj ntsis phom los diam. Kuv no kawm ntawm Xib Hwb Hauj Sam los xwb. Koj yuav koj kuv lawm qhov twg los kuv mus li thiab tiag."

Ces Mos Swm Xeeb thiab nyuj qus nkawd txawm mus sib tua rau zaj teb lauj! Mos Swm Xeeb txawm hais rau nws tus kwv hais tias:

"Kwv ntxawg, kuv yuav nrog nyuj qus mus sib tua lawm zaj teb, mus sib tua lawm nruab yeeb. Mas hais rau koj li no nawb! Wb mus sib tua lawm, koj mus zov lawm nram qhov dej txhawv, nram cov qhov zeb qhov tsua nrad. Yog wb mus sib tua puv ib lis piam, yog hais tias koj pom tus dej ntws liab ploog los no, ces yog kuv tua nyuj qus tuag lawm. Es koj tsis txhob txhaws qhov zeb qhov tsua."

Hos yog tias wb mus sib tua ib lis piam, yog koj pom ntshav ntws liab daj lis no, ces yog kuv tuag lawm. Mas koj mus muab me qhov zeb qhov tsua txhaws huv tib si kom nyuj qus tsis tau kev tawm, kom nyuj qus tuag thiab ov."

Mos Swm Xeeb txawm hais li ntawd rau nws tus kwv ntxawg. Ob tug txawm nqes mus sib tua nyob hauv zaj teb lauj! Mos Swm Xeeb tus kwv mus zov nram qhov dej txhawv tau ib lis piam. Cas tus dej txawm ntws tau ib co ntshav liab daj lis lauj! Tus kwv xav tau li nws tij laug hais. Tus kwv txawm muab me qhov zeb qhov tsua txhaws huv tib sis rau lawm lauj! Tab sis mas yog nyuj qus tuag lawm, Mos Swm Xeeb tsis tuag. Tiam sis yog nyuj qus tau hnov Mos Swm Xeeb cov lus uas nws hais rau nws tus kwv, ces nws tuag nws txawm txia ua ib co ntshav liab daj lis los. Tus kwv thiaj muab qhov zeb qhov tsua txhaws tas lawm.

Mos Swm Xeeb tsis tau kev tawm los li lauj! Nws niaj hnub muab niag nyuj qus hlais noj hauv zaj teb. Mos Swm Xeeb niaj hnub mus nrhiav kev tawm, mus txog qhov twg los nws tus kwv muab txhaws tag. Nws tsis tau kev tawm lis lawm lauj! Nws rov los muab niag nyuj qus hlais noj. Noj noj tas nqhis nqhis dej tsis tau dej haus li thiab lauj! Mos Swm Xeeb niaj hnub muab zaj laug rab niag rauj mus yos dej hauv qhov tsua. Nws mus yos yos pom ib nyuag qhov dej txia ntsuj ntsuav. Mos Swm Xeeb muab ce los haus mas dej niam qab tis qab zib, qab tis qab ntsev. Mos Swm Xeeb los noj nqaij nyuj qus tag mas mus haus dej niam haus qhuas haus qhuas haus qw haus qw.

Ces thaum ub, zaj laug muab Xeev Laus tus tub hlob kaw rau hauv niag qhov tsua ntawd thiab lauj! Yog Mos Swm Xeeb haus Xeev Laus tus tub hlob cov kua muag xwb. Ces Xeev Laus tus tub nyob hauv, nws hnov nws txawm teb hauv tuaj tias:

"Koj yog neej los yog dab os?"

Mos Swm Xeeb txawm teb tias:

"Aub! Kuv yog neej hos. Ua koj yog neej los yog dab thiab os?"

Xeev Laus tub hlob teb tias:

"Kuv yog neej thiab os. Ua li koj yog neej thiab no, koj tuaj tus dab tsi ntawm ko?"

Mos Swm Xeeb teb tias:

"Aub! Kuv mas, yog nyuj qus wb sib tua saum yaj, nyuj qus mas heev kawg. Wb sib tua tsis muaj tus yeej tsis muaj tus swb, es wb thiaj li sib cog tuaj tua nyob hauv zaj teb no xwb. Twb yog thaum wb yuav tuaj, kuv hais rau kuv tus kwv ntxawg tias, yog wb tuaj sib tua lawm ces kom nws mus zov nram qhov dej txhawv. Wb mus puv xya hnuv. Yog tias nram qhov dej txhawv tawm cov ntshav liab daj lis no, yog tias kuv tuag lawm, kom nws yeej meem txaws qhov zeb qhov tsua kom tag, kom nyuj qus tsis tau kev tawm, kom nyuj qus tuag thiab no.

Yog tias wb sib tua puv xya hnuv pom cov dej tawm cov ntshav liab ploog no ces kom kuv tus kwv txhob txhaws qhov zeb qhov tsua. Yog nyuj qus tuag lawm xwb kuv tsis tuag, kuv hais tas. Ces wb thiaj tuaj sib tua. Nyuj qus tuag lawm. Tab sis yog nyuj qus tau hnov cov lus uas kuv hais rau kuv tus kwv ces nyuj qus txia ua cov ntshav liab daj lis tawm nram qhov dej txhawv. Ces kuv tus kwv thiaj muab qhov zeb qhov tsua txhaws tas, kuv thiaj tsis tau kev tawm mus saum yaj ceeb. Niam no ces kuv niaj hnuv muab nyuj qus hlais noj tas, nqhis nqhis kuv dej kus tsis tau dej haus. Kuv thiaj niaj hnuv nqa zaj laug rab niag rauj tuaj yos tsoo rau ub rau no, thiaj tuaj ntsib tus nyuag dej no xwb. Kuv haus mas qab tis qab zib, qab tis qab ntsev. Kuv thiaj xij haus qhua haus qw haus qw no xwb."

Xeev Laus tus tub thiaj hais tias:

"Aub! Yog li mas koj haus kuv cov kua muag xwb. Kuv mas yog Xeev Laus qaum ntuj tus tub hlob. Thaum ub zaj laug ntes kuv tuaj kaw rau hauv no, zaj laug tseem yuav mus tos peb muam ntxawm los tso yuav muab kuv tua ntxuag dej ntxuag cawv no. Ua li koj tuaj no, koj puas pom zaj laug?"

Mos Swm Xeeb tias:

"Aub! Nyuj qus wb tuaj ces tuaj txog wb txawm sib tua sib tua. Nyuj qus tuag lawm, kuv yeej niaj hnuv muaj nyuj qus hlais noj, kuv tsis pom zaj laug li las."

Xeev Laus tus tub tias:

"Aub! Yog li no mas koj mus xyuas lawm tom kaum tsua. Yog pom zaj laug tus nqaj hiaus nyob tom kaum tsua no, koj nqa los nkaug phab niag tsua no kom tawg tso, kuv thiaj tau kev tawm los. Ces kuv mam li coj koj wb mus lawm yaj ceeb."

Mos Swm Xeeb thiaj li mus tom kaum tsua. Xyuas nas ua cas tug niag nqaj hiaus ib tod. Mos Swm Xeeb mus diaj tsis ua zog li lauj! Mos Swm Xeeb rov los hais rau tus tub hauv tias:

"Aub! Tsis tau li, leej npawg! Tus niag nqaj hiaus luaj yees nthab diam. Kuv twb diaj tsis ua zog li las! Es yuav ua li cas thiaj yuav nqa tau los nkaug phab tsua no?"

Tus tub hauv thiaj hais tias:

"Aub! Koj rov mus, koj mus taug phab tsua ntawm tus nqaj hiaus lawm nrad. Koj yuav mus pom ib tas ob txhuv thiab ib lub niag lauj kaub nyob nrad. Ces koj mus muab lub luaj kaub ua mov. Koj noj tas ib tas ob txhuv ntawd ces koj los nqa tus nqaj hiaus ntawd sib kha lawm los mas."

Mos Swm Xeeb thiaj li mus tom tus nqaj hiaus, taug phab tsua ntawd lawm nrad. Ciav muaj ib tas ob txhuv thiab ib lub niag lauj kaub loj loj nyob nrad tiag. Nws mus rau loo tau lauj kaub muab tas nrho ib tas ob txhuv ntawd ua kiag, vom tau ib lauj kaub, muab ncu loo rau hauv qhov cub. Mos Swm Xeeb poob siab tias ntshai yuav noj tsis tag. Nws rov loo los hais rau Xeev Laus tus tub tias:

"Aub! Leej npawg laiv! Ntshai kuv yuav noj tsis tag nawd. Ib tas ob txhuv no, muab ua tau ib niag lauj kaub loj ua luaj! Ntshai kuv yuav noj tsis tag li!"

Tus tub teb hauv tuaj tias:

"Aub! Tsis ntshai. Koj mus noj. Koj ke noj ke txo siv thiab koj ke noj ke thov ntuj. Ua cas los yeej noj tas xwb xwb los mas! Nyiam no kuv txawm nyob hauv no lawm los kuv yeej pab koj thiab. Noj tas xwb xwb mogi!"

Ces Mos Swm Xeeb thiaj li rov mus txog lauj kaub niag mov twb siav lawm. Nws muab tsawg los txawb ntawm ntug cub. Mos Swm Xeeb thiaj muab noj. Ke noj ke thov ntuj, ke noj ke txo siv. Noj noj tas nrho lauj kaub niag mov ntawd lawm thiab ntag. Mos Swm Xeeb thiaj li los tsawv nkaus rab niag nqaj ntawd sib liag ntag. Nws nqa los tib nkaug phab niag tsua ntawd tawg rhe. Xeev Laus tus tub tawm plaw hauv los ntag. Xeev Laus tus tub txawm txia zoj ua cuaj ceg kub yim ceg kaus puv nkaus cuaj ceg qhov tsua ntag lauj! Mos Swm Xeeb thiaj li tib yog nqaj hiau yuav tua Xeev Laus tus tub. Xeev Laus tus tub thiaj li tsa hlo suab thov tias:

"Aub! Thov tiag laiv, leej npawg! Koj tsis txhob tua kuv tiag. Kuv yog neeg tiag hos. Tiam sis yog zaj laug muab kuv coj los kaw rau hauv no lawm xwb. Zaj laug tseem mus yuav peb tus muam ntxawm. Hnub twg yuav tau peb tus muam ntxawm los txog, nws tseem yuav muab kuv tua ntxuag cawv. Zaj laug twb coj kuv los kaw hauv no tau peb xyos lawm. Zaum no kuv tawm los, kuv twb tsheej zaj lawm. Kuv thiaj li cuaj ceg kub cuaj ceg kaus puav cuaj ceg qhov tsua li no. Txawm tias koj ntshai lawm los, thov tsis txhob ntshai nawd! Nyiam no koj tso tau kuv tawm los lawm ces wb mam li sib tham."

Ces Xeev Laus tus tub tawm piaws hauv lub qhov tsua los. Ciax tsis yog tus cuaj ceg kub cuaj ceg kaus lawm lauj! Cas yog tib tug hluas zoo nraug ntxiag, caj som nciav, plhu soob xais lawm xwb. Tib tug hluas dawb paug zoo nraug ntxiag xwb ntag. Ces ob tug los sib tham sib tham. Mos Swm Xeeb nug tias:

"Ua li, koj npe hu li cas?"

Xeev Laus tus tub thiaj hais tias:

"Kuv mas yog Xeev Laus tus tub hlob. Kuv niam kuv txiv muab kub tis npe hu ua: Mos Sij Xeeb no naj, leej npawg."

Mos Swm Xeeb thiaj hais tias:

"Aub! Kuv npe hu ua Mos Swm Xeeb no thiab laiv!"

Mos Sij Xeeb thiaj hais tias:

"Aub! Yog li mas, wb thiaj yog ntuj tiam ntawv los ua kwv tij tiag lauj!"

Mos Swm Xeeb teb tias:

"Yog tiag lauj! Wb mas yog kwv tij tiag!"

Ces ob tug sib tham sib tham tias:

"Yuav ua li cas wb thiaj yuav mus tau lawm qaum ntuj?"

Mos Sij Xeeb thiaj hais tias:

"Aub! Leej npawg, koj pom xeeb tuaj nrog nyuj qus sib tua nyob nruab yeeb teb no diam, mas koj coj kuv mus xyuas nyuj qus tso. Wb mam li sab laj mus saum yaj yuad?"

Ces Mos Swm Xeeb thiaj li coj Mos Sij Xeeb los xyuas nyuj qus tes taw, pob txha, kub tas. Mos Sij Xeeb thiaj hais rau Mos Swm Xeeb tias:

"Aub! Yog nyuj qus neb sib tua nyob saum yaj ceeb mas koj yeej tuag xwb xwb li nawd! Koj yeej tsis yeej nyuj qus ib zaug li. Tiam sis mas yog neb tuaj sib tua nyob nruab yeeb, es muaj

kis zeb kis tsua, muaj qhov zeb qho tsua thaiv, nyuj qus thiaj tuag, koj thiaj ciaj. Koj mas hmoov zoo kawg. Nyiam no koj tus kwv txawm muab qhov zeb qhov tsua txawm tas lawm los tsis ntshai. Tsis tau txog koj lub caij tuag koj yeej tsis tuag. Koj yeej muaj txoj hmoov yuav dim rov lawm yaj ceeb thiab."

Ces nkawd sib tham dhuav sib tham txaus. Mos Sij Xeeb thiaj hais rau Mos Swm Xeeb hais tias:

"Aub! Npawg Mos Swm Xeeb, wb yuav mus qaum ntuj mus los, wb yuav mus yaj ceeb mus?"

Mos Swm Xeeb tias:

"Aub! Kuv mas yog neeg yaj ceeb, kuv tsis paub. Koj coj kuv mus qhov twg ces kuv mus xwb las."

Mos Sij Xeeb txawm hais rau Mos Swm Xeeb tias:

"Kuv hais tseeb tseeb rau koj. Yog wb mus yaj ceeb mus mas wb yuav tsum mus peb xyoo. Yog mus qaum ntuj mus mas wb yuav mus peb hlis xwb. Saib koj yeem mus qhov twg koj hais los tso? Wb yuav musi?"

Mos Swm Xeeb thiaj hais tias:

"Aub! Yog tias mus ntiaj teb mus yuav ntev no, ces cia wb mus qaum ntuj mus lauj, leej npawg!"

Mos Sij Xeeb tias:

"Ua li los ua li. Yog li mas koj mus muab zaj laug cov niag txhuv tod los hau ua ncuav txaum puab. Koj hau peb hnub peb hmo. Koj coj los ntsaws, hos yog puv tas nrho kuv cov nplai ntawm caj qwb mus txog nram ko tw, yog puv nkaus lawm no, ua cas los yuav txaus wb mus txog rau qaum ntuj lawm thiab."

Ces Mos Swm Xeeb thiaj mus muab zaj laug cov niag txhuv los hau ua ncuav txaum puab, hau tau peb hnub peb hmo. Coj los ntsaws rau npawg Mos Sij Xeeb cov niag nplai twb tsis tau txog nram. Rov mus hau tau peb hnub peb hmo ntxiv thiab, mam coj los ntim rau npawg Mos Sij Xeeb cov nplai, mam li puv nkaus ntawm caj qwb mus txog rau nram niag ko tw. Npawg Mos Sij Xeeb thiaj hais tias:

"Npawg Mos Swm Xeeb, nyiam no wb mus lauj! Ua li cas los yog mus qaum ntuj lawm. Thaum twg koj noj tas cov ncuav no ces wb yeej txog rau qaum ntuj lawm thiab. Koj tuav rawv kuv ob tug kub, koj zaum ntawm kuv caj dab, mas kuv mus li cas

los xij peem kuv li ntag nawd! Koj tsaug zog los pw ntawm no. Tsis tsaug zog lo zaum ntawm no. Koj tshaib plab muab ncuav hauv kuv cov nplai los noj. Mas koj tab noj cov ncuav ntawm kuv caj dab no mus. Thaum twg koj noj noj cov ncuav tas nrho rau ntawm kuv tus ntsis tw lawm mas wb yuav txog lawm."

Mos Swm Xeeb tias:

"Ua li los npawg."

Ces Mos Swm Xeeb pw lau! Pw ntawm Mos Sij Xeeb caj dab. Luag yuav nyiam mus li cas los xij peem li ntag. Tsaug zog los pw ntawd. Tsis tsaug zog los sawv los zaum ntawd. Thaum twg nws tshaib plab mus dawj ncuav ntawm cov nplai los noj. Ces Mos Swm Xeeb niaj hnub noj cov ncuav. Noj noj tas nrho rau ntawm Mos Sij Xeeb tus ntsis tw lawm lau! Mos Swm Xeeb hais tias:

"Aub! Npawg Mos Sij Xeeb lau! Nylam no kuv noj cov ncuav tas lawm laiv!"

Mos Sij Xeeb thiaj hais tias:

"Ncuav tas lawm ces tej zaum wb yuav tshwm saum yaj ceeb los mas! Koj tseem yuav txhawj thiab? Tsis txhawj li os! Koj sim tsa muag ntsia saum ntuj saib maj!"

Mos Swm Xeeb thiaj tsa hlo qhov muag ntsia saum ntuj. Ciav ntuj ntsuab xlab huab huv si, teb kaj nrig lawm tiag lau! Mos Swm Xeeb thiaj nug tias:

"Abl Leej npawg Mos Sij Xeeb, ua li wb tshwm rau saum yaj no puas yog saum yaj ntiaj teb?"

os Sij Xeeb tias:

"Tsis yog saum yaj ntiaj teb, yog saum yaj qaum ntuj lawm nawd. Koj sim ntsia saib qhov no yog thaud peb tej chaw ris dej ris taws xwb. Yuav txog kuv niam kuv txiv lawv laiv. Ab, wb nqes ntawm no, es koj teeb lau! kaub ua mov tos kuv. Kuv mus da dej mus plhis zaj txuj zaj ci rau zaj tso kuv los. Nyiam no wb yuav ua neeg, wb yuav mus ko taw lawm xwb nawd! Kuv tsis ua zaj rau koj caij lawm."

Ces Mos Swm Xeeb txawm teeb cav taws teeb lau! kaub yuav ua mov. Nws txawm hais tias:

"Yuav ua mov? Ib lub txhuv tsis muaj! Yuav ua cas ua mov?"

Mos Sij Xeeb thiaj hais tias:

"Aub! Mos Swm Xeeb, koj yuav txhawj ua tus dab tsi? Kav tsij mus rau dej rau. Dej npau ces koj mus xyuas hauv kuv lub hnab tshos nyob tod, muaj ib tog txhuv. Koj coj los muab pov rau hauv lau! kaub, ces koj muab hau los khwb rau. Muaj txhuv tsis muaj los koj lam npog nawb."

Mos Sij Xeeb mus da dej lawm lau! Mos Swm Xeeb txawm tos tos dej npau. Nws tshawb hauv Mos Sij Xeeb lub hnab tshos no. Ua ciav muaj ib ya tog txhuv nyob hauv tiag. Nws thiaj nga los pov rau hauv lau! kaub dej, lam muab hau los npog rau xwb. Cas ib me ntsis mov siav los tau ib niag lau! kaub mov puv nkaus tiag lau!

Thaum Mos Sij Xeeb yuav mus da dej, nws hais tias:

"Koj ua mov rau hauv qhov cub sais koj ua zaub thiab nawd!"

Mos Swm Xeeb muab mov los ncu zoj rau hauv qhov cub, rau loo lau! kaub rau hauv qhov cub thiab ntag.

Mos Sij Xeeb mus plhis zaj laug tawv rau zaj laug tas. Mos Sij Xeeb muab ib txoj siv ceeb coj los yoj. Mos Swm Xeeb ntsia hauv nws lau! kaub dej. Cas muaj ib tug niag zaj rua ncauj u yuav tom Mos Swm xeeb li lau! Mos Swm Xeeb mas niam rab niag ntaj dhia ntxug dhia ntxug, tsuj tsuj ua lau! kaub pluav tas nrho, ua tsis tau zaub los noj li.

ib ntsis Mos Sij Xeeb los txog nws hais tias:

"Ua li cas, leej npawg? Koj yuav dhia tus tsi li kod?"

Mos Swm Xeeb teb tias:

"Aub! Leej npawg lau! Tus niag dab tsi yuav loj ua lau! Tsuas tias rua ncauj u yuav tom kuv li tiag, ces kuv thiaj rho ntaj los tua li no ntag."

Mos Sij Xeeb thiaj hais tias:

"Twb yog kuv mus plhis luag txuj rau luag tas, ces kuv thiaj muab txoj nyuag siv ceeb los yoj rau hauv dej xwb. Mas koj niam qw tis qw, hos rab niag ntaj ntxug tas zog lub niag lau! kaub. Kuv thiaj xav tias yog tus tsi no ntag lau!"

Mos Swm Xeeb hais tias:

"Aub! Kawg kuv pheej pom ib tug niag dab tsi nyob hauv yuav tom kuv nev?"

Mos Sij Xeeb tias:

"Yog txoj siv ceeb tus duab los ntsoov koj xwb los mas. Es koj niam yuav tua ua lauj li ntawd ov?"

Mos Swm Xeeb twb muab lauj kaub tais diav tsuj pluav tag lawm lauj! Nkawd lam noj mov ntse dej xwb. Noj mov tas nrho ov, ob tug cia li mus lauj! Mus mus txog ntua tom Mos Sij Xeeb niam thiab txiv lawv tsev. Mos Sij Xeeb thiaj nug hais tias:

"Niam thiab txiv, nej puas caiv os? Nej puas nyob hauv tsev lawm os?"

Mos Sij Xeeb niam lawv teb tias:

"Peb tsis caiv os! Peb puav leej nyob hauv tsev los mas. Neb tuaj los ob tug tub?"

Mos Sij Xeeb thiaj hais tias:

"Niad! Koj tseem yuav hu tias: neb tuaj los me tub? Es kuv twb yog koj tus tub koj yug nevi!"

Leej niam teb tias:

"Koj lam hais xwb. Kuv twb tsis muaj ib tug tub zoo li koj as."

Mos Sij Xeeb tias:

"Aub! Yog tias nej tsis muaj no, cia kuv hais rau nej mloog. Ua li thaum i, nej hais tias nej yuav mus ntais pob kws los hau ncuav noj, es kom kuv nyob hauv tsev. Kuv mus txlav taws no, kuv thiaj mus txlav taws los rau nej cub ncuav. Kuv mus txog tom kev, Zaj laug cia li ntes kuv lawm nei Ua li nej puas tau mus ntais pob kws los zom ncuav, es nej kom kuv mus txlav taws?"

Leej niam thiaj hais tias:

"Aub! Tau tiag los mas tub! Thaum ntawd peb mus ntais pob kws los zom tau ncuav, ces peb tos tos los tsis pom ev taws los li. Txij thaum ntawd los, kuv tus tub cia li tsis pom li lawm. Peb tseem tab tom npaj dej npaj cawv tso, yuav tso koj plig no tiag, me tub."

Ces cov niam tub sib qawg quaj. Sib qawg quaj tas, nws niam thiab nws txiv thiaj tua peb tug nyuj peb tug twm los hu Mos Sij Xeeb plig. Noj nqaj haus cawv tas. Mos Sij Xeeb thiaj li hais rau nws niam thiab nws txiv tias:

"Aub! Niam thiab txiv lauj! Yog tsis muaj tus npawg Mos Swm Xeeb no mas zaj laug twb muab kuv tua ntxuag cawv lawm."

Zaj laug tseem tuaj yuav peb tug muam ntxawm rau qaum ntuj no lawm. Yog yuav tau peb tus muam ntxawm hnub twg los txog, nws yeej yuav muab kuv tua ntxuag cawv xwb. Mos Swm Xeeb no yog ib tug neeg nyob rau ntiaj teb. Tiam sis nws nyob rau ntiaj teb mas muaj ib tug nyuj qus heev heev kawg. Ob tug thiaj sib tua nyob ntiaj teb. Tsis muaj tus yeej, tsis muaj tus swb li. Ces nkawd thiaj sib cog tuaj sib tua rau hauv zaj teb. Tus nyuj qus tuag lawm, tus npawg no niaj hnub muab tus nyuj qus hais noj. Noj tas nws nqhis nqhis dej. Nws xij muab zaj laug rab niaj rauj tsoo rau ub rau no. Thaum ntawd kuv niaj hnub quaj, kuv cov kua muag txawm txia ua ib tug nyuag nyuam dej ntwis rau tim kaum zeb. Tus npawg no niaj hnub tuaj haus kuv cov kua muag. Nws haus qab tis qab zib qab tis qab ntsev. Nws niam haus qhuas haus qhuas haus qw haus qw. Kuv hnob kuv thiaj hu nws. Kuv thiaj qhia nws mus muab zaj laug niaj nqaj hiaus los tsoo phab tsua tawg, kuv thiaj li tau tawm los. Ces zaum no kuv coj nws wb los txog rau qaum ntuj no lawm. Mas hais rau nej cov ua niam ua txiv saib yuav ua li cas xa tau kuv tus npawg Mos Swm Xeeb no rov mus lawm ntiaj teb."

Xeev Laus thiaj teb tias:

"Aub! Ntshai yuav tsis tau os me tub es. Ntshai yuav tau nyob ntawm no tos hnub puav tso. Yog tias muaj neeg mus lawm ntiaj teb no ces mam li mus os. Yog tias tsis muaj neeg mus lawd no ces cia nws nrog koj ua kwv ua tij nyob rau qaum ntuj no xwb lauj."

Ces nyob nyob tau ob peb hnub. Txawm muaj ib tug neeg tuaj hais rau Xeev Laus tias:

"Aub! Yawg Xeev, hnob moo tias nyob hauv nej tsev no yuav muaj ib tug npawg mus lawm ntiaj teb. Nws yuav rov mus tsev no, mas nyob tim lawv zos tid muaj peb tug neeg lawv yuav rov mus them nuj nqes lawm ntiaj teb. Saib, nws puas nrog lawv mus?"

Xeev Laus thiaj hais tias:

"Yog li no ces koj mus hu kom lawv tuaj cuag kuv saib. Kuv mam li piav rau lawv, kom lawv coj tus tub no mus."

Ces thiaj li mus coj tau lawv tuaj ntawm Xeev Laus tsev. Tuaj peb tug hluas tiag lauj. Muaj ib tug hluas nws txawm muab ib

txoj phuam los kuv taub hau. Hos muaj ib tug txawm muab ib txog phuam los kuv caj dab. Muaj ib tug ces tsis kuv dab tsi li. Xeev Laus txawm hais rau lawv tias:

" Ua li, nej peb tug ntawm kod, nej yuav mus them nuj nqes lawm ntiaj teb. Es nej yuav mus tiag tiag los?"

Peb tug hluas txawm teb tias:

" Aub! Yawg Xeev Laus lauj! Peb tshuav luag nuj luag nqis, peb yuav mus them kom tas tso, peb li los no las. Txawm tias peb tsis mus them luag nuj luag nqis los peb yeej yuav mus thawj ua tsiaj xwb, tsis tau mus ua neeg li. Ces peb yuav rawm mus them tsuag tsuag los tso, peb yuav mus thawj ua tib neeg no."

Xeev Laus txawm hais tias:

" Yog li no mas kuv muab tus me tub no nrog nej mus nawd! Nej saib xyuas nws. Nej mus li cas mas nej coj mus li cas, kom nws mus tshwm tau rau saum yaj nawd! Yog nws mus tshwm rau saum yaj lawm ces nws mam mus nws tsev. Nws yog ib tug tib neeg nyob rau ntiaj teb, nws nyob tsis taus rau qaum ntuj, nws thiaj pheej yuav rov mus xwb."

Ces Mos Swm Xeeb txawm nrog peb tug hluas ntawd los lauj. Los los yuav txog rau ntiaj teb lauj. Lawv txawm los thawj thiab tau rau hauv niag maum npua plab lawm lauj.

Ces txog caij maum npua xya. Tus ua ntej yog tus muab txoj phuam los khiab caj dab. Nws txeeb txeeb tawm plaws los lawm. Tus lawv qab yog tus tsis muaj dab tsi li. Nws dub nciab xwb, txeeb txeeb dhau plaws los lawm thiab. Mos Swm Xeeb thiaj poob siab nthav. Nws txawm hais rau tus muab txoj phuam kuv taub hau tias:

" Leej npawg lauj! Cia kuv mus ua ntej tso."

Ces Mos Swm Xeeb txeeb li cas los tsis yoj Mos Swm Xeeb li lauj. Tus npawg uas muab txoj phuam kuv taub hau ntawd thiaj hais tias:

" Koj rov qab los, kuv tub qaub ncaug plhws koj tso."

Mos Swm Xeeb thiaj rov loo los. Tus npawg thiaj li nto loo qaub ncaug los plhws zog Mos Swm Xeeb ib ce thoob plaws. Mos Swm Xeeb thiaj li txeeb txeeb dhau plaws los lawm thiab. Tus hluas muab txoj phuam kuv taub hau txeeb txeeb dhau plaws los lawm thiab lauj.



ZAJ 4'

HOU KIM ZEEJ

MUS MUAB

TAUB DAB ROOG

Tus hais: YAJ VAM TUAM

Puag thaum ub ov, Xov Kim Zeej os, muaj ob tug poj niam, yog niam hlob thiab niam yau.

Ces muaj ib hnuv, Xov Kim Zeej txawm nrog nws ob tug poj niam mus ua teb. Ua ua teb yuav tsaus ntuj, Xov Kim Zeej txawm hais rau nws ob tug poj niam hais tias:

"Niam hlob thiab niam yau, neb muab nra es neb ua ntej mus tsev. Kuv zov nas ib tsam kuv li los nawd?"

Ces niam hlob thiab niam yau nkawd txawm muab nra, nkawd txawm los ua ntej lawm lauj. Ces Xov Kim Zeej zov nas. Ib tsam tsaus ntuj nws los. Los txog ntawm ib tog kev txawm pom ob tug niam txiv nab sib qaub. Ob tug nab niam sawv tsees sib ntswg yos, vau nrov poog rau hauv pem teb, ho rov sawv tsees sib ntswg yos, vau nrov poog rau hauv pem teb lawm thiab. Ob tug nab muaj ib tug ntev, ib tug luv me ntsis.

Ces Xov Kim Zeej txawm nti zoj ib tawb qaub ncaug rau hauv nws sib teg los so zoj rau tus luv tus ko tw. Tus ko tw cia li tu nrho lawm lauj. Ces ob tug nab nyias khiav nyias lawm.

Xov Kim Zeej txawm los txog tsev. Ces niam hlob thiab niam yau nkawd txawm rau hmo rau Xov Kim Zeej noj. Thaum noj hmo Xov Kim Zeej txawm tham hais tias:

"Niam hlob thiab niam yau, neb ua ntej los lawm, kuv zov nas yuav tsaus ntuj kuv los txog tom kev, kuv pom ob tug niag nab sib qaub. Ob tug sawv tsees sib ntswg yos vau nrov poog rau hauv pem teb. Ho sawv tsees sib ntswg yos vau nrov poog rau hauv pem teb. Ua li ntawd ob zaug, ces kuv txawm nti zoj ib tawb qaub ncaug los so zoj tus luv tus ko tw, tus ko tw txawm tu nrho. Ces ob niag nab nyias txawm khiav nyias tas lawm."

Ces Mas Txhim Xeeb uas yog niag nab daj twb tua nyob hauv qab txag lawm. Nws nyob hauv tso yuav tom Xov Kim Zeej.

Niag nab txawm teb hauv qab txag tua tias:

"Aub! Yog li no, leej npawg, koj los ntawm no, kuv hais koj."

Ces Xov Kim Zeej los txog, niag nab txawm hais tias:

"Leej npawg, kuv poj niam hais tias nws ris lub kawm tua mus de zaub npuas no, koj cia li rho ntaj ntsim kuv poj niam me tw tiab tu tus vaws no ne. Txawm yog li no, chim kuv. Kuv thiaj tua nyob hauv koj qab txag no tos, kom ib ntsis koj los pw kuv yuav tib thos koj qhov raws kom koj tuag no. Aub! Yog li ntawd tiag mas, leej npawg lauj! Tshuav me ntsis mas kuv tom koj tiag. Zoo hmoov ntau, koj ho qhia rau kuv. Yog kuv poj niam deev hluas nev yuad! Es koj pab cheem kuv poj niam nkawd xwb. Nws txawm cia li los dag rau kuv li ntawd nev. Ua li mas koj qhia rau kuv lawm, kuv zoo siab heev. Kuv tsis muaj tus dab tsi yuav los ua koj tsaug. Ces koj mus ntxuav ib lub ntim kom huv huv dawb paug los rau kuv, es kuv nti ib tawb qaub ncaug rau hauv, thiab koj haus tas. Ces me kab me ntsaum, me nas me noog hais lus los koj yuav paub tag huv tib si. Rooj vag rooj loog hais lus los koj yuav paub huv tib si thiab nawd."

Xov Kim Zeej txawm mus ntxuav tau ib lub ntim dawb dawb los rau Mas Txhim Xeeb. Mas Txhim Xeeb thiaj nti tau ib taub qaub ncaug rau hauv. Xov Kim Zeej thiaj haus tas.

Ces txij ntawd los me kab me ntsaum hais lus los Xov Kim Zeej hnov. Me nas me noog hais lus los Xov Kim Zeej hnov huv tib si lawm thiab lauj. Nkauj Ntsuab nraug Nab hais lus los Xov Kim Zeej hnov. Rooj vag rooj loog hais lus los Xov Kim Zeej hnov. Neej hais los hnov, dab hais los hnov lauj!

Muaj ib hnuv txawm muaj ib pab liab los noj Xov Kim Zeej thaj pob kws tag nrho lawm lauj. Xov Kim Zeej chim hwy. Nws txawm los nyob hauv tsev zob tau peb hnuv, tau ib niag npo xub rau tshuaj huv si.

Xov Kim Zeej txawm mus muab pab niag liab raws tua raws tua. Pab niag liab tuag tas huv si lawm lauj. Tshuav ib tug niag maum liab laus lawm xwb. Niag maum liab ntawd txawm khiav mus txog rau Huab Tais qaum ntuj.

Ces hnuv ntawd Huab Tais tseem tab tom ntiav ib co zog tua nrog nws ua teb. Tav caij noj sus, niam Huab Tais txawm ris lub kawm tua mus de zaub los ua tos cov zog ntawd yuav los noj sus. Poj Huab Tais tseem tab tom mus txog nram qab vaj.

Ces niag poj liab txawm muab poj Huab Tais tom tuag rau nrad lawm lauj, poj Huab Tais ris rawv lub niag kawm tuag. Ces poj liab txawm khiav los pw hauv Huab Tais lub txaj los kauv rawv pam. Poj liab txawm hu tias:

"Niag yawg e! Ntxhia ntxhia kuv hauv siab, kuv yuav tuag os!" Huab Tais txawm teb tias:

"Niag pog e! Cas yuav mob heev ua luaj! Cia kuv los xyuas saib." Poj liab mam teb tias:

"Niag yawg e! Koj tsis txhob los os. Koj los ces kuv txoj siav tu nrho tam sim no ntag os. Nyob ntiaj teb, muaj ib tug yawg hu ua niag Xov Kim Zeej no, nws tseev kuv os. Koj tso neeg mus raws kom tau niag yawg Xov Kim Zeej tuaj, es koj muab puj tob cuab nkaus rau ntawm rooj yeeg, es kom nws tuaj. Koj tib ntsim nws caj dab tu nrho, ces koj rho hlo nws nplooj siab los pov rau saum lub qhov txaj los rau kuv noj, ces kuv zoo hlo las mas, niag yawg es!"

Mas niag poj liab nim ntsaj ua lim ua lob, niag poj liab yuav tuag lauj. Ces yawg Huab Tais niam chim chim. Huab Tais txawm tso pihuv ob tug tshiab tuaj mus tshuaj lauj. Ces ob tug tshiab tuaj tshuaj. Txog twg los tsis muaj ib tug hu Xov Kim Zeej. Tshuaj qhov dhau qhov. Xov Kim Zeej os yog neeg muaj niam hlob niam yau, ces Xov Kim Zeej nyob twj cuab xwb lauj. Muaj ib hnuv Xov Kim Zeej txawm hnov luag zej zog hais tias muaj ob tug neeg mas leeg kwv rab phom tuaj, mas xij nug hais tias, nyob lub zos no puas muaj Xov Kim Zeej. Xij pheej nug li ntawd tas zog. Ces Xov Kim Zeej hnov lawm lauj. Xov Kim Zeej los txog tsev, nws txawm hais tias:

"Niam hlob thiab niam yau, yog muaj neeg los nrhiav kuv txog ntawm no, mas neb tsis txhob hu kuv ua Xov Kim Zeej no nawd! Yog neb tseem hu kuv ua Xov Kim Zeej no thiab mas kuv kawg tuag xwb laiv! Neb tsis txhob hu kuv li ntawd nawi Neb yuav hu kuv ua niag Paj Taub no nawd!"

Ces Huab Tais qaum ntuj ob tug tshiab txawm tuaj nrhiav txog tiag lauj. Ob tug tshiab txawm nug hais tias:

"Ua li leej npawg, koj lub npe hu li cas os?"

Xov Kim Zeej txawm teb hais tias:

"Kuv lub npe ces hu ua Paj Taub no mas."

Ob tug tshiab txawm hais tias:

"Koj lub npe hu ua Paj Taub lod. Ua li koj puas hnov luag pem toj nram hav, muaj ib tug neeg hu ua Xov Kim Zeej no?"

Xov Kim Zeej txawm hais tias:

"Aub! Kuv tsis hnov thiab nas! Nyob ntawm no los peb tsis muaj ib tug hu ua Xov Kim Zeej no li thiab las."

Ces Xov Kim Zeej txawm kom niam hlob thiab niam yau nkawd rau mov rau Huab Tais ob tug tshiab noj. Noj tas, Huab Tais ob tug tshiab nyuam qhuav sawv kev txog tom tog tsev xwb. Niam yau txawm hu tias:

"Xov Kim Zeej e! Ntim su tso, yuav mus tom teb las maj!"

Aub! ob tug tshiab txawm hnov lawm lauj. Ob tug tshiab rov los, nkawd txawm hais tias:

"Leej npawg, wb mus txog tom kev, wb hnov koj niam yau hais tias: Xov Kim Zeej e! Ntim su tso yuav mus tom teb los mas no nav. Ntshai koj hu ua Xov Kim Zeej no pod, leej npawg?"

Xov Kim Zeej txawm teb tias:

"Aub! Thaud mas kuv tseem me nyuam hluas, kuv niam kuv txiv lawv tau muab kuv tis npe hu ua Xov Kim Zeej tiag las mas. Tiam si nyiam no kuv laus lawm, txawm muab kuv tis npe hu ua Paj Taub no lawm nad."

Ob tug tshiab txawm hais tias:

"Aub! yog li mas leej npawg lauj, koj yuav tsum nrog wb mus xwb, rau qhov wb tuaj tshuaj thoob ntiaj teb no tsis muaj ib tug yuav hu ua Xov Kim Zeej li. Mas nyiam no wb los txog ntawm no, koj txawm hu ua Xov Kim Zeej, nyob qaum Ntuj poj Huab Tais mob heev nws yuav tuag li, Huab Tais thiab tau tso wb kom tuaj raws koj ceev ceev mus. Yuav kom koj nrog wb mus xwb xwb no laiv! Yog koj tsis mus mas yuav tsis tas li nawd! Ua cas los koj yuav tsum mus xwb nawd."

Xov Kim Zeej txawm teb tias:

"Aub! Yuav mus los mus. Thaud kuv tseem hluas mas kuv lub npe kuj lias hu ua Xov Kim Zeej no thiab. Tiam sis nyiam no kuv muaj poj niam tub se lawm, mas kuv lub npe kuj hu ua Paj Taub no lawm tiag. Ua li neb yuav kom nrog neb mus los mus."

Cas txawm siv nrov moo mus txog niag rooj vag rooj loog lawm. Rooj vag rooj loog txawm sib tham hais tias:

"Yog Xov Kim Zeej yuav nrog Huab Tais ob tug tub txib ntawd

mus, mas yuav kom Xov Kim Zeej yeej mas nws yuav tsum muas ob tug dev liab muag rau hauv nws tes tsho, mas Xov Kim Zeej thiaj yuav yeej."

Ces Xov Kim Zeej txawm siv hnov lawm. Nws txawm mus muas zoj tau ib nkawm dev liab muag los ntsaws zoj rau hauv nws tes tsho lawm thiab.

Lawv ho mus mus txog rau nkauj Ntsuab nraug Nab. Nkauj Ntsuab nraug Nab txawm sib tham hais tias:

"Aub! Yog Xov Kim Zeej. Xav kom Xov Kim Zeej yeej mas nws yuav tsum mus muas ib lub khwj lwb npog ntsuab mus thiab Xov Kim Zeej thiaj yuav tau zoo, yog tias Xov Kim Zeej tsis muas ib lub khwj lwb npog ntsuab mus, mas nws txawm yeej los nws yuav tsis tau zoo. Yog nws muas lub khwj lwb npog ntsuab thiab mas nws yeej thiab, tseem yuav tau zoo thiab."

Ces Xov Kim Zeej twb hnov lawm lau. Xov Kim Zeej txawm mus muas zoj tau ib nkawm khwj lwb npog ntsuab mus thiab.

Ces Xov Kim Zeej txawm nrog Huab Tais qaum ntuj ob tug ntshiab mus lau. Lawv mus mus ov, lawv txawm mus txog rau pem Huab Tais qab tsev lub niag pas hawv. Cas niag poj liab mas niam ntshaj nrov nrov li lau! Poj liab hais tias:

"Abl Niag yawg esi Yog niag Xov Kim Zeej tua lawm no ces koj kaj tsij muab puj tob cuab rau ntawm rooj yeeg, es nws khoov ntshis los koj tib ntsim kom nws caj dab poob nthav. Koj rho nws ib nploog siab los rau kuv noj. Ces kuv yeej zoo tam sim no ntag los mas."

Poj liab niam ntsaj heev heev. Mas Huab Tais niam tuav rawv rab niag puj tob cuab rawv ntawm qhov rooj, zim hnlaiv zog tos Xov Kim Zeej ntag lau.

Ces tam sim ntawd Xov Kim Zeej tib ncho nws nkawm dev liab muag tawm plaws hauv nws tes tsho mus muab niag poj liab tom tuag kiag rau hauv txaj lawm lau.

Ces Xov Kim Zeej txawm hais rau Huab Tais hais tias:

"Txiv Huab Tais, thov koj tos me ntsis tso los povi Kuv no nyuam qhuav tua txog nram koj qab tsev lub nyuag pas hawv, kuv hnov koj poj niam ntsaj heev heev. Nyiam no kuv nyuam qhuav tua txog rau ntawm koj taw rooj no xwb, koj poj niam lub suab ntsaj twb ntaug nphaws lawm. Koj txawm siv yuav muab puj tob cuab ntawm rooj yeeg, yuav txiav kuv caj dab.

Koj tos me ntsis thiab los povi ib puas tsav yam tshuaj kuv ngas muaj tua ntawm no. Koj saib, kuv tua txog ntawm no xwb, koj poj niam lub suab ntsaj twb ntaug nphaws lawm. Cia kuv kho. Yog tias tsis zoo, koj mam li txiav kuv caj dab, rho kuv nploog siab los rau koj poj niam noj twb tau nas."

Huab Tais thiaj hais tias:

"Aub! Yog li no ces, me tub, koj nga tshuaj muaj tua thiab koj ho txawj yam puav khawv koob. Koj pab kho kuv poj niam kom zoo. Kuv muaj lus nga tes ua koj tsaug xwb."

Xov Kim Zeej txawm teb tias:

"Tsis ntshai, txiv Huab Tais! Dab tsi los cia kuv mam pab koj saib puas tau. Peb mus lawm hauv tsev tso, kuv mam mus kho." Ces Huab Tais thiab Xov Kim Zeej lawv los hauv tsev. Lawv muab rooj los zaum. Huab Tais cov tub mab tub qhe rhaub dej los rau lawv haus tas. Huab Tais txawm nug hais tias:

"Tub, ua li koj pab kuv kho. Yuav kho li cas, kuv poj niam thiaj yuav zoo los ua rau kuv noj kuv haus?"

Xov Kim Zeej txawm hais tias:

"Aub! Txiv Huab Tais las, koj poj niam twb zoo lawm los mas. Tiam sis kuv hais tseeb tseeb rau koj tias tsis yog niam Huab Tais as. Nws yog niag poj liab xwb. Cia kuv plav lub hauv paus rau koj mloog saib maj. Thaum kuv ua neej nyob ntiaj teb, kuv ua tau ib daim teb pob kws. Muaj ib niag pab liab coob coob los muab noj tag nrho lawm. Chim kuv siab, kuv thiaj li los zob tau ib niag pos xub. Kuv mus muab pab niag liab ntawd raws tua raws tua, pab niag liab tu noob nrho, tshuav tib tug niag poj liab laus laus lawm xwb. Niag maum liab txawm tua ua noog rau koj xwb los mas, txiv Huab Tais. Nyiam no niag maum liab twb tua muab koj niam Huab Tais tom tuag rau nram qab vaj nrad. Twb lwj lwj ntsuab xlab lawm. Nws tseem ris rawv lub niag kawm tiag, txiv Huab Tais."

Txiv Huab Tais thiaj teb hais tias:

"Aub! Puas yog tiag os, me tub?"

Xov Kim Zeej teb hais tias:

"Aub! Txiv Huab Tais, koj sim qhib qhov rooj mus xyuas hauv txaj saib maj! Niag hauv yeej tsis yog koj poj Huab Tais tiag ho. Kuv twb tso kuv nkawm dev liab muag tua muab koj niag poj liab tom tuag puag ta thaum kuv nyuam qhuav tua txog."

Huab Tais thiaj li los qhib rooj palm. Cas niag poj liab muab qhov rooj xauv lawm. Huab Tais rho loo taus los nphawv nphoov qhov rooj tawg rhe, nkag loo mus xyuas. Aubi Tib tug niag poj liab xwb ttag lauj! Tug niag poj liab yuag yuag, tshuav pob txha lawm xwb. Xov Kim Zeej nkawm dev liab muag twb muab niag poj liab tom tuag lawm tiag. Huab Tais hais tias:

"Aubi Me tub lauj, cas niag poj liab tuaj muab kuv niam Huab Tais tom tuag lawm? Koj ho paub tau, koj tseem paub tias niag poj liab pw hauv kuv txaj thiab. Cas muaj hmoo ua lauj!"

Xov Kim Zeej hais tias:

"Aubi Txiv Huab Tais, kuv yeej paub xwb los mas. Kuv yeej paub hais tias yog niag poj liab laus ntawd! Yog tias koj tsis ntseeg kuv, koj nrog kuv wb mus xyuas koj niam Huab Tais."

Ces Xov Kim Zeej thiaj li coj txiv Huab Tais mus xyuas nws poj niam. Ciav tuag tib tug ris rawv lub niag kawm tiag lauj. Tus niag lwj lwj ntsuab xiab lawm xwb, ntws tej niag kab kua lwj. Huab Tais thiaj li hais tias:

"Me tub lauj, koj yuav ua li cas pab kuv kho?"

Xov Kim Zeej teb tias:

"Aubi Txiv Huab Tais lauj, kuv kuj tsis pom qab yuav kho koj niam Huab Tais thiab, rau qhov thaum kuv nyuam qhuav tuaj txog ntawm koj rooj yeeg, koj twb tsa hlo puj tob yuav txlav kuv caj dab. Nyob li hais tias, yog kuv tsis txawj yam puav khawv koob thiab kuv ho tsis ngas tshuaj tuaj ntau yam thiab ces ntshai koj twb muab kuv txlav caj dab lawm. Ntshai koj twb muab kuv nplooj siab rau niag poj liab noj lawm. Yog koj rho kuv nplooj siab rau niag poj liab noj tas ces niag poj liab khiav saum rus tsev ncaj nraim lawd. Koj poj niam tuag dawb tuag do. Koj yeej tsis tau tus txiaj ntsim dab tsi."

Huab Tais thiaj teb tias:

"Aubi Me tub lauj, koj pab kuv tsa kuv poj niam. Yog hais tias kuv poj niam sawv rov los, ces koj yuav dab tsi los kuv muab dab tsi rau koj. Koj yuav nyiaj yuav kub los kuv muab rau koj. Koj yuav nyuj yuav twm los kuv muab. Koj yuav kuv liaj la teb chaws los kuv muab kuv liaj la teb chaws rau koj. Tsuav kuv niam Huab Tais sawv rov los ua rau kuv noj xwb."

Xov Kim Zeej thiaj hais tias:

"Aubi Yog li mas koj pom xeeb yog ib tug Huab Tais, koj xav kom koj poj niam ciaj rov los ua rau koj noj, kuv kuj tsis pom qab yuav tsa. Tiam sis kuv lam tsa raws li kuv ua saib puas tau. Yog tias koj niam Huab Tais ho tuag lawm los yog peb sawv daws txoj hmoov. Hos nws ho ciaj los yog peb sawv daws txoj hmoov nawd! Kuv tsis tsa, nyob ntsis koj yuav tias yog kuv pab koj. Ua li mas kuv lam pab koj saib puas tau. Aubi Yog li mas kom koj cov ntshais qhev rhaub dej los ntxuav niam Huab Tais cov kua lwj no kom huv kuv saib."

Huab Tais cov ntshais qhev los rhaub dej ntxuav du lug lawm. Xov Kim Zeej thiaj li muab nws daim npog ntsuab los npog nkaus rau, tso pihuav lub khwj lwb quaj nrov les peb lwm rau nrad peb lwm rau ped. Qhib piho saib. Ciav, niam Huab Tais mas pihu tshlab khiv tuaj, nqaij nce ntshav ais lawm ntag lauj! Tshuav tsis tau ua pa xwb. Huab Tais mas zoo siab rau Xov Kim Zeej tsis zoo li lauj! Huab Tais hais tias:

"Aubi Me tub lauj, thov koj tsa kom tau kuv niam Huab Tais sawv los ua rau kuv noj xwb lauj, koj yuav kuv liaj la teb chaws los kuv muab, koj yuav dab tsi los kuv muab, tsuav kuv niam Huab Tais sawv los ua rau kuv noj xwb."

Xov Kim Zeej rov muab daim npog ntsuab los npog nkaus rau, tso pihuav lub khwj lwb quaj nrov les peb lwm ped peb lwm nrad xwb. Qhib piho los xyuas. Ciav, niam Huab Tais mas tawm hws lug ho ua pa hwb huav lawm lauj! Huab Tais mas niam yuav luag cev tes los pihws niam Huab Tais tiag.

Xov Kim Zeej hais tias:

"Txiv Huab Tais, tos me ntsis thiab tso."

Xov Kim Zeej rov muab daim npog ntsuab los npog nkaus rau, tso pihuav lub khwj lwb quaj nrov les peb lwm rau nrad peb lwm rau ped tas nrho. Ciav niam Huab Tais ciaj klag lawm. Nws txawm cem hais tias:

"Tam tseeb! Cas kuv tuag, tsis cia kuv tuag kuv os? Leej twg tseem yuav tuaj tsa kuv, rub kuv tes thiab nev?"

Yawg Huab Tais mas ya ceev tsis ceev los qhib piho daim npog ntsuab, tuav nkaus tes, rub rhe niam Huab Tais sawv tsees lawm tiag lauj. Huab Tais niam zoo zoo siab.

Huab Tais hais tias:

"Niag pog, kuv xav hais tias nyob tsam koj tuag lawm. Es me tub Xov Kim Zeej tsa tsis tau koj thiab, mas xyov kuv yuav ua cas ua neej no tiag?"

Poj Huab Tais txawm hais tias:

"Thaum hnub qaij kuv tuaj de zaub hauv vaj, na has niag poj liab laus laus ntawd txawm los muab kuv tom, ces kuv sawv los sawv tsis taus. Kuv thiaj li ua ib siab tuag lawm. Ua cas kuv tuag, tsis cia kuv tuag kuv es? Koj tseem yuav mus nrhiav neeg qhov twg tuaj tsa kuv os, niag yawg es?"

Huab Tais thiaj hais tias:

"Niag pog, yog me tub Xov Kim Zeej no, nws nyob rau ntiaj teb. Niag poj liab muab koj tom tuag ces nws los pw hauv wb txaj. Nws hais tias, nyob ntiaj teb. Muaj ib tug neeg hu ua Xov Kim Zeej. Kom kuv cia li tso tshab mus tshuaj ceev ceev kom nws tuaj tso, kuv muab nws tua, rho ib nploog siab rau niag poj liab noj, ces niag poj liab txawm zoo hlo ntag no. Niag poj liab nws niam hais tias nws yog koj no, ces kuv txawm xav tias yog koj thiab no. Cas me tub Xov Kim Zeej nws tuaj txog, nws thiaj hais tias tsis yog. Yog niag poj liab xwb. Peb mam mus xyuas. Na ua cas yog niag poj liab xwb tiag. Nws thiaj hais tias niag poj liab twb muab koj tom tuag rau nram no lawm. Peb thiaj tuaj xyuas. Nws thiaj tsa tau koj tiag, niag pog es."

Xov Kim Zeej tsa tau niam Huab Tais ces Huab Tais zoo zoo siab lauj. Lawv thiaj coj niam Huab Tais los txog tsev. Huab Tais txawm los tua peb tug nyuj peb tug twm los ua Xov Kim Zeej tsaug. Huab Tais thiaj hais rau Xov Kim Zeej hais tias:

"Me tub! Nyiam no koj tsa tau kuv niam Huab Tais sawv los lawm. Ua li mas koj yuav niaj yuav kub los kuv muab rau koj. Koj yuav nyuj yuav twm los kuv muab rau koj. Koj yuav liaj ia teb chaws los kuv muab rau koj os, me tub. koj nyiam yam twg yeej meem hais los. Kuv yeej muab rau koj xwb."

Xov Kim Zeej teb hais tias:

"Aub! Txiv Huab Tais, kuv mas tsis pom qab yuav yuav yam twg li. Nyuj twm tsiaj txhu, kuv muaj tag lawm. Koj nyiam muab yam twg rau kuv ces kuv yuav yam ntawd xwb."

Huab Tais thiaj li hais tias:

"Me tub lauj! Ciav kuv niam Huab Tais tuag lawm txhia, leej txhia tus sawv daws tsuas muab lub qhov muag los saib xwb, twb tsa tsis tau. Mas koj los tsa tau lawm. Koj xav yuav dab tsis los yeej meem hais ntag, me tub. Kuv tub mab tub qhe rooj vag rooj loog nroo ntws lis no, kuv yuav nyiam noj luaj twg haus luaj twg, los yeej tau. Yog tias koj zoo siab yuav kuv liaj ia teb chaws los koj hais. Zoo siab yuav yam twg yeej meem hais los ntag, me tub."

Xov Kim Zeej xav xav nws txawm hais tias:

"Aub! Txiv Huab Tais! Koj yog ib tug Huab Tais. Kuv ho yuav koj liaj ia teb chaws lawm, koj yuav noj tus dab tsi, haus tus dab tsi? Ua li mas kuv tsis zoo siab yuav thiab. Kuv xav yuav koj ib nyuag yam thiab tiam sis ntshai kuv hais los koj yuav tsis muab rau kuv, mas kuv thiaj li tsis hais."

Huab Tais teb tias:

"Me tub, nyiam yam twg koj puaj sis hais los pov! Kuv niam Huab Tais nws twb tuag lawm. Tus niag lwj dhi, koj twb tsa tau los rau kuv lasi Koj nyiam yam twg yeej meem hais. Kuv yeej muab xwb los mas."

Xov Kim Zeej thiaj hais tias:

"Aub! Txiv Huab Tais lauj. Kuv los yog ib tug neeg txom txom nyem thiab. Kuv mus ua tau teb rau puag nram tej niag khaub ha, los liab los muab noj tag lawm. Kuv los tshab, tsis tau dab tsi los noj thiab. Haj yog kuv hmoov zoo. Yog kuv hmoov tsis zoo, mas ntshai kuv twb tuag lawm ntsoov los tsis paub. Ua li, koj ua txiv kam no, kuv xav yuav koj lub me taub lab."

Huab Tais txawm hais tias:

"Aub! Me tub lauj! Yog koj yuav lw m yam mas tau. Tab sis yog koj yuav yuav kuv lub tau lab no mas yog lub uas kuv niaj hnub yug ncauj yug los las. Kuv twb laus lawm. Yog koj yuav lawm no kuv yuav muab dab tsi los yug ncauj yug lo? Kuv twb khwv tsis taus lawm. Tav caij yuav noj hmo, kuv muab lub taub lab no los txawb nkaus, kuv khob nrawv nrawv tshij cawv, nram nram tshij fam, mas ib puas nees nkaum tsav dej cawv, nqaij hno siav ncho log hauv kuv xub ntiaj. Tav caij noj tshais los kuv kuj ua li ntawd xwb. Ua li mas yog koj yuav lw m yam mas yeej tau xwb, yog koj yuav kuv lub me taub lab mas tsis tau."

Ces niam Huab Tais txawm hnov, niam Huab Tais teb tias:

"Niag yawg, kuv tuag tus niag lwj dhi nram qab vaj, koj twb tsis paub thiab. Yog muaj qaib npua pom, ntshai twb muab kuv noj tas lawm. Nyiam no luag twb tuaj tsa tau kuv txhiaj txhua sawv los rau koj los mas. Kuv los ua rau koj noj koj haus, es los ntxuav koj tes koj taw. Me tub Xov Kim Zeej yuav yuav lub nyuag taub iab los puaj sis muab rau los mas, niag yawg. Yog koj tsis muab lub nyuag taub iab ntawd rau me tub, saib piv li koj tsis xav yuav kuv lawm thiab. Es kuv tseem tsis tsim nyog koj lub nyuag taub iab ntawd thiab los, niag yawg."

Huab Tais thiaj teb tias:

"Aub! Niag pog, yog koj ho hais li ntawd thiab no ces yuav muab los muab. Cia muab lub taub iab rau me tub Xov Kim Zeej ntshai yuav zoo dua lauj."

Ces Huab Tais txawm muab lub nyuag taub iab ntawd rau Xov Kim Zeej lawm. Xov Kim Zeej nqa lub taub iab los tsev lauj. Xov Kim Zeej los txog ntawm rooj vag rooj loog. Huab Tais ob tug tub txib uas thaud tuaj tos Xov Kim Zeej ntawd xa Xov Kim Zeej mus txog tsev lauj. Xov Kim Zeej txawm los hais rau niam hlob thiab niam yau nkawd tias:

"Aub! Niam hlob thiab niam yau lauj! Txij hnuv no rov lawm tod ces peb ua lub neej tsis tas mus khwv los yeej tau noj, tsis tas yuav mus ua los yeej haus tsis tas lawm. Nyiam no kuv tau Huab Tais lub taub iab lawm. Nyaj peb yuav tau noj tau haus lawm thiab lov."

Niam hlob thiab niam yau txawm teb hais tias:

"Xov Kim Zeej, koj lub taub iab zoo li cas? Muab los rau wb saib saib os."

Xov Kim Zeej thiaj mus muab nws lub niag taub iab los rau niam hlob thiab niam yau nkawd saib. Lub niag taub iab zoo nkaus li lub niag taub dab roog.

Tav caij noj hmo Xov Kim Zeej txawm muab lub niag taub iab los khob nrawv nrawv tshij cawv, nram nram tshij fam, ces ib puas nees nkaum tsav siav ncho log tseev noj tseev haus. Tav caij noj tshais kuj muab lub niag taub iab los khob dua thiab mas tseev noj tseev haus li thiab lauj.

Xov Kim Zeej mus ua tau ib lub txhab peb dag ntev ob dag dav, muab lub nyuag taub iab mus tso rau hauv. Tag kis sawv los xyuas. Nplej puv nkaus txhab. Nws ho mus ua tau ib lub txhab pob kws peb dag ntev ob dag dav, muab lub niag taub iab tso rau hauv. Tag kis kaj ntug, sawv mus xyuas. Mas pob kws nto plaws ntsa. Tseev noj tseev haus yeej tsis tag li lauj.

Xov Kim Zeej txawm hais rau niam hlob thiab niam yau tias:

"Niam hlob thiab niam yau lauj! Peb mas xyov yog tau dab tsi hmoov li lauj. Mus ua tau txhab, muab lub niag taub iab mus tso rau hauv xwb, nplej pob kws yeej puv nkaus txhab lawm. Tseev noj tseev haus yeej tsis tas. Peb pw noj xwb lauj!"

Ces muaj ib hmos, Xov Kim Zeej txawm coj lub niag taub iab mus tso rau hauv lub niag txhab nplej. Ib tsam tsaus ntuj, nas tuaj noj nplej. Muaj ib tug niag txiv nas loj loj txawm tuaj, muab lub niag taub iab kwv khav rau nram kwj ha lawm lauj. Ces txij li hnuv ntawd los, Xov Kim Zeej muab nplej noj, cas yuav qig ua lauj. Muab pob kws los noj, los cas yuav noj qig ua lauj li thiab lauj. Ces lawv noj tau ib ntus xwb, nplej thiab pob kws tas lawm lauj! Tsis muaj dab tsi los noj lawm. Niaj hnuv muab nyuj twm qaib npua los tua noj xwb. Noj noj tag lawm thiab lauj. Nrhav qhov twg los tsis tau lub taub iab li.

Ces Xov Kim Zeej txawm hais rau nws niam hlob thiab niam yau nkawd hais tias:

"Niam hlob thiab niam yau lauj! Nyiam no, yam twg los peb muab noj tag lawm. Tshuav niag txiv dev thiab niag txiv miv lawm xwb. Tag kis neb muab niag txiv dev tua ua tshais. Ib tsam tsaus ntuj, neb muab niag txiv miv tua ua hmo nard."

Ces niag txiv miv txawm hnov lawm lauj. Niag txiv miv txawm mus hais rau niag txiv dev hais tias:

"Dev lauj! Nyiam no, wb tswv tsis muaj ib yam dab tsi noj li lawm. Tag kis lawv yuav muab koj tua ua tshais, tso tsaus ntuj lawv yuav muab kuv tua ua hmo no las. Ua li mas, kuv saib, wb yuav tsum mus nrhiv lub taub iab, mus taug taub iab. Yog mus taug tau taub iab qab mas wb thiaj tsis tuag lauj."

Dev thiaj li teb hais tias:

"Aub! Yuav mus los mus. Rau qhov wb tsis tau xav tuag thiab." Niag txiv miv txawm caij niag txiv dev. Ob tug txawm mus lawm lauj. Niag txiv dev txawm hnla ntshab.

Lub taub iab ntawd mas nws mus txog qhov twg lawm los yeej tsw tsw ha li. Ces dev txawm taug taug ntshab mus txog ntua nram hav dej. Ces nas txawm ua lub taub iab plam rau hauv dej dua hauv qab thu lawm. Ces nkawd taug taug mus poob rau hauv dej lawm. Ces nkawd mus muab tsis tau li thiab lauj.

Ces txiv dev thiab txiv miv mus muab tsis tau. Ob tug txawm xij zov ntawm ntug dej lauj. Zov zov ib tsam tsaus ntuj, ob tug txawm los nyiaj tau Xov Kim Zeej ib rab ciaj. Nkawd yuav coj mus muab no. Tab sis nkawd tsis paub muab li thiab. Thaum ntawd twb txog ib tag hmo lawm. Txawm muaj ib tug roob ris tuaj mus nrhiav noj. Miv mus hais rau roob ris tias:

"Roob ris, koj mus muab tau wb lub taub iab hauv qab thu dej los no. Koj yuav dab tsi los wb muab rau koj."

Roob ris txawm teb hais tias:

"Aub! Kuv muab tsis tau, vim kuv twb tsis muaj tes muaj taw yuav tuav tau las. Kuv yuav ua cas muab tau?"

Txiv miv thiab txiv dev txawm hais tias:

"Aub! Yog li no mas wb muab tus ciaj no rau koj. Koj nkag mus txog hauv, koj muab rab ciaj no tais los rau wb xwb."

Roob ros thiaj teb hais tias:

"Aws! Yog neb pom zoo ua li ntawd los cia kuv nqa mus sim."

Ces nkawd txawm muab rab ciaj rau roob ris nkag mus hauv qab thu. Roob ris mus txog, roob ris txawm muab rab ciaj tais lub niag taub iab luag tawm tim nquab. Lawv sib tham sib tham, ces dev txawm hais tias:

"Zaum no mas wb yuav tsis tuag lawm lov."

Miv hais tias:

"Aub! Dev, tus roob ris no pab tau wb ib zaug lawm. Cia wb muab rab ciaj no pub rau nws laub yuad?"

Dev thiaj hais tias:

"Aub! Ua li los mas. Nws kam pab tau wb ib zaug diam. Wb twb tsis muaj dab tsi ua nws tsaug, ces muab rau nws."

Ces nkawd thiaj li muab rab ciaj pub rau roob ris.

Nyam no mas roob ris ob tug ciaj yog thaum ub miv thiab dev nkawd muab rau roob ris.

Ces txiv miv thiab txiv dev nkawd mus taug tau rau hmo. Txiv dev los tsis hnov suab tom, miv los tsis hnov suab quaj lauj.

Cas hmo ntawd twb ib tag hmo lawm, hnov niag txiv dev tom nkhu j nkhuob ntawm qhov rooj tag, niag txiv miv los quaj mlu j mlaus saum ntab thiab lauj.

Niam Xov Kim Zeej hlob txawm hais tias:

"Xov Kim Zeej, niag txiv miv thiab niag txiv dev ploj tau rau hnub rau hmo no lawm. Hmo no, cav hnov txiv dev lub suab tom, hos hnov txiv miv lub suab quaj. Ntshai nkawd mus nrhiav tau koj lub niag taub iab lawm pov?"

Xov Kim Zeej teb hais tias:

"Aub! Niam yuav yog naj! Yog kuv hais tias yuav muab nkawd tua noj es nkawd thiaj khiaj lawm xwb los mas. Cia kom los es tag kis peb yuav muab los tua noj."

Lawv txawm rov pw lawm. Ib me ntsis zoj xwb, nas txawm siv sib tog nrov ntsoog qees tom txhab tuaj lawm thiab lauj. Twb yog miv thiab dev nkawd mus nqas tau taub iab los es nkawd muab tso rau tom txhab, ces nplej rov puv. Nas rov tuag noj, es nas sib tog. Cas nas mas niam sib tog ua lim ua lob thiab lauj.

Niam hlob rov hais tias:

"Xov Kim Zeej, txhia hmo twb tsis hnov nas quaj tom txhab tuaj. Hmo no ho hnov. Ntshai miv thiab dev nkawd mus nrhiav tau lawm tiag poj? Koj sim lam sawv mus xyuas saib maj."

Xov Kim Zeej thiaj sawv mus xyuas tom txhab nplej. Txhab nplej puv nkaus lawm tiag lauj! Xov Kim Zeej thiaj hais tias:

"Niam hlob lauj, yog li koj hais tiag. Yog niag txiv miv thiab niag txiv dev nkawd rov mus nrhiav tau los lawm tiag. Lub taub iab nyob saum txhab nplej no tiag. Nyiam no peb yuav tsis tshaib tsis nqhis lawm lov."

Xov Kim Zeej thiaj hais tias txij no mus tus txiv miv yuav tau hu ua nom no. Nws yuav noj cia noj nqaij xwb. Hos tus txiv dev mas cia nws nyob hauv tsev zov tsev xwb.

Ces nyiam no miv thiaj noj nqaij xwb. Miv yeej tsis noj mov li. Nws thiaj tom nas noj xwb. Mov mas lam noj me ntsis xwb. Hos dev mas thiaj cia zov tsev mus li. Hos lub taub iab mas tiam no hmoob coj los ua lub taub dab roog lawm. Lub taub dab roog mas puag thaum ub yog yawg Xov Kim Zeej nws mus muab puag saum Huab Tais qaum ntuj los. Xaus li no.



ZAJ 5.

THOOB YEJ

THIAB

NTHAWM QAUM NTUJ

Tus hais: YAJ VAM TUAM.

Puag thaum ub ov, muaj ib pab niag qaib qus coob coob xij tuaj da dej hauv lub niag pas hawv lauj!

Thoob Yej mus plob pom. Nws los txog tsev ov. Nws los xav xav. Abi Sim mus cuab hlua kais rau saib. Thoob Yej txawm los ua tau rau rooj hlua kais, nws coj mus cuab tas nrho ncig lub niag pas hawv ntawd.

Ces Thoob Yej los tau ib hnuv. Hnuv tom qab, Thoob Yej txawm mus xyuas. Ciav mag tau ib tug qaib qus zoo zoo nkauj li lauj! Ces Thoob Yej txawm mus daws tau tus qaib qus los. Ua ciav, tsis yog qaib qus lawm las. Yog ib tug hluas nkauj zoo zoo nkauj li lauj! Tus hluas nkauj muab tis tw hie tas, ces yog ib tug hluas nkauj zoo zoo nkauj lawm tiag. Thoob Yej txawm hais rau tus hluas nkauj tias:

"Abi Leej muad, koj yuav txia ua ib tug hluas nkauj zoo ua luaj tuaj da lub niag pas hawv no ua tus dab tsi?"

Tus hluas nkauj txawm teb tias:

"Aubi Leej yawm dab lauj! Ntshai yuav yog kuv no ntu yeej tiam los ua koj poj niam hol Vim tias peb tuaj coob ua luaj, luag ho tsis mag koj rooj hlua kais. Kuv twb ho tsis pom es kuv yuav los mag koj rooj hlua kais. Leej yawm dab, peb mas tuaj qaum ntu yeej tuaj ov. Koj mas koj hais tias lub no yog pas hawv no, tiam sis tsis yog. Yog dej yog cawv ov. Es peb niaj hnuv tuaj haus dej haus cawv. Haus pov khawv lawm peb mam ho ya rov qab mus rau saum qaum Ntu j."

Ces Thoob Yej thiaj hais tias:

"Aubi Yog li mas, leej muam lauj, koj ho tuaj mag kuv rooj hlua lawm thlab, ces koj los ua kuv niam yau. Tso cia niam hlob ua niam hlob yuad?"

Tus hluas nkauj teb hais tias:

"Ua li tiag, Thoob Yej. Vim Ntu yeej tiam kuv los rau koj, kuv thiaj los mag koj rooj hlua, ces cia kuv ua koj niam yau nawd." Ces Thoob Yej thiaj li coj tus hluas nkauj los ua nws niam yau.

Thoob Yej thiaj los hais rau luag zej luag zos. Ces tas sawv daws thiaj li mus ce lub niag pas hawv ntawd coj los ua poov xab ua cawv.

Txi j thiaj ntawd los rau txhob nyiam no, sawv daws thiaj tau poov xab poov sawv coj los ua dej ua sawv fawv.

Thoob Yej los nyob nyob ces teb chaws txawm ua tsov ua rog lauj! Huab Tais txawm tseev kom Thoob Yej mus ntaus rog xwb. Thoob Yej txawm hais tias:

"Aubi Kuv nyuam qhuav yuav tau niam yau los, mas kuv tseem niaj hnuv npaj dej cawv, tso kuv yuav mus haus dej haus cawv."

Huab Tais txawm teb tias:

"Tsis txhob hais li kod. Nyiam no teb chaws ua tsov ua rog lawm, mas koj no raug mus tua rog. Koj raug mus ua ib tug thawj coj, mas koj yuav tsum mus. Kev haus dej haus cawv thaum twg kuj tau. Qhov ntawd tsis kub npaum li kev ntaus tsov ntaus rog nawd."

Ces Huab Tais txawm tsis tseev li lauj! Thoob Yej txawm raug mus tua rog lawm lauj. Thoob Yej yuav mus ov. Nws txawm hie hio nws ob ntiv npilhaib kub los ntxig rau ntawm nws niam yau ob tug ntiv tes ntag. Thoob Yej hais tias:

"Niam yau! Kuv muab ob nti npilhaib no rau koj. Mas kuv mus ntaus rog lawm ov. Luag txawm hais tias kuv tuag lawd, los tsuav yog kuv ob nti npilhaib no tsis hie hio ntawm koj ntiv tes, mas koj tsis txhob ntseeg luag nawd! Yog thaum twg kuv siav tu nrho lawm, mas ob nti npilhaib yeej hie hio ntawm koj ob tug ntiv tes ntag ov, mas thiaj yog kuv tuag lawm nawd."

Ces Thoob Yej yuav mus. Nws txawm muab niam yau cov tis tw zais rau puag hauv qab txhab nplej lauj! Ib niag txhab nplej puv nkaus rau saud lawm, muab cov tis tw rau hauv qab klag.

Thoob Yej mus tua rog tau peb xyos tsis los li lauj. Thoob Yej txiv yawg laus txawm niaj hnuv ntaus txheeb, niaj hnuv ua tsawv saib Thoob Yej mus nyob li cas lawm. Niaj hnuv niaj hnuv ntaus txheeb. Thoob Yej txiv txawm vwm lawm lauj. Yawg laus niaj hnuv saib nws txawm hais tias:

"Aubi Yuav tau muab niam Thoob Yej yau tua los txi dab teb dab chaw, mas Thoob Yej thiaj li yuav yeej tsov yeej rog. Yog tsis muab nyab yau los tua txi dab teb chaws mas, Thoob Yej yeej yuav tsis yeej tsov rog li lauj."

Thaum Thoob Yej yuav mus ua rog nws muab niam yau cov tis tw zais rau hauv qab txhab nplej lawm lauj. Mas tshuav peb hnuv xwb, niag yawg yuav muab nyab yau coj los txi dab teb chaws tso, Thoob Yej thiaj li yuav yeej tsov rog no lauj. Niam hlob los hlob niam yau hwi thiab. Ces ob niam hlob niam yau txawm mus nrhiav tawv, nrhiav lev los pua. Ob tug txawm muab txhab niag nplej daus daus puv tsev nkaus, thiaj li daus txog hauv qab txhab. Na has niam yau cov tis tw nyob hauv, thiaj li muab rau niam yau. Ces niam yau txawm seev tias:

"Abi Thaum Thoob Yej yuav mus, nws twb hais rau kuv tias, yog thaum twg ob nti nplhaib tsis tau hie hlo ntawm kuv tus ntiv tes mas nws yeej tseem muaj txoj sia nyob xwb. Yog hie lawm mas nws thiaj yuav tsis muaj txoj sia nyob. Ob nti nplhaib kub tsis tau hie, mas cuaj xyos kaum xyoo los yeej tsis ntshai kiag no. Ua li cas nyem no txiv xij niaj hnuv ntaus txheeb ntaus kuam, tso yuav muab kuv los tua txi dab teb dab chaw, kom Thoob Yej thiaj li yeej tsov yeej rog. Tab sis niam hlob wb muab tau kuv cov tis tw lawm. Kuv yuav rov qab mus kuv niam kuv txiv lawv. Yog kuv muab ob nti nplhai no rau niam hlob cia mas Thoob Yej los txog nws yuav tsis zoo siab. Ces cia kuv muab coj mus faus rau pem niag poj ntsuam, pem hauv zos ped."

Thoob Yej niam yau txawm coj ob nti nplhaib kub mus faus rau pem niag pob ntsaum. Nws hais rau niag pob ntsaum hais tias:

"Tshuav peb hnuv xwb, txiv yawg yuav muab kuv tua txi dab teb dab chaw, Thoob Yej thiaj yuav yeej tsov yeej rog no. Nyiam no kuv niam hlob wb daus tas txhab niag nplej, muab tau kuv tej tis tw lawm, ces kuv yuav rov mus kuv niam kuv txiv lawv puag saum qaum ntuj. Kuv muab Thoob Yej ob nti nplhaib kub no faus tseg rau koj. Yog Thoob Yej los no ces koj muab rau nws. Koj hais rau nws tias, kom nws tsis txhob nco kuv no. Thiab kom nws tsis txhob lawv kuv qab tuaj. Deb deb li, nws yeej yuav tuaj tsis txog kuv li no ov! Nyiam no kuv mas kuv mus qaum ntuj mus hos nws tuaj mas nws kawg yuav tuaj ntiaj teb tuaj xwb. Nws yeej yuav tuaj tsis txog ib zaug li. Kom nws ua ib siab zov nws niam hlob xwb no ov!"

Niam yau mus hais rau niag pob ntsaum tas. Nws txawm rov los muab tej tis tej tw coj los rhais rau tej caj npab, tej caj hlaub tas. Ces nws txawm tuaj ib niag cev plaub lawm xwb lauj. Niam yau txawm ya tshoom ntuj vos dua qaum ntuj lawm. Ces niam yau ya lawm tau peb hnuv.

Ces Thoob Yeej los txog ntua, Thoob Yeej nug tias:

"Niam hlob, ua li niam yau ne?"

Niam hlob teb tias:

"Niam yau, ces nws ya rov qab mus nws niam thiab nws txiv puag saum qaum ntuj lawm. Nws twb mus tau peb hnuv lawm."

Thoob Yeej hais tias:

"Ua li cas nws ya lawm? Thaum kuv yuav mus kuv twb hais rau koj hais tias kom koj nyob koj hlob nws no nei Nyiam no kuv niam yau mus lawm, es kuv yuav ua li cas ua neeg no?"

Niam hlob txawm teb tias:

"Kuv yeej hlob nws kawg los mas. Tiam sis yog koj txiv nevi Nws niaj hnuv ntaus txheeb, niaj hnuv khom kuam. Es nws hais tias, yuav muab niam yau los tua txi dab teb dab chaw, koj thiaj yuav yeej tsov yeej rog. Yog tsis muaj niam yau los tua txi dab teb dab chaw mas koj yeej yuav tsis yeej tsov yeej rog no. Ces niam yau ntshai. Nws thiaj khiav mus rau qaum ntuj lawm ntagi Yog tias koj xav paub mas koj mus nug pem niag pob ntsaum pem hauv zos ped naji Thaum koj niam yau yuav mus, mas nws yeej hais txhij hais txhua rau niag pob ntsaum ped lawm. Nws hais tias yog koj los no ces kom kuv hais rau koj mus nug niag pob ntsaum ped nws mam hais rau koj no."

Ces Thoob yej quaj quaj. Nws thiaj mus txog pem hauv zos. Nws nug niag pob ntsaum. Niag pob ntsaum thiaj hais tias:

"Thoob Yej, thaum koj niam yau yuav sawv kev mus, nws hais tias nws muab koj ob ntiv nplhaib kub rau kuv cia. Thaum koj yuav mus mas koj hais rau nws tias yog thaum twg koj ob ntiv nplhaib kub hie hlo ntawm nws ob tug ntiv tes lawm mas koj thiaj li tsis muaj txoj sia nyob lawm. Yog hais tias koj ob ntiv nplhaib kub ntawm nws ntiv tes tsis hie mas kom nws yeej meem nyob tos. Cuaj xyos kaum xyoo los koj yeej tseem nyob li qub. Nyiam no nws twb ua ib siab nyob lawm. Tab sis vim koj txiv. Koj txiv niaj hnuv ntaus txheeb,

nias hnub khom kuam. Ces yuav muab koj nyab yau los tua txi dab teb dab chaw tso koj thiaj li yeej tsov yeej rog no. Koj nyab yau thiaj li ya rov mus dua qaum ntuj lawm. Mas nws hais rau kuv tias yog koj los no ces kom kuv hais rau koj tias kom koj tsis txhob lawv nws qab mus kias li. Nws mas nws mus qaum ntuj mus. Yog tias koj lawv nws qab mas koj yuav mus ntiaj teb mus xwb, koj yeej yuav mus tsis txog ib zaug li. Koj kav tsij ua ib siab nrog koj niam hlob nyob xwb no nawd! Hos koj ob ntiv npihaib kub nyob no, kuv mam muab rau koj." Ces pob ntsaum muab tau ob ntiv npihaib kub rau Thoob Yej, ces Thoob Yej quaj quaj nws hais tias:

"Aub! Kuv mas yeej yuav lawv kuv niam yau qab mus xwb xwb li. Yog kuv tsis tau kuv niam yau mas kuv yeej tsis ua neeg li." Ua li cas los Thoob Yej yuav mus raws nws niam yau qab xwb xwb lauj. Nias pob ntsaum ua tsis tau tes, nws thiaj nug tias: "Ua li, koj yuav mus tiag tiag los, Thoob Yej?"

Thoob Yej teb hais tias:

"Aub! Kuv yuav mus tiag tiag li nawd! Kuv yeej tsis nyob li."

Nias pob ntsaum thiaj hais tias:

"Yog koj yuav mus xwb no ces kuv tsis muaj dab tsi rau koj, ces kuv muab ob lub niag txiv lws zoov no rau koj xwb. Koj nqa mus raws koj niam yau qab, mas koj niam yau mus qaum ntuj lawm, koj yuav mus ntiaj teb. Yog koj mus mus muaj ob lub niag hauv roob nyo ntshis los thaiv koj kev lawm no ces koj muab ib lub txiv lws zoov no los pov rhes rau hauv nruab nrab, ces ib lub nyo ntshis rov tod, hos ib lub nyo ntshis rau tod lawm thiab. Ces koj thiaj tau kev mus nawd."

Nias pob ntsaum txawm muab tau ob lub niag txiv lws zoov rau Thoob Yej kom Thoob Yej nqa mus xwb xwb no.

Ces Thoob Yej txawm sawv kev mus lawm lauj! Mus mus txog puag ib nta ntuj ov, txawm muaj kias ob lub niag hauv roob nyo ntshis los thaiv Thoob Yej kev lawm tiag lauj! Ces Thoob Yej saib qhov twg los tsis tau kev. Mus qhov twg los tsis tau kev lawm tiag lauj! Thoob Yej thiaj li muab kias ib lub niag txiv lws zoov los pov rhes rau hauv nruab nrab ob lub niag roob. Ob lub niag roob thiaj tu nrho nruab nrab, nyias lem nyias lawm thiab. Thoob Yej ho mus mus txog ntua rau ob lub niag pob

tsuas, mas niam nyo ntshis los thaiv nkaus kev. Ho tu nrho rov lawm. Rov nyo zoj los thaiv nkaus kev dua. Pheej ua li ntawd. Ces Thoob Yej tsis tau kev mus thiab lauj. Thoob Yej thiaj li muab kias ib lub txiv lws zoov pov kias rau nruab nrab. Ob lub niag tsua thiaj tu nrho, ib lub nyo ntshis rau ib qho lawm. Thoob Yej thiaj li tau kev mus ntxiv lawm thiab. Nws ho mus mus ces mus txog rau ncauj zag tsov lo lauj! Zaj rua ncauj u, dhos daws dhos daws txoj kev tsis tau kev mus li thiab lauj! Thoob Yej quaj quaj. Nws thiaj li muab kias ib lub txiv lws zoov ntsaws kias rau hauv ncauj zag tsov lo. Cas nyias fee nyias tag lawm, ho tau kev mus lawm thiab lauj! Nws mus mus, txawm mus txog rau ib tug dej kub kub li thiab lauj! tsuas tias cev pas rau hauv mas pas tu nrho, cev khaub hlab rau hauv mas khaub hlab tu nrho thiab xwb lauj.

Ces Thoob Yej quaj rau ped quaj rau nrad tsis tau kev mus lawm lauj! Txoj kev los tws rau ntawd lawm. Thoob Yej quaj quaj. Cas txawm los zoj ob tug tib neeg. Nkawd los nug tias:

"Koj yuav mus dab tsi, tus npawg?"

Thoob Yej teb hais tias:

"Aub! Kuv mas yog kuv niam yau nws tua mus dua qaum ntuj lawm. Kuv yuav tua mus raws nws no naj, ob tug npawg. Ua li neb yuav los mus lawm qhov twg thiab, ob tug npawg?"

Ob tug npawg ntawd txawm teb tias:

"Aub! Wb mas yog los ntiaj teb los. Wb kuj yuav los lawm qaum ntuj thiab. Tiam sis wb mas wb yuav mus taus, vim wb hie wb lub tsho cia lawm. Hos koj mas koj yuav mus tsis taus, vim koj tsis tau hie koj lub tsho cia rau ntiaj teb nav.

Yog ua li cas los koj yuav mus xwb no, mas cia wb ib tug mus sab ped ib tug mus sab nrad, tso koj mus nruab nrab, mas koj thiaj yuav mus taus. Tsis ua li ntawd koj mus tsis taus nawd." Ob tug ntawd mas yog dab tuag xwb.

Nkawd txawm mus sab ped thiab sab nrad, Thoob Yej txawm mus nruab nrab. Ciaj dej tsis kub li, dej txias txias xwb. Lawm mus dhau tus dej ntawd rau tid ces muaj ob txog kev lawm lauj! Ob tug dab tuag ntawd txawm hais tias:

"Txog qhov no mas kev ncaim lawm nawd! Koj tseem tsis tau hie koj lub tsho. Koj yuav mus qaum ntuj, mas koj yuav nce lub

niag roob no lawm ped, ces koj yuav mus txog rau qaum ntuj. Hos wb mas wb yuav mus txoj niag tav zas no lawm nrad. Wb yuav mus lawm nram nroog nawd."

Ces Thoob Yej tsoo tsoo hav zoov mus, tsis muaj tus dab tsi yuav los pab li lauj! Kev los tsis muaj kev. Niag hav zoov nuj xlab xwb lauj. Thoob Yej txawm quaj quaj. Thoob Yej mus mus, txawm muaj ib tug mos ntsuab hais tias:

"Les les, yog koj pub hmoov rau kuv noj no, kuv coj koj kev."

Thoob Yej hais tias:

"Aub! Yog koj coj kuv kev no, kuv pub tiag."

Ces Thoob Yej txawm muab tau ib nyuag qhov mov rau mos ntsuab noj tag. Mos ntsuab txawm ya les les ua ntej, Thoob Yej txawm lawv mos ntsuab qab lauj. Mos ntsuab mus qhov twg Thoob Yej mus qhov twg. Pheej mus pheej mus ces nkawd mus mus tsaus ntuj lauj. Niag mos ntsuab txawm hais tias:

"Thoob Yej, wb yuav mus pw lawm pem niag hauv paus ntoo ped. Mas ib ntsis hnuv ncoo hauv roob tsis muaj tshaj ntuj lawm, yuav muaj peb tug niag noog roov ya los pw saum niag ntoo saud. Cov niag noog roov yuav los sib tham nyob saud."

Ces Thoob Yej nkawd txawm mus pw pem niag hauv paus ntoo lauj. Ib me ntsis zoj xwb, txawm muaj peb tug niag noog roov loj loj ya los pw saud tiag lauj. Cov niag noog roov txawm sib tham zom zaws. Muaj ib tug txawm hais tias:

"Aub! Ua li tag kis peb yuav mus ntov los mus liq ne yuad?"

Muaj ib tug txawm teb hais tias:

"Peb mas yuav mus ntov nawd. Thaum ub, nyob qaum ntuj no, muaj ib tug ntshais tuaj mus haus dej haus cawv rau ntiaj teb. Muaj ib tug hmoob hu ua Thoob Yej no, nws txawm tuaj cuab hlua mag tau tus ntshais ntawd. Thoob Yej txawm coj mus ua niam yau. Ces tsis ntev Thoob Yej txawm mus ua rog lawm. Niag yawg uas yog lawv txiv txawm yuav muab tus ntshais ntawd tua txi dab teb dab chaw es Thoob Yej thiaj yuav yeej tsov yeej rog no. Mas tus ntshais ntshai, nws thiaj khiav los rau pem nws niam thiab nws txiv nyob saum qaum ntuj no lawm. Mas nyiam no twb muaj ib tug yauv tshiab twb yuav yuav. Tag kis lawv yuav tua nyuj tua twm haus tshoob. Tag kis peb yuav tau mus ntov ntov xyov kaj ntug txoog peb puas

tseem yuav txog los tsis txog thiab. Mas peb yuav tsum mus ntov ntov peb thiaj yuav tau hnyuv nyuj hnyuv twm noj laiv." Cov niag noog roov los tham li ntawd tas. Ces niag mos ntsuab txawm los hais rau Thoob Yej hais tias:

"Aub! Zaum no mas kuv coj koj wb maj mam nce tus ntoo no lawm puag saud. Wb yuav mus nkaum hauv tus noog roov loj tshaj plaws cov plaub, wb thiaj yuav mus txog koj niam yau nawd. Koj niam yau twb yuav mus yuav txiv. Tsam wb mus tsis ncav nws, nws ho mus lawm laiv."

Thoob Yej hais tias:

"Aub! Kuv niag loj ua lua no, wb nkag mus hauv nws cov plauj ces nws kuj paub xwb los pov?"

Mos ntsuab thiaj hais tias:

"Tsis ntshai! Kuv ya ncig koj peb lwm xwb, ces koj me me li kuv lawm thiab. Wb mus, nws nyaj yuav tsis hnov lawm."

Ces mos ntsuab txawm los ya ncig Thoob Yej peb lwm tas nrho, Thoob Yej txawm me me li tus mos ntsuab lawm tiag. Ces ob tug txawm maj mam nkag mus lauj. Nkag nkag mus txog, niag mos ntsuab nkag mus xyuas ob tug nram hav no tas, mos ntsuab txawm hais rau Thoob Yej hais tias:

"Aub! Ob tug nram hav no, ntshai yuav ris tsis taus wb."

Mos ntsuab ho rov nkag mus xyuas ib niag lau loj loj nyob pem toj me ntsis. Mos ntsuab hais tias:

"Awb! Tus no mas ris taus wb ntag lov. Wb yuav nkag mus nyob rau hauv nws qab txia. Koj mas tsis txhob nti nawd! Yog koj nti mas ib ntsis khaus nws, nws yuav muab kaus ncauj los luam, sais wb mus tsis txog koj poj niam laiv."

Ces Thoob Yej nkawd mus nkaum hauv niag lau laus qab txia.

Tag kis os, qaib qua thawj tsig xwb; cov niag noog roov ya mus lauj. Ces peb tug niag txawm ya vig vag lawm lauj. Muaj ob tug niag, mas niam ya rwg ntshai rau ub rau no. Niag laus laus uas nkawd nyob hauv qab txia mas niam ya tsis taus li lauj. Ya tug niag yuav poob tsis poob, yuav poob tsis poob. Ya tib tug niag tuag vias lawv qab xwb. Lawv mus mus txog puag pem Huab Tais qaum ntuj ces niag hnuv twb yuav ntseg lauj. Luag twb tseev hnyuv nyuj hnyuv twm tas lawm ntov. Ces niag noog roov ya ya mus tsaws rau saum niag ntoo qhuav loj loj nram Xeev Laus qab zog thiab ntag lauj.

Mos ntsuab txawm hais rau Thoob Yej hais tias:

"Tus dej no ces yog tus lawv tseev hnyuv nyuj hnyuv twm pem hauv ntag. Cov noog roov no lawv yuav nyob qhov no tos. Muaj tej yav hnyuv nyuj hnyuv twm uas lawv tseev lawv tsis yuav, lawv muab tso rau dej tshoob los, lawv mam li khaws noj xwb. Ces wb nqes ntawm no."

Ces Thoob Yej thiab mos ntsuab nkawd txawm tawm plaws hauv niag lau noog roov qab txia, tib plhaw los rau hauv av lawm lauj. Niag noog roov hais tias:

"Ned! Tos li kuv ya caum tsis tau neb, niam yuav hnyav kuv ua luaj no, yog ob tug me dev ntawd nev. Nag hmo kuv twb suav zoo diam, yog vim nyob hauv kuv qab txia lawm nev. Txhob ua li ntawd es kuv tuaj taus, peb tuaj txog ntov, ces peb yeej tau hnyuv nyuj hnyuv twm noj los mas. Tiam sis yog kuv ya tsis taus es peb thiaj tuaj txog lig lig, peb thiaj tsis tau hnyuv nyuj hnyuv twm noj. Ob tug me dev ntawd, lam txhob raws khiav, peb muab faib klag thiab tso mas. Khuv xim hwi!"

Ces cov niag noog thiaj ya mus tsaws rau hauv hav dej mus khaws luag tej tog hnyuv uas luag tsis yuav lawd coj los noj.

Thoob Yej nkawd txawm mus lauj. Mus mus txog puag pem hauv dej. Luag mas niam tseev hnyuv nyuj hnyuv twm zom zaws, tseev qaib tseev npua cuag tus tsi li lauj. Ces nkawd ntsia ntsia. Ib ntsis niag mos ntsuab txawm hais tias:

"Thoob Yej, koj poj niam lawv tsev nyob tid ntag. Lawv tuaj ce dej qhov no mus haus xwb."

Thoob Yej txawm hais rau niag mos ntsuab hais tias:

"Mos ntsuab, koj yeej meem pab kuv. Koj txhob tso kuv tseg nawd. Kuv tau noj tau hau li cas mas kuv yeej yuav pub kom koj tau noj tau haus ib yam nkaus li kuv thiab."

Mos ntsuab teb tias:

"Tiag. Yog koj pub rau kuv noj kuv haus kom kuv tsis txhob tshaib plab no, kuv yeej pab koj thiab tiag."

Ces niag mos ntsuab niam zoo zoo siab. Niag mos ntsuab niam pab pab Thoob Yej thiab lauj. Mos ntsuab txawm hais tias:

"Thoob Yej, koj mus nyob lawm pem hauv dej ped. Ib me ntsis koj yuav pom koj niam yau tus ntshais qhe tuaj nqa dej mus rau koj niam yau thiab nws tus txiv tshlab haus nawd."

Ces Thoob Yej txawm mus nyob pem hauv dej tos. Cas ib me ntsis xwb txawm pom ib tug ntshais qhev nqa ib lub plhua; taub dawb dawb zoo zoo nkauj tuaj tiag lauj. Thoob Yej txawm khiav loo mus hais rau tus ntshais tias:

"Me ntshais, koj tuaj cug dej mus dab tsi?"

Tus ntshais ntawd teb hais tias:

"Kuv tuaj cug dej mus rau Xeev Laus ntshais nkauj Ntxawm thiab nws tus txiv tshlab nkawd haus."

Thoob Yej hais tias:

"Xeev Laus ntshais nkauj Ntxawm nyob qhov twg?"

Tus ntshais hais tias:

"Nws nyob tom tsev. Puag thaum ub, nws mus yuav txiv neeg ntiaj teb. Mas nws tus txiv mus ua rog lawm. Nyiam no nws mus yuav ib tug txiv tshlab lawm. Hnub no peb haus dej haus cawv, es tus vauv tshlab yuav txais nws. Ces kuv thiaj tuaj nqa dej mus rau tus vauv thiab Xeev Laus ntshais nkauj Ntxawm nkawd haus."

Ces tus ntshais txawm cug dej ntawm tus ciav. Thoob Yej txawm muab nws ob ntiv nplhaib kub uas thaum ub nws muab rau nws niam yau coj tso plhua; rau tom tus ciav, dej muab kuav los nkag plaws rau hauv tus ntshais lub niag plhua; taub lawm. Yawg Thoob Yej txawm hais rau tus ntshais hais tias:

"Me ntshais, koj nqa mus txog ntua, koj txawm hais rau Xeev Laus ntshais nkauj Ntxawm hais tias kom nws tsis txhob rawm haus. Nws ntshais tes tso no nawd."

Thaum ntawd, Ntxawm mas niam nrog tus txiv tshlab sib qawg sib nwg xwb lauj. Tus ntshais qhev nqa loo plhua; taub dej los txog ntua. Tus ntshais txawm hais tias:

"Ntxawd, nyiam no, tod muaj ib tug niag Hmoob, nws hais tias kom kuv nqas plhua; taub dej no los txog no ces, kom koj ntshais tes tso, tsis txhob raws haus no nas."

Ntxawm teb hais teb:

"Aws! Ntxawm sis ntshais los mas."

Ntxawm nyuam qhuav muab dej los laub klag ntshais tes xwb, ciav ob ntiv nplhaib kub uas thaum ub Thoob Yej muab rau Ntxawm coj, txawm nkag nplho Ntxawm ob tug ntiv tes thiab ntag lauj! Ntxawm cia li tib thawb tus txiv tshlab cem tias:

"Koj cia li khiav mus! Kuv tus txiv tuaj txog lawm. Kuv tsis yuav koj! Kuv yuav yuav kuv tus txiv qub, thiaj yog kuv tus nkauj txhav qaib nraug txhav noog."

Ces tus txiv tshlab txawm khiav lawm lauj. Ntxawm thiaj hais rau Xeev Laus hais tias:

"Niam thiab txiv laiv! Niam no, kuv tus txiv qub tuaj txog lawm laiv. Nej saib mev! Ob ntiv nplihaib kub no yog kuv tus txiv qub li. Thaud kuv yuav los, kuv muab hle tseg rau niag pob ntsaum. Niam no tus ntshais no nws mus nqa dej los rau kuv haus. Nws mus txog tod, muaj ib tug Hmoob nyob tod. Tus Hmoob ntawd tso ob ntiv nplihaib no rau pem hauv dej ntws los rau hauv tus ntshais no lub plhuaj taub. Mas kuv muab los laub ntxuav kuv tes. Ob ntiv nplihaib no cia li nkag klag rau hauv kuv ob tug qub ntiv tes. Thaum ub, kuv tus txiv yuav mus ua rog, nws muab ob ntiv nplihaib no rau kuv koj, nws hais tias nws txawm mus cuaj xyoo kaum xyoo lawm los yog ob ntiv nplihaib no tsis hle hlo ntawm kuv ob tug ntiv tes mas nws tseem muaj txoj sia nyob xwb. Li ntawd, thaum kuv los lawm, ob ntiv nplihaib no tsis tau hle ntawm kuv ntiv tes. Tiam sis yog kuv muab hle tseg rau lub pob ntsaum lawm xwb. Niam no mas ntshai kuv yuav yuav kuv tus txiv qub xwb, nws thiaj li yog kuv tus nkauj txhav qaib nraug txhav noog tiag tiag. Hos tus txiv tshlab no mas kuv tsis yuav lawm."

Xeev Laus txawm teb hais tias:

"Aub! Yog tias tus vauv qub tuaj txog, Ntxawm tsis yuav tus vauv tshlab no lawm no, ces tus vauv tshlab rooj mov cia muab tshem tseg. Tus vauv qub tus txog niam txog txiv zoo heev lawm lauj."

Ces muab tus vauv tshlab rooj mov tshem tseg. Xeev Laus npaj neeg tshuab puab, ntaus nruas luaj kwb twg tuaj tos tus vauv qub lauj. Ces tuaj tos tau Thoob Yej mus txog tom Xeev Laus tsev ov. Yawm txiv txuj ci hlob hlob lauj! Yawm txiv txawm hais rau Thoob Yej hais tias:

"Tseeb tseeb koj yog kuv tus me vauv ntxawg tiag tiag los?"

Thoob Yej teb hais tias:

"Aub! Txiv, kuv yog koj vauv tiag tiag ntag lauj."

Yawm txiv tias:

"Aub! Koj yog kuv vauv ntxawg tiag no, koj sim tua niag hauv roob tid kom ua liaj ia rau kuv saib saib."

Thoob Yej thiaj nta hlo phom los tib phom rau niag hauv roob ua nwg ua klag ib thaj liaj ci ntsa lab tiag lauj.

Yawm txiv tias:

"Aub! Yog kuv vauv ntxawm tiag. Koj yog kuv vauv tiag no, koj sim rov tua kom ua hauv roob li qub saib?"

Thoob Yej nta hlo phom los tib phom rau, rov ua klag ib lub hauv roob li qhov qub lawm thiab.

Yawm txiv tias:

"Aub! Me vauv, koj yog kuv vauv tiag tiag lauj! Ua li mas koj sim tua niag pob tsuas tid kom ua liaj ia teb chaws rau kuv saib saib. Yog koj tua tau, mas koj thiaj yog kuv vauv tiag."

Thoob Yej nta hlo phom los tib phom rau niag pob tsuas, ua niag pob tsuas tawg tas, ua klag liaj ia teb chaw lawm thiab.

Yawm txiv rov hais tias:

"Aub! Tus no mas yog kuv vauv ntxawm tiag lauj! Koj yog kuv vauv ntxawm tiag no, koj sim rov tua kom zoo li qub saib."

Thoob Yej rov nta hlo phom los tib phom rau rov ua klag tib lub pob tsuas dawb paug li qub lawm thiab lauj. Xeev Laus rov qab hais dua hais tias:

"Aub! Tus no mas yog kuv tus vauv ntxawm tiag! Cov nqaij cov cawv no, yog tus vauv nws tuaj txog, txawm muaj ib tug vauv tshlab yuav yuav kuv tus ntxawm, mas thiaj li tau npaj. Tiam sis, nyiam no, txoj hmoov muaj. Tus vauv nws ho tuaj txog kuv ua niam ua txiv tsev lawm. Mas txawm yuav ntxab ntxawm tej dej cawv thiab cov nqaij hno no los rau kuv tus vauv noj mas tsis phim lawm. Tej no, cia muab rau me nyuam yau thiab zej zog noj ua si xwb. Tso rov npaj dua, mas thiaj yuav zoo."

Ces txawm muab tus vauv tshlab tsum nqaij hno no los rau cov me nyuam yaus zej zog noj ua si xwb.

Xeev Laus txawm hais rau Thoob Yej hais tias:

"Aub! Me vauv, nyiam no, koj yog kuv vauv tiag. Koj yuav tsum mus nrhiav cuaj tug nyuj cuaj tug twm los tua rau kuv noj. Koj pom xeeb yog kuv ib tug vauv tiag, nyiam no koj tau kuv ntshais nkauj ntxawm lawm."

Thoob Yej thiaj hais rau nws txiv tias:

"Aws! Cia kuv mam nrhiv los tau kawg los mas, txiv."

Thoob Yej thiaj li nta hlo phom tua cuaj phom tau cuaj tug nyuj. Rov tua cuaj phom tau cuaj tug twm. Thoob Yej coj los khi tau tib niag tiaj lauj. Xeev Laus thiaj hais tias:

"Aub! Tus no mas thiaj li yog kuv tus vauv tiag tiag."

Ces Xeev Laus txawm hu laj mej pej xeev tuaj. Txawm tuaj pab ua tau cuaj lub tsev hawm tshav (tsev tsam phooj). Ib lub muaj cuaj dag lauj. Xeev Laus txawm hais rau Thoob Yej tias:

"Aub! Nylam no koj mas yog kuv vauv tiag lauj. Tab si skoj sim nce kuv tus ncej huab qag no, mus tuaj puag saum qhov kawg tus ncej khaub lig saud, hu qhua noj mov saib puas tau?"

Ces Thoob Yej tsis pom qab yuav ua cas. Nws txawm quaj quaj xwb lauj. Mos ntsuab txawm los hais rau Thoob Yej tias:

"Koj tsis txhob ntshai. Kuv mam li qhia koj tau xwb los mas."

Mos ntsuab los de zoj tau ib daim me nplooj hleb kauv zoo zoo rau Thoob Yej, mos ntsuab hais tias:

"Koj nqa daim no mus. Mas koj mus txog saud, koj yawm txiv yuav kom koj mus de daim niag nplooj lauj pwm saud tshuab no. Daim niag nplooj lauj pwm saud kam tuab li ib niag dos loj diam. Mas koj yeej tshuab tsis nrov ib zaug li. Kuv thiaj de daim me nplooj hleb no rau koj. Koj nce koj yawm txiv tus ncej huab qag ntawd, mas koj tsis txhob tuav qhov twg klag. Txhob ntsia qhov twg klag li. Koj ntsia ntsoov taw nce hlavv hlo xwb ces yeej tau klag xwb los mas. Yog koj ntsia tim tej ntsia saud ntsia hauv, tuav ub tuav no mas koj poob nthav ntag laiv. Thaum ntawd koj yawm txiv yeej muab koj los ua ntxuag cawv xwb ntag nawd! Koj mloog mloog kuv hais, mas koj thiaj yuav yeej nawd! Thaum koj nce mus txog saud, koj muab klag ib daim nplooj hleb los npuav nkaus ntawm koj daim di ncauj. Koj tshuab daim nplooj hleb, tshuab peb zag rau neej, peb zag rau dab. Tag nrho mas koj nqe ceev ceev los ntag laiv. Yog koj tseem nyob ntev saud, mas ib ntsis cua tshuab, koj yeej poob xwb. Thaum koj poob los txog, mas koj yawm txiv yeej muab koj ua ntxuag cawv xwb xwb nawd. Ces thaum ntawd koj yuav tsis tau koj poj niam, kuj yuav tsis tau koj niam hlob thiaj."

Ces Thoob Yej nce nws txawm tsis ntsia qhov twg li lauj. Nws txawm ntsia ntsoov nws txhais taw. Nws nce hlavv hlo nce hlavv hlo mus nto plaws rau puag saum ob tug ncej khaub lig. Cia muaj ib tsob niag nplooj lauj pwm tiag. Thoob Yej txawm de klag tau ib daim niag nplooj lauj pwm tuab muaj ib dos, ua txuj muab npuav nkaus ntawm qhov ncauj xwb. Nws muab klag daim nplooj hleb los tshuab klag peb zag rau neej peb zag rau dab tag nrho xwb, Thoob Yej nqes ceev ceev ti nkaus hauv pem teb. Tib pliaj zoj, ntuj tsaus nciab teb tsaus nti. Mas lawg poob luaj taub twg lauj. Cua mas nplawm nplawm yawm txiv me ncej huab qag yuav vau li lauj, xa ua yawm txiv me maum kaum mas ntxhov niab rau qhov txhia chaw. Yawm txiv thiaj thov thov tias:

"Aub! Tsum lauj! Me vauv lauj! Nylam no, cuaj lub tsev hawm tshav neeg puv nkaus. Kuv me ncej huab qag qaij tas. Kuv me maum kaum tsev nqeeb ntxho tas lawm. Me vauv thov tso cia li lauj. Koj mas thiaj yog tseem tseem kuv vauv tiag lauj."

Tsuas tias cuaj lub tsev hawm tshav mas qhua ntsawm nkaus hauv. Cov qhua ntawd noj tau peb hnuv peb hmo. Lawv noj tas cuaj tug nyuj cuaj tug twm. Dej cawv haus du lug. Noj noj tas rooj tshoob ntawd. Yawm txiv txawm muab tau yim tus nkauj qhev thiaj Ntxawm, ces yog cuaj leeg nkaus. Nws muab lub vab tshaus hlaui los kem nruab nrab, tso tas nrho cuaj leeg ntawd zaum ib leej rau hauv txaj. Kom lawv muab ib leeg ib tug ntiv tes tshwm sab nraud rau Thoob Yej twv cov ntiv tes ntawd saib Thoob Yej poj niam tus yog tus twg. Yawm txiv hais tias:

"Yog nws los tuav tau nws poj niam tus ntiv tes, mas nws yog kuv vauv. Yog nws los tuav tsis tau, mas nws yog kuv ntxuag cawv xwb los mas."

Ces Thoob Yej quaj quaj lauj! Niag mos ntsuab txawm los hais rau nws tias:

"Koj tsis txhob ntshai. Koj yuav quaj ua tus dab tsis? Cia kuv mam li pab koj. Kuv nkag peb lwm rau nraud, peb lwm rau hauv. Yog tias kuv tsaws ntua tus twg mas koj tuav nkaus tus ntawd. Koj thiaj yuav tau koj poj niam nawd!"

Ces Xeev Laus txawm hais tias:

"Kuv me vauv! Nws yog kuv vauv ntxawm tiag no, nws sim los tuav Ntxawm tus ntiv tes saib!"

Thoob Yej thiaj los sawv loo saib nraud xyuas cov ntlv tes, pom mos ntsuab ya loo peb lwm rau hauv peb lwm rau nraud. Mos ntsuab tsaws ntua. Thoob Yej tuav nkaus tus mos ntsuab tsaws. Thoob Yej hais tias:

"Ntxawm ces yog tus no ntag nawd."

Xeev Laus hais tias:

"Aub! Tus no mas yog kuv tus vauv tiag lauj! Kawg kuv twb muab lub vab tshaus los thaiv nruab nrab lawm, nws tseem twv tau Ntxawm lawm thiab."

Ces ib ntsis tsaus ntuj. Xeev Laus los pua tau lav tsuj lav npuag rau ntawm tag. Xeev Laus hais rau cov qhev hais tias:

"Ib ntsis, kom kuv me vauv ntxawm los pw ntawm kuv lub lav tsuj lav npuag no nawd!"

Ces niag mos ntsuab txawm los hais rau Thoob Yej hais tias:

"Thoob Yej os! Koj tsis txhob pw nawd! Luag pua lav tsuj lav npuag li no sim koj. Yog tias koj los pw mas luag yuav muab koj ua ntxuag cawv xwb xwb nawd! Nyiam no mas lawv muab Ntxawm kaw rau saum nthab lawm. Ntxawm txia ua ib tug niag nas kos. Ntxawm twb kaws ib lub qhov nthab to lawm. Ntxawm yuav dauv ib txog hlab tsuj hlab npuag los rau tom tag. Koj ua txuj mus pw ntawm lub lav tsuj lav npuag ntawd ib me chim. Ces koj pom Ntxawm txoj hlab tsuj hlab npuag, mas koj sawv tsees mus tooj zog txoj hlab ntawd. Koj mus nrog Ntxawm pw lawm saum nthab nawd. Yog koj tsis ua li kuv hais, mas koj yawm txiv yeej yuav sawv los muab koj ua ntxuag cawv nawd." Ces tsaus ntuj, Thoob Yej thiaj ua txuj los pw zoj ib me ntsis xwb. Cia tsw hlaw ntxiag. Ntsia, cas pom txoj hlab tsuj hlab npuag dauv los lawm tiag. Thoob Yej thiaj sawv tsees mus tooj zog txoj hlab tsuj ntawd mus nrog Ntxawm pw dua saum nthab lawm ntag.

Ces ib chim ib tag hmo, yawm txiv taws teeb los saib. Cas tsis pom Thoob Yej ntawm tag lawm. Tag kis yawm txiv hais tias:

"Aub! Sim mus xyuas saib. Ntshai yog kuv vauv ntxawm tiag."

Yawm txiv thiaj mus xyuas. Cas pom Thoob Yej nrog Ntxawm pw saum nthab. Yawm txiv thiaj hais tias:

"Aub! Zaum no mas thiaj yog tseem tseem kuv vauv ntxawm tiag lauj. Kuv txuj ci ces tas li no lawm. Ho kom nws los pe dab pe qhua, saib kuv puas tau muab nws los ntxuag cawv."

Kom Thoob Yej los pe dab pe qhua. Ces Thoob Yej tsis paub li lauj. Thoob Yej quaj quaj. Mos ntsuab txawm los hais tias:

"Koj txhob ntshai. Cia kuv mam qhia koj. Luag hais tias kom koj mus pe dab pe qhua no. Ces koj mus tsa hlo ob tug dauj nram qhov rooj tag. Thiab koj mus lawm tom tog txuas, koj nqa rab khaub rhuab tod los tso rau tom hauv piag saum lub rooj xwb, ces yog lawm los mas."

Ces yawm txiv tias:

"Vauv, los pe dab pe qhua saib."

Thoob Yej thiaj li mus tsa hlo ob rab me dauj nram qhov rooj tag. Thiab nws mus loo rau tom tog txuas nqa hlo rab khaub rhuab tod coj los tso pihuav rau tom hauv piag saum lub rooj.

Ces Xeev Laus niam qhuas qhuas nws hais tias:

"Aub! Yog tseem tseem kuv vauv ntxawm tiag lauj! Kuv txuj ci tsis muaj ntxiv lawm, Ntxawm thiab me vauv nawb, neb nyob peb hnuv tso, neb mam mus tsev."

Ntxawm thiab Thoob Yej nkawd thiaj nyob tau peb hnuv. Yawm txiv tseem rov qab hais tias:

"Neb tsis txhob rawm mus nawd, me vauv! Koj los nyob deb thiab. Yog neb mus lawm, yuav tsis muaj neeg pab kuv lawm. Ua li mas, me vauv, koj mus luaj thiab ntov kom tag ib daim teb hav zoov laus rau kuv tso, Ntxawm neb mam li mus ov."

Thoob Yej thiaj li nyob. Nws mus luaj tag ib thaj teb hav zoov laus. Thoob Yej rov los hais rau nws yawm txiv tias:

"Aub! Txiv lauj! Kuv los tuaj lawm ntev. Tseg niam hlob thiab txiv yawg nyob xwb. Ntev lawm. Rawm rov mus xyuas vaj xyuas tsev thiab. Ces cia Ntxawm wb mus lauj."

Yawm txiv teb tias:

"Tsis taul Txhob rawm mus, me vauv. Yog neb yuav mus mas hlawv teb tas tso, neb li mam mus."

Aub! Nkawd rov nyob nyob tos teb qhua. Ces yuav mus hlawv teb lauj. Yawm txiv txawm hais tias:

"Aub! Zaum no mas yuav mus hlawv teb nawd! Yuav cia tub mab tub qhe mus hlawv nram qab teb. Hos kuv me vauv mas nws yuav mus pua chaw pw hauv piawv teb. Yog tias hluav taws kub dhau lawm, kuv hu, vauv tseem teb hauv piawv teb tuaj thiab no, mas thiaj yog kuv vauv. Hos hluav taws kub dhau tas,

kuv hu, yog tsis teb lawm no, mas yog kuv ntxuag cawv xwb." Nws yawm txiv hais li ntawd. Ces nws quaj quaj lau! Tsis pom qab yuav ua li cas. Ntshai kawg tuag xwb. Mos ntsuab thiaj ya los hais rau Thoob Yej hais tias:

"Koj tsis txhob quaj! Cia kuv mam qhia koj. Yog koj yawm txiv ua li ntawd no, ces koj mus txlav ob lub raj dej. Koj nqa mus. Koj muab ob lub raj dej ntawd mus nqa dej coj los tso ntawm koj ob sab. Thaum hluav taws kub tuaj, mas ob lub raj dej ntawd yuav ua ob lub niag pas hawv nyob ntawm koj ob sab. Hluav taws yuav tsis kub thiab twb tsis ntaiv koj. Koj nco ntsoov qhov kuv hais."

Ces txog hnuv hlawv ntag lau! Xeev Laus txawm hais tias:

"Kuv vauv ntxawm, koj mus pua chaw pw lawm hauv plawv teb. Cia tub mab tub qhe mus hlawv nram qab tuaj nawd."

Ces Thoob Yej txawm mus txlav tsuag tsuag tau ob lub raj dej luaj caj npab, coj mus ntim tau ob nyuam raj dej. Thoob Yej txawm mus pw hauv plawv teb lawm ntag. Nws mus txog, nws txawm muab ob lub raj dej tso rau ob sab, nws pw hauv nruab nrab ntag lau.

Tub mab tub qhe hlawv nram qab tuaj. Tsuas tias nplaim mas sib ntswg yos tuaj lawm ntag lau! Kub kub. Hluav taws tuaj dhau tas. Cav mas tsuas tias kub liab vog. Tsab ntoos mas vau pig poog qhov txhia chaw. Yawm txiv txawm cem hais tias:

"Tus me dev ntawd, niam khav diam. Zaum no, nws tseem tsis yog kuv ntxuag cawv thiab, mas ntshel"

Yawm txiv cav hu tias:

"Me vauv ei!"

Thoob Yej teb tias:

"Hawv!"

Yawm txiv niam qhuas qhuas tias:


"Aub! Yog kuv tus me vauv ntxawm tiag tiag li lau! Hluav taws twb npaum li no lawm, hu tseem teb thiab. Yog vauv ntxawm lawm lov. Me vauv aw! Yog hluav taws dhau lawm no los mog."

Thoob Yej los los tim plawv teb los txog. Yawm txiv tias:

"Me vauv, koj txawm maj mus tsev los, neb los nyob ob peb hnuv tso, kom Ntxawm xaws ris xaws tsho rau koj tso. Neb mus qaum ntuj mus, neb mus peb hnuv xwb txog lawm. Yog neb mus ntiaj teb mus mas neb yuav mus peb xyooos thiaj txog."

Ces neb ua ib siab mus qaum ntuj mus, tso neb thiaj yuav txog sai me ntsis nawd!"

Nkawd los nyob tau peb hnuv. Ntxawm xaws tau ris tsho, rhais tis rhais tw rau nkawd tas. Nkawd thiaj ya tiaj lias los tau peb hnuv. Ntxawm thiab Thoob Yej nkawd thiaj los txog rau ntiaj teb, rov los nrog niam hlob ua neej nyob rau ntiaj teb.



ZAJ 6

TUB NTSURG

NTAJ HNAB

TAWU PLIS

Tus hais: Yaj Mas

Puag thaum ov, ib tug Hmoob nws muaj peb tug tub. Leej txiv niaj hnub coj nws peb tug tub mus xyuas teb. Tiam sis yog leej txiv coj nws peb tug tub mus xyuas nws lub qua ntxa xwb, tab sis leej txiv tias yog mus xyuas teb. Ces leej txiv mus xyuas tau ib lub qua ntxa zoo lawm lauj! Nws rov los txog tsev, nws txawm hais rau nws peb tug tub tias:

"Kuv hais rau nej peb tug tub os! Yog tias hnub twg kuv tuag no, nej peb tug tub mus yuav ib tug twm dawb, ib tug twm ntsuab los tua pam kuv ua txiv os mog. Tiam sis nej tsis txhob kwv kuv nawd! Nej yuav muab kuv los kauv rau hauv daim tawv twm dawb, nej muab xaws rau. Nej peb tug kwv tij tuaj tom taub hau cab xwb. Mas nej cab kuv mus taug txoj kev uas kuv coj nej, peb mus xyuas teb ntawd. Nej cab kuv mus mus. Yog thaum twg lub taub hau twm ntawd tu rau qhov twg, ces nej li muab kuv faus rau qhov ntawd nawd!"

Lawv txiv nyuam qhuav hais tas li ntawd xwb. Ua ciav, hnub tsis ntev hmo tsis ntau, leej txiv txawm tuag lawm tiag lauj! Peb tug tub quaj quaj nyiav nyiav tas. Lawv txawm mus muas tau ib tug twm dawb, ib tug twm ntsuab, raws li leej txiv tau hais. Lawv muab tus twm dawb los tua laws daim tawv tseg, hos muab tus twm ntsuab tua laws daim tawv faib rau zej zog. Muab ob tug twm ntawd tua pam leej txiv tas. Ces yuav txog hnub coj leej txiv mus faus. Peb tug tub txawm coj leej txiv lub cev los kauv rau hauv daim tawv twm dawb, muab xaws zoo zoo tas. Peb tug tub txawm cab cab leej txiv mus taug txoj kev uas thaud nws coj lawv mus xyuas teb ntag. Cab cab mus ib niag tav su lawm, daim tawv twm pheej tsis txawj tu li. Tus tij laug hlob txawm hais rau ob tug kwv tias:

"Aub! Kwv nrab thiab kwv ntxawg lauj. Hnyav ua luaj. Txog tav no lawm tsis tu li. Ces peb muab faus rau qhov no lauv! Yog neb tsis faus ces neb cab neb mus. Kuv yuav rov qab."

Tus tij laug hlob txawm khiav los lawm lauj! Tus kwv thiab tij laug nrab nkawd ho cab. Mus mus hnub twb qaij nrus lawm.

Daim tawv xij tsis txawj tu li thiab. Tus kwv nrab txawm hais rau tus kwv ntxawg tias:

"Kwv ntxawg! Tav nov tij laug los nws khiav nws lawm thiab. Tshuav wb xwb. Niag yuav tsaus ntuj. Ces wb muab txiv faus rau ntawm no laub! Yog koj tsis faus ces koj cab koj mus xwb." Ces tus tub ntxawg quaj quaj nws hais tias:

"Aub! Ua cas neb ob tug tij laug, neb yuav tsis mloog txiv lus ua luaj! Txiv twb hais tias thaum twg lub taub hau twm tu peb mam li faus. Tsis tau tu, neb khiav lawm, los kuv mam cab."

Tus kwv ntxawg txawm quaj quaj. Nws maj mam cab nws ib leeg lawm xwb lauj. Nws cab cab mus me ntsis, daim niag tawv twm txawm tu nrho lawm tiag. Nws cia li khawb tsuag tsuag ib lub qhov, nws muab nws txiv faus rau ntawd.

Ces txawm faus tau leej txiv rau qhov chaw zoo looj mem. Nws txawm muaj txuj muaj ci loj ntag los laiv. Tus kwv los nyob nyob tau ib ntus. Cas Xeev Laus niag ntxhais Nkauj Ntxawm mob kav hlaub heev heev li. Xeev Laus hu tas neeg ntiaj teb tuaj kho los tsis zoo li. Ces muaj ib hnub, Yawm Saub txawm los ua npau suav rau Ntxawm tias:

"Ntxawd! Koj mas ntuj yeej tiam ntawv los kom koj tau yuav peb tug tub ntsuag uas nyob pem roob ped ib tug. Mas koj kom koj txiv mus hu lawv tuaj. Tus twg kho tau koj ces koj yuav tus ntawd nawd."

Ces tus ntxhais thiab li hais rau nws txiv tias:

"Txiv! Kuv ua npau suav hais tias nyob pem roob ped muaj peb tug tub ntsuag. Mas koj mus hu lawv tuaj kho kuv. Peb tug ntawd muaj ib tug yuav kho tau kuv no laiv!"

Ces Xeev Laus txawm tuaj hu tau peb tug tub ntsuag mus txog. Ob tug hlob kho tas, kuj tsis zoo. Tus tub ntxawg ho los kho, nws hais rau Xeev Laus tias:

"Sais! Kuv kho koj ntxhais Ntxawm zoo, dab tsi los kuv tsi yuav. Kuv thov yuav koj lub zuag ntsis plaub hau nawd."

Xeev Laus teb tias:

"Awd! Tub, tsuav yog koj kho tau kuv ntxhais zoo, mas koj yuav los muab xwb los mas."

Ces tub ntsuag muab kiag txwm kub twm dawb uas tua rau nws txiv, coj los peb yom saum ntuj, peb yom nruab teb.

Coj los yang klag dej ntxuav Xeev Laus ntxhais Nkauj Ntxawm lub plab hlaub. Ces Xeev Laus Ntxhais Nkauj Ntxawm cia li zoo hlo lawm, ua taus hauj lw m ncig tag dhau rau txuas lawm ntag. Tus kwv ntxawg txawm hais tias:

"Txiv Xeev Laus! Nyiam no, kuv kho koj ntxhais zoo lawm. Ces kuv yuav yuav koj lub zuag hais plaub hau xwb."

Yawg Xeev Laus txawm teb tub ntsuag tias:

"Tsis tau laus! Kuv lub zuag ntsis plaub hau mas kuv yuav cia yug ncauj yug lo rov tom qab hos. Kuv muab rau koj lawm, kuv yuav muab dab tsi koj los yug ncauj nab, kuv ho yuav tsis muab rau koj, nyuag Hmoob ntawm kos laud!"

Ces kwv Ntxawg rov loo los txog ntua tsev. Nws nqa loo nws tus kub twm mus pov rau nraum qab khav, txuas zis laws rau. Mas tam sim ntawd Xeev Laus ntxhais nkauj Ntxawm rov mob plab hlaub ceev ceev rov tuaj yuav tuag li xwb lauj. Xeev Laus tub hlob saib zoj. Ua ciav yuav tsis tsum, nws muam Ntxawm mob heev dhau hwv lawm tiag, ntshai yuav tuag xwb. Tub hlob txawm hais rau nws txiv tias:

"Txiv! Koj tsis txhob hais li zaud lawm. Tus me Hmoob ntawd yuav yuav koj lub zuag. Cas koj ho yuav tsi muab rau? Cia li muab xwb las mas! Kawg nyiam no kuv muam Ntxawm yuav tuag. Saib, koj yuav hais li cas?"

Xeev Laus thiaj teb nws tus tub tias:

"Aub! Yog li. Mas koj ua tub hlob, koj cia li rov mus thov nws kom nws cia li rov tuaj kho kom zoo. Mas kuv yeej yuav muab rau nws xwb xwb no nawd."

Xeev Laus tub hlob khiav rov tuaj txog ntua. Nws hais tias:

"Aub! Leej npawg lauj! Nyiam no, kuv muam Ntxawm mas nws rov mob plab hlaub heev heev tuaj. Kawg yuav tuag xwb li. Ces kuv txiv hais tias kom kuv tuaj thov koj tso. Koj rov pab mus kho. Koj kho zaum no zoo thiab, koj xav yuav qhov twg, los kuv txiv yuav muab rau koj!"

Kwv Ntxawg txawm teb tias:

"Aub! Ntshai kuv tsis txawj lawm xwb. Kuv muaj ib nyuag yam thiab ntag. Kuv twb kho tas lawm, koj txiv niag dag kuv xwb las. Mas zaum no kuv tsis txawj kho lawm nev. Tsam kuv kho los yuav tsis zoo pov."

Xeev Laus tub hlob nim thov thov tias:

"Aub! Zaud, mas yog kuv txiv hais xwb. Mas zaum no yog kuv hais nrog koj ntag. Thov koj mus kho. Zaum no zoo, kuv txiv tseem tsis muab rau koj thiab no, ces kuv mam li muab. Kuv no, pom xeeb yog ib tug tub hlob, yuav los nres lub cuab lub yig ntag. Kuv yeej muab tau rau koj xwb xwb li ntag nawd. Thov koj me Hmoob! Cia li mus pab kho kuv muam Ntxawm xwb li." Ces kwv Ntxawg thiaj li rov loo mus muab txwm kub twm coj los, raus tsuag tsuag tau ib nyuag ntim dej, nqa loo mus nram Xeev Laus tsev. Coj mus ntxuav tsuag tsuag muam Ntxawm txhais kav hlaub tas nrho xwb, mas Ntxawm nim khiav luag haws him rau tom ub tom no lawm ntag lauj.

Ces zaum ntawd Xeev Laus ua tsis tau tes lawm lauj! Xeev Laus txawm muab nws lub zuag hais plaub hau rau tub ntsuag laud! Lub zuag ntawd mas yog nws Ntxawm ntag! Xeev Laus muab lub zuag rau lawv peb kwv tij, nws hais rau lawv tias:

"Aub! Zaum no kuv muab lub zuag no rau nej. Mas koj yog tus tub ntxawg. Koj tau coj koj txiv mus faus tau zoo looj mem mas koj txuj ci hlob. Koj nqa xwb. Koj tsis txhob muab rau koj ob tug tij laug nqa nawd! Nyob ntsis, nkawd txuj ci tsis hlob, tsam Xob ho tuaj txeeb lawm nawd."

Ces Xeev Laus txawm muab lub zuag rau lawv peb tug kwv tij. Lawv nqa los txog tom kev. Tij laug hlob thiab tij laug nrab nkawd txawm hais tias:

"Aub! Yauj! Xeev Laus lam hais li ntawd xwb uas. Yog tias koj ua kwv, koj twb nqa tau. Ces wb ua tij los wb ham tsis yuav nqa taus ib yam thiab las mas? Muab los rau wb saib saib. Xeev Laus lub niag zuag nim ho yuav zoo npaum li cas diam es ho yuav tsis pub rau wb nqa?"

Tus me kwv Ntxawg txawm teb hais tias:

"Aub! Tsis tau nawd! Xeev Laus twb yeej hais tias kom tsis txhob pub rau neb nqa, nyob ntsis Xob ho tuaj txeeb. Kuv mas kuv coj peb txiv mus faus tau zoo looj mem, kuv muaj txuj ci, luag thiaj tuaj txeeb tsis tau no laiv."

Ob tug tij laug hlob cia li nchua ntia los saib lawm lauj.

Ob tug tij laug nyuam qhuav txais nkaus tau los saib zoj xwb.

Ces Xob cia li quaj tib nthw nrov nrov tim qab ntug tuaj, ua rau lawv peb tug kwv tij ntawd cia li ploj ntals lawm lauj.

Tus tij laug hlob, ces nws tsis muaj txuj ci, nws cia li tuag klag lawm. Tus tij laug nrab, ces nws coj nws txiv mus yuav luag txog chaw faus, nws ho muaj txuj ci ho loj zog, nws txawm ho tsis tuag. Tiam sis Xob ho muab nws nga mus pov rau puag tim qab ntug lawm, mus nrog Huab Tais Nyav nyob lawm lauj. Hos tus kwv Ntxawg ces nws coj nws txiv mus faus tau zoo looj mem, nws txawm tsis tuag. Nws txia ntshis mus ua ib tug nyuag Plis zaum caws vos nram ntug dej.

Leej txiv mas tuag lawm tiag. Tiam sis mas nws mus tau zoo looj mem, ces nws txawm xav zoj hais tias:

"Aub! Zaum no Xob txeeb kuv peb tug tub poj niam lawm lauj."

Leej txiv ua zoj Xeev Laus siab kom nws tso nws cov ntshais nrhiav txiv yuav, kom ib tug mus yuav kuv tus tus tub Ntxawg. Xeev Laus los txog tsev, nws txawm hais rau cov ntshais tias: "Nej peb tug ntshais nol Kuv yuav tsuam peb lub phuj rau nej. Mas nej caij raws dej nce toj mus. Nej mus pom Nab los nej yuav ua nej tus txiv. Pom Qav pom Plis los yuav. Pom Tsov pom Dais los yuav. Mas yus xub pom tus twg, yus yuav tus ntawd los ua yus tus txiv nawv! Nyob ntawm yus txoj hmoov raug tus twg. Mas yus yuav tus ntawd nawv."

Ces Xeev Laus peb tug ntshais ib leeg lub phuj nquam swb sis taug dej tuaj laud. Tus ntshais hlob tuaj ua ntej. Tuaj txog ntawd txawm pom niag Plis zaum ntawm ntug dej. Niag Plis txawm thab tus ntshais hlob tias:

"Ab! Koj mus dab tsi os, leej muam hlob? Yog koj tsis xyeej no, lam yuav kuv nyuag Plis no los ua koj tus txiv los pov?"

Xeev Laus ntshais hlob txawm cem tias:

"Awb yawj! Koj nyuag Plis zoo li kod xwb, es kuv lam mus yuav yuav nad? Kuv pom xeeb tuaj mus xaiv txiv diam. Mas kuv yuav yuav tus zoo nraug cuag nraug suav tiag hos. Kuv yuav maj lawm pem zos suav tam sim no mus xaiv txiv."

Ntshais hlob txawm lawm dub muag txig. Nyob nyob me ntsis ntshais nrab ho tuaj txog ntawd. Plis txawm tsis cia li, nws ho thab ntshais nrab hais tias:

"Ab, leej muam nrab! Yog koj tsis xyeej no, lam yuav kuv nyuag Plis no los ua koj tus txiv maj yuad."

Xeev Laus ntshais nrab txawm cem tias:

"Aub yaud! Kuv nim yuav yuav koj nyuag zoo li koj hwm nav? Kuv muaj kuv hluas zoo, zoo npaum nraug Zaj hosi Es yuav kom kuv yuav koj nyuag Plis ko nab?"

Ntshais nrab lias ua ntsej muag dub txig tuaj lawm thiab. Ces ib ntsis Xeev Laus ntshais Ntxawm tuaj txog lauj! Ntshais Ntxawm txawm nug tias:

"Leej nusi Koj tuaj nyob dab tsi ntawm ko nab?"

Niag Plis txawm teb tias:

"Aub! Kuv tuaj nyob ntawm no tos saib puas yuav muaj cov ntshais tuaj mus xaiv txiv. Es tuaj ncaj no, ces nws puas lam yuav kuv no nad, leej muad! Yog koj tsis xyeej no, lam yuav kuv nyuag Plis no los ua koj tus txiv luv?"

Ntxawm xav xav. Ab, thaum yus yuav tuaj, yus txiv twb hais kom tuaj ntsib dab tsi los yuav dab tsi, ntawm yus txoj hmoov raug no. Ab, lam yuav niag Plis no lauv! Xeev Laus ntshais Nkauj Ntxawm txawm cia li tsaws niag Plis rau hauv nws lub phuj, ces txawm nquam niag Plis ntawd rov los tsev. Hos ntawm tus ntshais hlob, nws mus yuav tau ib tug txiv zoo zoo npaum nraug suav lawm tiag. Ua clav tus ntshais nrab nws kuj tau ib tug zoo nraug npaum nraug Nab lawm thiab lauj! Cas Ntxawm mas tau ib tug nyuag Plis zaum caws vos ntawm nws nraub qaum xwb. Cov ntshais los txog nram qab tsev, Xeev Laus ntsia. Mas tus ntshais hlob tau ib tug hluas zoo zoo, caj so nciav xwb ntag coj los ua txiv lawm. Tus ntshais nrab mas tau ib tug hluas mas zoo zoo npaum nraug Zaj, caj so nciav luaj ko taus, muag luaj nkhab, ntsej luaj ntshais tiag lauj. Cas Ntxawm mas tau ib tug nyuag txiv Plis zaum ntawm Ntxawm nraub qaum xwb. Los txog, ces Xeev Laus txawm cem hnya vog rau Ntxawm hais tias:

"Aub yawj! Ntxawm lauj, koj lub neej ces tas li kod lauj! Kuv kom koj mus yuav txiv no, cas koj yuav tsis mus yuav luag tej neeg zoo li ntshais hlob thiab ntshais nrab nkawd tej? Cas koj yuav yuav ib tug niag txiv Plis txaij nkaus li hluav taws hlavv li kod? Koj mas yuav tas koj lub neej li kod lov!"

Ntxawm xav xav. Nws thiab li teb nws txiv hais tias:

"Txiv! Koj ua txiv, koj twb hais tias kom mus ntsib tus dab tsi ces yuav tus ntawd los ua yus tus txiv no. Yus txoj hmoov raug tus ntawd ces yuav xwb. Ces kuv mus mus. Na has, kuv txawm ntsib tug niag Plis xwb. Koj ua txiv los koj tsis txhob lam thuam thiab. Nyaj tej zaud luag txiv nraug suav hlob taus luag. Kuv txiv Plis kuj yuav hlob taus kuv thiab los pauj? Yog kuv txoj hmoov raug kuv txiv Plis lawm, ces kuv lam yuav."

Ces Xeev Laus txawm koj nws peb tug vauv los nrog nws nyob ua ib tse lauj. Xeev Laus txawm saib tsis tshua taus nws ntshais Ntxawm thiab nws vauv Plis nkawd. Muaj ib hnub Xeev Laus txawm hais rau nws ntshais Ntxawm tias:

"Aub! Me Ntxawm lauj! Kuv xav nyob ib lub tsev cuaj ceg ruv. Mas kuv yuav kom kuv peb tug vauv mus ua leeg lub tsev rau kuv nyob. Saib leej twg lub thiab yuav ua tau zoo nkauj dua."

Xeev Laus hais li ntawd tas, vauv hlob thiab vauv nrab nkawd mas nim khav khav kes tes kes taw dhia tej niag pihaw tias:

"Tam tseeb! Wb mas ua tau xwb las mas! Wb pom xeeb txawj thiab muaj tsim npaum no diam, tsis txhawj klag li ntag."

Hos vauv Plis ces nws xyu ib nyuag suab hais tias:

"Aub yauj! Kuv yuav iaj tis mus kwv taus ntoo los ua ib lub tsev cuaj ceg ruv rau koj nyob lauj, txiv aw."

Lawv nyuam qhuav sib tham hais li ntawd tas, peb tug vauv tawm dua nraum zoov lawm. Xeev Laus txawm cem hais tias:

"Nyug vauv Plis txaij kub hnyiab nyob li ntawd, txhob hais tias yuav mus txiav ntoo. Nyob ntsis ntshai tsam ntoo tseem yuav muab nws tais tuag, nws twb tseem tsis paub thiab auj! Txhob hais tias yuav mus kwv xyooob, tsam duav dam daws. Kuv tsuas lam hais kom nws txhob tu siab xwb. Qhov yuav tau tsev los nyob tiag, mas yog kuv vauv hlob thiab vauv nrab nkawd thiab yuav ua tau xwb las mas."

Ces tag kis kaj ntug, vauv hlob thiab vauv nrab nkawd mas nim rau rau siab mus txiav xyooob txiav ntoo los ua tsev ib hnub tsaus ntuj ntais. Ib leeg lias ua tau ib lub nyuag cuaj ceg ruv tiag los mas. Tiam sis niag ncej xyooob qeeg xwb. Hos vov niag nplooj tsawb. Ob nyuag vauv los txog tsev, nkawd txawm los hais rau Xeev Laus hais tias:

"Txiv! Koj yuav nyob tsev cuaj ceg ruv no. Hnub no, wb kuj lias

leeg ua tau lub lawm thiab. Es ib me ntsis tsaus ntuj no, ces niam neb mus pw zov nawd."

Ib me ntsis noj hmo tas nrho ov, Xeev Laus thiab niam Xeev Laus nkawd ob leeg txawm mus pw hauv zov tsev lawm thiab tiag lauj. Ces ib me tsam nkawd ob niam txiv tsaus tsaus zog lawm. Tas zej zog nyuj nees los muab lub niag tsev cov nplooj tsawb lauj los noj. Ib chim ces yawm txiv tsim los. Ciav niag tsev khoob ntshuv, pom ntuj hnub qub dawb vog. Yawm txiv mas nim qv ceev ceev tias:

"Aub! Vauv hlob thiab vauv nrab lauj! Cas neb ua tsev rau kuv nyob, es ib ntsis kuv tsim los no, niag teb nqha taw, ntuj daj hlaw xwb os, ob tug vauv e."

Vauv hlob thiab vauv nrab nkawd txawm hais tias:

"Txiv lauj! Lub tsev no, mas koj pw, yuav tsum kom niam zov hod. Niam pw lawm, koj ua txiv koj yuav tsum zov. Nyem no niam neb ob leeg pw huv si lawm, ces nyuj nees kuj los lauj nplooj mus noj tas. Ces pem teb kawg yuav nqha taw, pem ntuj kuj kawg yuav daj hlaw xwb las as."

Hos vauv Plis ces nws xav xav hauv nws nruab siab, nws txawm xav tau tias:

"Abl Yawm txiv yuav kom peb peb tug vauv no ua tsev rau yawm txiv nyob. Nkawd ob tug vauv hlob twb ua tas lawm. Tshuav kuv los kuv mam ua saib."

Ces tag kis tom qab ov, qalb qua ob tsig xwb, vauv Plis tawm plaws nraum zoov, hle hlo ntaj hnab tawv plis pov tseg. Ces vauv Plis peb npuag teg peb ntaug taw rau tim qab ntug. Ua ciav, nrov qev puag tim qab ntug tua, txawb nkaus rau nram ntug dej tib lub tsev puab pob zeb xwb lauj! Lub tsev ci ntsa lab cuaj ceg ruv tiag las. Ces ib ntsis pom kev, vauv Plis txawm los hais rau Xeev Laus hais tias:

"Txiv lauj! Koj ua txiv, koj yuav kom ua tsev no. Ces kuv ua tau ib lub tsev los txawb rau nram hav dej nrad. Kuv tseem tsis tau tu txoj qia hlua. Cia koj ua txiv, koj sim mus xyuas saib. Koj yuav nylam koj los txawb rau qhov twg, ces kuv li mus nqa los txawb rau qhov ntawd."

Ces yawm txiv txawm hais lus saib tsis tshua taus vauv Plis rau niam Xeev laus tias:

"Koj niad, ua tshais tsuag tsuag rau kuv noj tso. Koj mus daws tus txiv ntshw loj tshaj nram nkuaj los rau kuv caij mus xyuas nyuag vauv Pliis lub tsev, uas nws ua rau kuv nyob saib!" Ces niam Xeev Laus ua tshais tsuag tsuag rau Xeev Laus noj tas. Nws mus daws tsuag tsuag tus txiv ntshw loj tshaj nram nkuaj los rau Xeev Laus caij mus xyuas vauv Pliis lub tsev ntag. Cav, caij caij ntshw mus tawm plaws nram qab tw roob xwb, niag ntshw pom lub tsev uas vauv Pliis ua, mas ci ntsa lab xwb lauj! Ntshw ceeb nkaus, ces ntshw khiav ob peb niag plhaw, ua nwg Xeev Laus poob tsis yeej ntshw. Xeev Laus mas niam khiav khiav los txog tsev. Xeev Laus hais tias:

"Aub! Koj niam lauj! Tsis tsum ntag, tsis tsum ntag. Xyov yog leej twg tseem tuaj ua tau ib lub tsev rau nrad. Ntshai luag yuav nqus rog tuaj ntaus kuv, es txeeb kuv tus Huab Tais xwb. Tsis tau kuv mas khiav ntag nawv."

Xeev Laus mas tso sas ntws khiav lawm lauj. Nws mam li kom poj niam me nyuam sau nra lawv qab.

Vauv Pliis thiaj li los hais rau Ntxawm tias:

"Ntxawd! Koj cia li sai sai mus caum koj txiv nws khiav lawm laiv. Tshuav koj niam lawv xwb. Lawv twb yuav sau nra yuav mus thiab. Yog koj tsis mus caum mas lawv khiav ntag hos."

Ntxawm thiaj li khiav khiav mus caum tau. Ntxawm hais tias:

"Txiv es! Koj tsis txhob khiav! Tsis txhob ntshai! Tsis yog leej twg yuav tuaj txeeb koj tus Huab Tais. Yog koj kom koj vauv Pliis ua ib lub tsev rau koj nyob no, es yog koj vauv Pliis los ua rau koj nyob xwb. Es koj tseem yuav khiav thiab. Lub tsev ntawd, mas yog lub uas koj vauv Pliis yuav cia rau koj nyob ntag. Es koj txawm siv tso tes khiav lawm thiab."

Xeev Laus thiaj rov qab los txog tsev, nws hais tias:

"Aub! Yog hais tias vauv Pliis nws muaj txuj ci hlob npaum li no lawm, mas cia tag kis tso, kuv yuav kom nej peb tug vauv no mus nrhiav ntse los rau kuv noj saib. Kuv mas yuav noj cov ntse los loj xwb. Cov me me mas kuv tsis noj li nawd. Nej yuav tsum mus nrhiav taug dej nce toj xwb nej thiaj yuav nrhiav tau ntse los rau kuv noj. Yog nej leej twg nrhiav tau tus loj tshaj, tus ntawd thiaj yuav ua tau kuv tus Huab Tais."

Ces tag kis mas ob tug vauv hlob nim leeg lub vas. Hos vauv Pliis ces maj mam nkag mus txog nram qab tsev taug, nws mus hie hio nws Ntaj Hnab tawv Pliis tseg. Vauv Pliis ntag rau tim ub ntag rau tim no, ua nws dej nquab loo lauj. Nws khaws tsuag tsuag tau tej niag tus ntse luaj nkaus cov niag maum npua qhuav xwb lauj! Tab sis ob niag vauv hlob ho tsis paub vauv Pliis lawm nws muab nws ntag hnab tawv Pliis hie tas. Ces nkawd tsis paub yawg lawm. Nkawd mus ntaus ntaus ntse ib tag kis los nkawd tau ib co niag ntse me me quav xwb lauj. Nkawd los pom vauv Pliis cov mas tej niag tus luaj nkaus maum npua qhuav xwb. Nkawd txawm nug hais tias:

"Aub! Npawg, koj cov ntse ntawd kod, koj puas muag naj?"

Vauv Pliis teb hais tias:

"Aub! Yog neb yuav los muag thiab tiag, ob tug npawg."

Ob tug vauv hlob hais tias:

"Ua li koj muag no koj yuav yuav dab tsi os, npawg?"

Vauv Pliis teb tias:

"Aub! Yog kuv muag mas kuv yuav yuav ntag hnab tawv Pliis ib lub pob ntseg thiab ib lub qhov muag xwb."

Ob tug vauv hlob txawm sib tham sib tham, niag vauv nrab txawm hais rau niag vauv hlob hais tias:

"Aub! Yog li no ces koj yog vauv hlob, cia kaus koj ib lub qhov muag. Kuv yog vauv yau, ces cia hais kuv ib lub pob ntseg es wb koj mus pauv tsuav tau ntse los rau wb txiv noj. Ces nws yeej yuav qhuas wb thiab nws yeej yuav tso nws tus Huab Tais rau wb ua. Koj puas kam ua li ntawd?"

Niag vauv hlob txawm teb tias:

"Aub! Yuav ua li los ua li tiag."

Ces vauv hlob txawm kaus nws ib sab qhov muag, vauv yau txawm hais nws ib sab pob ntseg, koj los pauv ntse.

Ces vauv Pliis thiaj li muab tus ntse los tshaj plaws rau vauv hlob thiab vauv nrab nkawd. Ces nkawd muab kwv los txog. Xeev Laus nim qhuas qhuas tias:

"Aub! Kuv tus vauv hlob thiab tus vauv nrab no mas thiaj tau hauj lwm os. Nyob li vauv Pliis ces lam mus kom tas kev tas cai xwb lauj! Ntshai yuav nrhiav tsis tau ib tug los ua tshuaj. Sim cia ib ntse nws los saib maj."

Cas ib ntsis vauv Plis los txog ntua, nws lias sis nqa ob tug nyuag luaj nkaus thav npua los thiab. Coj los txog mas Xeev Laus nim qhuas qhuas tias:

"Nev! Koj saib maj, koj niad! Vauv Plis cov yeej tsis luaj vauv hlob thiab vauv nrab nkawd cov thiab los pov. Vauv Plis txawm teb nws yawm txiv hais tias:

"Yog kawg los mas. Tiam sis cov loj loj ntawd mas yog kuv muag rau nkawd, kom nkawd nqa los rau koj ua txiv, kom koj qhuas nkawd ntag no."

Xeev Laus saib zoj. Cas vauv Plis muaj ntsis thuam Xeev Laus. Xeev Laus txawm teb tias:

"Ua li, koj muag no, koj tau nkawd dab tsi?"

Vauv Plis thiaj li teb hais tias:

"Kuv muag rau nkawd, mas kuv yuav pob ntseg thiab yuav qhov muag xwb. Kuv tsis yuav dab tsi li."

Xeev Laus thiaj hais tias:

"Aub! Yog li no. Sim mus hu kuv vauv nrab thiab vauv hlob nkawd los rau kuv saib saib?"

Thiaj li mus hu tau vauv nrab thiab vauv hlob nkawd los txog. Cas, vauv hlob tsis muaj ib lub qhov muag lawm tiag. Hos vauv nrab kuj tsis muaj ib lub pob ntseg lawm thiab tiag lauj.

Xeev Laus mas nim cem cem tias:

"Aub! Koj niam lauj! Koj ob nyuag vauv no, ces txuj tsis luaj li vauv Plis lauj! Vauv Plis tseem ntxias tau muab pob ntseg hlais thiab muab qhov muag kaus tas lawm. Vauv Plis no, nws siab tsis zoo. Nws txawm ntxias tau kuv ob tug vauv no ua li ntawd lawm los tsis ntshai."

Ces yawm txiv txawm tsis tshua hlob vauv Plis lawm lauj. Vauv Plis txawm hais rau nws txiv hais tias:

"Aub! Txiv lauj, nylam no kuv ua tau ib lub tsev rau koj nyob lawm. Tag kis tso, kuv yuav mus ua ib lub rau kuv nyob."

Ces tag kis kaj ntug txoog ov, vauv Plis thiaj li tawm plaws mus nraum zoov. Nws hle hlo ntaj hnab tawv plis tseg, nws peb npuag teg rau tim qab ntug. Cas cia li nrov qev puag tim qab ntug tuaj txawb nkaus pem roob ntag lauj. Tib lub tsev mas cuaj ceg ruv zoo zoo nkauj li lauj. Ces vauv Plis txawm los nyob rau pem roob. Vauv Plis hais rau nws poj niam tias:

"Ntxawd! Lub qhov rooj tag ua tsis tau tiav zoo, es koj tsis txhob qhib nawd. Cia kom puv ib tsug kaum peb hnub tso mam li qhib. Lub tsev tseem tshiab tshiab mas txhob rawm qhib?"

Ces muaj ib tag kis, Ntxawm sawv los ua tshais. Vauv Plis tseem tsis tau sawv. Ntxawm cia li mus qhib plho lub qhov rooj tag lawm lauj. Ces nrov mus txog ntua Huab Tais Nyav teb. Huab Tais Nyav txawm tso tau ob tug tshiab tuaj xyuas. Ob tug tshiab tuaj tshuaj tau ib hlis thiaj los txog rau ntawm vauv Plis lub tsev. Ob tug tshiab thiaj sib tham tias:

"Aub! Tus sim zeej dab tsi es yuav ua tau ib lub tsev zoo nkauj ua luaj no? Ntshai yuav yog lub tsev no ntag, thiaj yuav nrov txog peb Huab Tais Nyav teb."

Ob tug tshiab thiaj li los ncig loo lub tsev ib lwm xwb. Ob tug tshiab hais tias:

"Aub! Lub tsev no zoo nkauj hwy lawm tiag."

Ob tug tshiab thiaj li rov loo mus txog rau Huab Tais Nyav. Ob tug tshiab hais tias:

"Aub! Txiv Huab Tais, xyov yog tus sim zeej qas tsi yuav ua tau ib lub tsev muaj cuaj ceg ruv tiag. Lub tsev ntawd zoo dhau hwy lawm. Ntshai nws yeej yuav npaj rog tuaj ntaus koj, txiv Huab Tais ntag. Nws thiaj li qv kom nche tuaj txog koj txiv Huab Tais teb no. Ntshai koj yuav tsum mus xyuas xwb lauj."

Ces Huab Tais Nyav txawm tso loo vauv Plis tus tij laug uas thaum ub Xob tua es ya rau Nyav teb lawm tuaj ntag lauj. Txawm nqa rab hmuv tooj hmuv hlau tuaj txog ntua nram tiag. Nws txuj ci kuj loj lawm thiab. Nws txawm tib nkaug hmuv tooj hmuv hlau tua raug kiag vauv Plis nruab duav lawm lauj. Vauv Plis ntsaj ceev ceev tias:

"Aub! Zaum no ces kuv tuag xwb lauj."

Vauv Plis poj niam thiaj khiav loo los diaj vauv Plis tias:

"Kuv me txiv Plis, koj yuav mus tuag ua tus dab tsi? Koj nco ntsoov koj ntaj hnab tawv plis mas mog."

Ces vauv Plis thiaj li nco dheev txog. Vauv Plis hle hlo ntaj hnab tawv plis tseg. Vauv Plis tib nchos ua hmuv hle hlo lawm thiab lauj. Vauv Plis khiav ntsuj mus txog, vauv Plis cem tias:

"Tus sim zeej dab tsi es yuav tuaj tua kuv hauv kuv tsev?"

Vauv Plis muab tij laug nrab tsuj nthi rau hauv av lawm lauj.

Ces tij laug nrab thiaj li tsa hlo suab hu tias:

"Aub! Kuv me kwv ntxawg es! Thaud koj cab kuv txiv mus txog tau zoo looj mem es koj txuj ci hlob. Zaum no, yog koj nyob qhov twg no, los pab kuv lauj!"

Vauv Plis los tsis paub nws tij laug lawm thiab. Rau qhov nkawd sib ncaim tau ntev xyoo lawm. Vauv Plis mloog no. Ua ciav, hais nkaus li thaud lawv peb tug kwv tij. Vauv Plis thiaj li nug zoj hais tias:

"Ua li, koj yog tus sim zeej dab tsi thiab koj yog leej twg? Koj sim rov hais koj cov lus no ib zaug rau kuv mloog saib."

Niag tij laug thiaj rov hais tias:


"Aub! Kuv mas thaud, peb muaj peb leeg kwv tij. Kuv txiv coj peb peb tug mus xyuas ib hnuv teb. Kuv txiv hais tias yog thaum twg kuv txiv tuag lawm no, kom peb peb tug kwv tij cab kuv txiv mus. Yog tias niag taub hau twm tu rau qhov twg, mas mam muab kuv txiv faus rau ntawd no. Tab sis thaum kuv txiv tuag, tij laug hlob wb cab kuv txiv mus tsis tau txog chaw. Hos kuv tus kwv ntxawg nws thiaj cab kuv txiv mus tau zoo looj mem. Nyiam no kuv thiaj hu tias nws nyob qhov twg no ces nws los pab kuv."

Vauv Plis thiaj hais tias:

"Aub! Yog li ces koj yog kuv tij laug nrab ntag. Ua cas koj siab yuav phem ua lua? Koj tseem yuav tuaj tua kuv, tso koj yuav yuav kuv poj niam. Tseem yuav muaj txoj cai tij laug yuav niam ntxawm thiab lov?"

Ces vauv Plis thiaj li coj tij laug nrab los pem tsev, thiaj los sib tham. Ces sib qawg quaj sib qawg quaj. Thiaj sib tham txog thaud lawv peb kwv tij cab lawv txiv mus faus. Ces thiaj paub tias yog kwv tij tiag lauj. Txij ntawd los, tij laug nrab thiaj li ua ib siab los nrog tus kwv nyob.

Nkawd thiaj rov sib sau ua tau ib yig neej nyob tsis muaj tag.



ZAJ 7.

TUB NPLAIG NYIAJ

THIAB

TUB NPLAIG KUB

Tus hats: Vaj Mas.

Puag thaum ub ov, muaj ob tug Xeev Laus. Ib tug mas yog Xeev Laus qab zog, ib tug yog Xeev Laus hauv zos. Nkawd ib leeg muaj ib tug poj niam. Nyob nyob nkawd ob nlag poj niam txawm ib leeg muaj ib plab me nyuam lauj. Muaj ib tag kis, cas qaib nyuam qhuav qua lag rhe xwb, nkawd ob tug poj niam tib txhij yug tau ob tug me nyuam tub. Xeev Laus hauv zos tus me nyuam tus nplaig yog nplaig kub. Xeev Laus qab zog, tus nws tus nplaig txawm yog nplaig nyiaj lauj.

Ces ob yawg Xeev Laus thiaj los sib tham tias:

"Aubi Ua cas wb ob tug me nyuam no yug tau los tsis xws teb xws chaw. Mas nyem no wb yog ob tug txiv, wb tsis txhob pub ob tug me nyuam no los sib pom nawd."

Cas ob tug me nyuam ntawd, hnuv nyuam qhuav muaj peb hlis xwb, twb txawj txawj hais lus lawm. Tsis ntev ntawd ob tug me nyuam muaj ib xyos. Muaj ib hnuv ob yawg Xeev Laus tsis nyob hauv tsev lawm. Ob tug me nyuam txawm nqa ib leeg ib hwj cawv thiaj leeg tug qaib. Nkawd txawm tuaj mus sib ntsib nyob rau nram tsev liaj. Ob tug me nyuam txawm muab ob tug qaib tua ua noj ntxuag ob hwj cawv. Nkawd txawm sib tham hais tias:

"Aubi Wb mas yog ob kwv tij tiam ntawv pem ub los ua ke. Mas koj niam thiaj kuv niam nkawd ib txhij yug wb los ua ke. Hnuv twg yog koj niam thiaj koj txiv lawv ntaus koj, mas koj hu es kuv tuaj pab koj nawd. Yog kuv niam thiaj kuv txiv lawv ntaus kuv, mas kuv hu koj tuaj pab kuv ov."

Ces ob tug me nyuam hais li ntawd tas nkawd txawm rov los tsev. Ib tsam zej zog paub. Lawv txawm hais qhia rau nkawd niam thiaj nkawd txiv lauj. Ces leej txiv Xeev laus hauv zos npau taws. Nws txawm khaws nkaus niam los caum nws leej tub Nplaig Kub tua pov tseg. Tub Nplaig Kub ntshai heev, nws thiaj li khiav khiav tuaj txog nram tub Nplaig Nyiaj tsev. Tub Nplaig Nyiaj mas tseem mus da dej lawm. Tub Nplaig Kub txawm hu tias:

"Aubi Tij laug Nplaig Nyiaj lauj! Koj tsuag tsuag tuaj pab kuv. Hnuv no kuv niam thiaj kuv txiv lawv raws kuv tua lawm tiag lauj! Koj kav tsij tuaj pab kuv os."

Tub Nplaig Kub mas nws ke khiav ke hu tuaj. Tab sis tub Nplaig Nyiaj mas nws mus da dej lawm, nws tsis hnov. Nws xij hu tag zog tuaj. Tuaj tuaj txog tim tub Nplaig Nyiaj tsev, los tub Nplaig Nyiaj yeej tsis hnov li lauj!

Ces tub Nplaig Kub txawm chim, nws hais tias:

"Aubi Tij laug Nplaig Nyiaj, wb twb noj dua nqaij haus dua cawv lawm. Hais tias, yog lwm hnuv kuv niam kuv txiv lawv ntaus kuv los koj pab. Koj niam koj txiv lawv ntaus koj los kuv pab. Wb twb noj dua nqaij haus dua cawv hais los li ntawd lawm. Nyem no, koj slab phem koj tsis pab. Kuv hu pes tsawg los koj tsis teb li. Ces koj nyob nawd. Kuv yuav khiav mus."

Ces tub Nplaig Kub txawm khiav lawm tiag. Nws txawm khiav mus dua puag Huab Tais Nyav Liab teb lawm lauj! Nws mus kawm ntaus hmuov tooj hmuov hla, kawm txawj yaj txawj txia. Nws kawm tau txhij tau txhua lawm lauj.

Ces Huab Tais nyob qaum ntuj nws tig los ntsia txog nws ob tug tub uas nws tau tso los rau ntiaj teb no lawd. Cas tub Nplaig Kub mas nws rau rau slab kawm os. Tshuav tub Nplaig Nyiaj mas nyob xwb xwb lauj. Ces Huab Tais xav hais tias:

"Aubi Yog tias mus coj tub Nplaig Nyiaj tuaj kawd, mas ntshai tub Nplaig Kub los, tub Nplaig Nyiaj yuav nyob tsis taus."

Huab Tais qaum Ntuj txawm tso nws ntxhais nkauj ntxawm tuaj mus tos tub Nplaig Nyiaj. Huab Tais qaum Ntuj thiaj li tso nws ntxhais nkauj los mus poob nthav tom ntug liaj. Nws los los ntsib tub Nplaig Nyiaj tseem tab tom mus kwv dej los txog nram kev. Ntxawm thiaj hais rau tub Nplaig Nyiaj tias:

"Aubi Leej nus, koj puas yog tub Nplaig Nyiaj?"

Tub Nplaig Nyiaj teb Ntxawm tias:

"Aubi Kuv yog los mas, leej muad."

Ntxawm thiaj hais ntxiv rau tub Nplaig Nyiaj tias:

"Aubi Leej nus mas nyem no kuv txiv lawv xa kuv tuaj tos koj. Kuv txiv kom koj nrog kuv mus lawm qaum Ntuj, tso lawv yuav qhia txuj qhia ci rau koj no. Yog koj tsis mus, mas yawg Nplaig Kub nws mus kawm txuj kawm ci rau puag Nyav Liab teb lawm, yog hnuv twg nws rov qab los mas nws yuav nqus rog ntaus koj. Mas koj yuav nyob tsis tau no nawd."

Tub Nplaig Nyiaj thiaj teb Ntxawm tias:

"Aub! Ua li es kuv twb mus tsis taus ne, leej muad."

Ntxawm thiaj hais tias:

"Tub Nplaig Nyiaj! Koj txhob ntshai. Koj nrog kuv wb mus lawm tom hav liaj. Ces koj cev koj taub hau rau hauv kuv qhov tsos, ces wb cia li mus xwb tiag."

Huab Tais qaum Ntuj ntxhais nkauj Ntxawm thiaj li muab tub Nplaig Nyiaj qaim hio rau hauv qhov tsos. Nkawd ya plaws dua puag qaum ntuj lawm lauj. Tub Nplaig Nyiaj thiaj li mus txog rau Huab Tais qaum Ntuj teb. Huab Tais qaum Ntuj thiaj qhia tub Nplaig Nyiaj kawm yaj, kawm txia, kawm kom txawj ua loj, kawm kom txawj ua me, kawm ua taws ua dej ua roob ua hav. Nws kawm tau tsis ntev ces txawm kawm txhij kawm txhua tas lauj. Tub Nplaig Nyiaj thiaj tsa ncauj thov Huab Tais hais tias:

"Abl Txiv Huab Tais lauj, nyiam no kuv kawm txaus lawm. Ces kuv thov koj tsa qhov muag saib kuv ib pliaj, kom koj pom hais tias kuv yog koj leej tub, uas koj tau tso koj ntxhais tuaj tos los kawm txuj kawm ci no."

Huab Tais txawm teb tub Nplaig Nyiaj hais tias:

"Aub! Tub, kuv tsa tsis tau qhov muag los saib koj. Yog kuv tsa qhov muag los saib koj ces ntiaj teb nag los hlob hlob li. Nyob ntsis dej yuav nyab, ces tib neeg yuav tuag tas. Yog kuv tsa qhov muag los saib koj, sais nyob ntiaj teb dej nag los nchuav nthwv toj pob liab vog laiv."

Tub Nplaig Nyiaj txawm teb txiv Huab Tais hais tias:

"Aub! Txiv Huab Tais, txawm li cas los xij peem los mas. Thov koj tsa qhov muag los ib nyuag ntsia kuv xwb ces tau lawm." Ces Huab Tais thiaj li ib nyuag tsa qhov muag los ntsia tub Nplaig Nyiaj. Tub Nplaig Nyiaj ho tsa hio qhov muag los ntsia ntiaj teb mas cua daj cua dub nplawm ntws. Dej nag hlob hlob dej nag puv kwj ha tas. Toj pob liab pes vog lawm tiag lauj. Tub Nplaig Nyiaj thiaj hais tias:

"Aub! Thov koj tsum las mas, txiv Huab Tais. Ntiaj teb neeg yuav tuag tas tiag."

Ces Huab Tais qaum ntuj thiaj li qj qhov muag. Tub Nplaig Nyiaj kev kawm ntawm Huab Tais qaum ntuj mas tau tas huv si lawm. Tab sis tshuav ntawm Huab Tais qaum ntuj Mab Dawb.

Tub Nplaig Nyiaj thiaj li mus kawm ntawm Huab Tais Mab Dawb. Luag thiaj li qhia tub Nplaig Nyiaj kawm yaj ua hluav taws, yaj ua tooj ua hlau, qhia txhij qhia txhua lauj. Tub Nplaig Nyiaj kawm tiav tas. Nws txawm hais tias:

"Aub! Txiv Huab Tais Mab Dawb lauj! Nyiam no kuv kawm tiav lawm thiab. Ces thov koj ua txiv tsa qhov muag ntsia kuv, tso kuv yuav mus lawm ntiaj teb lauj."

Huab Tais Mab Dawb teb hais tias:

"Aub! Me tub, kuv tsa tsis tau qhov muag los saib koj. Yog kuv tsa qhov muag los saib koj, mas nyob ntiaj teb hluav taws yuav kub neeg tuag tas."

Tub Nplaig Nyiaj thiaj teb Huab Tais Mab Dawb hais tias:

"Abl Txiv Huab Tais lauj! Thov koj ib nyuag tsa qhov muag los saib kuv tso, es kav liam lauj."

Huab Tais Mab Dawb thiaj li ib nyuag tsa qhov muag los saib tub Nplaig Nyiaj. Cas ntiaj teb mas pa taws ncho aiv niab xwb lauj. Tub Nplaig Nyiaj thiaj hais tias:

"Aub! Txiv Huab Tais Mab Dawb aw! Thov koj qj qhov muag lauj. Yog koj tsis qj, hluav taws yuav kub neeg ntiaj teb tiag lauj."

Ces zaum no tub Nplaig Nyiaj muaj txuj ci lawm lauj. Huab Tais qaum ntuj thiab Huab Tais Mab Dawb nkawd thiaj tso Huab Tais qaum ntuj tus ntxhais Ntxawd xa tub Nplaig Nyiaj nges los rau ntiaj teb. Los txog, ces tub Nplaig Nyiaj txawm nyob hauv tsev tos. Hos tub Nplaig Kub mas nws tseem mus kawm dua puag Huab Tais Nyav Liab teb lawm, tseem tsis tau los. Tub Nplaig Nyiaj los nyob nyob tau peb xyos tos thiab. Ces tub Nplaig Kub nws kawm tiav, nws li mam los. Tub Nplaig Nyiaj mas nyob hauv tsev xwb. Nyob nyob muaj ib hnuv, tub Nplaig Kub txawm hais rau nws niam tias:

"Niad! Koj cab kuv tus nees no mus pub rau tij laug Nplaig Nyiaj. Es koj tsis txhob qhia tias yog kuv muab tuaj pub rau nws no ov. Koj cab mus txog, ces koj hais tias: "Kuv cab tus nees no tuaj pub rau koj os, tub Nplaig Nyiaj." koj muab pub nws tas, koj hle lub looj nqa los tsev nawd!"

Ces leej niad saib zoj. Aub! Ntshai yuav muaj rog tuaj xwb lauv. Nws txawm txais nkaus nws tus tub Nplaig Kub tus txiv nees Zag cab tuaj mus txog pem zos nplog.

Huab Tais nyob qaum ntuj twb tso nws tus ntshais tuaj nyob ped tos lawm. Tus ntshais ntawd txia ua ib tug tib neeg zoo zoo nkauj nyob ped ntag. Leej niad cab cab nees mus txog, tus ntshais nws txawm nug leej niad tias:

"Niad! Koj yuav cab tus nees kod tuaj mus dab tsi os?"

Niam pog laus txawm teb Huab Tais tus ntshais tias:

"Aub! Yog kuv cab tuaj mus rau tub Nplaig Nyiaj no naj."

Tus ntshais nkauj Ntxawm teb hais tias:

"Aub! Koj tus txiv nees no mas zoo nkauj heev hwi. Es koj txhob cab mus rau nws. Koj cia li muab muag rau kuv los pov."

Tub Nplaig Kub niam teb tus ntshais tias:

"Aub! Mas kuv tus tub nws hais tias kom tsis txhob muag. Yeej meem cab kom mus txog rau tub Nplaig Nyiaj no las. Ntshai kuv yuav tsis kam muag ho."

Huab Tais ntshais nkauj Ntxawm hais tias:

"Abl Tsis txhob hais li kod. Cia kuv muab ib txhiab nyiaj dawb rau koj las mas."

Tub Nplaig Kub niam kuj tsis kam thiab. Tus ntshais hais tias:

"Abl! Niam pog, tsis hais ntau li. Kuv muab kiag ib txhiab tsib nyiaj dawb rau koj ntag."

Ces niam pog xav xav. Abl Muab muag, tau ib txhiab tsib nyiaj dawb. Yog cab mus no, ho cab mus pub rau luag xwb. Xav xav muag ntag. Muab muag kiag rau tus ntshais lawm lauj. Nws nqa loo ib txhiab tsib nyiaj dawb ntawd los ib me ntsis zoj xwb. Nws xav tias: "Abl! Tsam tus tub cem!" Nws rov loo los tias:

"Aub! Me ntshais! Mas kuv tus tub nws hais tias cab kom mus txog rau tus tij laug Nplaig Nyiaj xwb. Abl Yog li ces kuv thov koj tso as. Thim rov rau kuv lauj."

Nws rov loo thim tau tus nees lawm. Tus niam pog thiaj cab zoj tus nees mus txog ntua tom tub Nplaig Nyiaj tsev. Niam pog muab tus nees khi nkaus rau hauv qab tsev lawm. Nws nce loo mus saum tub Nplaig Nyiaj tsev. Nws hais tias:

"Aub! Me tub Nplaig Nyiaj, kuv cab tus txiv nees hauv qab tsev hauv tuaj pub rau koj no."

Tub Nplaig Nyiaj teb zoj tus pog tias:

"Aub! Koj cab tuaj pub rau kuv los ua koj tsaug ntau nawd."

Ces tub Nplaig Nyiaj nqes loo los xyuas tus txiv nees tas nrho.

Tub Nplaig Nyiaj nyooj ib suab hauv qab tsav lawj los tias:

"Aub! Yom niam pog yuad! Tus nees no mas zoo zoo nkauj kawg thiab tiag hos."

Tus niam pog teb tub Nplaig Nyiaj tias:

"Awd! Zoo zoo kawg thiab las mas. Es koj nrhia hlua los khi tso kuv yuav daws txoj txe mus os."

Tub Nplaig nyiaj cem ceev ceev tus niam pog tias:

"Aub! Niam pog, koj tseem hais tias yuav daws. Yuav daws looj mus ua tus dab tsi? Koj cia li mus tsev xwb las mas. Nlag no es tseem yuav hais tias yog nees no nab. Nlag qas kwv Nplaig Kub no nws xav tuaj ua rog rau kuv xwb ntag los pov! Nws nim qhuas tias nws muaj txuj lawm no, kuv twb paub lawm lov."

Ces tus nees paub zoj tias, zaum no, ntshai tub Nplaig Nyiaj paub lawm thiab lauj. Tus nees thiaj li nti tawg lawv lees ntag. Tub Nplaig Nyiaj thiaj li mus nqa loo ib rab rauj tuaj mus tso pihav rau hauv qab tsav lawj lawm. Tub Nplaig Nyiaj thiaj li sam plaws rau saum txiv nees nraub qaum, ob peb niag khaub nplawg rau. Aub! Cia txiv nees tsis yog khiav hauv av hos ya plaws mus rau qab ntuj hauv ntuj xwb ntag lauj. Tus txiv nees saib zoj. Ua ciav, tub Nplaig Nyiaj muaj zoo txuj heev, nws tsis poob li thiab ntag. Tus txiv nees ya plaws los tib npug rau pem phab niag pob tsuas ua nws to tshab plaws rau sab nraum ub. Tub Nplaig Nyiaj kuj tsis poob li thiab. Nws nyuam qhuav ntseev hlo rau hauv qab plab xwb. Rov loo los txog ntua tsev, Tub Nplaig Nyiaj chim hwi nws hais tias:

"Aub! Koj nyuag kwv Nplaig Kub ntawm ko heev diam. Koj tseem yuav tuaj tua kuv thiab."

Tub Nplaig Nyiaj nkaus hlo tau ib rab rauj thiab ib rab txaug los twb nkaus rau ntawm tus nees nruab pliaj. Roob rauj ntshais rau, ua nws tus txiv nees tuag kiag lawm lauj. Tub Nplaig Nyiaj hais tias:

"Aub! Yauj! Kwv Nplaig Kub nws txuj ci loj nyaj tsuas kawg li no lov? Kwv tij sawv daws nej yeej meem muab hlais noj."

Ces zej zog sawv daws tuaj muab niag nees hlais sib faib noj nroo ntwi tas. Tub Nplaig Nyiaj hais tias:

"Aub! Zaum no sawv daws noj tas li no, ces tas kwv Nplaig Kub tej txuj ci lawm. Nws yuav muaj pes tsawg heev thiab nav?"

Ces cov zej zog uas tau noj tus nees ntawd, muaj ib tug yawg laus nws noj tas txawm muaj ib nyuag qhov nqaij khuam nyob hauv nws tus hnaij. Nws noj tas nws txawm mus yang ncauj nyob nram hav dej. Txawm muaj ib nyuag ntshiv nqaij dhia rhees poob nthav hauv pas dej. Ces ntshiv nqaij ntawd txawm mus txia ua tau ib co ntses coob coob, tau tib kwj ha. Tsis paub hais li lauj. Tub Nplaig Nyiaj thiaj hais tias:

"Aub! Tsis tsum. Zaum no yawg kwv Nplaig Kub no nws txuj ci loj hwy lawm tiag. Nws txia tau ua ntses los puv kwj ha tas lawm tiag. Ces ntshai kuv yuav ua cas lauj? Ntshai kuv yuav tau txia ua ntshuab mus noj xwb ntag laub."

Tub Nplaig Nyiaj txia ntshis ua ib co ntshuab coob coob mus noj noj tas nrho cov ntses lawm thiab. Tub Nplaig Nyiaj noj tas, nws rov los txog tsev. Cas muaj ntsis daig nws hnaij ne. Ib nyuag dig, na has dhia rhees txia ntshis zoj ua ib co niag noob yeeb ntau ntau, puv nkaus tom tag lawm thiab lauj. Yog cov nqaij ntses txia los ua. Ces tub Nplaig Nyiaj yuav yawm los yawm tsis tas, yuav noj los noj tsis tas. Nws txawm txia zoj ua me nas, me noog, me kab me ntsaum, npua teb dais los noj. Noj, ib me ntsis kuj tas cov niag noob yeeb ntawd lawm thiab. Tub Nplaig Nyiaj txawm hnyos hais tias:

"Aub! Nyuag kwv Nplaig Kub ntawd nws khav diam ua nws txuj ci tas li no lawm lov."

Ces tub Nplaig Nyiaj ho txia ntshis ua ib tug ntsaum, nkag nkag dua ntais rau hauv ib lub nyuag qhov av lawm thiab. Ib me ntsis zoj xwb, tub Nplaig Kub txawm siv txia zoj ua ib tug miv nyooj mlaws mlos tuaj thiab. Tub Nplaig Nyiaj hais tias:

"Yaid! Kwv Nplaig Kub no nws nim heev hwy lawm thiab las."

Tub Nplaig Nyiaj xav xav thiab hais ntshiv tias:

"Tam tseeb! Cia kuv sim ntshis nyuag miv no saib!"

Tub Nplaig Nyiaj khaws nkaus tau ib lub nyuag hnab los cuab miv. Ib me ntsis niag miv nkag los noj taum paj. Tub Nplaig Nyiaj muab lub niag hnab looj nkaus rau. Nws muab ncauj hnab khi zawm nkaus lawm thiab lauj. Tub Nplaig Nyiaj hais tias:

"Aub! Zaum no kuv muab los pov rau hauv yias niag dej kub, mas kom kwv Nplaig Kub txuj ci tas xwb lov."

Yawg muab niag miv pov rhees rau hauv yias niag dej. Miv nti nti, miv tuag ktag lawm lauj.

Ces tus tub Nplaig Kub nws rov loo mus txog tsev. Nws txawm sau ib tsab ntawv tuaj hais tias:

"Aub! Nyem no, tij laug Nplaig Nyiaj, kuv tuaj sim koj me ntsis xwb. Tiam sis koj txuj ci los kuj loj heev lawm thiab. Ces hais rau koj tso: txog lub hli no tim kaum tsib, wb yuav ua rog nawd! Rau qhov tias koj muaj txuj ci zoo lawm. Thiab thaud wb twb noj dua nqaij haus dua cawv los lawm hais tias yog koj niam koj txiv lawv yuav ntaus koj tua koj los kuv pab. Yog kuv niam kuv txiv lawv yuav ntaus kuv los tua kuv los koj pab no. Mas nylam no koj siab phem. Thaud, kuv niam kuv txiv lawv yuav tua kuv, kuv tuaj hu, los koj tsis pab kuv li. Mas kuv thiaj li tau khiav lawm. Zaum no hais rau koj nawd: txog hnub kaum tsib, koj yeej meem npaj koj tej txuj ci. Koj cia li tuaj lawm pem tiaj, wb yeej yuav sib tua xwb xwb nawd!"

Ces txog hnub kaum tsib lauj! Ob kwv tij txawm tuaj mus sib tua. Nkawd sib tua tau peb hnub peb hmos ov. Koj tib ntag kuv caj dab tu nrho, los txuas nkaus li qhov qub. Kuv ho tib ntag koj caj dab tu nrho, los txuas nkaus xwb lauj. Nkawd ob kwv tij sib tua li cas los tsis muaj tus yeej tsis muaj tus swb li. Huab Tais nyob qaum ntuj nws hais tias:

"Ab! Zaum no, ob kwv tij no yog tsis muaj ib tug yeej tug swb, mas yeej yuav sib tua tas li xwb lauj. Ntshai yuav ua rog tas niaj tas xyoo. Ntshai yuav tau tso kuv ntshais nkauj Ntxawm mus pab tub Nplaig Nyiaj lauj. Rau qhov kuv tau coj nws tuaj kawm ntawm kuv."

Ces Huab Tais qaum ntuj thiaj tso nws ntshais nkauj Ntxawm los nyob pem lija tos. Ib me ntsis tub Nplaig Nyiaj rov tuaj txog ped. Tus ntshais txawm hais tias:

"Aub! Tub Nplaig Nyiaj, nylam no koj tsis yeej, mas koj rov teem dua caij no nawd. Cia kuv nrog koj mus tom tsev, es wb mus ntes ib tug dev los tua. Muab cov ntshav los pleev koj rab ntaj tas. Mas rov tuaj tua koj kawg yeej xwb nawd."

Ces hnub ntawd tub Nplaig Nyiaj tua ib hnub tsaus ntuj kuj tsis yeej thiab. Tub Nplaig Nyiaj thiaj hais tias:

"Aub! Hais li no rau koj, kwv Nplaig Kub. Cia tag kis wb so ib hnub thiab tso. Lwm hnub tav li hnub ntseg, wb mam li rov tuaj sib tua dua los pos yuad?"

Ces hñub ntawd Ntxawm thiaj tub Nplaig Nyiaj nkawd rov los txog tsev. Nkawd txawm nrhiav tsuag tsuag tau ib tug dev los tua kiag, cug tau ib niag raj ntshav. Rov txog hñub mus sib tua. Ntxawm nyob ntawm ib sab, tuav rawv raj niag ntshav dev. Hos tub Nplaig Nyiaj thiaj tub Nplaig Kub nkawd sib tua sib tua. Ib ntsis tsis muaj tug yeej tug swb li. Ces ob tug nqhis dej lawm. Nkawd txawm muab nkawd ob rab ntaj tso tseg khiav mus haus dej lawm. Ntxawm thiaj li muab tub Nplaig Nyiaj rab ntaj los pleev ntshav dev tsuag tsuag rau tas nrho. Ces ib me ntsis ob tug haus dej tas, rov loo los sib tua dua. Tub Nplaig Kub tib ntag rau tub Nplaig Nyiaj tu nrho rov txuas nkaus rau lawm. Hos tub Nplaig Nyiaj tib tag rau tub Nplaig kub tu nrho rov los txuas tsis tau lawm lauj. Ces tus kwv Tub Nplaig Kub thiaj tsa hño suab thov tias:

"Aub! Nyiam no, koj yog tij, koj yeej xub yug dua kuv thiaj. Ces nyiam no kuv los thov koj lauj. Thov koj tsis txhob tua kuv tso wb los ua kwv ua tij sib hñub mus lauj."

Ces ob tug thiaj li tsis sib tua. Nkawd thiaj tau tso tseg. Nkawd thiaj rov los sib tham. Ces tub Nplaig Kub hais tias:


"Ua li, yog vim li cas? Wb no, twb noj dua nqaij haus dua cawv los lawm hais tias wb yuav sib pab no. Ua li cas kuv niam kuv txiv lawv yuav tua kuv, koj ho tsis pab?"

Tub Nplaig Nyiaj thiaj li teb hais tias:

"Aub! Kwv Nplaig Kub, lub caij koj hu kuv ntawd, mas kuv tsis nyob hauv tsev lawm. Kuv tseem tab tom mus da dej lawm nevi. Ces koj hu, tsis pom kuv, koj txawm tu slab hais tias yog kuv tsis xav pab koj. Tab sis yog kuv tsis nyob hauv tsev lawd. Kuv nyob tom hav dej. Kuv yeej hnov koj hu kuv thiaj tiag las mas. Kuv twb khiav khiav tam sim ntawd lod. Tab sis nrhiav qhov twg los tsis pom koj li lawm nev. Kuv kuj tos tos tau ib ntus ntev loo, kuj tsis pom koj li."

Tub Nplaig Kub thiaj li hais tias:

"Tij laug Nplaig Nyiaj, kuv hu hu koj tsis pom koj los, ces kuv thiaj li tau khiav mus rau puag Huab Tais Nyav teb lawm nevi!" Ces nkawd ob kwv tij rov los ua neej sib hñub luag lis ntshub, ib yig luag li ntshi tsis muaj tag.



ZAJ 8

Huab Tais Nplog

Ntxhw

thiab Hauj Sam

Tus hais: Yaj Vam Tuam

Puag thaum ub ov, nyob ntuj sua teb tom qab, Huab Tais Nplog muaj ib co Hauj Sam. Nws cov neeg niaj hnuv nqa mov mus rau Hauj Sam noj.

Muaj ib tag kis, ib tug thawj Hauj Sam noj nws cov mov tsis tas, nws txawm muab cov mov los puab tau ib tug ntshw peb lub taub hau. Nws txawm nqas niaj ntshw uas muab mov puab ntawd mus hawm Huab Tais Nplog lau! Ces Huab Tais txawm cem niaj thawj Hauj Sam ntawd hais tias:

"Yai! Kuv ua Huab Tais ob tiam peb tiam li no, twb tsis muaj ib tug neeg nqa ib thooj mov peb lub taub hau ntshw li no tuaj hawm kuv. Nyiam no, koj nyuag Hauj Sam no, koj paub nyob qhov twg muaj ib tug ntshw peb lub taub hau li no es koj yuav nqa tuaj hawm kuv. Nyiam no mas koj yeej meem mus nrhiav kom tau tus ntshw zoo li no los rau kuv nawv! Yog koj mus nrhiav tsis tau mas kuv cia li muab koj kaw xwb ntag."

Ces thaum ntawd tus thawj Hauj Sam tsis pom qab yuav ua li cas lau! Nws txawm lawm, ces nws lam teb hais tias:

"Txiv Huab Tais, tus ntshw peb lub taub hau no yeej muaj."

Huab Tais hais tias:

"Yog muaj, koj txawm mus nrhiav kom tau rau kuv lai! Koj yuav mus nrhiav pes tsawg hnuv pes tsawg hmo?"

Thawj Hauj Sam txawm teb hais tias:

"Aub! Ntshe yuav mus peb xyos, thiaj yuav nrhiav tau."

Huab Tais hais tias:

"Aub! Yog koj mus peb xyos no mas cia kuv muab peb plhom nyiaj no rau koj. Koj yeej meem mus nrhiav kom tau los rau kuv nawd!"

Ces tus thawj Hauj Sam ntawd txawm nqa peb plhom nyiaj ntawd mas noj mus nrhiav lau! Nws mus thooj teb chaws daim av Nplog, tsis pom muaj tus ntshw peb lub taub hau ntawd li lau! Ces nws txawm mus pom ib tug nyuag poj Ntsuam nyob hauv lub nyuag qhov tsua. Nyuag poj Ntsuam ntawd txawm nug tias:

"Ua li, koj tuaj mus dab tsi os, me tub?"

Thawj Hauj Sam teb niaj poj Ntsuam tias:

"Aub! Kuv yuav tuaj mus nrhiav tus ntshw peb lub taub hau xwb. Rau qhov Huab Tais Nplog cov neeg nqa mov tuaj rau peb noj, muaj ib hnuv peb noj tsis tas cov mov, kuv txawm muab tau ib thooj mov los puab tau ib tug ntshw peb lub taub hau. Kuv txawm nqa tus ntshw ntawd mus hawm Huab Tais Nplog. Nyiam no Huab Tais tseev kom kuv mus nrhiav kom tau tus ntshw ntawd los mas thiaj li tas. Yog kuv mus nrhiav tsis tau ces nws yuav muab kuv kaw xwb no, kuv thiaj tuaj."

Niaj poj ntawd txawm teb hais tias:

"Aub! Teb chaws no mas tsis muaj li lau! Yog koj yuav mus nrhiav tus ntshw peb lub taub hau ntawd los hawm Huab Tais mas tsis muaj nawd! Ua li mas kuv los hnuv koj thiaj. Cia kuv muab kuv tus pas nrig no rau koj. Kuv tus pas no, mas koj nqa mus, koj tsis txhob lam muab twb rau neeg lai! Yog koj twb tog hauv paus, mas neeg tuag. Yog koj twb tog ntsis, mas neeg rov qab ciaj tuaj nawv, me tub."

Ces tus thawj Hauj Sam ntawd txawm tau niaj poj ntsuam rab pas nrig lau. Niaj poj Ntsuam txawm hais ntshw tias:

"Me tub, yuav kom koj tau tus ntshw peb lub taub hau, mas koj ncaj qha qhov no lawm puag tim cov niaj huab daj daj puag tid. Tej zaum yuav tau los tsis paub, tsis tau kuj tsis paub. Koj mus txog tid, muaj neeg, koj nug lawv, ces koj paub xwb."

Ces tus thawj Hauj Sam ntawd txawm tsi ntsees mus rau puag tim qab ntug qhov huab daj daj lau. Mus txog tid ov! Cas, tsis yog neeg ntiaj teb lawm. Nws yog nws ib yam neeg lawm.

Tus Huab Tais uas nws kav thaj av ntawd tus tub tab tom tuag, lawv tseem nyiaj zom zaws. Tus Hauj Sam mus txog, nws txawm nug cov neeg ntawd hais tias:

"Yog vim li cas, lawv yuav quaj nyiaj ntsuag qees li ntawd?"

Cov neeg ntawd txawm teb tias:

"Aub! Yog Huab Tais tus tub tuag lawm. Nws hnuv nws tus tub heev. Ces tas ntiaj teb neeg thiaj li tuaj quaj tuaj nyiaj."

Hauj Sam txawm hais tias:

"Aub! Yog li ntawd no. Mas nej sim lam mus hais saib Huab Tais puas kadi! Yog Huab Tais kam no, kuv sim lam mus tsa nws tus tub. Saib puas yuav tau?"

Muaj ib tug neeg nyob hauv lub tsev ntawd txawm khiav khiav mus hais rau Huab Tais. Ces Huab Tais thiaj hais tias:

"Aub! Yog leej twg tsa tau kuv tus tub, mas nws yuav yuav dab tsi los kuv nrhiav kom tau rau nws tiag. Nej sim mus hu nws los saib. Nej hais rau nws tias yog nws tsa tau kuv tus tub, mas nws yuav dab tsi los kuv muab kom tau rau nws no ov." Lawv thiaj khiav khiav mus hu tau tus Hauj Sam ntawd tuaj txog, Huab Tais hais tias:

"Me tub lauj! Yog koj pab tsa tau kuv tus tub sawv rov los, mas koj yuav dab tsi los kuv muab kom tau rau koj. Koj yuav nyiaj yuav kub, yuav nyuj yuav twm los kuv muab rau koj lauj."

Hauj Sam txawm teb tias:

"Aub! Me txiv Huab Tais, xyov puas yuav tsa tau los tsis tau thiab. Luag mas hais tias yuav tau ntag no. Log li mas kuv lam pab koj tsa saib puas tau xwb lauv."

Ces tus Hauj Sam ntawd txawm muab tus ntes pas los twb rau. Na has, Huab Tais tus tub txawm ciaj lawm tiag lauj. Huab Tais mas zoo siab tas nrho. Huab Tais txawm hais tias:

"Aub! Ua li, me tub, koj yuav yuav dab tsi los pauj koj tus txiaj ntsig uas koj tau pab kuv los lawd?"

Hauj Sam txawm teb hais tias:

"Aub! Kuv tsis yuav dab tsi. Tiam sis kuv tus Huab Tais Nplog, nws cov neeg nga mov tuaj rau peb noj. Muaj ib zaug kuv noj tsis tas kuv cov mov, kuv txawm muab puab ua ib tug ntshw peb lub taub hau, kuv txawm coj mus hawm Huab Tais. Nyiam no, Huab Tais tseev kom kuv nrhiav kom tau tus ntshw peb lub taub hau no. Mas kuv thiaj tuaj nrhiav tus ntshw ntawd xwb. Ua li, nyob ntawm no, qhov twg muaj tus ntshw peb lub taub hau ntawd, mas koj ua txiv koj qhia rau kuv, es kuv yuav mus nrhiav tus ntshw ntawd xwb."

Huab Tais txawm hais tias:

"Aub! Me tub lauj! Tus ntshw peb lub taub hau ntawd, mas nyob ntawm no yuav tsis muaj nawd. Tsuas muaj puag Ceeb Tsheej teb xwb. Yog koj mus muab koj xwb, ntshai yuav tsis tau nawd! Koj twb tsa tau kuv tus tub sawv lawm, kuv zoo siab heev. Cia kuv mam tso kuv cov neeg mus muab los rau koj xwb. Tiam sis yuav mus ntev laiv, me tub! Ntshai yuav yog peb hlis thiaj rov

los txog. Saib, koj ua tub, koj puas yuav maj kev?"

Hauj Sam Tij txawm hais tias:

"Aub! Ntev li cas los xij peem os, txiv, tsuav tau xwb."

Ces Hauj Sam txawm nrog Huab Tais nyob ntawd lauj. Nyob nyob, Huab Tais txawm tso nws neeg mus muab. Cov neeg uas Huab Tais tso mus ntes tus ntshw peb lub taub hau ntawd, twb mus tau peb hlis tseem tsis tau los thiab. Ciaj, twb tau rau hli mam li los txog. Ces txawm hnov xov los ua ntej hais tias:

"Aub! Tus ntshw peb lub taub hau ntawd mas ntes tau lawm tiag no lauj."

Huab Tais txawm hais rau thawj Hauj Sam ntawd tias:

"Aub! Me tub, xov los txog lawm, hais tias tus ntshw peb lub taub hau mas ntes tau lawm, tseem los tsis tau txog xwb. Ua li mas kuv nrog koj zoo siab lawm. Thiab nyaaj yuav tsis nkim koj lub caij lawm lov! Hais tias tshuav peb hlis saum no thiaj los txog no, es koj ua siab ntev."

Yawg Hauj Sam nyob tos tau cuaj lub hlis, thiaj li los txog. Ua ciaj, los yuav txog, mas muaj ib co neeg cab ib co maum ntshw ua ntej. Hos ib tug neeg caij rawv ib tug txiv ntshw peb lub taub hau lawv qab. Caij los txog, mas tus txiv ntshw zoo nkauj heev li lauj. Ob tug cov txwv tuaj ob sab, ib tug tuaj nruab nrab ntag lauj. Ces Huab Tais kav teb chaws ntawd mam li muab los hawm rau Hauj Sam. Tus thawj Hauj Sam ntawd mam li caij tus ntshw los, thiab cab cov maum nrog. Ces Hauj Sam coj los tau peb xyoos kuj tseem los tsis tau txog. Ua ciaj, txawm siv hnov xov rau Huab Tais Nplog hais tias:

"Aub! Thawj Hauj Sam nrhiav tau tus ntshw peb lub taub hau lawm no lauj."

Huab Tais nyob Moos Loob mas nim ua hmoov loj loj los tos tus Hauj Sam. Huab Tais hais tias:

"Aub! Zaum no, yog tus Hauj Sam no nws tseem mus nrhiav tau tus ntshw peb lub taub hau los rau kuv lawm thiab! Nyaaj kuv yuav tsis poob teb poob chaw lawm lod!"

Ces Hauj Sam caij tus ntshw los tau peb xyoos thiab peb hlis, thiaj li los txog rau Huab Tais. Huab Tais mam li coj tus ntshw mus hawm rau Hauj Sam. Nws txawm hais tias:

"Ntshai nyiam no yuav yog lub ntuj pab, lub teb pov thiab.

Kuv no, ntiaj hnub nqa mov tuaj rau nej noj. Cas noj tsis tas yuav muab puab ua ib tug ntshw koj tuaj hawm kuv li no? Zaum no, koj tus thawj Hauj Sam, koj ho mus nrhiav tau tus ntshw peb lub taub hau no los rau kuv lawm. Nyob rau kuv teb chaws Nplog no, kuv yuav foom lus zoo rau koj Hauj Sam kom muaj mus li tsis pub poob klag. Kom txus teev Hauj Sam mas txus muaj mus ntshw xwb."

Ces Huab Tais thiaj tau tus ntshw ntawd los yug. Nyob nyob, Huab Tais laus laus lawm, nws yuav tuag. Huab Tais txawm hais tseg hais tias:

"Nyiam no kuv yuav tuag. Ua li mas kuv tseg tus ntshw nyob. Yog thaum kawg tus ntshw yuav tuag, nws yeej yuav ntaus tsis tau ib tug me nyuam cia zoo li nws lawm. Nej yuav tsum muab tus ntshw no los sau tseg rau hauv ntawv. Nyob rau kuv teb chaws Nplog no, mas tsim txiaj tsuas yog tus ntshw no xwb. Nyob rau ntiaj teb no yuav tsis muaj. Kawg nyob rau Ceeb Tsheej teb thiaj li muaj xwb."


Ces Huab Tais hais li ntawd tas tsis ntev nws txawm tuag lawm. Huab Tais tus tub thiaj sawv los ua Huab Tais. Nws nyob nyob, tus ntshw laus laus lawm yuav tuag, tsis muaj ib tug me nyuam yuav los hloov tus txiv li. Ces tus tub thiaj li muab thau duab kos rau hauv ntaub ntawv tseg.

Ces tus ntshw tuag lawm. Huab Tais Nplog txawm ua ib lub hmoov loj los hawm Ntuj niam Ntuj txiv tias:

"Aub! Nyiam no, tus thawj Hauj Sam no nws mus muab tau tus ntshw no puag qab ntug daj los. Huab Tais laus tseem mus txais puag sab Ceeb Tsheej los, thiaj nws kuj tseem yog tus txiv. Los ntaus cov maum coob ua luaj, ho tsis tshwm ib tug noob klag. Mas nyiam no tus ntshw yuav tuag. Kuv txiv yeej hais tias kom thau duab los cia. Ces kuv yuav ua raws li kuv txiv tau hais tseg."

Mas nyiam no los rau ob peb tiam, thiaj li muab daim duab los thau rau hauv ntaub, ua cim cia los kev Nplog teb. Thiaj muaj tus ntshw peb lub taub hau nyob hauv tus chij. Tus ntshw ntawd mas thaum ub yog tus thawj Hauj Sam mus muab los. Nyiam no nyob rau Nplog teb thiaj li muaj hauj sam coob coob kawg.

Tus hais Yaj Vam Tuam.



ZAJ 9,

TSOU TUJ THEEB

THIU HAUU HIS

NWS POJ SEU

Tus hais: Yaj Vam Tuam.

Puag thaum ub ov, muaj ib tug hu ua Txiv Xauv Xis os. Nws txawj txawj tshuab qeej. Tshuab rab qeej mas cuaj puag taub yim daj ntiv os. Tshuab mas nqua laws lawm cuaj hnuv ke lauj. Ces txawm nrov mus txog qaum ntuj. Xeev Laus qaum ntuj txawm hnov hais tias Txiv Xauv Xis nyob ntiaj teb mas txawj txawj tshuab qeej no lauj. Muaj ib hnuv Xeev Laus qab zog mus yuav Xeev Laus hauv zos tus ntshais nkauj Ntxawd los rau nws tus tub. Xeev Laus hauv zos txawm tso ob tug Tshiab tuaj thov Txiv Xauv Xis mus tshuab qeej xa nws tus ntshais mus ua nyab no lauj. Txiv Xauv Xis nyob hauv tsev nws txawm tsis paub. Nyob nyob txawm muaj ob tug tib neeg tuaj txog ntawm Txiv Xauv Xis qhov rooj, nkawd txawm nug hais tias:

"Koj puas caiv os, leej npawg?"

Ob tug txawm hais li no rau Txiv Xauv Xis tas. Nws teb tias:

"Kuv tsis caiv os! Neb tuaj lov, ob leej npawg? Los tsev maj."

Ces ob tug neeg ntawd txawm los txog tsev. Nkawd zaum zoj ib me ntsis, nkawd txawm hais tias:

"Aub! Leej npawg Txiv Xauv Xis, peb txiv Xeev Laus hauv zos tus ntshais mus yuav txiv, es nws kom wb tuaj thov koj mus tshuab qeej xa nws tus ntshais mus yuav txiv no."

Txiv Xauv Xis txawm teb nkawd hais tias:

"Aub! Ob leej npawg, kuv twb tsis txawj los mas."

Ob tug teb Txiv Xauv Xis ntxiv tias:

"Koj tsis txawj, los nyiam no, koj lub npe yeej nto nto tuaj txog rau peb qaum ntuj hais tias koj yeej txawj no. Mas Txiv Xeev Laus yeej kom wb tuaj thov koj kom koj mus xwb xwb no. Qhov tsis mus, mas tsis txhob hais klag li."

Txiv Xauv Xis txawm hais rau nkawd tias:

"Aub! Ntshai kuv yuav tsis xyeej mus, ob tug npawg! Poj niam los nws yuav tsis kheev thiab."

Ces ob tug Tshiab thov heev heev li lauj. Txiv Xauv Xis txawm ua tsis tau tes, nws txawm nug nws poj niam hais tias:

"Aub! Koj niad, luag tsav thov ua luaj! Yuav ua li cas?"

Txiv Xauv Xis poj niam teb Txiv Xauv Xis tias:

"Kuv yuav tsis kheev mus os. Mus lawm, kuv laj laj zov li. Koj mus zaum twg mas kuv zov xya hnuv tsis pub dev, npua, qalb, los hla li. Kuv zov zov ntshai tas nrho. Ces zaum no, kuv yuav tsis pub koj mus lawm os."

Tab sis mas ob tug npawg Tshiab mas thov heev heev li thiab. Ces Txiv Xauv Xis txawm hais tias:

"Aub! Ob tug npawg Tshiab thov ua luaj, ces yuav mus los mus. Cia kuv mus lauj. Mus zaum no xwb, tso lwm zaus tsis mus lawm los tseg."

Ces Txiv Xauv Xis lees luag cawv haus tag. Nws txawm ua tau ib lub zam zoo tas nrho lauj. Niam Xauv Xis txawm hais tias:

"Kuv Txiv Xauv Xis! Nyem no, koj yuav mus tshuab qeej tshoob xa luag ntshais mus ua nyab. Sais, koj tshuab mus txog luag chaw saub, koj tsis txhob nrog luag saub mog. Koj tshuab mus txog luag chaw seev, koj tsis txhob nrog luag seev laiv!"

Txiv Xauv Xis teb nws poj niam hais tias:

"Aws! Kuv mus, es cia kuv ho ua li koj hais os!"

Ces Txiv Xauv Xis txawm los qhau cev pw ntawm tag, muab rab qeej los ib nkaus rau. Ces Txiv Xauv Xis tuag klag lawm lauj. Tsuas hnov rab qeej nrov nrov mus dua puag qaum ntuj lawm. Ob tug Tshiab coj nws mus. Lawv mus txog qaum ntuj, mas luag nim ua nqaij ua cawv, ua nqaij ua hno siav sov so ncho log qhov txhia qhov chaw. Xeev Laus tawm plaws tuaj hu tias:

"Me tub, koj tuaj lov? Kuv ntshais nkauj Ntxawm mus yuav txiv, es kuv tsis pom qab yuav mus nrhiav leej twg los tshuab qeej xa tshoob. Kuv hnov moo hais tias koj nyob ntiaj teb, koj txawj. Koj twb tuaj tshuab qeej rau peb qaum ntuj no ntau zaus lawm thiab. Es kuv tsis pom qab yuav ua li cas. Kuv kom ob tug hluas tuaj thov koj tuaj pab tshuab qeej xa kuv ntshais mus yuav txiv. Thiab li kom ob tug hluas tuaj."

Txiv Xauv Xis teb Xeev Laus hais tias:

"Aub! Kuv twb tsis niam txawj thiab. Ntshai tsuas yog lam tshuab xwb lauv."

Ces lawv nyob nyob mus txog hnuv xa tshoob lauj. Txiv Xauv Xis txawm tshuab qeej xa tshoob. Nws mas nim tshov tawg tshov tawg. Tshov mus tau peb hnuv ke, txawm mus txog saum ib daim niag lag zeb dav dav zoo zoo tawg qeej lawg li lauj.

Txiv Xauv Xis mus tawg nyob saum daim lag zeb saud tas, nws txawm seev hais tias:

"Ab! Kuv xa Hmoob Sib ntshais nkauj Ntxawm tuaj txog tej yas kev. Cas kuv nim tso kuv poj sev muam nkauj Ntxawm rau tom tsev. Kuv xa Hmoob Sib ntshais nkauj Ntxawm tuaj txog tej yas kab. Cas kuv nim yuav tso tau kuv poj sev muam nkauj Ntxawm rau tom qab."

Ces niag plis nyob hauv qab pob zeb hnov. Nws txawm khiav khiav mus hais qhia tsov hais tias:

"Tsov, koj saib Txiv Xauv Xis tuaj tshuab qeej xa tshoob. Es nws hais tias nws xa Hmoob Sib ntshais nkauj Ntxawm tuaj txog tej yas kev, nws tseg nws poj sev muam nkauj Ntxawm nyob tom tsev. Nws xa Hmoob Sib ntshais nkauj Ntxawm tuaj txog tej yas kab, nws tseg nws poj sev muam nkauj Ntxawm nyob tom qab no. Koj mus yuav me!"

Niag tsov txawm teb niag plis hais tias:

"Aub! Yog li no, cia kuv mus yuav Txiv Xauv Xis poj niam los ua kuv poj niam saib! Yog li koj hais tiag no."

Ces niag tsov txawm los yuj niam Xauv Xis lauj. Niam Xauv Xis zov zov tsis taus Txiv Xauv Xis lawm. Nws mob mob nws zov tsis taus lawm. Nws txawm mus xov tau ib lub niag vaj lig rau Txiv Xauv Xis xwb. Txiv Xauv Xis tug niag lwj lwj dub nchiab.

Txiv Xauv Xis tshuab qeej tas. Mas cov niag nkauj qhev nim nyiam nyiam nws li. Lawv zov nws nruj nruj, nws txawm tsis tau kev los tsev li. Nws los los txog ib tog kev, Xeev Laus cov niag nkauj qhev khiav loo tuaj tos. Lawv txia ua ib txoj hmab, lawv hais rau Txiv Xauv Xis hais tias:

"Leej yawm dab, yog koj yuav mus koj tsev, koj yuav tsis nrog peb nyob no, mas koj kaws txoj hmab no kom tu, mas koj thiaj yuav tau mus koj tsev. Yog koj kaws tsis tu mas koj yuav tsum nrog peb nyob xwb."

Txiv Xauv Xis kaws kaws txoj hmab tau peb hnub, txoj niag hmab ho tu lawm lauj. Txiv Xauv Xis ho tshuab qeej lalm lias los lawm thiaj. Cov niag nkauj qhev mas nim ho tshua tshua Txiv Xauv Xis. Mas ho khiav nplawg ntia tuaj mus thaiv kev, tuaj txia ua ib cov niag hmab ua pob caus dhev rau ntawm kev. Cov niag nkauj qhev hais zom zaws tias:

"Leej yawm dab, pes tsawg los koj yuav mus xwb xwb. Koj yuav tsis nrog peb nyob li no. Ces koj kaws txoj niag hmab no tu tso koj li mus. Yog tias, koj kaws tsis tu, mas koj yuav tsum nrog peb nyob, koj tsis txhob mus."

Txoj niag hmab tawv tawv. Txiv Xauv Xis kaws quaj kaws quaj los tsis tu li. Nws kaws kaws tau ib hli txoj niag hmab thiaj li tu nrho lawm lauj. Txiv Xauv Xis thiaj li hais tias:

"Aub! Zaum no kuv kaws txoj niag hmab tu lawm, ces kuv yuav mus lauj. Kuv siab fab fab li. Ntshai tom qab muaj xwm. Kuv yuav nyob tsis taus ntshai lawm, kuv yuav mus xwb."

Cov nyob ntiaj teb mam hnov Txiv Xauv Xis lub suab qeej nrov nqua laws puag tim qab ntug los. Nws lub suab qeej nrov los poob plaws ntawm qhov rooj. Nws lub cev tuag nyob hauv tsev thiaj li tawm hws txhuas. Hnov suab qeej nrov nkag plho los hauv tsev, nws lub cev thiaj li tsim dheev sawv tsees nchos cev tho. Nws mam ntsia dheev. Na has, ua ciav, nws poj niam xov ib lub vaj lig zoo zoo los thaiv nws xwb. Hos ntawm niam Xauv Xis ces twb tuag. Luag twb ua qeej ua nruas nrov ncha nthws lawm. Txiv Xauv Xis hais tias:

"Ua cas kuv poj sev muam nkauj Ntxawm yuav tuag, nws ho yuav tsis tso neeg tuaj raws kuv?"

Cov neeg nruab zog hais zom zaws tias:

"Aub! Peb yuav mus paub hais tias koj poj niam yuav tuag no nabi! Thaum nws yuav tuag tiag tiag, nws mam kom lawv sau tau ib daim ntawv no cia rau koj xwb las."

Txiv Xauv Xis thiaj li txais nkaus daim ntawv los nyeem. Ua ciav, nyob hauv daim ntawv niam Xauv Xis hais tseg hais tias:

"Kuv Txiv Xauv Xis! Thaud, koj yuav mus, kuv twb yeej hais rau koj hais tias koj mus tshuab qeej tshoob xa luag ntshais mus ua nyab, mas koj tshuab mus txog luag chaw saub, koj tsis txhob nrog luag saub. Koj tshuab mus txog luag chaw seev koj tsis txhob nrog luag seev no nev. Ua li cas, nyem no, koj yuav tsis mloog kuv lus li? Luag saub, koj nrog luag saub. Luag seev, koj nrog luag seev. Ces nyem no koj tsis tau kuv, kuv tsis tau koj lawm mog! Yog koj tsis ntseeg no, ces koj sim mus xyuas qab vag tsev taug saib?"

Txiv Xauv Xis nws tso plhuav ntawv tseg, taws plaws mus

xyuas qab vag tsev taug. Ua ciav, me hneev tsov mas log laig cuag nkaus li hneev nyuj hneev twm xwb lauj. Nws hais tias:

"Aubl Kuv kuj tsis tau seev thiab maj. Tsuas yog kuv tshuab qeej mus txog saum daim nyuag lag zeb es kho kho kuv siab, kuv thiaj tau seev ob nyuag lo saud xwb."

Txiv Xauv Xis txawm chim chim lauj. Nws txawm hais rau kev zej kev zos hais tias:

"Nyem no, kuv hais rau nej kev zej kev zos sawv daws. Nej nyob, nej tsis txhob rawm muab kuv poj niam faus nawb. Cia kuv sim mus kawm txuj ci saib yuav ua li cas tso mam li faus."

Ces Txiv Xauv Xis txawm mus kawm txuj ci dua puag Zaj Laug chaw lawm lauj. Zaj Laug hais rau Txiv Xauv Xis tias:

"Me tub, yog koj yuav kom koj tau koj poj niam, mas koj rov mus txua ib rab hneev tawv tawv, thiab cuaj xib xub vos, thiab ntaus ib rab ntaj hniav zuag nkawv. Ces koj mus tos lawm puag pem dawm kev uas niag xeeb ped. Mas muaj peb txoj kev los sib sau rau ntawd ov. Koj yuav nyob ntawd tos mas koj thiaj yuav rov tau koj poj niam nawb! Yog koj tsis ua li mas koj yuav tsis tau koj poj niam ib zaug. Nyem no koj tsis kheev kev zej kev zos faus koj poj niam, mas niag tsov niaj hnuv niaj hmo los pub mov rau nws noj."

Ces Txiv Xauv Xis txawm mus kawm tau ntawm Zaj Laug los li ntawd lawm. Nws rov los txog ntua tsev txua tsuag tsuag tau ib rab hneev tawv tawv, thiab zob tau cuaj xib xub vos, hos ntaus zoj tau ib rab ntaj ntev peb tshim hov hniav zuag nkawv lawm ntag. Nws yuav mus pem dawd, nws hais rau kev zej kev zos kev neej kev tsav hais tias:

"Tag kis ib hnuv, mas nej cia li muab kuv poj niam coj mus faus nawb! Mas nylam no zoo li cas xij peem kuv. Ciaj thiab tuag, los nyob ntawm kuv ov."

Ces Txiv Xauv Xis txawm mus pw pem kev zov tau cuaj hnuv cuaj hmo los tsis pom los li. Nws tsuas pom cov niag tsov mas ib sij los ib pab. Nws hnov cov niag tsov sib tham zom zaws, ib txhia nug ib txhia tias:

"Lawv puas tau muab niam Xauv Xis coj mus faus os? Ua li tag kis no niam Xauv Xis yuav los, los tsis tau nab."

Ib co ho teb lwm cov hais tias:

"Aubl Yuav los lovi Tag kis no, lawv twb qhau nyuj qhau nees rau lawm. Lawv tab tom noj sus tso yuav coj mus faus. Nyaj yuav los sai sai ib me ntsis saum no lovi!"

Txiv Xauv Xis zov tau cuaj hnuv cuaj hmo nws tsaug zog heev. Nws txawm qhau cev hlo pw nthi. Nas has, tsaug zog cuag tuag lawm lauj. Ces zej zog twb muab niam Xauv Xis faus tas, tsov twb tsa niam Xauv Xis los lawm, Txiv Xauv Xis tsis hnov li. Cov niag tsov ris niam Xauv Xis los txog pem dawd, lawv pom Txiv Xauv Xis tsaug tsaug zog nyob ntawd, lawv hais tias:

"Aubl Muaj ib lub niag qos nyob ntawd zoo noj kawg os."

Niam Xauv Xis saib zoj. Ua ciav, yog Txiv Xauv Xis. Nws thiaj li ntho tawg ntho cov niag tsov hais tias:

"Nej tsis txhob kov laiv! Yog kuv dab laug ntxawg hos. Yog nej tseem kov thiab mas kuv tsis nrog nej mus li nawb!"

Cov niag tsov thiaj li tsis kov. Niag tsov txaij ris niam Xauv Xis los dhau plaws li kaum tawm daj tom ntej. Niam Xauv Xis hais rau cov niag tsov tias:

"Aubl Nej nyob ntawm no tos me ntsis tso. Tshuav kuv rab txiab paj ntaub, kuv rov mus nqa tso."

Cov niag tsov nyob ntawd tos. Niam Xauv Xis rov los txog ntua, muab Txiv Xauv Xis tsa hlo los nws tsis hnov li. Muab diaj muab ntaus los tsis hnov. Tsaug zog cuag tuag. Niam Xauv Xis thiaj hais rau Txiv Xauv Xis tias:

"Kuv Txiv Xauv Xis, koj tsis sawv, ces nyaj zaum no koj yuav tsis tau kuv. Kuv yuav tsis tau koj lawm lauj."

Nws hais li ntawd tas los txiv Xauv Xis kuj tseem tsis hnov thiab. Niam Xauv Xis rov los sam plaws rau saum niag tsov nraub qaud. Lawv rov mus zoj me ntsis tom ntej, niam Xauv Xis siab tsis hwm ntag, rov qab hais zoj tias:

"Nej tos me ntsis tso. Tshuav kuv lub hnuv paj ntaub. Kuv yuav rov qab mus nqa tso."

Niam Xauv Xis khiav loo los txog. Nws muab txiv Xauv Xis tsa hlo los tsis hnov li. Tsaug zog tug niag muag ncee xwb. Niam Xauv Xis chim hwm, rov loo mus caij niag tsov mus zoj ob peb dag tom ntej, siab tsis hwm li thiab. Rov hais loo hais tias:

"Nej tos me ntsis tso. Tseem tshuav kuv lub zuag ntsis plaub hau. Kuv yuav rov mus nqa tso."

Cov niag tsov ho nyob ntawd tos. Niam Xauv Xis los txog ntua, muab txiv Xauv Xis tsa hlo los ntaus los tsis hnov li. Ua tug niag ua qauv zawv xwb lauj. Niam Xauv Xis hais tias:

"Kuv Txiv Xauv Xis, kuv los tsa koj peb zaug, koj cav tsis sawv. Ces nyaaj koj yuav tsis tau kuv, kuv yuav tsis tau koj lawm. Ces cia kuv hle kuv peb thom tsho los pua koj, peb thom tsho los vov koj, tso kuv muab kuv lub zuag nraj no los nrhais rau saum koj taub hau. Kuv hle kuv txoj siv los khi rau ntawm koj tus ko ntaj. Yog muaj txoj hmoo, koj tsim thaum twg, koj tseem yuav tau kuv, kuv tseem yuav tau koj thiab no, mas koj muab kuv txoj siv no los sim nawb!"

Niam Xauv Xis ntuas li ntawd tas nrho, nws rov los ua ib siab caij niag txiv tsov los lawm lauj. Niam Xauv Xis nrog cov niag tsov los mus ob! Mas nruab hnub lawv so, hmo ntuj lawv mus. Hos txiv Xauv Xis mas nws tsaug nws zog lawm. Lub zuag nraj uas niam Xauv Xis muab rhais rau saum Txiv Xauv Xis taub hau txawm txia klag ua ib tsob faj khaum. Ces hlob sai sai lauj. Tau peb hlis xwb tsob faj khaum twb loj loj. Cov cag twb muab Txiv Xauv Xis zoj rau hauv av lawm. Tau plaub hlis xwb, tsob ntoo faj khaum twb txi txiv lawm. Ces liab cuam los noj txiv. Muaj ob tug txawm los sib ntaus. Muaj ib tug nws dhia mus tuav tau ib tug ceg qhuav. Tus ceg ntoo faj khaum qhuav ntawd poob los ntaus txiv Xauv Xis taub hau, nws thiaj mam li hnov. Ua ciav, cag faj khaum twb tuaj muab nws zoj tas lawm. Nws mam cev tes mus xuas nws rab ko ntaj. Na has, twb tuaj ntshuab tag lawm. Cev tes mus xuas hneev, hneev twb tuaj ntshuab tas lawm thiab. Cev tes xuas xub, xub twb po dam tas lawm thiab. Nws thiaj mam li cev tes mus rho nws rab ntaj los txiav cag faj khaum, nws thiaj mam li tau kev tawm los. Ua ciav, peb thom tsho los vov, peb thom tsho los pua twb lwj tag lawm, tsuas tshuav ib thom xwb. Ciav, muaj ib txoj siv khi ntawm tus ko ntaj twb tuaj ntshuab tas nrho thiab. Txiv Xauv Xis sawv los txog, nws ntuas hais tias:

"Yog kuv tseem muaj txoj hmoo, yuav tau kuv poj niam Xauv Xis thiab, mas tseev kom kuv muab txoj siv no los sia kom txaus peb ncig duav, txaus khi, txaus dauv hu si nawb. Kuv li lawv kuv poj niam qab mus. Yog kuv muab khi hos tsis txaus.

Ces kuv rov qab txij li no mus xwb, kuv tsis mus ntxiv lawm." Txiv Xauv Xis muab khi. Ua ciav, txaus khi peb ncig duav tiag. Txaus dauv huv tib si. Nws thiaj li hais tias:

"Aub! Nyaaj tej zaud, kuv tseem yuav rov tau kuv poj sev thiab." Ces Txiv Xauv Xis thiaj li rov los hov ntaj dua, kho dua hneev, mam li zob dua xub cuam vos huv si rau. Nws ho mam li rov mus raws niam Xauv Xis dua.

Tsov coj niam Xauv Xis, lawv mus nyob qhov twg ib hnub mas lawv rauv ib cub tawg, lawv txhos ib tug ntxhoo xyob.

Txiv Xauv Xis thiaj li lawv cov niag tsov thiab niam Xauv Xis lawv qab. Txiv Xauv Xis mus mus ib hnub txog ib lub cub tawg, twb tuag tas lawm. Tus ntxhoo xyob twb tsis muaj nplooj tas lawm. Nplooj xyob nplooj ntoos zeeg los vov cub tshau tas. Niam Xauv Xis kuj muab tau ib txoj siv khi rau ntawd thiab. Txiv Xauv Xis thiaj hais tias:

"Aub! Kuv poj niam tseem muab ib txoj siv rau ntawm no thiab. Yog kuv muab khi, hos txaus peb ncig, txaus khi txaus dauv huv si mas kuv mam li mus ntxiv. Yog tsis txaus khi tsis txaus dauv, mas kuv tsis mus, kuv yuav rov txij li no."

Nws thiaj li muab txoj siv los khi. Ua ciav, txaus khi txaus dauv huv si. Txiv Xauv Xis ho mus ntxiv. Nws mus mus ib hnub, mus txog ib lub cub tawg haj tseem tshlab. Tus ntxhoo xyob nyuam qhuav daj tseem xwb. Lub cub tshau nplooj tseem tsis tau paug. Niam Xauv Xis kuj muab tau ib txoj siv khi rau ntawm tus ntxhoo xyob thiab. Txiv Xauv Xis hais tias:

"Kuv rov qab muab txoj siv no rov khi dua. Hos yog txaus khi txaus dauv, kuv li mus. Yog tsis txaus ces kuv rov txij li no."

Nws muab sia los txaus khi txaus dauv hu si. Nws mam li rov mus dua. Mus mus txog ib lub cub tawg nyuam qhuav tuag. Tus ntxhoo xyob tseem ntsuab. Kuj muaj ib txoj siv nyob ntawd thiab. Nws muab sia muab khi kuj txaus. Nws ho rov mus dua. Mus mus txog ib lub cub tawg tseem tsis tau tuag. Tus ntxhoo xyob tseem ntsuab ntsuab li. Nws kuj rov qab muab txoj siv los khi, kuj txaus khi txaus dauv huv si thiab. Ces tag kis kaj ntug nws thiaj li caum ceev ceev mus. Ua ciav, tag kis ntawd tsov coj nws poj niam mus dhia zeb zag zeb tso lawm.

Txiv Xauv Xis nws taug txog twg los tsis pom hneev li. Nws txawm de zoj nplooj los rau ntawm ncauj tshuab tias:

"Puj pwm puj sis ncab! Niag tsov txaij nraud coj kuv poj sev Hmoob Sib ntshais nkauj Ntxawm mus dua qhov twg lawm? Kuv Txiv Xauv Xis nrhiav tsis pom qab. Puj pwm puj sis cev, niag tsov txaij nraud coj kuv poj sev Hmoob Sib ntshais nkauj Ntxawm dua qhov twg lawd? Xauv Xis nrhiav tsis pom kev."

Niam Xauv Xis txawm de hlo nplooj tais nkaus ntawm ncauj tshuab teb ntua tim niag qab tsuas daj tuaj tias:

"Puj pwm puj sis cev, tsov txaij nraud coj niam Xauv Xis dua niag qab tsuas ntev. Kuv txiv Xauv Xis nrhiav tsis pom kev lawd el Puj pwm puj sis ncab, niag tsov txaij nraud coj niam Xauv Xis dua puag qab tsuas ntab. Txiv Xauv Xis nrhiav tsis pom qab lawm yuad."

Cas teb li ntawd puag tim niag qab tsuas daj tuaj tiag lauj. Ces Txiv xauv Xis txawm caum tsuag tsuag mus txog puam tim niag qab tsuas daj ntag. Nws rov de nplooj los tais nkaus rau ntawm ncauj tshuab hais tias:

"Puj pwg puj sis ncab, niag tsov txaij nraud coj kuv poj sev Hmoob Sib ntshais nkauj Ntxawm dua qhov twg lawm? Txiv Xauv Xis nrhiav tsis pom qab. Puj pwg puj sis cev, niag tsov txaij nraud coj kuv Hmoob Sib ntshais Ntxawm dua qhov twg lawm? Txiv Xauv Xis nrhiav tsis pom kev nis."

Ua cas niam Xauv Xis nyob hauv niag qab tsuas, tshuab teb Txiv Xauv Xis no ciav ntshis dua puag sab hav tim ub lawm. Nws hnov mas zoo li yog nyob sab hav tim ub tiag. Txiv Xauv Xis ho tsoo tsoo mus txog ntua sab hav tid. Nws ho rov de nplooj los tshuab ob zag tas nrho. Ua cas, ho yog teb sab hav tim no tuaj thiab. Nws mam li ho rov qab khiav khiav los rau sab tim no. Txiv Xauv Xis ntsia ntsia. Ua ciav, pom nws poj niam Xauv Xis nyob puag hauv niag qab tsuas tawm tawm laug ib leeg hauv tiag lauj. Hos cov niag tsov thiab niam Xauv Xis lawv mas tsis pom Txiv Xauv Xis. Lawv mas nim nyob nyob chaw du lwb lug qhov txhia qhov chaw. Ces Txiv Xauv Xis nws txawm rov qab ntuas nws hais tias:

"Aub! Yog tias kuv tseem yuav rov tau kuv niam Xauv Xis los nrog kuv ua neej thiab no, mas tseev kom kuv nti kuv tawb aub

ncaug no mus kom poob nthav rau ntawm nws daim paj ntaub ntag nawb! Yog tias poob lo, mas kuv li mam nyob. Yog poob mus tsis lo mas kuv rov txij li no xwb."

Txiv Xauv Xis thiaj li nti kiag ib tawb aub ncaug kiv kiv mus lo nkaus rau ntawm nws poj niam daim paj ntaub ntag. Ces niam Xauv Xis muab so kiag tas nrho, nws txawm hais tias:

"Abl Cas tshav ntuj tim ub, cas me liaj da siab tsis zoo yuav tso quav pij pi los lo kuv me plaij plaim ria ria nev?"

Txiv Xauv Xis rov ntuas hais tias:

"Aub! Yog kuv yuav rov tau kuv poj niam tiag, no mas kuv muab cov dej no ntov mus, tseev kom ntub nws daim paj ntaub. Yog tias ntub mas kuv li nyob, tsis ntub mas kuv rov txij li no."

Nws thiaj li mus yawm tau ib nphoo tes dej coj los tib ntov poob nthav mus lo nkaus rau nws poj niam daim paj ntaub lawm tiag. Niam Xauv Xis txawm hais tias:

"Abl Cas yuav tshav ntuj sab toj tim ub, es yuav los nag sab ntuj tim no, es yuav los ntub kuv me plaij plaim ria ria nev?"

Txiv Xauv Xis rov qab ntuas hais tias:

"Aub! Yog kuv yeej yuav rov tau kuv poj niam tiag tiag no, mas tseev kom kuv ib riag rau daim nplooj no, kom mus poob nthav rau ntawm nws daim paj ntaub ntag nawb!"

Txiv Xauv Xis thiaj rho hlo ntaj los tib ntag rau daim nplooj ya lis mus poob nthav rau ntawm nws poj niam daim paj ntaub ntag lauj. Niam Xauv Xis khaws nkaus daim nplooj los hnla zoj, nws txawm seev hais tias:

"Abl Cas nas ntsooj tsis xws nas ntsooj txiav, nas kos tsis xws nas kos txo nev. Ua cas yuav tsw tsw kuv Txiv Xauv Xis nws me hnav ntaj hnav riam mas!"

Niam Xauv Xis thiaj mam tsa hlo muag ntsia saum hauv tsua. Ua ciav, nws me Txiv Xauv Xis nyob saud tiag lauj. Txiv Xauv Xis txawm hais rau nws poj niam hais tias:

"Aub! Kuv me niam Xauv Xis, kuv yuav nqes los ntag laiv."

Niam Xauv Xis txawm teb Txiv Xauv Xis hais tias:

"Aub! Txiv Xauv Xis, koj tseem yuav tuaj ua tus dab tsi thiab? Thaud koj ciav tsis noj kuv lus mloog kuv hais. Ces tsis txhob tuaj lawm las mas! Luag heev heev ua xab ua xu tod!"

Txiv Xauv Xis thiaj li rov teb nws poj niam hais tias:

"Aub! Tiag las mas, kuv niam Xauv Xis. Tiam sis, nylam no kuv tuaj txog lawm. Ces koj ciaj los kuv nrog koj ciaj. Koj tuag los kuv nrog koj tuag xwb os! Es kuv yuav nqes los hauv koj tam sim no ntag laiv."

Niam Xauv Xis thiaj teb Txiv Xauv Xis tias:

"Kuv txiv Xauv Xis, koj tsis txhob rawm maj nqes los. Tos cia kuv saib saib luag nyob li cas lawm tso mog."

Niam Xauv Xis thiaj hais zoj tau ib phiab dej txawm ntua rau tom kaum tsua. Saib zoj. Ua ciav, pom pab niag tsov tseem mus lawm nplawm tw swb sis xwb. Niam Xauv Xis hais tias:

"Kuv Txiv Xauv Xis, koj yuav nqes los no, ces koj los lauj."

Txiv Xauv Xis daws kiag nws nkawm nrhoob, khi kiag ntoo, dauv nqes loo los. Nws nqes mus txog, nkawd sib tham sib qawg quaj. Txiv Xauv Xis thiaj nug niam Xauv Xis tias:

"Kuv niam Xauv Xis, ua li tsov coj koj los, es koj tau dab tsi noj? Thiab koj ho noj taus tus dab tsi?"

Nws poj niam thiaj teb nws hais tias:

"Aub! Kuv Txiv Xaus Xis, cov niag tsov coj kuv los, ces kuv yeej tsis tau dab tsi noj li. Cov niag tsov ces noj nqaij nyoos xwb. Kuv yeej noj tsis taus. Ces kuv tsis muaj dab tsi noj kiag las mas! Kuv niag txiv ntsoo tau tej niag thoov nqaij luaj nkaus nrig, nws muab tais rau hauv nqhov tsos kom dawb vog xwb, ces kuv lam noj cov ntawd xwb tiag."

Txiv Xauv Xis thiaj muab tau ib co hmoov thiab ib cov nqaij qhuav rau niam Xauv Xis noj. Niam Xauv Xis hais tias:

"Kuv Txiv Xauv Xis, koj ua siab rov lawm saud. Tsam no, luag yuav los. Luag los txog, mas luag heev heev li hos. Yog tias koj tsis rov lawm saud, ces luag los txog, kuv yeej pab tsis tau koj li thiab laiv, kuv Txiv Xauv Xis!"

Txiv Xauv Xis thiaj teb nws poj niam hais tias:

"Kuv yuav tsis mus li os! Kuv yeej yuav nrog koj nyob ntawm no. Koj ciaj los kuv nrog koj ciaj. Koj tuag los kuv yuav nrog koj tuag. Cia ob leeg tuag nyob ntawm no."

Niam Xauv Xis thiaj hais tias:

"Kuv Txiv Xauv Xis, koj tsis txhob ua li hos. Yog koj tsis ntseeg, mas cia kuv hais phiab dej no rau koj saib maj!"

Niam Xauv Xis hais tau ib phiab dej txawm ntua rau tom tsua.

Nws xauj zoj hauv phiab dej. Ua ciav, cov niag tsov twb los nplawm tw swb sis lawm tiag lauj. Niam Xauv Xis hais tias:

"Kuv Txiv Xauv Xis, koj cia li mus lawm saud xwb. Luag los txog, luag heev tis ua heev. Es koj ho tsis ntshai los?"

Txiv Xauv Xis los xauj zoj xwb, ces nws cia li tooj tsuag tsuag nrhoob rov dua saum hauv tsua lawm lauj. Nws mus txog saud, nws txawm mus pw kiag hauv kem niag nruab nrab tsua lawm. Nws pw ntsia ntsoov hauv qab tsuas ntag. Cas ib ntsis cov niag tsov los txog ntua. Niag daj ua ntej, niag daj hais tias:

"Yaid! Hnub no, niam ntxawm nyob hauv tsev, niam ntxawm tsw hno nplej hno nplaum diam las!"

Niam Xauv Xis thiaj teb niag daj tias:

"Txiv laus daj e! Nej mus nej noj ntawm nej ncauj, tsw ntawm nej ntswg, es nim muab liam rau kuv ua tus dab tsi os!"

Ib ntsis niag yawg los txog. Niag yawg kuj hais tias:

"Aub! Hnub no, me nyab nyob hauv tsev. Me nyab tsw hno nplej hno nplaum diam laiv!"

Niam Xauv Xis teb niag yawg tias:

"Txiv ces, nws mus noj ntawm nws ncauj, es tsw ntawm nws ntswg, nim muab liam rau kuv ua tus tsi, na has."

Ib ntsis niag pog los, niag pog kuj hais ib yam li ntawd thiab. Niag muam los txog, niag muam kuj hais li ntawd thiab. Niam Xauv Xis niag txiv los txog, nws kwv ib tug niag npua teb los tso nrov poog tom kem tsua, nws kuj los hais tias:

"Aub! Hnub no, Ntxawm nyob hauv tsev, Ntxawm nim tsw hno nplej hno nplaum diam las?"

Niam Xauv Xis teb thiab cem hais tias:

"Niag dab qas quav ntshav ntawm ko, coj kuv los rau niag hav zoov nuj xiab, tseg kuv niam kuv txiv lawv rau ib tog ntuj. Es nej mus noj ntawm nej ncauj, tsw ntawm nej ntswg xwb. Es nej nim yuav muab liam rau kuv ua tus tsi?"

Ces ib me ntsis niag txaij txawm mus yaim nrov nrhev nrov nrhev tom kaum tsua. Txiv Xauv Xis ntsia. Ua ciav, yog yaim niag npua teb. Niag txaij muab yaim yaim dawb paug cuag li luag xuas dej kub hiab ntag. Ib me ntsis txawm ntsoo tau ob niag thoov nqaij ntshiv luaj nkaus ob niag xib, txawm nga los cev rau Ntxawm hais tias:

"Noj laiv! Koj tsis noj, nyob ntsis tshaib koj plab hos. Peb mas peb twb noj tsau tsau lawm."

Niam Xauv Xis teb hais tias:

"Aub! Kuv cav noj tsis taus, niag nqaij nyoos xwb as."

Ntxawm niam Xauv Xis niag txiv tsov txawm teb hais tias:

"Yog koj noj tsis taus no ces cia kuv muab tais rau hauv qhov tsos kom siav dawb vog, es koj mam li noj."

Niag tsov txawm muab tais klag rau hauv qhov tsos. Ib me ntsis daim nqaij siav dawb vog. Nws txawm muab thau hlo los cev klag rau Ntxawm noj. Ntxawm tsis noj los tshaib, noj los ho txaj muag rau Txiv Xauv Xis. Txiv Xauv Xis nyob saum hauv tsua ntsia ntsoov thiab. Ntxawm lam ua siab noj yaim luj lev. Ntxawm niam Xauv Xis niag txiv tsov txawm nug hais tias:

"Ntxawd! Txhla niaj txhla zaus, es koj twb noj npawv npo ne. Ua cas, zaum no koj ho noj ua nyuag dog dig li ko xwb. Es koj ho yuav tsis noj lawm?"

Ntxawm txawm teb Ntxawm niag txiv tsov hais tias:

"Kuv tsis noj os. Nyem no nej koj kuv los rau niag hav zoov nuj xiab, tseg tau kuv niam kuv txiv lawv rau tom qab. Kuv nco nco kuv niam kuv txiv lawv, es kuv tsi noj os. Nej tseem los liam hais tias kuv nim tsw tsw hno nplej hno nplaum li ub li no. Ces tu kuv siab hww. Kuv tsis xav noj nawb!"

Ntxawm niag txiv tsov teb Ntxawm hais tias:

"Ntxawd! Tsis txhob hais li ntawd. Txawm tsw me ntsis ua dog ua dig, los cav tsis ua li cas os. Txawm noj kom tsau los pov!" Ces hmo ntawd tsaus ntuj pw ib hmos. Tag kis sawv ntov, noj tshais tas nrho ov, cov niag tsov rov mus nrhlay noj lawm nplawm tw swb sis lawm lauj. Txiv Xauv Xis txawm tuaj saum hauv tsua nug Ntxawm hais tias:

"Kuv yuav nqes los laiv, kuv niam Xauv Xis."

Niam Xauv Xis txawm teb hais tias:

"Koj txhob rawm nqes los. Koj tos kuv mus hais ib taig dej los saib tso koj mam li nqes los ov."

Ntxawm txawm hais zoj tau ib phiab dej, txawb klag rau tom hauv tsua. Nws xauj klag. Ua ciav, pab niag tsov mas nim mus lawm nplawm tw swb sis lawm tiag ntag lauj. Nws hais tias:

"Kuv Txiv Xauv Xis, koj yuav nqes los no ces koj los lauj."

Txiv Xauv Xis muab nrhoob khi nkaus ntawm hauv paus ntoo. Nws nqes loo los nrog niam Xauv Xis nyob hauv qab tsuas lawm lauj. Ob tug mas nim los nyob sib tawb sib nwj, sib qawg, sib ntaus. Txiv Xauv Xis muab nqaij muab mov rau ob tug noj. Nkawd noj tas, Txiv Xauv Xis txawm hais tias:

"Zaum no mas kuv yuav tsis mus saum hauv tsua li lawm nawd! Kuv yuav nyob tos. Mas yog cov niag tsov los txog, yuav ua li cas los ua li ntag nawd! Kuv mas yeej tsis ntshai hlo li ntag?" Ntxawm txawm teb Txiv Xauv Xis hais tias:

"Kuv Txiv Xauv Xis, koj yuav tsis txhob ua li ntawd. Koj yuav tsum mloog kuv hais thiab, koj thiaj li yuav rov tau kuv, kuv thiaj li yuav rov tau koj los mas. Koj ib leeg xwb, hos lawv li lawv coob coob, mas ntshai koj yuav tsis yeej lawv mog. Ces koj yuav ua ib siab rov lawm saum hauv tsua. Cia txog tsov hnuv tsov ntub, txog tsov hmo tsov nyo lawm no, ces koj mam li ho rov qab nqes los dua mog."

Ntxawm thiaj li hais zoj tau ib phiab dej koj mus txawb ntua rau tom kem tsua. Nws xauj zoj. Ua ciav, cov niag tsov mas nim los tej tus nplawm tw swb sis, twb los yuav txog ntawm qab taw tsua tiag lauj. Ntxawm thiaj li hais tias:

"Kuv Txiv Xauv Xis, koj cia li ua ib siab rov lawm saud. Yog koj tsis mus, koj sim los saib hauv no saib mev!"

Txiv Xauv Xis thiaj li los xauj zoj no. Ciav cov niag tsov los twb yuav txog tiag tiag. Ces Txiv Xauv Xis thiaj li tooj nrhoob tsuag tsuag dua puag saum hauv tsua lawm. Nws muab nws nrhoob daws zoj rov dua saud lawm. Cas ib me ntsis zoj xwb, niag daj ua ntej los txog ntua hauv qab tsuas, nws hais tias:

"Yaid! Hnuv no, niam ntxawm nyob hauv tsev, niam ntxawm tsw hno nplej hno nplaum diam tiag laiv!"

Niam Xauv Xis teb niag daj hais tias:

"Txiv laus daj ces, nej mus noj ntawm nej ncauj tsw ntawm nej ntswg, es nim muab liam rau kuv ua tus tsi, nas ha."

Ib me ntsi niag dub los txog, nws kuj hais li ntawd thiab. Ib ntsis niag yawg los txog nws kuj hais tias:

"Yaud! Hnuv no, me nyab nyob hauv tsev, nws nim tsw hno nplej hno nplaum diam tiag las."

Ntxawm thiaj teb niag txiv yawg hais tias:

"Txiv ces, nej mus noj ntawm nej ncauj es tsw ntawm nej ntswg, yuav muab los liam rau kuv ua tus tsi?"
ib me ntsis niag pog los txog, nws kuj hais ib yam nkaus li thiab. Niag muam los, nws kuj hais li ntawd. Ib ntsis Ntxawm niag txiv tsov txaij los txog nws hais tias:

"Hnub no, Ntxawm nyob hauv tsev, Ntxawm tsw hno nplej hno nplaum diam tiag lasi"

Ntxawm teb thiab cem hais tias:

"Niag dab ntaus qas quav ntshavi Koj mus noj ntawm koj ncauj tsw ntawm koj ntswg, es nim yuav los muab liam rau kuv ua tus tsi li koj os?"

Ces Txiv Xauv Xis nyob saum hauv tsua ntsia ntsoov ntag lauj. Ib ntsis cov niag tsov txawm sab laj hais tias:

"Tsw hno nplej hno nplaum hwi! Yuav ua li cas ne?"

Niag tij laug daj txawm teb tias:

"Aub! Tsw mas tsw diam tiag, uas tsis ntshai. Cia peb mam ho ua tsawv los saib saib yog vim li cas?"

Cov niag hais zom zaws tias:

"Aub! Yog li tiagi Li no ces daj, koj ua saib ntag lovi"

Niag daj txawm ntog nreem tod quaj nrov mlaug, ntog nreem tod quaj nrov mlaug, sawv tsees los kuj tsis pom dab tsi li thiab. Nws ho kom niag dub ua. Niag dub nim ho ntog nreem tod quaj mlaug, ntog nreem tod quaj mlaug, sawv tsees los kuj tsis pom tus sim zeej dab tsi li thiab. Nws hais tias:

"Yawg txaij, koj yog tij, koj sim ho ua saib maji"

Niag txaij mas nim ntog nrawv nreem tom ub tom no, quaj mlig mlaug, sawv tsees los kuj lias tsis pom tus tsi li thiab.

Cov niag tsov txawm los sib tham zom zaws tias:

"Peb peb tug hluas no twb ua tsawv saib tas, kuj tsis pom tus sim zeej dab tsi li thiab, mas peb ho yuav ua li cas ntshai?"

Niag daj txawm teb hais tias:

"Aub! Ua li mas tsw hno nplej hno nplaum hwi lawm. Ces tag kis peb mus nrhiav noj ib hnub. Tso txog tsov hnub tsov ntub, txog tsov hmo tsov nyo tas peb ho tshais dua chaw xwb lovi"

Cov niag txawm teb zom zaws hais tias:

"Aub! Hlob, koj hais li, cia peb yuav koj lus. Tag kis peb nrhiav noj kom txaus. Yuav tshais chaw los cia tshais thiab laubi"

Ces tag kis sawv ntshov, cov niag tsov rov mus lawm nplawm tw swb sis. Ntxawm hais zoj ib taig dej los tsom zoj nram kem qhov tsua, cov niag tsov mus lawm tas nrho lauj. Ntxawm hais rau Txiv Xauv Xis tias:

"Kuv Txiv Xauv Xis, koj yuav los no ces los lauji Koj los nrog kuv nyob hnub no xwb, es koj ua ib siab rov mus tsev nawd!"

Txiv Xauv Xis thiaj li dauv klag nrhoob nqes klag rov los nrog Ntxawm nyob. Ntxawm hais tias:

"Kuv Txiv Xauv Xis! Koj los nrog kuv nyob hnub no xwb nawd! Mas nylam no cov niag tsov sab laj hais tias txog tsov hnub tsov yuav ntub, txog tsov hmo tsov yuav nyo. Lawv yuav coj kuv tshais chaw no. Li ntawd ces tag kis koj ua ib siab rov qab mus tsev os mog!"

Txiv Xauv Xis hais tias:

"Aub! Kuv niam Xauv Xis, tsis lam yuav tau li. Nylam no kuv twb tuaj txog lawm. Koj ciaj los kuv yuav nrog koj ciaj, koj tuag los kuv yeej yuav nrog koj tuag xwb. Mas yeej yuav tsis rov li. Ciaj tuag los cia ua ib ke xwb ntag!"

Ntxawm hais tias:

"Ua li cas los koj xij yuav tsis rov li no, mas koj rov lawm saum hauv tsua tso. Es tag kis, txog tsov hnub tsov yuav ntub, txog tsov hmo tsov yuav nyo, mas koj nyob saud saib nawd! Tus twg zaum qhov twg, nws cia li nyo rau qhov ntawd. Mas nyias yuav nyo nyias nywb nyes rau qhov ub qhov no, mas lawv yuav ntub peb hnub peb hmos. Thaum lawv sawv rov los mas lawv yuav coj kuv tshais chaw mus cuaj hnub cuaj hmo. Lawv yuav tsis tsaug zog lawm ntag laubi Mas ntshai koj yuav nrhiav tsis pom kuv ntshov lawm. Ces nylam no koj rov lawm saud. Tag kis, txog tsov hnub tsov ntub, txog tsov hmo tsov nyo. Kuv xuas koob nkaug tus twg los tsis hnub li lawm ntag, mas kuv mam li hais rau koj, tso koj mam li rov qab nqes los nawd!"

Ces Txiv Xauv Xis thiaj li rov tooj nrhoob mus nyob rau saum hauv tsua lawm. Tag kis kaj ntug nws saib, mas pom cov niag tsov, tus mus zaum qhov twg ncaws rau qhov ntawd lawm. Tsuas tias tsaug zog ncaws nrwb nrh nris rau hlawv hlo rau qhov ub qhov no lawm tiag lauj. Ntxawm txawm mus xuas koob ib nkaug rau niag yawg. Niag yawg ua mlaug. Ntxawm hais tias:

"Aub! Kuv Txiv mas, luag hmov luag tshua, luag tsuas tawb. Na has, nim txus yuav tsiv os."

Ntxawm tib nkaug rau niag daj, niag daj ua mlaug. Ntxawm hais rau niag daj tias:

"Txiv laus ces, luag hmov luag tsuas tawb. Na has, nim txus tsiv xob tsiv xu os."

Ntxawm tib nkaug rau Ntxawm niag txiv tsov, ua mlaug. Ntxawm cem thiab hais rau tias:

"Niag dab ntaus qas quav ntshav, tseg luag niam luag txiv rau ib roog ntuj, luag nco luag niam luag txiv, luag tawb. Na has nim txus yuav tsiv xob tsiv xu li ntawd."

Ntxawm nkaug tus nkaug tus ntsiag twb to tsis hnov ua saub sab li lawm lauj. Ntxawm thiaj hais tias:

"Kuv Txiv Xauby Xis, koj yuav nqes lo no ces koj los lauj!"

Txiv Xauby Xis dauv zoj nrhoob nqes kias los. Ob tug los nyob sib qawg, nwj sib, sib nrig, sib ntaus, sib tawb ua si. Nyob nyob ib hnub ces Ntxawm hais tias:

"Kuv Txiv Xauby Xis, koj nyob twj ywm, koj tsis txhob kov lawv. Mas koj los nyob ob hnub ob hmos xwb, koj cia li rov mus laiv! Lawv sawv rov los, lawv yuav coj kuv tshais chaw, ces koj yuav nrhiav tsis tau kuv li lawm nawd! Mas koj ua ib siab rov mus tsev. Koj mus nylam tus twg los koj yuav tus ntawd los nrog koj ua neej os mog!"

Txiv Xauby Xis teb hais tias:

"Aws! Ua li las mas."

Ob tug los nyob sib tawb sib tawb. Ces Txiv Xauby Xis hais tias:

"Ntxawd! Koj nyob es kuv mus tso zis tso yuad."

Ntxawm teb tias:

"Txiv Xauby Xis, koj mus tso zis sais koj mus ncaj ncaj laiv!"

Txiv Xauby Xis nws mus, xuas ntag tus ntag tus, ua nwg cov niag tsov tuag tas lawm lauj. Ces tshuav Ntxawm niag txiv tsov lawm xwb. Ntxawm tib pihaw caij nkaus, nws hais tias:

"Txiv Xauby Xis, koj twb tua kuv niam kuv txiv tuag tas lawm. Kuv txiv hlob, txiv ntxawm tej muam koj twb muab tua tas. Mas tsis kheev koj tua kuv tus txiv li ntag. Yog koj tseem tua kuv tus txiv thiab mas tsis leej yuav tau li. Yog koj tseem tua kuv tus txiv thiab, mas koj yeej yuav pom tam sim no xwb."

Txiv Xauby Xis hais li cas los tsis tau tua Ntxawm niag txiv tsov li. Txiv Xauby Xis thiaj li muab kias nws ob txoj siv ceeb nki kias ua ob lub pob caus pov rhes rau nram ntsis ntoo, txia kias ua ob tug me nyuam cuam mas zoo zoo nkauj. Ob tug me nyuam cuam mas nim sib ntaus sib nwj. Txiv Xauby Xis txawm hais rau Ntxawm hais tias:

"Ntxawd! Koj sim ntsia nrad saib. Muaj ob tug me nyuam cuam, mas nim sib ntaus sib nwj zoo nkaus li thaud koj thiab kuv wb tiag lauj. Koj saib maj!"

Ntxawm tsa hio muag ntsia, nws hais tias:

"Aub! Tiag! Kuv twb pom lawm os."

Ntxawm kuj tseem tsis nqes saum Ntxawm niag txiv tsov lub nraub qaum li thiab. Txiv Xauby Xis hais tias:

"Ntxawd! Koj txav zog los tuaj ntawm no saib thiaj li yuav pom tseeb maj."

Ntxawm thiaj li txav zog los. Txiv Xauby Xis tib ntag rau Ntxawm niag txiv tsov tuag kias lawm thiab lauj. Ntxawm tig hio los saib. Ua ciav, nws tus txiv tu nrho ua ob ya lawm. Ntxawm thiaj li khiav kias dua tom kem tsua lawm, mus pihis zoj ua ib tug niag txiv tsov plooj suab ntaug leev los hie kaus hio rau Txiv Xauby Xis. Txiv Xauby Xis hais tias:

"Ntxawd! Koj ua dag los ua tiag? Koj ntev koj ua peb ya, koj luv koj ua ob ya xwb ntag nawd!"

Txiv Xauby Xis rho hio ntaj los ntsim ua nws Ntxawm taw tu tus vaws. Ntxawm quaj dhev cia xwb. Txiv Xauby Xis hais tias:

"Ntxawd! Nylam no kuv muab cov niag tsov tua tuag tas lawm. Ces koj nrog kuv wb rov mus tsev lauv!"

Ntxawm teb tias:

"Aub! Koj muab kuv niam kuv txiv lawv tua tuag tas lawm, kuv yuav tsis zoo siab nrog koj mus. Yog koj yuav coj kuv rov qab mas koj tsis txhob tua kuv tus txiv. Koj tua lawv lawm los xij. Es koj tsis txhob tua kuv tus txiv. Cia nws mus nws. Es wb ho rov wb qab los pov."

Txiv Xauby Xis hais tias:

"Ntxawd! Koj hais tias koj tus txiv qhov twg? Niag tsov kuj tsov tiag sas. Es nim yuav hais tias kuv tus txiv. Koj yuav nrog kuv mus ces mus xwb las! Yog koj tsis xav mus ces koj nyob koj, kuv mus kuv xwb!"

Ntxawm thiaj teb hais tias:

"Aub! Yog li no lawm ces yuav mus los cia mus laud."

Txiv Xauv Xis txawm koj Ntxawm los lawm lauj. Ob tug los los lawm ib tsam ib hnuv. Ib tsam tsaus ntuj, ua ciav yog rov los txog hauv niag qab tsuas qub xwb. Nkawd rov pom cov niag tsov mas tuag pawg lug cia. Tag kis ho rov mus dua. Mus ib hnuv, pw ib hmos. Kaj ntug, ua ciav, yog qhov niag qub, pom cov niag tsov tuag pawg lug li qub xwb. Ntxawm hais tias:

"Aub! Wb yuav mus tsis tau lauj! Yog yuav kom wb mus tau mas koj mus cug kuv tus txiv ib taus tes ntshav los rau wb haus, mas koj thiab kuv wb thiaj yuav mus tau nawd!"

Ces Txiv Xauv Xis thiaj mus muab niag tsov txaj lub hauv siab phua, nws cug tau niag tsov txaj ib taus tes ntshav los rau nkawd haus. Ntxawm mas nlm haus yaim pes lum lawm, hos Txiv Xauv Xis ces lam twb qhov ncauj hlw me ntsis xwb. Ntxawm hais tias:

"Kuv Txiv Xauv Xis, yog koj tsis haus ces yeej mus tsis tau tiag tiag li los hol"

Txiv Xauv Xis lam haus me ntsis xwb, uas niag tsw tsw nyoos. Ces tag kis ob tug thiaj li sawv kev rov mus dua lauj. Nkawd los los tau tsib hnuv los tsis txawj txog li. Los los thiaj los txog ntawm ib yig niag Nplog, nyob puag tom ntug liaj. Nkawd los txog ntawm ob niam txiv Nplog, ob niam txiv Nplog thiaj hais rau nkawd hais tias:


"Aub! Me tub, koj niam koj txiv ces yog wb xwb los mas."

Txiv Xauv Xis xav xav nrhlav tsis tau nws niam thiab nws txiv lawv lawm thiab, nws thiaj lees hais tias:

"Aub! Nyaj wb niam wb txiv ces yog neb ntag."

Txiv Xauv Xis nkawd thiaj los zeem poj mab ua pov nya, poj mab thiaj li tu teb rau Txiv Xauv Xis nkawd ua maj lauj. Txiv Xauv Xis nkawd thiaj li los zeem poj mab ua pov koob, poj mab thiaj li tu teb rau nkawd ua qoob.

Qhov mus zeem poj mab poj sua ntawd, thaum ub yog Txiv Xauv Xis nkawd ob niam txiv xub zeem ua ntej. Nylam no peb Hmoob thiaj li nrog mab sua ntaus kev ua niam qhuav txiv qhuav los txog rau niaj hnuv no.



ZAJ 10

YAWG O POB

THIAB HUAB TAIS

NTHHAIS NKROJ NTHAWM

Tus hais: Yaj Vam Tuam.

Puag thaum ub ov, Huab Tais Moos Loob nws muaj xya leeej ntshais. Nws cov ntshais mas niaj hnuv niaj hmo tuaj mus da dej ntsis plaub hau tom ntug hav dej os.

Ces muaj ib zaug Huab Tais cov ntshais txawm tuaj mus da dej. Txawm muaj ib niag hluas hu ua O Pob, nws tuaj mus pw tav kev. Ib ntsis Huab Tais cov ntshais tuaj mus da dej los txog ntawd. Cov niam laus mas hia niag O Pob nraws nruam los lawm. Tshuav tus ntshais Ntxawd los tom qab. Tus ntshais Ntxawd, nws los txog, nws yuav hla, nws ho xa tau hais tias:

"Abl Luag yog ib tug txiv neej diam, hos yus yog ib tug poj niam. Ntshai yus tsis txhob hla aub!"

Ntxawm txawm lug zoj kev mus nram ko taw. Niag O Pob txawm chaub laug tsuag tsuag tuaj nrad lawm thiab. Ntxawm ho lug kev tsuag tsuag tuaj ped. Niag yawg O pob kuj txav chaub laug tsuag tsuag tuaj ped lawm thiab. Txawm xij tav kev li ntawd ib hnuv tsaus ntuj, Huab Tais ntshais Ntxawm tsis tau kev los tsev li lauj. Tsaus ntuj noj hmo tas, niag hli tuaj twb yuav ntseg, los kuj tsis pom Huab Tais ntshais Ntxawm los li thiab lauj. Huab Tais txawm cem hais tias:

"Nej xya tus ntshais no, nej niaj hnuv niaj hmo mus da dej ntsis plaub hau tom hav dej. Ua cas nej rau leej hlob, nej twb los lawm tas. Ua li ntshais Ntxawm ne? Nws ho tseem mus tus dab tsi lawd? Ua cas niag tsaus ntuj tav li no, ho tsis pom nws los li thiab?"

Cov niam laus txawm teb zom zaws hais tias:

"Abl Txiv, peb niag niam hluas Ntxawm xij tseem pheej nrog niag hluas O Pob tham nyob tom kev naj! Peb los txog tod ces niag O Pob pw tav kev, ces peb cia li hia nraws nruam los lawm. Hos Ntxawm ces, nws los txog ntawd nws pheej nrog niag O pob tham tsis paub tas zaj li tiag."

Huab Tais txawm cem hais tias:

"Abl Nej cov hlob twb los tas lawm. Es Ntxawm xij pheej nyiam niag O Pob li ntawd, ces ua rau kuv poob ntsej muag hwi. Kuv tsis yuav nws los ua kuv tus ntshais lawm. Cia mus

hu tsoom Xeeb teb Xeeb chaw, tswv zej tswv zos sawv daws tuaj tso, es yuav muab niag yawg O Pob thiab Ntxawm nkawd rau tshoob ceeb tshoob mus xwb lov."

Ces Huab Tais txawm tso neeg mus hu tsoom Xeeb teb Xeeb chaw, tswv zej tswv zos sawv daws tuaj. Huab Tais nws kuj npaj ib rooj mov loj loj noj tas. Huab tais txawm tso nws cov tub mab tub qhe mus txua ib lub nkoj loj loj los. Nws muab mov muab nqaij tsaus tsaus rau hauv lub nkoj. Ces nws txawm muab Ntxawm thiab yawg O pob nkawd ob leeg rau tshoob ceeb tshoob raws dej Vwj Cab tshoob los lawm lauj.

Tas tsoom Xeeb teb Xeeb chaw, tswv zej tswv zos sawv daws npuaj teg hais zom zaws tias:

"Aub! Huab tais muab nws ntshais nkauj Ntxawm nrog niag yawg O pob rau tshoob ceeb tshoob mus lawm lauj."

Ces dej txawm tshoob lub nkoj los lawm. Dej Vwj Cab muab tshoob mus txog qhov twg los lub nkoj tsis khua li. Tshoob tshoob txawm los txog rau lub pov txwv Dwas Cas, ces lub nkoj txawm los khua rau ntawd lawm. Nkawd nquam li cas los lub nkoj tsis mus li. Nkawd ho nrhiav pas los nyom los kuj tsis tau li thiab. Ces Ntxawm thiab yawg O pob nkawd niaj hnuv muab nkawd yawm txiv cov mov los noj. Ntxawm txawm hais rau yawg O Pob hais tias:

"Aub! Txiv O Pob, koj kuj txawm mus luaj teb los pov? Yog koj tsis mus luaj teb mas wb yuav tsis tau noj nawd! Wb niaj hnuv noj niam tais thiab yawm txiv lawv tej zaub tej mov no tas, es ua li wb ho yuav noj tus dab tsis thiab?"

O Pob txawm teb hais tias:

"Abl Ntxawm lauj, mas koj zoo nkauj hwi ces kuv tsis xav mus li las. Kuv xav nyob zov koj xwb."

Ntxawm teb hais tias:

"O Pob, koj tsis txhob hais li ntawd. Nyiam no, zoo thiab phem los wb niam wb txiv lawv twb muab wb rau tshoob ceeb tshoob los txog txij no lawm, ces koj ua ib siab mus luaj teb xwb! Nyiam no, me noob nplej noob kws los niam tais yawm txiv lawm yeej muab los. Muaj nyob ntawm no huv si. Ces koj mus luaj tso. Qhuav lawm no ces ho yuav muab hlavv es ho coj mus cog. Lwm xyoo koj thiab kuv wb thiaj li yuav tau noj."

Ces yawg O Pob txawm mus luaj teb lauj. Yawg mus luaj ib hnuv, ntov tas ib tog zoov. Hmo rov los lawm. Tag kis mus xyuas. Xyoob ntoo rov sawv zoov li qub. Hnuv tom qab, ho rov mus luaj ib hnuv tsaus ntuj, ntov tas ib tog zoov, rov los tsev. Tag kis mus xyoob ntoo sawv zoov li qub lawm thiab, zoo nkaus li tsis tau luaj tsis tau ntov. Ntxawm xij cem hais tias: "O Pob lauj, koj mas nkees dhau hwi lawm. Ntshai wb yuav tsis tau noj li lauj. Koj mus luaj tau ob peb hnuv los no, ib tug xyoob tug ntoo tsis tu. Koj nkees dhau hwi lawm! Ces hnuv no tso kuv mus luaj ua ntej nawd! Es koj ho ntov lawv kuv qab. Mas ntshai wb thiaj li yuav tau teb ua xwb lauj." Ces hnuv ntawd Ntxawm txawm mus luaj ua ntej, hos O Pob ntov lawv qab. Ntov ntov ib hnuv vau peb nyuag tug ntoo xwb. Muaj ib tug mas yog ib tug ntoo khoob loj loj. Ces tsaus ntuj lauj. Ntxawm hais tias:

"O Pob! Tsaus ntuj lawm ces wb mus tsev tso. Tag kis mam ho rov tuaj luaj dua."

Yawg O Pob nws chim chim nws txawm hais tias:

"Ntxawd, koj mus xwb os. Kuv yuav tsis mus nawd! Kuv mus los xij raug koj cem xwb, ces kuv yuav tsis mus lawm os. Kuv luaj teb, kuv kuj luaj tiag tiag tas tsim nyog kuv ib tug luaj thiab, tag kis rov tuaj xyoob ntoo nws rov sawv nws li qub lawm xwb. Koj txawm xij pheej cem kuv hais tias yog kuv tuaj laug xwb, kuv tsis luaj teb no, ces koj mus xwb, es kuv yuav zov saib yog leej twg xij pheej los tsa tej xyoob ntoo no."

Ces Ntxawm thiaj li rov qab los lawm. Hos txiv yawg O Pob thiaj li nqa rab ciaj uas yawm txiv muab, nws txawm khiav mus nkaum hauv niag cav ntoo khoob uas nws ntov vau ntawd. Cas ib tsam uas ntsoov ntsoo los dhau hav tas nrho xwb, muaj ib pab niag liab coob coob los. Muaj ib niag txiv thais liab loj nqa ib lub nruas uas muaj cuaj lub qhov muag. Nws los los txog ntawm niag ntoo, niag txiv thais liab txawm muab lub niag nruas los ntaus, teg lub qhov muag teg lub qhov muag. Niag txiv thais liab txawm ntuas hais tias:

"Sawv sawv! Nqaij txuas nqaij, tawv txuas tawv."

Ua ciaj tsob niag ntoo sawv zuj zus lawm. Yawg O Pob txawm tuaj hauv niag ntoo khoob ntawd ntsoov ntag, pom niag

txiv thais liab tsa tus tas ho los tsa tus thiab, rov muab lub nruas ntaus teg lub qhov muag teg lub qhov muag hais tias:

"Sawv sawv! Nqaij rov txuas nqaij tawv rov txuas tawv aul"

Tsob niag ntoo cia li sawv zuj zus sawv zuj zus. Tsis pom ib tug hniav niam hniav txuas li. Du lug li qub xwb. Niag txiv thais liab txawm yws hais tias:

"Ned! Leej twg nim tuaj muab tej vaj tse no ntov vau tas? Kuv kuj sis los tsa tau rov sawv li qub thiab. Kuv kuj tseem heev dua nws lawm thiab sasi"

Niag txiv thais liab ho tib pihaw los zaum ntua saum yav niag cav ntoo khoob uas yawg O Pob nkaud. Ces niag txiv thais liab txawm los zaum nyob saud. Niag ntoo ntawd txawm muaj ib niag kab tawg pieb. Niag txiv thais liab ob lub noob qes txawm tawm los hauv qab lauj. Yawg O Pob txawm muab cov ciaj uas yawg yawm txiv muab rau yawg, tais nkaus niag txiv thais liab ob lub noob qes tuav rua rua lawm. Niag txiv thais liab nti nti tsis dim li. Niag txiv thais liab txawm hais rau yawg O Pob hais tias:

"Thov koj tso kuv lauj! Koj tuaj luaj tau ob peb hnuv teb, tas ob peb kab los no, los yog vim kuv los muab tsa tas thiaj li rov sawv li qub tas lawm. Yog vim kuv nqa kuv lub nruas no tuaj tsa thiaj rov sawv tas tiag. Mas hnuv no koj poj niam tuaj luaj ua ntej, koj ho ntov lawv qab los kuv yeej tsa tau huv tib si lawm tiag tiag. Tiam sis yog niag ntoo khoob no kuv thiaj li tsa tsis tau xwb. Ua li ces thov koj. Koj tso kuv tso. Kuv muab kuv lub nruas cuaj lub qhov muag no rau koj lauj."

Niag txiv thais liab mas thov zaj tas los thov zaj tuaj thiab lauj. Yawg O Pob thiaj li hais tias:

"Aub! Tsis lam yuav mus tau li ntag! Yog kuv tso koj thaum twg mas koj yeej yuav tom kuv xwb. Kuv mas yeej yuav tsis lam tso li ntag lauj. Luaj teb ntov ntoo sab, yog zaub xwb ntag?"

Niag txiv thais liab hais tias:

"Tsis ntshai! Yog tias koj ntshai tsam kuv ho nqa kuv lub nruas no khiav, thiab koj ho ntshai tsam kuv lam tom koj no, ces kuv xub cev kuv lub nruas no los rau koj tso. Koj yuav kuv lub nruas lawm, koj mam li tso kuv. Es koj tawm los wb mam li sib tham. Koj tsis txhob ntshai kiag ntag nawd!

Ces niag txiv thais liab txawm cev lub niag nruas uas muaj cuaj lub qhov muag los rau yawg O Pob. Thaum yawg O Pob txais tau txiv thais liab lub nruas lawm lau, nws mas li tso niag txiv thais liab ob lub noob qes. Ces yawg thiaj li tawm los, ob tug sib tham. Txiv thais liab thiaj hais tias:

"Ua li cas koj yuav mus o pob phem tas npaum li ko ua luaj?"

O Pob txawm teb hais tias:

"Leej npawg! Kuv niam kuv txiv yug kuv puag nruab thiab los ces kuv yeej tus niag o pob los li no tiag."

Niag txiv thais liab hais tias:

"Aub! Yog li no mas koj muab lub nruas los rau kuv, kuv ntaus kom koj rov zoo nraug rov tuaj saib."

O Pob hais tias:

"Aub! Tsam me ntsis koj tsis rov muab rau kuv lawm, ces kuv yuav tsis kam os."

Niag txiv thais liab hais tias:

"Leej npawg! Koj txhob ntshai, kuv yeej muab xwb las mas. Yog hais tias koj ntshai tsam kuv tsis rov muab rau koj lawd no, ces koj rov muab ciaj los tais kuv ob lub noob qes zoo li qub tso. Es kuv ntaus kom koj zoo nraug tas, kuv muab lub nruas rov rau koj lawm koj mam li tso kuv."

Yawg O Pob thiaj rov muab ciaj los tais niag txiv thais liab ob lub noob qes, ces niag txiv thais liab thiaj muab lub nruas los ntaus. Nws hais tias:

"Aub! Kuv ntaus lub nruas no mas tseem kom koj zoo nraug rov tuaj. Cov niag pob ntawd, mas tseev kom nti tas mus nawd!"

Niag txiv thais liab ntaus lub ruas tas, nws hais tias:

"Aub! Zaum no, koj los luaj teb rau lub Vees Cas no, kuv los muab tsa tas lawm, mas nkim koj lub zog los lawm ntau hnub. Mas kuv muab lub nruas no rau koj, mas kuv twb ntaus kom koj rov zoo nraug tuaj lawm. Ces koj nga lub nruas no, koj rov mus koj tsev. Koj mus txog tsev, yog koj poj niam tsis kam yuav koj lawm no, koj coj koj poj niam neb tuaj cuag kuv nawd!"

Ces yawg O Pob txawm nga lub nruas los lawm.

Nws mus txog tsev, hu kom Ntxawm tawm tuaj qhib qhov rooj Ntxawm txawm qhib tau qhov rooj. Ua clav tib tug hluas mas zoo nraug ntxiag xwb lau. Tsis yog niag yawg O Pob lawm. Ntxawm txawm hais tias:

"Aub! Koj tsis yog kuv tus txiv lawm. Kuv tsis yuav koj. Kuv tus txiv mas tus niag o o pob tsis zoo li koj."

Yawg O Pob txawm teb Ntxawm hais tias:

"Koj hais yog lawm las mas Ntxawd! Tiam sis, koj los lawm, ces kuv zov. Ib me ntsis, txawm los ib niag pab liab coob coob, txawm los tsa cov ntoo uas kuv ntov. Mas kuv thiaj li muab wb yawm txiv rab ciaj los tais niag txiv thais liab noob qes, ces nws thiaj li muab nws lub nruas cuaj lub qhov muag no los thov kuv tiag! Nws thiaj muab los ntaus kom kuv rov zoo nraug rov tuaj li no lawd."

Ntxawm txawm teb yawg hais tias:

"Koj iam dag xwb. Kuv tsis yuav koj li. Ntawm kuv tus txiv mas nws yeej o pob."

Yawg O Pob hais li cas los Ntxawm tsis ntseeg li lau. Yawg O Pob thiaj rov hais tias:

"Aub! Ntxawd, niag txiv thais liab hais tias yog kuv los txog hos koj tsis zeem tias kuv yog koj tus txiv li no, kom kuv coj koj nrog kuv wb mus cuag nws no."

Ntxawm thiaj li teb hais tias:

"Aub! Koj nim hais ua luaj! Yuav mus los puj sis mus las mas. Saib yog koj dag los yog muaj tiag?"

Ces nkawd ob niam txiv txawm rov qab mus cuag niag txiv thais liab raws li yawg O Pob hais.

Niag txiv thais liab txawm hais tias:

"Aub! Yog kawg las mas! Twb yog kuv los tsa cov ntoo no. Ces koj tus txiv thiaj muab nws yawm txiv rab ciaj los tais kuv ob lub noob qes, ces kuv thiaj tau muab kuv lub nruas no pub rau nws lawd! Mas thaum koj tus txiv nws tawm hauv qhov ntoo los, nws tus niag phem phem o o pob. Kuv thiaj muab lub nruas no los ntaus, ces nws mam rov zoo nraug tuaj lawm xwb. Yog tias koj ho phееj yuav tsis ntseeg li no, mas cia kuv ho rov muab lub nruas no ntaus kom nws o pob li qhov qub, kom pob su tuaj pub rau koj saib saib maj."

Niag txiv thais liab thiaj muab lub nruas rov los ntaus tias:

"O Pob! Koj rov qab o pob li qub tuaj saib!"

Niag txiv thais liab ntaus cuaj teg cuaj lub qhov muag, ces yawg O Pob thiaj rov o o pob tuaj lawm tiag lau.

Niag txiv thais liab hais tias:

"Nev! Koj sim saib saib mas. Puas yog koj tus txiv lawd?"

Ntxawm thiaj hais tias:

"Aub! Tus no thiaj yog kuv tus txiv las mas. Kuv tus txiv mas nws yeej o pob li no tiag."

Niag txiv thais liab hais tias:

"Koj sim saib saib ov! Kuv yuav rov ntaus kom nws zoo nraug rov tuaj nawd!"

Niag txiv thais liab ntaus cuaj teg cuaj lub qhov muag tias:

"Aub! Kuv ntaus no, mas kom rov zoo nraug au!"

Yawg O Pob rov zoo zoo nraug rov tuaj lawm tiag lauj. Txiv thais liab nug hais tias:

"Zaum no koj yuav los pov! Yog koj tus txiv lawd!"

Ntxawm teb hais tias:

"Aub! Kuv yuav. Zaum no, yog kuv tus txiv lawm tiag."

Niag txiv thais liab thiaj hais tias:

"Npawg! Kuv mus lawm. Neb nyob. Hnub twg yog neb muab kuv lub nruas no los ntaus, mas ntaus teg ib, tau liaj ia teb chaws. Ntaus teg ob, mas tau laj mej pej xeeb huab hwm. Ntaus teg peb, mas tau nyuj tau twm. Ntaus teg plaub, tau qaib npua os. Ntaus teg tsib, tau yaj tau tshis. Mas neb ntaus cuaj teg no, mas neb tau tas ib puas tsav yam tsiaj."

Niag txiv thais liab txawm mus lawm lauj. Ces niag yawg O Pob txawm muab lub nruas los ntaus raws li niag txiv thais liab tau hais rau nkawd. Nkawd thiaj li tau tsiaj tau txhuv, tau liaj ia teb chaws, tau laj mej pej xeeb huab hwm, tau tub mab tub qhe coob coob ua npoj ntws lawm lauj. Ces yawg O Pob hais rau Ntxawm hais tias:

"Ntxawd, nyiam no wb tau liaj ia teb chaws lawm, muaj tsiaj muaj txhuv tas lawm. Ntshai wb yuav tau ua ntawv mus rau yawm txiv kom yawm txiv tuaj xyuas wb los pov yuad?"

Ces yawg O Pob thiaj Ntxawm nkawd thiaj ua ntawv mus rau Huab Tais hais tias:

"Aub! Txiv, nyiam no mas hais rau koj tau paub. Thaud, koj ua txiv, koj tau muab wb rau tshoob ceeb tshoob raws dej Vwj Cab nges hav lawm. Wb thiaj tau nrog dej ntab los khuam rau Thaj Dua Cas. Mas nyiam no wb tau teb chaws los nyob lawm."

Mas liab muab lub teb chaws no rau wb nyob lawm. Lub nroog uas wb nyob no yog hu ua Vees Cas. Txiv, yog koj tuaj mas koj caij ntshw tuaj, koj muab ntaub liab los npog ntshw ob lub qhov muag nawd!"

Ces tsis ntev nkawd yawm txiv txais tau daim ntawv lawm. Nws txawm hnyos yawg O Pob thiaj Ntxawm hais tias:

"Aub yaul Yog tias tseem ho tau zoo lawm. Es kuv caij ntshw mus los tseem yuav ntaub liab los npog ntshw qhov muag thiaj. Tsam ib me ntsis ntshw ho mus pom teb chaws zoo hwm lawm ces ntshw ho ceeb thiaj, mas zoo dhau hwm lawm lauj?" Ces yawm txiv tsis ntseeg li. Nws txawm caij ob tug ntshw mus, tsis muab ntaub liab los npog ntshw qhov muag. Yawg O Pob thiaj Ntxawm nkawd yawm txiv caij ntshw taug tus ntug dej Vwj Cab nges hav tuaj mus ov. Txiv yawg Huab Tais tuaj, mas nim tuaj nyo hau nywb nyes xwb. Ua ciav tuaj tuaj mus pom dheev niag tiaj nrag dav li dav lauj. Ntxhw ceeb ces ntshw tso tuam phov ntws dhia, Yawm txiv poob ntshw lov tav lawm lauj. Yawm txiv ces nti luaj luam xwb.

Ib ntsis txawm muaj ob tug niam txiv Nplog mus cuab ntses los txog ntawd. Nkawd pom, nkawd txawm los hais rau O Pob nkawd ob niam txiv hais tias:

"Aub! Npawg, wb mus cuab ntses los txog tom kev tod. Wb pom muaj ib tug yawg laus laus caij ntshw tuaj txog tod. Ntxhw dhia ces yawg poob, lov ib tug tav lawm, sawv tsis taus li."

O Pob nkawd ob niam txiv thiaj hais tias:

"Aub! Ntshai tsam tej zaud yuav yog wb yawm txiv laivi Rau qhov wb twb tau ua ntawv mus kom tuaj xyuas wb. Ntshai tsam yog yawm txiv tuaj xyuas wb, nws tsis muab ntaub los npog ntshw qhov muag. Es ntshai ntshw pom tiaj nrag dav, ntshw khiav rov qab, nws poob ntag."

Nkawd ob niam txiv thiaj khiav ib tsaug tuaj mus xyuas. Ciav yog nkawd yawm txiv tiag lauj. O Pob thiaj hais tias:

"Txivi Wb sau ntawv los rau koj. Wb twb hais tias koj tuaj mas kom koj muab ntaub liab los npog ntshw qhov muag. Nyob ntsis ntshw tuaj pom tiaj nrag dav, ces tsam ntshw dhia es koj poob no nev?"

Nkawd yawm txiv Huab Tais hais tias:

"Aub, Vauv. Kuv nyeem, ntawv yeej hais li thiab las mas. Tiam sis kuv ho xav tias ntshai yog dag no nas."

Ces nkawd ob niam txiv thiaj tau koj yawm txiv los kho tau ob peb hnuv. Yawm txiv zoo rov los, nws thiaj hais tias:

"Me vauv nev! Thaud, koj lam ntov zoo li no mas kuv yeej tsis muab kuv Ntxawm neb rau tshoob ceeb tshoob tiag. Kuv yeej cia koj ua koj nom nyob lawd. Yog vim li cas es nyiam no koj ho tau ib lub zoo neej ua lawd?"

Vauv O Pob teb yawm txiv tias:


"Aub, txiv lau! Thaud, kuv yeej tus niag o o pob tiag. Tiam sis koj muab wb rau Tshoob Ceeb tshoob raws dej Vwj Cab los khuam rau lub niag Thaj Duas Cas. Ces Ntxawm kom kuv mus luaj teb no. Kuv mus luaj ib hnuv, ntov vau ib niag tog zoov. Tag kis, mus cov ntov uas ntov tas lawd rov sawv zoo li qub. Ces kuv thiaj mus zov. Ciav yog liab los tsa. Kuv mus nkaum hauv niag qhov ntov. Liab tsa cov ntov sawv tas, nws ho tsis pom kuv. Liab txawm dhia los nkaum saum kuv taub hau. Niag ntov tawg ib niag kab pleb. Nws niag noob qes hlaiv vias los. Kuv thiaj muab rab ciaj uas koj muab rau wb ntawd tais liab ob lub noob qes. Liab thov thov. Nws thiaj muab nws lub nruas cuaj lub qhov muag los rau kuv. Nws kom kuv tawm nrog nws tham. Nws pom kuv tug niag o o pob. Nws thiaj nug kuv tias ua cas kuv tus niag yuav o o pob li no. Ces kuv thiaj teb nws hais tias yog puag nruab thiab los kuv yeej zoo li no. Ces nws thiaj kom kuv muab lub nruas rau nws ntaus. Kuv cia li zoo tuaj li no xwb. Niag txiv thais liab mus lawm, wb ho muab lub nruas no lo ntaus. Wb thiaj tau liaj la teb chaws li no tiag."

Yawm txiv hais tias:

"Aub, me vauv lau! Thaud, koj yeej tsis tsim txiaj las. Nyiam no Ntxawm neb ho tau zoo lawm los yog lub Ntuj pab thiab. Ua li ces kuv ua txiv, cia kuv nyob Moos Loob ua Huab Tais nyob ped. Hos kuv Ntxawm neb nyob nram no lub nroog Vees Cas ces cia neb ua Thawj Pwm Tsav.

Ces Ntxawm nkawd nyob Vees Cas. Yawg O Pob tau ua tus Thawj Pwm Tsav. Hos nkawd yawm txiv nyob Moos Loob.

Lawv thiaj li los ua neej tsis muaj tag.



ZAJ 11.

YOB NRAUG NTSUAG

THIAB

ZAJ LAUG NTHAIS NTHAWM

Tus hais: VAJ TXHIAJ FOOM.

Puag thaum ub ov, Yob Nraug Ntsuag tsis muaj niam tsis muaj txiv. Nws niaj hnuv mus txiav taws los pauv mov pem Huab Tais los noj lau.

Ces muaj ib hnuv Yob mus nrhiav taws txog nram hav dej, txawm pom ib ya cav dub loj loj vau rau hauv dej. Yob xav xav: "Abi Lam txiav pas los nyom yav cav no lawm tim nquab tso lwm hnuv tuaj txhib mus pauv mov los noj."

Yob muab nyom nyom tau rau tim nquab lawm lau. Yob txawm los tsev lawm. Tau ob peb hmos Yob txawm rov mus txhib yav niag cav ntawd, no ciav tsis pom lawm. Tiam sis Yob tsis paub yav niag cav ntawd mas yog Zaj Laug.

Ces Zaj Laug mus txog tsev. Zaj Laug mas nws muaj xya tus ntshais dlam. Zaj Laug txawm mus qhuas rau nws xya tus ntshais hais tias:

"Aub, cov me ntshais! Kuv mus haus cawv, kuv rov qab los txog ntawm ib tog kev, kuv qaug qaug cawv, kuv txawm los ntog tsau tsawv dej. Muaj ib tug hu ua Yob Nraug Ntsuag, nws siab zoo siab dawb. Nws txawm los tsa kuv. Yog txhob muaj Yob Nraug Ntsuag mas kuv tuag xwb lau. Yog muaj Yob kuv thiaj ciaj rov los ua taus nej txiv. Nyiam no kuv pom Yob siab zoo ua lua. Nej xya tus ntshais no, yog nej leej twg kad, no nws mus yuav Yob Nraug Ntsuag los pov!"

Zaj Laug thiaj nug tias:

"Ntshais hlob! Koj puas kam mus yuav Yob Nraug Ntsuag?"

Ntshais hlob thiaj li teb nws txiv tias:

"Kuv tsis mus. Ntshe Ntxawm xwb lau."

Nug tus twg los hais tias ntshe Ntxawm xwb. Zaj Laug nug nug tas nrho nws rau tus ntshais hlob ntawd, lawv puav leej tias ntshe Ntxawm nws thiaj li mus yuav Yob Nraug Ntsuag xwb. Ces thiaj nug Ntxawm. Ntxawm teb tias:

"Aub, txiv lau! Koj nug cov niam laus. Lawv hais tias ntshe Ntxawm yuav xwb no uas, tus twg los xij hais li ntawd xwb. Yog tias, koj ua txiv, koj pom zoo no, kuv yuav los yuav thiab?"

Zaj Laug teb tias:

"Aub, kuv Ntxawm! Yog koj yuav mas, kuv zoo siab heev."

Ces Zaj Laug tua tsiaj tua txhuv noj, muab tag ib puas tsav yam tsiaj rau Ntxawm cab mus ua neej lau. Zaj Laug tias:

"Ntxawm! Kuv tso koj mus ua neej. Mas koj yuav tsis paub Yob Nraug Ntsuag li nawv! Cia kuv tso kuv nkawm dev liab muag nrog koj mus. Koj mus ntsib Hmoob. Hmoob nug koj, los koj hais tias: "Kuv yuav mus yuav txiv no nawv!" Mus ntsib Suav, Suav nug koj los koj hais tias: "Kuv yuav mus yuav txiv." Mas dev liab muag nyob qhov twg, koj nyob qhov ntawd. Dev liab muag mus nkag yim twg, koj kuj yuav nkag yim ntawd. Mus mus txog hnuv kawg uas txog kuv vauv Yob lawd, dev liab muag yuav tsis mus lawm. Koj mam yuav. Yog dev liab muag tseem xij mus, koj txhob yuav, yog koj yuav mas tsis yog kuv vauv. Koj mus, luag nug tias: "Koj puas yuav kuv?" Koj teb tias: "Kuv yuav." Luag tias luag yuav nrog koj pw no mas koj tias tsis tau. Cia tag kis, dev liab muag tsis mus lawm no, ces li pw tau. Koj yuav hais li ntawd rau txhia leej txhia tus rau cov neeg yuav yuav koj nawv!"

Zaj Laug hais li ntawd tas, txawm tso Ntxawm nrog dev liab muag mus lawm lau. Mus mus tau peb hiis thiab peb hnuv, txawm mus ntsib ib tug tswv nroog. Tus tswv nroog nug tias:

"Koj yuav mus lawm qhov twg naj, leej muad?"

Ntxawm teb tias:

"Kuv yuav tuaj mus yuav txiv."

Tus tswv nroog hais tias:

"Yog koj tuaj mus yuav txiv xwb ces yuav kuv los pov!"

Ntxawm teb tias:

"Yuav kuj yuav thiab tiag."

Ces tus dev liab muag txawm nkag mus hauv tus tswv nroog tsev lawm lau. Tus tswv nroog lawv loo qab los txog. Ntxawm txawm tsaws nra nyuj nra nees ntawm tswv nroog qhov rooj. Nws tsaws nra nyuj nra nees tas, Ntxawm nkag mus hauv tswv nroog tsev. Ces ob tug sib tham sib tham txog ib tag hmo. Tswv nroog txawm hais tias:

"Abi Koj ua ib siab yuav kuv lawm no, cia kuv mus kho chaw tso koj nrog kuv wb mus pw yuad?"

Ntxawm teb tias:

"Tsis tau. Kuv txiv yeej hais tias, tag kis yog dev liab muag tsis mus lawm mas kuv li yuav koj thiab, yog tias dev liab muag tseem mus ces kuv tsis yuav koj thiab no. Hos yog dev liab muag nyob taus peb hnuv hauv no tsis mus lawm no, ces kuv tus txiv yog koj. Txawm tias koj tsis yuav kuv los kuv yeej yuav yuav koj xwb. Yog dev liab muag mus, koj txawm yuav kuv los kuv tsis yuav koj."

Tswv nroog hais tias:

"Aub! Yog koj hais li ntawd los tau kawg los mas."

Tag kis, nyuam qhuav noj tshais tas nrho, dev liab muag ua loo ntej lawm. Nyuj nees qalb npua rag ntws ua ntej lawm thiab. Ntxawm txawm lawv loo qab lawm thiab lauj. Ho mus ib tsam txawm mus ntsib ib tug Suav. Suav nug hais tias:

"Koj yuav mus dab tsi os, leej muad?"

Ntxawm teb hais tias:

"Kuv yuav tuaj mus yuav txiv."

Suav thiaj hais tias:

"Aub! Yog koj tuaj mus yuav txiv xwb ces yuav kuv los pov! Kuv kam yog Suav Tuam Los Pav diam."

Ntxawm teb tias:

"Yuav kuj yuav tiag. Tiam sis tag kis yog kuv nkawm dev liab muag tsis mus lawm kuv li yuav koj. Yog kuv nkawm dev liab muag mus mas kuv tsis yuav koj thiab."

Nkawd thiaj los txog ntawm Suav tsev. Nkawd sib tham txog ib tag hmo. Suav txawm hais tias:

"Ab! Yog li ces koj ua ib siab ua kuv poj niam tso kuv mus kho chaw rau wb pw yuad!"

Ntxawm teb tias:

"Tsis tau. Cia tag kis, kuv nkawm dev liab muag tsis mus lawm no, kuv mam yuav koj. Yog kuv nkawm dev liab muag tseem mus lawm thiab, ces kuv tsis yuav koj thiab. Hmo no tsis tau pub koj nrog kuv pw."

Ces hmo ntawd pw ib hmo kaj ntug. Dev liab muag ua loo ntej mas nyuj nees rag nroo ntws lawm thiab lauj. Ntxawm los kuj mus lawm thiab. Mus mus tau peb hlis thiab cuaj hnuv, txawm mus txog rau Yob Nraug Ntsuag lub zos lauj. Cia dev liab muag

tsis mus lawm puag pem nrab zos, cov tsev zoo zoo. Cas dev liab muag cia li ncaj nraim rau puag nram qab zog lawm lauj. Mus mus txog ib lub tsev muaj tsib daim txiag khwb xwb. Ob daim khwb ped tuaj, muaj ob daim thaiv ob sab, hos ib daim pua hauv xwb. Yob Nraug Ntsuag mas txom txom nyem, tsis muaj dab tsis los noj los hnab li. Nws lam mus khaws luag tej khaub hlab luag pov tseg los npua xwb. Nws niaj hnuv mus txiav taws los pauv mov pem Huab tais los noj. Niaj hnuv mus cuab nas cuab noog los noj ntxuag mov, khaws tau ib niag pawg plaub nas plaub noog muaj peb tas peb taw. Thaum twg no no, Yob khia mus pw rau hauv cov niag plaub noog ntawd lawm. Thaum twg sov mas mam tawm hauv los xwb. Dev liab muag mus txog, ces txawm mus cua txha nas txha noog nrov nkij nkij nkawj nkawj ncig tog vaj tog tsev lawm lauj. Ntxawm txawm hais rau Yob tias:

"Leej yawm dab, thov koj tsev rau kuv so ib hmo yuad?"

Yob teb tias:

"Leej muad, luag vaj tse npog luas. Cas koj ho yuav tsis mus so. Kuv es vaj tsev twb tsis muaj, lam muab ob daim nyuag txiag los khwb xwb. Thov txhob hais li kod, txaj txaj muag li." Ntxawm hais tias:

"Mas kawg kuv nkawm dev liab muag nkag rau hauv koj tsev no li lawm nev. Yuav ua li cas?"

Yob hais li cas los Ntxawm cia li mus tsaws nra nyuj nra nees li lawm lauj. Ntxawm txawm yuav pw hauv Yob tsev xwb xwb li. Yob hais li cas los tsis tau thiaj cia Ntxawm pw ib hmo.

Tag kis ov, Ntxawm tias:

"Dev liab muag peb mus ov."

Dev liab muag co co tw xwb tsis mus li lauj. Nyuj nees ces Ntxawm nyuam qhuav hais tias yuav mus no xwb, twb khia rau puag tim tej hav zoov tag lawm. Ntxawm xav xav nws lam nyob ib hnuv ntxiv thiab. Tag kis Ntxawm rov hais dua los dev liab co tw nto tsis mus li thiab lauj, nyuj nees los khia tag lawm thiab. Yob Nraug Ntsuag tsis muaj dab tsi los hnab li. Nws txaj txaj muag. Nws pw twj ywm xwb, tsis sawv li ntag. Ces Ntxawm los tsis mus li lawm lauj. Thaum Ntxawm tseem tsis tau tuaj txog, mas Yob nws mus txiav tau peb ya cav taws

los pauv tau peb lub ncuav plas tseg lawm. Yob txawm xav xav hauv siab tias:

"Abi Cas luag tuaj nrog yus nyob tau peb hnub no, yus txawm tsis noj mov. Luag kuj tsis noj li thiab. Kuv tshuav peb lub ncuav no xwb. Kuv noj ob lub yuav tsau kuv lawm. Yog kuv ho muab ib lub rau tus muam ntawd noj xwb ntshe yuav tsis tsau nws. Yog kuv ho muab ob lub rau nws es kuv noj ib lub xwb ntshe yuav tsis tsau kuv thiab. Xyov kuv yuav ua cas lauj?" Ntxawm ntsia ntsia nws txawm hais tias:

"Abi Yob! Cas koj yuav ruam ua luaj li Muab ib lub los ntais ua ob sab, ib sab rau koj ib sab rau kuv. Thiab muab ob lub ntawd los faib ib lub rau koj ib lub rau kuv, ces wb ob leeg tsau ib yam lawm los mas!"

Yob tsis zoo ua cas. Nws txawm muab los ntais rau nkawd ob leeg noj. Noj tas los dev liab muag kuj tsis mus li thiab. Ntxawm xav xav nws xav tias:

"Abi Kuv txiv xa kuv tuaj yuav Yob no, ntshai yog tus no lauj." Yob txaj txaj muag rau Ntxawm. Yob noj ncuav tas nrho, Yob txawm khiav rov mus pw twj ywm lawm thiab lauj. Ces Ntxawm mus pw ua txuj tsaug tsaug zog. Yob tseem pw tau ib hnub ib hmo thiab tshai Yob plab dhau hwv lawm. Ntxawm ua txoj tsis hnub li ntag. Yob thiaj sawv los tsuab tau ib txhais tes txhais pob kws thiab muab sab lauj kaub av koj mus txawb rau hauv qhov cub, muab tes nyuag txhais pob kws los tso twj ywm rau hauv qhov cub xwb. Ces lauj kaub npau npau yuav siav tsis tau siav thiab. Ntxawm ua txuj tib tsuag taw rau lauj kaub nyuag hmoov kws ntawd, nchuav nthwv lawm thiab lauj. Ntxawm txawm hais tias:

"Abi Leej yawm dabi Cas kuv yuav lam tuam koj lauj kaub mov nchuav tas lawm ne?"

Yob teb tias:

"Tsis ntshai, leej muam! Kuv mam li muab rov los zawv ua dua." Yob thiaj rov mus yawm yawm tau cov txhais kws los zawv zawv tso rau hauv lauj kaub. Nyuam qhuav npau npau me ntsis xwb, Ntxawm rov ua txuj tib tsuag taw rau, nchuav klag lawm thiab lauj. Ntxawm hais tias:

"Abi Leej yawm dabi Cas kuv yuav ua koj lauj kaub mov nchuav tas lawm thiab es?"

Yob thiaj teb hais tias:

"Abi Tsis ntshais! Cia kuv mam muab zawv rov los ua dua."

Yob maj mam yawm yawm tau muab zawv rau hauv lauj kaub. Nyuam qhuav yuav luag siav xwb. Ntxawm rov tib tuam lauj kaub mov, nchuav klag lawm thiab lauj. Ntxawm thiaj li sawv tsees, nws hais tias:

"Abi Leej yawm dabi Nchuav lawm thiab. Ces xam cia tsis txhob noj tso cia kuv mam ua rau wb noj lauj."

Ntxawm thiaj li rau loo lauj kaub dawb rau hauv qhov cub, ua klag tau ib lauj kaub mov txua. Nws rov loo muab klag lauj kaub teeb nkaus rau hauv qhov cub. Ib ntsis, ciav ua klag tau ib lauj kaub nqaij. Tsaws klag los rau Yob nkawd noj tag. Ntxawm txawm txav zog mus ti nkaus Yob, Ntxawm hais tias:

"Abi Leej yawm dabi Thaud koj thiab kuv nyuam qhuav sib pom mas koj yog leej yawm dab, kuv yog leej muam ov. Nylam no mas koj yog kuv tus txiv, kuv yog koj poj niam laiv!"

Yob mas txaj txaj muag lauj. Fee rau tod los Ntxawm mus tuaj tod, fee rau tod los tuaj tod laxwm thiab. Ntxawm hais tias:

"Abi! Yog vim tias thaud, koj cawm tau kuv txiv ib zaug lawm, mas kuv txiv thiaj tso kuv los yuav koj no laiv. Nylam no, koj txawm tsis yuav kuv, los kuv yeej yuav yuav koj xwb xwb li nawv! Kuv muab rab taus no rau koj. Koj mus lawm pem roob, koj ncig kom txog hnub ntseg. Yog koj pom tsob ntoo twg loj tshaj plaws mas koj txiav ib taus tu nrho hauv paus, ib taus tu nrho ntsis, phua ib taus kom tawg klag. Koj cab ib sab los rau kuv ua ib lub dab rau koj."

Ces Yob txawm nqa Ntxawm rab taus mus lauj. Nws mus mus txog pem roob. Nws nrhiav nrhiav. Hnub twb ntseg, cia pom ib tug ntoo loj tshaj plaws. Yob txiav ib taus tu nrho hauv paus lawm tiag, txiav ib taus tu nrho ntsis lawm thiab. Nws phua ib taus tawg rhe nruab nrab lawm tiag lauj. Yob thiaj li muab cab cab los txog ntua tsev. Ntxawm xuas ob taus rau xwb, txawm tau ib lub dab, mas zoo zoo nkauj cuaj cha lauj. Ntxawm txawm hu nws txiv hais tias:

"Txiv lauj, niam no kuv mus cuag tau koj yuav Yob lawm. Ces koj tso dej nag los rau kuv yuav ntxuav kuv tus txiv Yob kom zoo li luag teb luag chaw tej txiv."

Ces ib ntsis zoj ov, nag xob nag cua mas nrov nroo ntws ib tog tuaj lauj. Ib pltag xwb dej puv nkaus lub dab cuaj cha. Ntxawm thiaj coj Yob mus ntxuav, xuas niam kuam kuam kuv mus tag. Ntxawm muab tsho tsuj tsho npuag rau Yob hnab. Cas Yob yuav zoo nraug tas npaud li lawm lauj!

Ces Yob tseg tau rau hnub tsis txlav taws rau Huab Tais rauv lawm. Hmo ntawd ib tag hmo, Ntxawm niam Ntxawm txiv tuaj ua tsev rau Ntxawm nkawd nyob. Thaum ua tsev ntawd, Yob tsaug zog lawm. Ib ntsis Yob tsim los. Cas nws tau pw ib lub lav tsuj lav npuag zoo zoo li lauj. Yob sawv tsees nws tias:

"Ntxawm lauj! Koj los yuav kuv, es cas wb yuav los pw txhaum Suav tsev lawm? Ntshai wb yuav ua zog los them tsis tas lauj." Yob sawv tsees los nthos nkaus Ntxawm tes. Ntxawm tias:

"Yob, twb yog nag hmo koj tsaug zog lawm es kuv niam thiab kuv txiv lawv tuaj ua tsev rau wb nyob. Tsis txhob khiaiv. Lub tsev no yog wb lub ntag."

Yob xav xav, nws thiaj rov nyob. Aub! Tau ntev Huab Tais tsis tau taws rauv lawm lauj. Huab Tais txawm hais rau nws tus tub ntxawg hais tias:

"Tub, koj mus hais rau Yob tias kom nws txlav taws tuaj rau kuv rauv no. Kuv tsis muaj taws rauv li lawm. Kuv twb ua tau peb lub ncuav tos lawm. Kom nws txlav taws tuaj rau kuv, es nqa peb lub ncuav mus nws noj no nawv!"

Tus tub ntxawg txawm tuaj. Tuaj txog, tub ntxawg nug tias:

"Yob lub tsev no puag yog koj lub?"

Yob teb tias:

"Yog, kuv lub kawg los mas."

Tub ntxawg hais tias:

"Yob, kuv txiv hais tias tseg tau rau hnub lawm nws tsis muaj taws rauv. Nylam no, nws twb ua tau peb lub ncuav lawm, es kom koj txlav taws mus rau nws rauv tso, koj mus nqa ncuav los rau koj noj no."

Yob poj niam teb ntua hauv tsev tuaj tias:

"Yob, koj hais rau lawv tias peb muaj mov noj lawm, es yog hnub twg peb tsis muaj mov noj no, ces koj mam kwv taws mus rau Huab Tais rauv no nawv."

Yob txawm hais rau tus nyuag hluas ntawd tias:

"Aub! Peb muaj mov noj lawm. Hnub twg yog tsis tau mov noj lawm no, kuv mam li kwv taws tuaj rau koj txiv rauv no. Mus hais li ntawd rau koj txiv nawv!"

Ces tus tub ntxawg txawm pom Yob poj niam zoo zoo nkauj lauj. Ntag tub ntawd txawm ntsia ntsia ib hnub ntsaus ntuj kiag ntawm qhov muag, mam nco mus tsev. Niam tshaib tshiab nws plab, nws ua nyuj nkag los lawm xwb. Nws los los txog, Huab Tais cem hais tias:

"Koj nyuag dev no esi Kuv kom koj mus hais Yob kwv taws tuaj rau kuv rauv xwb tso koj yuav lawm ploj qab ntais li kod."

Xeev Laus rho hlo pas yuav muab ntaus. Tus tub ntxawg tias:

"Aub! Txiv lauj! Thov koj tsis txhob ntaus kuv. Cia kuv mam piav rau koj mloog."

Xeev Laus tias:

"Yuav piav dab tsi txawm piav los saib."

Tus tub tias:

"Aub! Rau mov rau kuv noj tso. Tshaib kuv plab dhau hwv lawm, ntshai yuav piav tsis taus thiab."

Rau mov rau noj tsuag tsuag tas nrho. Huab Tais hais tias:

"Yuav piav dab tsi txawm piav los laiv!"

Tub ntxawg hais tias:

"Aub! Txiv lauj! Cas kuv yuav mus pom Yob muaj ib tug poj niam yuav zoo nkauj ua lauj li lauj! Thiab peb lub tsev mas zoo tsis cuag li Yob lub. Yob poj niam mas yus tuaj qhov twg ntsia los yeej zoo nkauj li. Kuv thiaj ntsia ntsia tsis nco los tsev lawm. Kuv ntsia tsis tshua pom Yob poj niam lawm, ciav yog tsaus ntuj. Ces thaum ntawd tshaib tshaib kuv plab, kuv maj mam ua nyuj nkag los xwb."

Huab Tais tias:

"Ntag dag kodi Ntag pluag npaum li Yob es yuav mus tau ib tug poj niam zoo npaum li koj hais kod nadi Thiab nws yuav tau vaj tse zoo tshaj kuv lub ib zaug! Tus dev kod, mas dag xwb."

Tus tub tias:

"Tiag tiag li lauj, txiv lauj!"

Huab Tais hais tias:

"Es zoo li koj niam?"

Tus tub teb tias:

"Zoo tshaj kuv niam thlab tseem loj dua kuv niam thlab."

Huab Tais muab piv rau nws cov poj niam thlab tus tub ntawd cov niam tij tag huv tib si, los tus tub ntxawg kuj hais tias zoo tsis npaum li Yob poj niam li no lau.

Huab Tais xav xav, nws txawm hais tias:

"Abi Tub hlob, koj mus hais rau Yob tias kom Yob cia li txiav taws tuaj rau kuv rauv, rau qhov Yob tsis tau hais kuv, es tam sim no tsis muaj neeg tuaj txiav taws rau kuv rauv li, twb tau rau hnuv no lawm. Kuv twb ua ncuav tos Yob, kuv ncuav twb tuaj pwm tag. Kom Yob cia li txiav taws tuaj tso, tuaj nga ncuav mus noj no nawv!"

Ces Ntxawm hais rau Yob tias:

"Yob, ib ntsis yog lawv rov tuaj hu koj mus txiav taws no ces koj hais tias peb muaj mov noj lawm, peb tsis pauv no nawv."

Ces ib ntsis Xeev Laus tus tub hlob tuaj txog ntua hais tias:

"Yob, lub tsev no puas yog koj lub?"

Yob teb tias:

"Aws! Yog kuv lub kawg los mas."

Tub hlob txawm hais tias:

"Yob, txiv hais tias kom koj kwv taws mus rau txiv rauv no. Txiv twb tseg tau xya hnuv lawm tsis tau taws los rauv li. Es kom koj cia li kwv taws mus xwb no."

Yob teb tias:

"Aub! Xyov, zoo li kuv dias taub hau. LKos xyov yog mob plab. Es mov los kuv muaj noj lawm. Koj mus hais rau koj txiv tsis txhob tu siab no nawv."

Tub hlob thiaj ua laj muam ntsia pom Yob poj niam, Nws txawm nug Yob hais tias:

"Yob, tus ntawm kod yog leej twg os?"

Yob teb tias:

"Tus no twb yog kuv poj niam los mas."

Aub! Zoo nkauj dhau hwi lawm. Tub hlob zov ib hnuv thlab lau. Nws tsis nco los tsev lawm. Ntsia ntsia tsaus ntuj, kab ciab qauj twb ya liab vog lawm, mam li nco mus tsev. Mas tshaib tshaib plab, ua nyuj nkag mus tsev lawm xwb lau. Mus mus txog ntua tsev, Huab Tais rho hlo pas yuav ntaus, cem tias:

"Koj nyuag dev ntawm koj! Koj twb yog tij ntag, es kuv kom koj mus hu Yob tuaj txiav taws xwb. Koj yuav mus ib hnuv li koj thlab Muab tua pov tseg saib!"

Tub hlob hais tias:

"Txiv, thov koj tsis txhob tua kuv. Cia kuv mam hais qhia koj."

Huab Tais tias:

"Yuav hais txawm hais tsuag tsuag los!"

Tub hlob tias:

"Txiv lau, koj niaj hnuv kom Yob mus txiav taws los rau peb rauv. Mas nyiam no peb rov qab txaj muag rau Yob lawm thlab. Yob lub tsev zoo dua peb lub, Yob poj niam zoo zoo nkauj li."

Huab Tais tias:

"Tsuas zoo li kuv cov poj niam, kuv cov nyab hlob thlab kuv cov nyab ntxawg xwb. Nyaj yuav tsis zoo tshaj ua lau twg pov?"

Tub hlob teb tias:

"Zoo tshaj thlab hos, txiv."

Huab Tais cem tias:

"Txhob txawj txawj dag li koj."

Tub hlob hais tias:

"Tiag hos txiv. Tag kis koj sim mus xyuas saib maj!"

Huab Tais teb tias:

"Awbi Tag kis kuv sim mus xyuas saib tiag los dag."

Huab Tais mas rawm mus saib Yob poj niam dhau hwi lawm, pw tsis tsaug zog li lau. Tag kis nyuam qhuav pom kev dawb vog xwb, Huab Tais sawv tsees tsis tau ntxuav muag li, txawm siv yuav mus ntag. Tus tub hlob hais tias:

"Aub! Txiv! Koj yuav mus, yuav tsum noj mov tsau tsau tso mam mus hos. Nyob ntsis koj ntsia ntsia ib hnuv, tshaib koj plab, koj ho los tsis taus tsev laiv! Saib, peb twb noj mov tsau tsau mam mus, saib peb twb los yuav luag tsis txog tsev hos!"

Huab Tais tias:

"Awbi Yog li mas rau mov tsuag tsuag los rau kuv no."

Huab Tais poj niam thiaj li rau mov tsuag tsuag los rau Huab Tais noj. Thaum ntawd Ntxawm twb paub lawm lau. Ntxawm hais rau Yob tias:

"Yob, kuv kib ib co ngaij thiab kuv hli cawv rau ntawm no, ib ntsis Huab Tais tuaj no, ces koj koj nws los tsev. Koj caw nws

los noj nqaij thlab haus cawv nawv."

Ntxawm kib tsuag tsuag tau ob tug nqaij luaj ntiv tes rwg qab thlab ob khob cawv luaj ntiv tes rwg qab xwb, nws muab rau rau tom tag. Ntxawm khiav mus rau tom txaj lawm. Ib ntsis Huab Tais tuaj txog nws txawm hu tias:

"Yob! Koj puas nyob hauv tsev los tsis nyob os?"

Yob teb tias:

"Kuv nyob thlab! Koj tuaj los, txiv Huab Tais? Los tsev maj!"

Huab Tais nkag los txog hauv tsev. Yob hais tias:

"Txiv Huab Tais, los zaum haus me ntsis cawv ua si os."

Txiv Huab Tais saib zoj Yob ob khob cawv thlab ob tug nqaij.

Huab Tais xav hauv nws siab tias:

"Abi Yus nyob yus vaj yus tsev pluag npaum twg los twb yog ob daig nqaij txhiab thlab ob lam hwj cawv. Cas Yob es ob nyuag tug nqaij zoo li ntawd xwb. Tseem yuav caw kuv los noj nqaij haus cawv thlab."

Yob poj niaj txawm hais tom txaj tuaj tias:

"Txiv Huab Tais, koj tsis txhob xav li cas, es noj tas los mam txhab, haus tas los mam li txhab mog."

Huab Tais thiaj tsa loo ob khob cawv tag nrho. Muab klag ob lub khob los txawj nrov nrawv rau saum rooj, cawv siv puv nkaus li qub lawm. Huab Tais khaws nkaus ob tug nqaij ntsaws nkaus hauv qhov ncauj. Nws ntsia saum lub phaj, txawm siv muaj ob tug li qub lawm thlab. Huab Tais noj nqaij haus cawv ib hnub los yeej tsis tas ob tug nqaij thlab ob khob cawv ntawd li, Huab Tais qaug qaug cawv ib hnub. Nws ntog ntog mus, ib tag hmo thiaj mus txog tsev, Huab Tais taub hau lo av tas li. Huab Tais los txog tsev, nws los hais rau nws cov poj niam tias:

"Awbl Nej cov poj niam no mas phem hwv lawm! Kuv yuav yuam kev nej lawm xwb lauj. Yob Nraug Ntsuag tus poj niam mas thiaj yog kuv tus ov."

Ces txij hnub ntawd los Huab Tais niaj hnub siv siab yuav ntxias kom tau Yob Nraug Ntsuag tua xwb lauj. Huab Tais txawm hu tuam zeej xov zeej tuaj tas. Nws hais rau lawv tias:

"Awbl Yog nej pom zoo no mas peb muab Yob tua."

Sawv daws teb tias:

"Txiv Huab Tais, koj pom xeeb yog ib tug Huab Tais lawm, koj tsis muaj cai yuav tua ib tug neeg txom nyem li Yob. Mas koj

nyob lub tsev no, peb sawv daws siv dag siv zog los ua, koj thiaj li tau nyob. Yob lub tsev, peb tsis muaj leej twg yuav tau mus xuas ib tug ntiv tes pab Yob ua. Yob ib leeg ua xwb. Yob twb tau nyob lawm. Koj yuav tua tsis tau Yob nawv!"

Huab Tais hais tias:

"Awbl Yog nej pom zoo no, mas dag kom Yob mus lawm puag pem roob, nto plaws laj uas peb lub dawm sib tshuam ped. Nyob ped, muaj cuaj tug tsov tom tom tib neeg kawg li. Yog leej twg mus kawg nkaus saud, mas yeej tuag xwb. Ces kom Yob lawm ped los pov!"

Sawv daws teb tias:

"Awbl Yog koj hais li mas tej zaum Yob yuav tuag thlab. Tab sis, peb coob ua luaj, peb twb ua tsis tau tsev zoo cuag li Yob. Yob tib leeg xwb, Yob tseem ua tau tsev zoo dua peb. Ntshai nws mus txog ped, tsov yuav tsis yeej nws thlab!"

Huab Tais tias:

"Awbl Nws mus txog lawm, ces ua li cas los xij nws los mas."

Ces Huab Tais txawm tso neeg mus hu Yob tuaj txog. Huab Tais hais rau Yob tias:

"Yob, kuv mas yuav noj peb tug lau nraaj dawb ciaj. Koj mus nrhiav los rau kuv noj. Koj mus nrhia qhov twg mas kuv tsis noj li. Yog koj mus nrhiav puag pem lub roob nto plaws laj uas muaj peb lub roob los sib nraus ua ke, mas kuv thiaj lis noj. Koj yeej meem mus nrhiav kom tau puag ped los rau kuv noj xwb xwb li nawv!"

Ces Yob yeej hnov luag cav cav tias ped mas muaj muaj tsov tom tib neeg. "Yog Huab Tais yuav kom kuv mus ped mas kuv kawg tuag xwb lauj." Yob txawm quaj quaj rov qab los txog tsev. Ntxawm nug Yob tias:

"Yob, koj mus, Huab Tais hais li cas rau koj, es koj los txog tsev koj yuav quaj ua lauj?"

Yob teb tias:

"Awbl Ntxawm lauj! Kuv ib txwm txom txom nyem. Nylam no kuv tau koj es kuv thiaj tau vaj tse los nyob, tau nqaij los noj, tau mov los noj, kuv thiaj li tsis tau mus ua luag zog. Nylam no mas Huab Tais tseev kom kuv mus lawm pem lub roob uas muaj peb lub dawm los sib nraus. Ped mas kuv yeej hnov luag

tias muaj tsov tom neeg. Ntshai zaum no tsov yuav tom kuv xwb. Ntshai kuv yuav tsis tau koj lawm. Wb sim niam txiv tseem zoo li ua nkauj ua nraug los yam li ua npau suav xwb. Kuv xav li no, tu tu kuv siab, kuv thiaj quaj tiag, Ntxawd."

Ntxawm txawm hais tias:

"Yob el Koj tseem yuav quaj ua tus tsi? Cov niag tsov ped, mas nqhis nqhis ncuav nqaij li. Yog koj mus ped, mas koj tseem tau ib tug niam yau zoo nkauj li kuv thiab tiag, Yob!"

Yob Teb tias:

"Ntxawd, ua cas koj yuav mus dag ua luaj?"

Ntxawm tias:

"Tiag hos Yob! Tom kuv niam lawv mas muaj ncuav nqaij ntau kawg. Kuv mam li mus nqa."

Tag kis qaib qua ob tsig, Ntxawm hais tias:

"Yob, koj pw twj ywm. Kuv mus nqa ncuav nqaij los, kuv mam los ua tshais rau koj noj."

Ntxawm lawm zoj me ntsis. Nws txawm khlay nrov pig poog los txog ntua. Ntxawm tias:

"Yob! Koj tseem tsis tau sawv los?"

Yob Teb tias:

"Aws! Kuv tseem tsis tau sawv os."

Ntxawm mus nqa tau kaum lub ncuav nqaij los, Ntxawm hais rau Yob tias:

"Yob os! Nyob pem roob ped, mas muaj cuaj tug tsov diam nawv! Yog tus tsov daj, koj pov lub ncuav daj. Tus zoo li cas koj yuav pov lub zoo li cas rau nawv! Koj pov tas cuaj lub ncuav nqaij no rau cuaj tug tsov ntawd. Tab sis tshuav ib lub no ces wb muab ua noj tshais."

Ces Ntxawm ua tshais zoj zeeg rau Yob nkawd noj tas nrho. Ntxawm muab kiag cuaj lub ncuav nqaij ntawd rau hauv lub hnab khaub khaub hlab uas thaum ub Yob niaj hnub ev mus txiav taws. Ntxawm hais rau Yob tias:

"Koj ris lub hnab no mus. Kuv muab cov ncuav nqaij rau hauv hnab no. Koj mus, mas koj mus ntawm Huab Tais qhov rooj mus. Koj hais rau nws tias. "Huab Tais aw, kuv mus cuab nra j lawm nawv!" Koj hais li ntawd tas, Huab Tais thiaj zoo siab,

Kojmus txog pem roob yog tsov tsis tua j no, mas koj qw kom tsov tua j ntag. Ntsib cav khob cav, ntsib zeb khob zeb kom tsov tua j xwb ntag nawv! Koj yuav hu tias: "Tsov aw, yuav tom no, tua j tom kuv nawv! Kuv thia j li muaj nqaij qab, muaj ntshav qab. Tua j tom kuv." Koj ua li kuv hais ntawd nawv."

Ces Yob txawm khuam lub hnab khaub khaub hlab mus txog ntawm Huab Tais qhov rooj. Yob hu tias:

"Txiv Huab Tais aw! Kuv mus cuab nra j los rau koj noj lawm ntag nawv!"

Txiv Huab Tais teb hauv nws txaj tua j tias: "Aw! Kav tsij mus" Mas Huab Tais niam zoo zoo siab li lau j. Tsuas tias muab niam hlob tawb tawb tas, los muab niam yau tawb. Muab niam yau tawb tawb tas ho mus muab niam nra b tawb. Huab Tais mas luag qaj luag qaug li lau j. Niam qhuas qhuas tias:

"Zaum no mas kuv yuav tau Yob poj niam, kuv yuav tsis yuav nej lawm. Kuv tawb nej zaum no yog zaum kawg lawm xwb."

Ces Yob mus txog pem roob ov. Tsis muaj tsov tua j li. Yob niam qw lom vab vab tias: "Tsov aw! Yuav tom mas tua j tom kuv nawv! Kuv muaj zoo nqaij qab thiab kuv ntshav ntau lai v." Ces tsov thia j dhia nrov vw g tua j tiag lau j. Yob hais tias:

"Tsov, tos me ntsis tso, kuv ntshai koj hwv lawm."

Tsov thia j nres zog. Yob thia j pov rhes ib lub ncuav daj rau, tus tsov daj ntawd plo j ntais lawm. Rov tawm plaws tus dub tua j, Yob pov rhes ib lub rau, plo j ntais lawm. Tawm plaws tus xlav tua j, Yob pov rhes lub xlav rau, plo j ntais lawm thiab. Tawm tus tsov zoo li cas, Yob pov lub ncuav zoo li cas rau ntag lau j. Yob pov tas cuaj lub ncuav rau cuaj tug tsov tag, ces ntuj ntsiag to, ib dalm nplooj qhov twg tsis ntseev. Yij kob kum, yij kau mas quaj xiv lwb laws qhov txhla chaw. Ces kho kho Yob siab lau j.

Thaum ntawd txawm tawm plaws ob niam txiv laus laus plaub hau dawb paug los. Tus yawg laus txawm hais tias:

"Aw! Ntuj os me tub! Laus nkoos li no, luag tsuas cav hais tias, qe nqaij thia j qab. Cas zaum no koj yuav nqa ncuav nqaij tua j rau peb noj lau j, me tub? Peb yuav zoo siab ua luaj. Koj mus lawm tim peb tsev. Mus tso, koj muaj lus dab tsi los peb mam li tham lau j."

Yob teb tias:

"Aub! Kuv ntshai tsov tas npaum no, ntshai kuv yuav tsis mus."

Tus yawg laus ntawd hais tias:

"Koj yuav ntshai ua dab tsi? Tus tsov daj uas xub tawm tuaj ces yog kuv ntag los mas. Tsis txhob ntshai, cia li mus xwb."

Nws thiaj li koj Yob mus txog tim tsev. Yob pom cov niag tsov uas nws pov ncuav nqaij rau noj, niam pw pawg lug. Cov niag tsov pom Yob tuaj, niam sawv zom zaws los hais rau Yob tias:

"Yob, luag niam cav tias qab ntuj khwb no mas ncuav nqaij qab tshaj. Cas hnuv no koj yuav nqa ncuav nqaij tuaj rau peb noj? Tab txawm peb tseem tsis tau muab peb tus muam rau koj los peb hu koj ua yawm yij no lauj!"

Yob teb tias:

"Aub! Mas kuv twb muaj kuv niam hlob nyob nram tsev lawm, ntshai kuv tsis yuav ho."

Cov niag tsov teb tias:

"Tsis tau laiv, yawm yij! Yog koj tsis xav yuav peb tus muam, mas koj tsis txhob nqa ncuav tuaj rau peb noj mev!"

Lawv hais hais, ces Yob swb cov niag tsov lawm lauj. Yob tias:

"Awb! Yog nej hais li, ces yuav los yuav thiab lauj."

Cov niag tsov thiaj li haus dej haus cawv, tua nqaib tua npua noj. Noj tas thiaj muab Yob thiab lawv tus muam ntxawm txis ua niam txiv. Yawg laus thiaj los nug Yob tias:

"Me vauv! koj tuaj roob teb no, es koj tuaj ua tus dab tsi?"

Yob teb tias:

"Aub! Txiv lauj! Kuv tuaj no, mas yog Huab Tais yuav kom kuv tuaj cuab kom tau peb tug lau nrajl ciaj mus rau nws noj xwb no, ces kuv thiaj li tuaj."

Tus yawg laus hais tias:

"Cov lau nrajl dawb, mas twb yog peb cov lau qaib sis xwb los mas. Tsis ntshai, peb mam li ntes rau koj."

Yawg laus ntawd txawm hais rau tus tub ntxawg hais tias:

"Tub ntxawg, koj mus fiab ob lub tawb. Koj fiab ib lub txaus ntim peb tug, hos fiab ib lub kom txaus ntim tsib tug los rau tus los rau kuv. Kuv yuav ntes peb cuaj tug lau qaib sis rau vauv nqa mus rau Huab Tais thiab niam hlob nkawd noj?"

Tus tub ntxawg txawm mus fiab zoj tau ob lub pob tawb los

txog ntua, yawg laus koj mus ntim tau cuaj tug lau nrajl dawb paug ntag lauj. Ntim rau tus rau ib lub pob tawb, ntim peb tug rau ib lub. Yawg laus txawm los hais rau Ntxawm tias:

"Ntxawm, koj khuam peb tug no mus rau Huab Tais, tso vauv khuam rau tus no mus rau niam hlob noj nawv!"

Ces Yob thiab Ntxawm nkawd yuav los lauj. Yawg laus tias:

"Me vauv, kuv muab kuv Ntxawm rau koj lawm. Es neb mus nej sawv daws sib sib hlob nawv! Thaum twg muaj kev ntxhov siab, tuaj hais rau kuv ua niam ua txiv mog!"

Yob thiab Ntxawm nkawd thiaj li los tsev lawm. Yob twb mus tau peb hnuv lawm, nkawd los txog ntawm ntug zos. Thaum ntawd mas Huab Tais zoo siab heev. Nws yeej xav tias zaum no mas Yob yeej tuag lawm. Cuaj tug tsov ped yeej muab Yob pob txha cua tas lawm. Huab Tais mas niam tua cuaj tug nyuj cuaj tug twm, tsuas tias noj nqaij haus cawv ncha ntwis xwb lauj. Huab Tais xav tias: "Zaum no mas kuv yeej tau Yob poj niam tiag tiag li lawm ntag." Huab Tais niam hu tuam zeej xov zeej tuaj haus cawv. Huab Tais niam ntaus hauv siab npuaj rooj nrov pig poog li ntag. Cas Huab Tais niag dev liab muag tom nrov vawv tom tog tsev tuaj. Huab Tais tias:

"Yalvi Tsis yog Yob los lawm poj? Tub hlob, mus xyuas saib."

Tub hlob hu tias:

"Txiv, yog Yob kawg. Yob los lawm."

Huab Tais tawm plaws mus xyuas, nws nug tias:

"Yob, cas koj los txog ntawd kod?"

Yob teb tias:

"Aws! Txiv Huab Tais, kuv los kawg los mas."

Huab Tais nug tias:

"Yob, koj mus ntev ua luaj puas tau nrajl los rau kuv noj?"

Yob teb tias:

"Tau thiab ho, txiv Huab Tais."

Ntxawm thiaj cev loo peb tug uas nws khuam rau Huab Tais.

Yob thiaj hais tias:

"Txiv Huab Tais, muab peb tug nyuag no rau koj koj mus noj ib pluag. Es kuv yuav nqa rau tug nyuag no mus rau niam hlob noj ib pluag nram tsev."

Huab Tais nug hais tias:

"Yob, ua li tus ntxhais ntawm kod yog leej twg?"

Yob txawm teb tias:

"Tus ntawm no ces yog kuv niam yau thiab los mas."

Huab Tais hais rau Yob tias:

"Yob, koj tau tus nram tsev xwb twb khib peb ua luaj no, koj tseem tau tus no thiab, mas ntshai yuav khib peb tuag li lau!"

Tham tham tas, Yob koj mus dua nram tsev lawm. Txiv Huab Tais mas niaj hnuv nrhiav kev yuav muab Yob tua, yuav Yob ob tug poj niam xwb xwb li lau. Huab Tais txawm hu tuam zeej xov zeej tuaj tas, nws hais rau lawv tias:

"Awb! Nyob nram cuaj che dej nrad mas mua; cuaj tug zaj nqos tib neeg tshaj plaws li. Tus twg mus txog nrad mas yeej los tsis txog li ntag! Yog tias nej pom zoo no, peb ntxias Yob mus rau zaj nqos!"

Cov tuam zeej xov zeej teb hais tias:

"Aub, Txiv Huab Tais! Ntshai yuav tsis tau pov?"

Huab Tais teb tias:

"Tau xwb los mas! Cas yuav tsis tau?"

Ces nyob tau peb hnuv lau. Huab Tais txawm tso neeg tuaj hu tau Yob mus txog pem Huab Tais tsev. Huab Tais hais Yob tias:

"Yob laiv, kuv yuav noj peb tug ntses qav, koj mus nrhiav qhov twg kuv yeej tsis noj li. Yog koj mus nuv nram cuaj che dej nrad mas kuv thiaj noj. Koj yuav tsum mus nrhiav kom tau los rau kuv noj xwb xwb li nawv!"

Yob xav xav Yob teb tias:

"Txiv Huab Tais, ntshe tsis tau pov?"

Huab Tais tias:

"Tau xwb! Tab yog hais tias tau thiab tsis tau los koj nuv kom tau. Nuv kom tau los rau kuv noj xwb."

Ces Yob txawm quaj quaj los txog tsev. Yob niam hlob nug tias:

"Yob, koj mus, txiv Huab Tais hais dab tsi rau koj es koj yuav quaj ua luaj naj?"

Yob teb Yob niam hlob tias:

"Aub! Twb yog Huab Tais yuav noj peb tug ntses qav. Yog kuv mus nrhiav lawm qhov mas Huab Tais tsis noj. Tseev kom kuv mus nuv nrad, Huab Tais thiaj noj xwb. Yog kuv tseem tsis mus mas nws yeej yuav tua kuv pov tseg xwb. Yog kuv mus ces kuv

kawg kuv yuav tuag xwb. Kuv xav tias kuv yog ib tug neeg txom txom nyem. Yog lub ntuj pab, kuv thiaj tau neb. Nyiam no kuv ho yuav tuag yuav tseg neb cia. Kuv xav li no, kuv thiaj quaj."

Niam hlob hais tias:

"Yob, koj yuav quaj ua dab tsi! Cov zaj nyob nrad mas nqhis nqhis qe tev li. Yog koj tseem mus nrad thiab, mas koj yuav rov tau ib tug poj niam zoo cuag li wb thiab tiag, Yob!"

Niam hlob txawm nug niam yau tias:

"Niam yau, nyob pem koj niam lawv puas mua; qe tev?"

Niam yau teb tias:

"Nyob pem kuv niam lawv mas cov niag nra; nteg tau qe ntau kawg los mas. Ua li yog qe dab tsi thiaj li zoo?"

Niam hlob teb tias:

"Tsuav yog qe xwb los mas."

Niam yau tias:

"Yog li mas cia tag kis tso kuv mam li mus nqa los."

Tag kis qalb qua ob tsi; xwb, niam yau tias:

"Niam hlob, Yob neb nyob es kuv mus nqa qe lawm nawv!"

Niam yau lawm zoj me ntsis, txawm siv khiav pig poog rov los txog ntua. Ciav nqa tau kaum lub qe diam. Nws muab cuaj lub los hau ib niag lau; kaub, muab ib lub los ua rau lawv noj tshais. Thaum muab hau tau lawm, lub daj los mua; lub ntsuab los mua; lub zoo li cas los mua; tag. Rau tshais tsuag tsuag rau Yob noj tag nrho, Yob niam hlob txawm muab kiag cov qe los ntin tsuag tsuag rau hauv lub hnab khaub khaub hlab. Niam hlob hais rau Yob hais tias:

"Koj ris lub hnab no mus. Koj mus ntawm txiv Huab Tais qhov rooj. Koj hais rau txiv Huab Tais tias: "Txiv Huab Tais, koj nyob. Kuv mus nuv ntses lawm nawv! Kuv sim lam mus nuv saib puas tau ntses los rau koj noj ib pluag." Thaum koj mus txog nram hav dej lawm, koj qw qw, koj tsoo pob zeb thiab koj hu tias: "Zaj laug! Yuav nqos no tua; nqos kuv nawv! Kuv thiaj li mua; nqal; qab. Kuv thiaj rog thiab kuv thiaj mua; ntshav ntau." Yog thaum twg zaj tawm plaws tua; koj hais rau tias: "Thov tos me ntsis kuv hais koj tso." Koj pov kiag ib lub qe rau. Tawm tus zoo li cas mas koj pov lub zoo li cas rau nawv!"

Ces Yob txawm ris lub nyuag hnab khaub khaub hlab, txawm mus txog pem Huab Tais qhov rooj. Yob hu tias:

"Txiv Huab Tais, koj nyob es kuv sim mus nuv ntses nram cuaj che dej nrad saib puas tau ntses los rau koj noj nawv!"

Huab Tais mas nws zoo zoo siab nws hais tias:

"Yob, koj mus ces ua zoo nuv kom tau los rau kuv noj xwb ovi!"

Yob txawm mus txog nram hav dej ov. Cas tsis pom zaj li. Yob txawm qw lom vab vab, pov pob zeb rau hau. Cas pom dej mas laim nttxhee yees liab ploog ib tog tuaj lauj! Cas tshwm plaws tus daj. Yob hais rau tias:

"Tos me ntsis zaj laug, kuv mam hais rau koj."

Zaj laug tsa hlo taub hau. Yob tib pov ib lub qe daj rau hauv qhov ncauj lawm ntag lauj. Tus tawm plaws tuaj, Yob tib pov lub rau. Tawm tus zoo li cas Yob pov lub zoo li cas rau ntag lauj. Yob pov tas cuaj lub qe rau cuaj tug zaj. Cas pas dej tus yees lawm. Ib me ntsis xwb txawm tawm ob niam txiv Suav laus laus khaub khaub hlab nram qab deg los. Los txog txawm los hais rau Yob tias:

"Ntuj os me tub, peb ua neej laus li no, luag tsuas cav tias qe tev thiaj qab. Cas hnub no koj yuav nqa qe tev tuaj rau peb noj. Cas yuav qab ua luaj tiag os, me tub. Koj los hauv peb tsev tso, muaj dab tsi peb mam li hais."

Yob hais tias:

"Aub! Ntshai zaj nqos hwy, ces tsis los lauj."

Yawg laus ntawd txawm hais tias:

"Tsis ntshai os, me tub! Zaj ces yog peb xwb los mas. Tsis ntshai. Cia li los xwb."

Yob hais tias:

"Aub! Mas pas dej tob tob li. Kuv los tsis tau, ces kuv tsis los."

Tus yawg laus ntawd tias:

"Tsis ntshai! Kuv mam coj koj."

Yob hais tias:

"Aub! Kuv ib leeg xwb, kuv tsis mus. Nyob ntsi zaj muab kuv nqos lawm, tsis muaj neeg mus fi xov rau tom qab. Kuv niam thiab kuv txiv lawv tsis paub. Kuv tsis mus."

Zaj laug lav tsis ua cas. Li no ces Yob ua tsis tau tes lauj! Yob thiaj li nrog zaj laug mus. Cas nkag kiag rau hauv pas dej lawm, tsis tias plua tshauv tawm tog xwb, tsis muaj dej li.

Lawv mus txog ntua tom zaj laug tsev. Cov niag zaj uas Yob pov qe rau noj mas niam pw pawg lug. Hnov dheev tias Yob los txog lawm no, mas niam sawv los pe Yob pig poog. Tus tug los hais tias: "Yawm yij, koj tuaj los." Tus twg los hais li ntawd. Yob xav tias: "Aub! Cas twb tsis tau muab nkauj muam rau kuv, txawm siv hu kuv ua yawm yij lawm nev." Zaj laug txawm los tuav nkaus Yob tes. Zaj laug hais tias:

"Me vauv, zaum no kuv yuav muab kuv tus ntshais nkauj Ntxawm rau koj nawv!"

Yob teb tias:

"Aub! Yawm txiv! Kuv twb muaj ob tug nyob pem tsev lawm. Ntshai kuv yuav tsis yuav lawm."

Zaj laug hais tias:

"Koj yuav tsum yuav xwb xwb. Yog koj tsis lees mas tsis tas li nawv. Qab ntuj khwb no luag tsuas hais qe tev xwb. Koj pom xeeb nqa qe tev tuaj rau peb noj diam, koj yuav tsum lees xwb. Koj tsis lees, koj twb nqa qe tev tuaj rau peb noj lawm."

Yob ua tsis tau tes, nws txawm lees hais tias:

"Koj ua txiv, koj hais li lawm ces lees los lees."

Zaj laug thiaj hu nws ntshais Ntxawm tawm plaws los. Mas zoo nkauj tsis zoo li lauj. Hnav cuaj phav tsuj yim phav npuag lawm. Mas zoo zoo nkauj, tsis pom qab hais li lauj. Ib yam nkaus li ob tug pem tsev thiab lauj. Yawm txiv nug Yob tias:

"Me vauv, koj tuaj dab tsi es yuav tuaj txog peb zos no os?"

Yob txawm teb tias:

"Aub! Txiv lauj, yog Huab Tais yuav noj peb tug ntses qav. Nws yuav tseev kom kuv tuaj nuv ntawm cuaj che dej no xwb, mas nws thiaj li yuav noj, ces kuv thiaj li tuaj nuv ntsev qav mus rau Huab Tais noj xwb."

Zaj lauj hais tias:

"Aub! Tub ntawg, yog li mas koj mus fiab tawb. Cov ntses qav ntawd, ces yog peb cov qaib xwb los mas. Txhob poob siab. Tau xwb, me vauv. Tub ntawg, koj fiab tawb, mas fiab ib lub ntim peb tug, hos ib lub mas ntim rau tus."

Ntxawm mas niam los nwj Yob plhws qas ntawg dhau qas nraus lauj. Tub ntawg fiab kiag tau ob lub tawb los txog ntua. Zaj laug mus ntes kiag tau peb tug ntses los ntim rau ib lub,

ntes kiag tau rau tus los ntim kiag hauv ib lub. Yawm txiv hais rau Yob tias:

"Me yauv, koj khuam rau tug no mus rau ob tug niam hlob pem tsev noj ib pluag nawv, hos Ntxawm koj khuam peb tug no mus rau txiv Huab Tais noj ib pluag."

Nkawd teb tias:

"Aws!

Yawm txiv thiab cov dab laug lawv hais rau nkawd tias:

"Yauv thiab Ntxawm, neb mus no ces sib sib hlob ov. Thaum twg Ntxawm tsis hlob koj, mas koj tuaj hais qhia rau peb ua niam ua txiv nawb!"

Yob thiab niam yau nkawd txawm los lawm lauj, txij thaum Yob mus thiab thaum nws los ces twb tau peb hlob lawm thiab. Yob tab tom los txog ntawm ntug zos. Txiv Huab Tais mas zoo zoo siab, txiv Huab Tais cav hnyo hnyo tias: "Tau peb hlob los no zaj laug yeej muab yawg Yob nqos tag lawm lauj. Yob cov nyuag pob txha mas ntshe twb po tas lawm."

Huab Tais mas niam zoo zoo siab. Niam tua cuaj tug nyuj, cuaj tug twm. Niam mus hu thawj xov thawj tua, mas niam noj luag qaj luag qaug lis lawm ntag. Cas nyuam qhuav haus dej haus cawv tas nrho xwb, dev liab muag txawm siv tom nkhawv nkhawv tom qhov rooj tag tua lawm las. Huab Tais tias:

"Tub hlob, koj mus xyuas saib. Ntshai Yob los lawm pov?"

Tub hlob tawm plaws mus xyuas. Ciav yog Yob tiag lauj! Tub hlob rov loo los hais rau txiv Huab Tais tias:

"Aub! Txiv, Yob los lawm tiag lauj."

Huab Tais thiag tawm plaws mus saib. Ciav Yob los lawm tiag cas muaib tug ntxhais zoo zoo nkauj khuam peb tug ntsees qav, txawm muab cev kiag rau Txiv Huab Tais. Yob hais tias:

"Txiv Huab Tais, kuv lam muab peb tug no rau koj coj mus noj ib pluag. Hos kuv yuav coj rau tus no mus rau kuv niam hlob nkawd noj ib pluag."

Huab Tais nug Yob tias:

"Yob, ua li tus ntawm kod ne yog leej twg?"

Yob teb tias:

"Tus no yog kuv tus niam yau."

Huab Tais hais rau Yob tias:

"Yob lauj! Koj tau ob tug nram tsev xwb, peb twb yuav tuag las. Koj tseem tau tus no mus lawm thiab, mas khib peb hwv lawm ces peb tuag xwb lauj."

Ces Yob nkawd los dua nram tsev lawm. Huab Tais txawm hu tuam thawj xov thawj tuaj tag lauj. Txawm tuaj sab laj yuav tua Yob. Huab Tais hais tias:

"Awb! Nyob peb lub teb chaws no muaib ib lub roob, sab tod mas yog toj tuag no, sab tod mas yog toj kub hnyab. Mas yuav kom Yob mus nrog peb sib twv nce ob phab toj ntawd xwb lov."

Huab Tais txawm tso neeg mus hu tau Yob tuaj txog. Huab Tais hais rau Yob hais tias:

"Yob, tam sim no koj tau peb tug poj niam lawm. Peb tsis zoo siab rau koj. Koj niam heev diam. Ces peb sib twv mus nce toj tuag no los rau tom toj kub hnyab. Yog hais tias leej twg tsis tuag no ces muab Huab Tais rau leej twg ua nawv!"

Ces Yob quaj quaj los txog tsev. Niam hlob nug Yob tias:

"Yob, koj mus, Huab Tais hais dab tsis rau koj es koj los koj yuav quaj ua lauj?"

Yob teb hais tias:

"Aub! Zauv no mas kuv tuag tseeb tseeb li lauj. Huab Tais yuav kom kuv nrog Huab Tais mus nce pem toj tuag no mus rau tom toj kub hnyab. Mas ntshe kawg kuv yuav tuag xwb lauj, es kuv yuav tso nej tseg. Kuv nco nco nej kuv thiag li quaj."

Niam hlob hais tias:

"Aub! Yob! Yog li xwb mas tsis ntshai. Kuv txiv muaib ib lub tsho hnav zoj sab mas sov sov. Txawm no npaum twg los yeej sov li. Hos muaib ib sab mas hnav kiag, kub npaum twg los yeej txias txias li. Cia kuv mus qiv kuv txiv lub tsho ntawd los rau koj. Ua li thaum twg nej mam mus?"

Yob teb tias:

"Huab Tais hais tias tag kis noj tshais tag xwb no hos."

Niam hlob tias:

"Aub! Tag kis kuv mam li mus nga."

Tag kis qaib qua thawj tsig xwb, niam hlob sawv tsees lawm ntag. Nws hais tias:

"Niam yau thiab Yob nej nyob nawv. Kuv yuav mus nga tsho los rau Yob tag kis Yob yuav hnav."

Niam hlob khiav lawm zoj me ntsis xwb, txawm siv khiav pig poog rov los txog ntua. Niam nrab thiab niam yau nug tias:

"Niam hlob, koj mus nqa puas tau tsho os?"

Niam hlob teb hais tias:

"Kuv mus nqa tau lawm thiab os."

Los tua ib tug lau qaib sam rog rog rau Yob noj tag nrho, ntim su klag rau Yob, niam hlob hais tias:

"Yob ov! Koj ua ntej, peb lawv koj qab. Peb ua laj muam saib koj. Kuv muab lub tsho no ntim rau hauv lub hnab khaub khaub hlab no. Kuv muab lub tsho zuaj luaj li lub pob lawm xwb nawv! Hos kuv muab nkawm khau zuaj luaj li ntiv tes lawm xwb. Koj ris mus, koj tsis txhob pub rau Huab Tais pom. Thaum twg koj mus mus yuav txog roob toj tuag no lauj, thaum ntawd koj khiav khiav ua ntej mus. Koj muab ris tsho los hnab tsuag tsuag. Rau klag tau khau lawm koj mam li hu Huab Tais tuaj. Koj koj kom Huab Tais mus xwb ntag nawv."

Ces Yob txawm muab lub niag hnab khaub khaub hlab khuam ntawm xwb pwg. Mus txog pem Huab Tais tsev, Yob hu tias:

"Txiv Huab Tais, koj yuav kom peb mus nce pem roob toj tuag no thiab toj kub hnyiab no ces tuaj. Peb mus ov."

Txiv Huab Tais hais tias:

"Koj twb tuaj lawm los, Yob?"

Yob teb tias:

"Aws! Kuv twb tuaj lawm. Kav tsij tuaj peb mus."

Yab txawm hais rau Huab Tais tias:

"Txiv Huab Tais, yog hais tias peb mus, leej twg tuag lawm no, cia li laiv. Yog koj tuag lawm, kuv yuav koj cov poj niam thiab koj tus Huab Tais. Yog kuv tuag lawm no ces koj yuav kuv peb tug poj niam huv tib si nawv!"

Huab Tais teb tias:

"Ua li koj hais ntawm kod tlag, Yob. Txawm yog li ntawd kuv thiaj li kom koj nrog kuv mus ntag."

Ces Huab Tais txawm hu tas nrho nws pab txiv tub ntag lauj. Yob lawv txawm mus mus yuav txog ntag laiv. Yob txawm khiav khiav ua ntej lawm lauj. Huab Tais cov tub hlob los niam hais tias: "Awb! Peb sim mus ntsia Yob saib. Yob niam heev ua luaj! Yob yuav kub hnyiab zoo li cas? Cov yau los kuj hais tias

yuav mus saib Yob saib nws yuav kub hnyiab caws li cas.

Yob khiav ua ntej mus, muab ris tsho khau rau tsuag tsuag tas nrho. Yob hu Huab Tais hais tias:

"Huab Tais, tsuag tsuag! Kav tsij tuaj, peb yuav maj mus."

Huab Tais tuaj txog ze xwb, twb no no. Huab Tais mus tsis tshuam taus kev lawm. Yob mas niam plhaw lub pob zeb plhaw lub pob ca lawm. Huab Tais tus tub hlob ntsia ntsia nws tias:

"Txiv, peb pom xeeb yog Huab Tais diam, peb tseem yuav mus tsis tau cuag li Yob thiab lov? Mus tiag tiag maj!"

Huab Tais maj mam mus tug niag caws caws dhau plaws lub toj tuag no rau sab nraud lawm, yuav mus sab toj kub hnyiab ntag lauj. Yob txawm hie zoj tsho los ntseev klag sab nraud hnab, ntseev hio sab khau nraud rau. Yob hu tias:

"Txiv Huab Tais, tuaj! Peb mus. Koj ua Huab Tais koj cav khav diam. Tsuag tsuag tuaj! Peb mus."

Yob dhia loo ua ntej lawm ntag lauj. Ces Huab Tais mas maj mam caws caws lawv qab. Hluav taws tuaj muab Huab Tais pab nyuag tub kub kub tuag tas lawm. Tshuav Huab Tais ib leeg lawm xwb lauj. Huab Tais thiaj li foom rau Yob hais tias:

"Luag hais tias: ntshaw luag puj ces yuav tuag rau luag txuj, ntshaw luag sev ces yuav tuag rau luag ci. Zaum no, kuv yuav tuag. Kuv yuav tseg koj. Koj rov mus ua kuv tus Huab Tais tso cia li xwb lauj."

Huab Tais txawm tuag lawm thiab lauj. Yob thiaj li los yuav Huab Tais peb tug poj niam ntxiv Yob peb tug thiab Yob los ua klag Huab Tais. Yob thiaj ciaj Huab Tais klag zaum ntawd.



ZAJ 12

TSWB THIAB TUB TOJ KEEM

SIB THEEB

HUAB TAIS NTHAIS NTHAUM

Tus hais: Vaj Vas.



Puag thaum ub, muaj ob niam txiv yug tau ob tug me nyuam, ib tug tub, ib tug ntshais. Tus tub hu ua Tswb, tus ntshais hu ua See. Nkawd tseem tsis tau hlob.

Nyob nyob tom qab no, ob niam txiv ntawd tuag tas lawm lauj. Txawm tso ob tug me nyuam nrog plog nyob. Tom qab ntawd nkawd hlob tuaj, lawv txom txom nyem tsis muaj dab tsis noj tsis muaj dab tsi hnab. Tub Tswb txawm mus khaws tej daim dua yuaj qoj los hnab, nws hnab dua yuaj xyob xwb xwb li.

Thaum nws hlob txawj yos hluas nkauj, nws thiaj seev tias:

"Ab! Kho slab tag npaum li no, kuv sim mus lawm puag pem roob xyob, mus txiav ib ya xyob qoj los ua xim xaus saib!"

Nws thiaj li mus txog ped. Ces Phas Nyas is tso tau ib ya xyob kheej kheej zoo zoo nkauj rau ped.

Nws thiaj li txiav tau yav xyob ntawd, qoj los txog tsev. Nws muab ua tau ib lub xim xaus mas nrov zoo zoo kawg li lauj. Qoj tau hais tas puas tsav yam lus. Lus dab tsi los hais tau tag.

Nyob ntawm lawv zos ntawd, txawm muaj ib tug tub Toj Xeem, nws txawm mus tham tau Huab Tais tus ntshais. Tus tub Toj Xeem ntawd txawm hais rau tub Tswb hais tias:

"Ab! Tswb, koj txawj qoj xim xaus tas npaum li, koj nrog kuv mus qoj xim xaus rau kuv tus hluas nkauj mloog thiab nws niam nws txiv Huab Tais mloog yom!"

Tswb thiaj teb tias:

"Kuv hnab ris tsho dua yuaj xwb, kuv yuav ua cas nrog tau koj mus pem Huab Tais lawv zos."

Tub Toj Xeem tias:

"Yog koj nrog kuv mus ces kuv qev ris tsho rau koj hnab. Wb mus qoj xim xaus ib hnub tlag."

Tswb hais tias:

"Yog koj qiv ris tsho rau kuv hnab, ces mus los mus tlag."

Ces tub Toj Xeem thiaj li mus nqa tau ib ce ris tsho tuaj rau Tswb hnab. Nkawd thiaj li mus lauj!

Nkawd mus txog pem Huab Tais qab zog, nkawd txawm mus nyob ped. Tub Tswb qoj xim xaus nrov kho slab zim xwb lauj.

Ces tus laus, tus hluas, tus me nyuam yau los tuaj xyuas huv tib si li lauj. Huab Tais tus ntshais tseem tab tom ua ua paj ntaub hauv qab lawj. Nws cia li nqa klag nws lub nyuag pob tawb rau xov khiav khiav tuaj mloog, nws cia li txav ti ti tub Tswb xub ntiaj lauj.

Nkawd qoj qoj xim xaus ib hnub yuav tsaus ntuj. Kab tsaus ntuj quaj zom zaws lawm lauj! Tub Toj Xeem hais rau sawv daws cov niam txiv tias:

"Thov hais rau cov niam cov txiv saw daws: yuav tsaus ntuj, ces wb yuav mus tsev. Nej sawv daws rov qab mus. Lwm hnub wb mam rov tuaj qoj dua rau sawv daws mloog. Tsam no, wb yuav mus tsev, tsam tsaus wb ntuj."

Ces sawv daws rov qab mus tsev tag lawm lauj!

Huab Tais tus ntshais txawm hais tias:

"Tub Tswb, koj xa kuv mus pem peb tsev tso yom!"

Txawm muab klag lub pob tawb xov cev klag rau tub Tswb, kom nws xa mus pem tsev no.

Tub Toj Xeem hais tias:

"Tswb, yog li no koj mus tsuag tsuag, koj los. Kuv nyob ntawm no tos koj nawj."

Tub Tswb xa mus txog pem tsev. Ces tus hluas nkauj ntawd txawm nce rau saum tsav lawj lawm. Tub Tswb txawm muab lub pob tawb xov cev rau, nws hais tias:

"Nab, koj lub pob tawb xov. Kuv yuav mus. Tsam tsaus ntuj."

Tus hluas nkauj txawm hais tias:

"Koj nqa los saum tsev no tso maj!"

Tswb nqa mus txog saum tsev. Tus hluas nkauj txawm tsis pub tub Tswb los lawm lauj!

Nws hais rau Tswb tias:

"Tswb, koj txawj qoj xim xaus tag npaum li kod, koj nyob qoj xim xaus ib hmo rau kuv mloog tso. Tag kis koj mam li mus."

Tub Toj Xeem tos tos tsis pom los. Tub Toj Xeem thiaj li khiav khiav tuaj hu tias:

"Tub Tswb! Ua cas koj yuav nyob ntev tag npaum li kod? Kav tsij tsuag tsuag! Tsam wb mus tsis txog tsev naj!"

Huab Tais tus ntshais teb tias:

"Koj mus koj os! Cia Tub Tswb qoj xim xaus ib hmo tso, tag kis

nws mam li lawv qab los os."

Ces tub Toj Xeem chim lawm lauj! Nws xab tias:

"Ab! Yus tus hluas nkauj yus niaj hmo tham, yeej los xav yuav xwb xwb li no. Ua cas tub Tswb tuaj ib pliaj li no xwb, txawm yuav kom tub Tswb nrog nws nyob qoj xim xaus rau nws mloog li ntawd. Ab, chim siab hwi! Sim kom nws hie kuv cov ris tsho rau kuv, saib nws yuav ua li cas nyob."

Tub Toj Xeem hu tias:

"Tswb, yog koj tsis los no, koj hie kuv cov ris tsho rau kuv!"

Huab Tais tus ntshais hais tias:

"Koj hnab nws cov ris tsho tuaj lov?"

Tub Tswb teb tias:

"Kuv xav tias kuv txom txom nyem, kuv hnab dua yuaj xyob xwb kuv tsis tuaj no. Nws phooj yuav kom kuv tuaj, ces nws qev ris tsho rau kuv hnab tuaj tiag."

Huab Tais tus ntshais thiaj hais tias:

"Kav tsij tsuag tsuag muab hie rau nws, kom nws mus."

Ces Huab Tais tus ntshais txawm los muab hie tsuag tsuag, tib pov ntawm qhov rais mus rau tub Toj Xeem. Ces tub Toj Xeem khaws nkaus tau, nws txawm khiav khiav rov los tsev lawm.

Huab Tais tus ntshais txawm mus tshawb tsuag tsuag tau Huab Tais ib ce los rau Tswb hnab. Ces tseem zoo tshaj thiab. Hmo ntawd tub Toj Xeem los txog tsev, nws txawm los hais rau tus muam thiab tus pog tias:

"Aub! Tswb wb mus txog pem Huab Tais lawv zos, nws tsis tsim txiaj. Nws mus nyiaj Huab Tais cev ris tsho hnab. Huab Tais muab nws kaw lawm nawb, hais rau neb paub!"

Ces tus muam thiab tus pog tsis paub li lauj! Ob tug quaj quaj ib hmo. Tag kis kaj ntug, tub Tswb mam li los txog. Tswb los txog, ces niag pog hais tias:

"Me tub! Yus txom txom nyem, muaj li cas hnab li cas. Ua cas koj yuav mus nyiaj Huab Tais cev ris tsho, es lawv mus koj kaw ib hmo lis kod!"

Tub Tswb teb tias:

"Pog, twb tsis yog kuv nyiaj los mas. Yog Huab Tais tus ntshais muab pub rau kuv hnab xwb.

Niag pog niam ua tawv tawv rau tub Tswb hais tias:

"Tsis txhob hais hais. Kav tsij muab hie los rau kuv xa mus rau luag. Nyob tsam luag ho muab koj kaw ntshis li cas thiab. Tub Toj Xeem twb los hais qhia kuv tag nag hmo lawm."

Nws thiaj li hie cev ris tsho rau niag pog. Nws thiaj rov qab khaws cev ris tsho dua yuaj xyob los hnab dua. Niag pog nqa cev ris tsho mus txog pem Huab Tais. Niag pog mas niam khoov qis qis ntawm Huab Tais xub ntiaj hais Huab Tais tias:

"Ab! Txiv Huab Tais, kuv muaj ib tug nyuag tub ntsuag hu ua Tswb no. Nag hmo nws tuaj qoj xim xaus qhov no, nws muab tau koj ib ce ris tsho lawm, yog cev no ntag. Koj twb muab nws kaw tau ib hmo lawm. Thov koj zam txim thiab. Kuv twb xa tuaj rau koj. Koj txhob xav li cas mog, txiv Huab Tais."

Ces Huab Tais hais tias:

"Ab! Kuv cav tsis niam paub thiab as."

Huab Tais tus ntshais teb ntua hauv tsev tuaj tias:

"Pog, yog kuv muab rau tub Tswb hnab os! Kav tsij koj mus rau nws hnab, tsis yog nws nyiaj. Yog koj tsis muaj ris tsho hnab no, kuv ho muab ib ce rau koj koj mus hnab thiab os pog."

Ces thiaj li muab tau ib ce ris tsho poj niam rau pog nqa los hnab lawm thiab lauj."

Txij hnub ntawd los tub Toj Xeem paub tias nws tus hluas nkauj nyiam tub Tswb lawm. Nws thiaj hais tias:

"Aub! Yog yus tsis ntshais nws koj mus tua pov tseg, mas ntshai yus yuav tsis tau yus tus hluas nkauj koj los yuav li lawm lauj. Cia muab ntshais mus tua pov tseg, yus thiaj tau."

Txawm niaj hnub tuaj hais rau tub Tswb hais tias:

"Tub Tswb, koj nrog kuv wb mus ua luam yom!"

Tub Tswb teb tias:

"Ab! Mas kuv ris tsho twb tsis muaj hnab, es yuav ua cas nrog koj mus ua luam. Kuv tsis muaj dab tsis yuav ua luam."

Tub Toj Xeem txawm muab tub Tswb lo klag rau Huab Tais thiab niam Huab Tais lawv hais tias:

"Kuj mus nrog koj niam tais thiab yawm txiv lawv txais! Koj tsis muaj, los koj niam tais thiab yawm txiv lawm twb muaj."

Hais hais, tub Tswb chim. Nws txawm teb hais tias:

"Ua li kuj ua li. Cia kuv sim mus txais saib puas tau ovi!"

Nws thiaj li mus txog pem Huab Tais. Nws txawm mus nrog Huab Tais txais nyiaj txais kub no lauj!

Nws mus mus txog pem Huab Tais tsev, Huab Tais hais tias:

"Me tub, koj yuav tuaj nrog kuv txais nyiaj ua dab tsi? Yog koj los nrog kuv nyob, los ua kuv yuav lawm, nyiaj siv xwb koj yuav siv npaum li cas los yeej siv tsis tas. Txhob mus ua."

Ces tub Tswb txawm teb txiv Huab Tais hais tias:

"Yog thiab los mas, txiv Huab Tais. Tab sis yog tias tsis ua luam, tsis yog txiv neej yawg. Yuav tau ua luam thiab thiaj li yog txiv neej yawg. Yog li mas kuv nrog koj txais peb siab nyiaj peb siab kub mus ua luam. Yog tau luam lawm, kuv rov qab los txog, kuv mam li los pauj koj ua txiv."

Ces txiv Huab Tais thiaj li muab tau peb siab nyiaj peb siab kub rau lauj. Tub Tswb thiaj li muab nws lub xim xaus xa mus rau Phas Nyas ls cia rau saum ntuj lawm lauj. Nws thiaj li mus hais rau nws tus hluas nkauj hais tias:

"Koj nyob, kuv mus ua luam lawm. Kuv yuav mus peb xyoo, peb hlis, peb hnub thiab peb teev kuv thiaj li los txog. Lub caij ntawd kuv los txog, ces wb sib yuav. Yog tshaj lawm kuv tsis los, koj xav yuav leej twg los tau nawb."

Ces tub Tswb thiab tub Toj Xeem nkawd txawm mus ua luam lawm lauj! Nkawd mus. Ces tub Toj Xeem coj mus tsoo hav xub tsuag xwb xwb li. Tej niag phab roob, tej niag phab tsua los tsoo lawm li lauj! Tsoo tsoo mus tshwm rau ib lub nroog. Luag muaj kiab muaj khw. Txawm muaj ib tug niag yawg laus nqa rawv tug niag uab lag. Nws coj mus thab txog twg los luag tsis yuav li. Luag tshem kiab tshem khw tag. Tub Toj Xeem thiaj hais rau tub Tswb hais tias:

"Tub Tswb, yuav niag uab lag ntawm niag yawg laus ntawd los mas! Coj tus uab lag ntawd mus rau koj yawm txiv saib xwb. Koj yawm txiv yeej los hais tias koj ua tau luam lawm tiag. Koj yawm txiv yog ib tug nom tug tswv, twb tsis muaj ib tug noog zoo li ntawd yug las as. Kav tsij yuav mus rau koj txiv." Tub Tswb yog ib tug neeg tsis tau ua dua luam li, nws kuj tsis paub li thiab. Nws txawm hais tias:

"Aub! Yog koj pom zoo kuv yuav, los sis yuav tiag."

Txawm muab tau ib siab nyiaj ib siab kub los yuav tau tug niag uab lag ntawd. Ces nkawd rov qab tsoo xub tsuag dua thiab lauj! Tsoo tsoo mus txog ib lub niag roob xyuam xyuam yaj.

Tub Toj Xeem txawm hais rau tub Tswb tias:

"Abi Tswb, twb yuav tau niag uab lag no lawm, tab sis kuv tsis tau pom tseeb, koj muab tso los rau kuv saib yom!"

Tub Tswb nws tsis paub, nws txawm teb tias:

"Abi Koj yuav saib los sis tso thiab tiag."

Txawm muab tso kiag cas niag uab lag ya rau puag tim kwj ha lawm lauj. Tub Tswb thiaj hais tias:

"Abi Tub Toj Xeem, ua cas koj yuav hais tias muab tso los rau koj saib no? Nyiam no ya dua tid kwj ha lawm. Yuav ua cas?"

Tub Toj Xeem tias:

"Abi Xi j peem! Tseem tshuav nyiaj tshuav kub npaum kod dlam. Wb mam li coj mus yuav lawm tom ntej ces yeej tau xwb os." Ho mus lauj! Mus mus txog ib lub nroog. Kuj muaj kiab muaj khw ib yam nkaus thiab. Muaj ib niag yawg laus nqa tug dav. Nws coj mus thab rau tus twg los tsis muaj neeg yuav. Luag tshem kiab tshem khw tag. Tub Toj Xeem hais tias:

"Tswb, Yuav niag dav no mus rau koj yawm txiv yug. Coj mus tom nas tom noog los rau koj yawm txiv ua tshais ua hmo. Yog koj yuav tus dav kod, mas koj yawm txiv yeej zoo siab tias koj txawj ua luam, koj ua tau luam lawm no tiag."

Tub Tswb nws teb tias:

"Yog koj pom zoo yuav, los kuj lam yuav thiab tiag."

Txawm muab ib siab nyiaj ib siab kub yuav kiag tau niag dav. Ces nkawd rov mus hav zoov hav tsuag lawm thiab lauj! Nkawd tsoo tsoo mus txog ib tsob niag txiv faj khaum txi txi txiv kawg. Nyuag nquab, nyuag nas, nyuag noog, mas los noj txiv dai kaj niab, hos ya zom zaws qhov txhia chaw. Tub Toj Xeem tias:

"Tshaib wb plab tag npaum li no, wb tsis muaj dab tsi noj. Koj tso koj tus dav kod mus tom ib tug noog los rau wb ua su. Noj tag tso wb mam li rov qab mus dua los kaj."

Tub Tswb teb tias:

"Tsam ya li tus uab lag lawm nevi Yuav ua li cas no maj?"

Tub Toj Xeem teb tias:

"Tom xwb los mas! Nws yog niag tsiaj noj nqaij. Nws tsis tom ib tug los yeej yuav tom ib tug los rau wb noj xwb."

Thiaj muab niag dav tso phuav. Cas dav tsis tom noog li, noog ya npoj ntws khiav tag. Niag dav ya tiaj lias lawm thiab lauj."

Aub! Tshuav ib siab nyiaj ib siab kub xwb, Tswb quaj quaj lauj!
Tub Toj Xeem hais tias:

"Txhob quaj quaj! Pheej yuav quaj ua dab tsi? Txiv neej yawg, luag ua lag ua luam, ham tsis ua li no xwb las as. Wb mam mus ua lawm tom ntej los npog tej no twb tau. Txhob poob siab." Nkawd rov mus mus txog ib lub nroog. Muaj ib tug niag yawg laus cab ib tug niag ntshuab, thab rau tus twg los tsis muaj neeg yuav li lauj. Luag tshem kiab khw tag. Niag yawg laus ntawd txawm koj los thab rau nkawd! Tub Toj Xeem hais tias:

"Tswb, yuav niag ntshuab kod los mas! Koj koj mus tom ntses rau koj yawm txiv tsis tu puas. Koj yawm txiv tsuas muaj qhuas tias koj txawj ua luam lawm no tiag."

Ces nws muab kiag ib siab nyiaj ib siab kub ntawd los khee kiag yuav niag ntshuab ntawm lawm lauj. Tub Tswb cab niag ntshuab. Nkawd rov mus dua thiab lauj! Nkawd mus txog ib tug niag dej loj loj, muaj muaj ntses, tsuas tias laim txias xwb. Ces tub Toj Xeem txawm hais tias:

"Tswb, tso koj tus ntshuab mus tom ntses los rau wb ua su!"
Tswb teb tias:

"Ab! Tsis kam lawm. Nyob ntsis nws khiav lawm. Kuv cov nyiaj thiab kub twb tag. Tsam kuv ua tsis tau luam dab tsi."

Tub Toj Xeem hais tias:

"Tswb, tsis ntshai. Kav tsij tso mus tom. Tus uab lag thiab tus dav nws muaj tis nws ya lawm, wb thiaj li txhom tsis tau. Tus ntshuab no, nws khiav hauv pem teb xwb, wb yeej ntes tau. Kav tsij tso mus tom ntses los rau wb ua su."

Ces tub Tswb thiaj tso pihuav qab hluas. Niag ntshuab tib plaw rau hauv dej lawm. Ntses ploj tag. Nkawd tos tos saib ntshuab puas yuav kwv ntses los rau nkawd ua su. Cas tsis pom los li lauj! Tub Toj Xeem txawm hais rau Tswb tias:

"Ab! Tsis pom los ces wb mus lauj!"

Tswb teb tias:

"Kuv nyiaj thiab kub twb tag lawm las as. Kuv yuav ua cas nrog koj mus ua luam. Kuv tsis mus lawm, kuv yuav rov qab xwb."

Tub Toj Xeem tias:

"Ab! Koj li txawm tag lawm los tshuav kuv li nei! Wb tuaj tav no, kuv twb tsis tau siv kuv li ib qho li. Mus kuv mam muab kuv cov no ua luam faib rau wb xwb. Yeej txaus dhau lawm."

Tub Tswb thiaj teb tias:

"Yog li ntawd no, koj ua tau, koj faib rau kuv tiag tiag laiv!"

Tub Toj Xeem hais tias:

"Ua li ntawd tiag! Koj txhob poob siab, kuv yeej faib faib xwb." Ces tub Toj Xeem txawm koj tub Tswb mus txog ib lub roob do do. Muaj dej ntws saib nraud thiab saib nraud tag nrho. Nkawd twb nce sab roob nraum no mus nto lawm.

Tub Toj Xeem hais tias:

"Koj mus nqa dej nram kwj ha los wb haus tso, wb mam mus." Tswb teb tias:

"Koj yuav haus dej, wb nqes lawm nram kwj ha, wb mam li mus haus nrad los paub! Ntawm niag roob ntseg li no, cas koj pheej yuav kom kuv mus nqa dej puag nrad los rau wb hau nol" Tub Toj Xeem ua tawv tawv rau Tswb lauj! Tswb ua tsis tau li cas, ces nws thiaj li ua ib siab mus nqa dej. Tswb mus lawm. Ces tub Toj Xeem txawm mus khaws pob zeb los tib ib pawg tos. Tub Tswb nyuam qhuav los txog nram qhov niag ntshuab. Tub Toj Xeem thawb kiag cov niag pob zeb pem no mus ntaus tub Tswb tuag lawm lauj.

Nws yeej paub tias cov pob zeb ntawd yeej ntaus Tswb tuag lawm. Nws thiaj rov qab los tsev. Nws los txog tsev, nws thiaj li mus hais rau Tswb pog, Tswb tus muam thiab Tswb tus hluas nkauj lawv hais tias:

"Aub! Tswb wb mus ua luam, Tswb wb mus txog pem roob ces Tswb tuag lawm. Ces kuv thiaj li rov los lawm."

Lawv tsis paub, lawv niam quaj quaj tas zog li lauj!

Tswb nws txawm tuag rau qhov ntawd lawm. Nyob nyob niam Phas Nyas is tawm tuaj tso zis. Niam Phas Nyas is thiab li tuaj pom. Ua li cas Tswb tuag lawm. Tswb kuj yog neeg siab ncaj siab dawb. Niam Phas Nyas is thiaj li nqes los, nws txia ua ib tug pog laus laus. Nws thiaj li muab ib hwj dej qab zib ntshuav Tswb, ces Tswb thiaj li ciaj los.

Ces Tswb tseem haj yam zoo nraug thiab haj yam tsw qab thiab lauj! Hos nws lub qhov muag mas pom kev mus ib tshim tob rau hauv av. Muaj nyiaj muaj kub nyob qhov twg los pom. Niag pog laus ntawd txawm muab tau ib daig hau hwj thiab muab tau ib rab pas taw ciaj taw tuag rau Tswb. Nws tias:

"Tswb, kuv tuaj cawm tau koj, tsa tau koj lawm. Kuv laus laus kuv yuav tuag nawb! Yog kuv tuag, koj muab kuv faus tas, koj mam li mus tsev mog."

Niam Phas Nyas is yuav rov qab. Nws cia lis ua txuj tuag nthi rau ntawd lawm lauj! Tswb mus sau khaub sau taws los muab niam Phas Nyas is hlawv ua ib niag pawg tshauv tso tseg cia.

Tswb txawm hais tias:

"Ab! Tsaus ntuj lawm, mus nrhiav chaw pw. Tag kis mam faus." Tag kis, Tswb mus nrhia chaw fau lauj! Nws mus nrhiav tau ib qho chaw. Nws khawb tau ib lub qhov ntxa zoo zoo. Nws yuav los nga cov pob txa mus faus. Los txog ntua ntawm cov pob txha. Nws saib: ua cas, pawg niag tshauv ntawd yog tib pawg niag kub xwb lauj! Tsis yog tshauv lawm.

Ces tub Tswb yuav ris los nris tsis taus. Nws thiaj li coj mus faus rau hauv lub niam qhov uas nws khawb ntawd. Ces nws thiaj li nga me ntsis yuav noj taug kev rob qab los tsev xwb. Tswb los los txog ntua rau ntawm tus niag dej loj loj. Tswb tseem yuav noj sus tso mam mus. Ua ciav txawm muaj ib tug hluas nkauj zoo zoo nkauj. Txawm los hais Tswb hais tias:

"Koj mus dab tsi, tus nus? Los koj los qhov twg los? Los yog koj tseem yuav tuaj mus lawm qhov twg os, leej me nus?"

Tswb teb tias:

"Ab! Leej muad! Twb yog kuv mus ua luam los xwb os!"

Tus hluas nkauj ntawd txawm hais rau Tswb tias:

"Ab! Leej nus, koj puas paub muab tshuaj dab tsi, leej nus. Kuv txiv nws mob mob caj dab, ntshai kuv txiv nws yuav tuag xwb. Yog koj paub no, thov koj mus muab tshuaj saib nws puas zoo." Tswb nws twb tsis paub dab tsi. Tiam sis, nws pom tus hluas nkauj ntawd zoo nkauj dhau lawm. Nws txawm teb hais tias:

"Ab! Leej muam, kuv paub thlab hos. Yog tias kuv muab tshuaj rau koj txiv zoo, koj puas kam yuav kuv maj, leej muam?"

Tus hluas nkauj teb tias:

"Tej zaum yuav kam thlab os, leej nus. Thov koj mus pab muab tshuaj rau kuv txiv. Yog tias zoo mam li hais tom qab mog." Ces nws thiaj li coj tub Tswb mus nram ntug dej. Nkawd txawm nges rau hauv pas dej lawm lauj! Nkawd mus mus tawm plaws ib lub teb chaws. Muaj ib lub nroog loj loj kawg, vaj tse

npog luas. Cov ntshuab ntawd ua neeg tag nrho. Tshuav niag Huab Tais ntshuab ntawd mas tib tug niag loj loj kawg, txoj niag hlua khi nrees caj dab. Yog niag ntshuab uas Tswb muab tso mus tom ntses, tsis hla is qab hluas ntag. Ua ciav niag ntshuab ntawd txawm yog lawv cov neeg ntawd niag Huab Tais. Tswb thiaj muab hlua daws rhe tau peb hnuv xwb. Niag ntshuab ntawd txawm txia tau ua ib tug niag yawg laus los nrog Tswb tham lauj. Niag yawg lawm ntawd hais tias:

"Ab! Me tub, cas koj yuav muaj tshuaj zoo ua luaj. Peb hnuv xwb kuv twb zoo lawm, kuv twb nrog koj tham taus lawm."

Tswb thiaj li hais tias:

"Aub! Txiv Huab Tais, koj mas twb muaj ib tug niag yawg laus muab koj khi. Muab koj cab rau ub rau no, nws twb yuav muab koj tua. Kuv pom, kuv txawm yuav koj. Los txog tom hav dej no kuv thiaj muab koj tso, kuv txawm tsis nco qab daws hlua lawm naj, txiv Huab Tais."

Niag Huab Tais ntshuab ntawd teb tias:

"Ab! Yog li, mas haj yam tu siab thiab lauj, me tub. Yog tsis muaj koj, ces kuv yeej tuag lawm. Yog muaj koj es kuv thiaj li dim los qhov no. Nyiam no, kuv yuav muab ib yam dab tsi kom txaus koj siab rau koj, kom npaum li koj pab tau kuv dim ntawm qhov tuag los?"

Huab Tais muab nyiaj muab kub, los Tswb tsis yuav li lauj! Tswb hais tias:

"Aub! Kuv pab koj ua txiaj ua ntsim xwb. Nyob nyob muaj ib lub sij hawm twg, kuv ho yuav tuag. Koj ho pab kuv xwb. Kuv tsis yuav nyiaj yuav kub li. Kuv pab koj ua txiaj ua ntsim xwb tlag." Ces Huab Tais hais tias:

"Aub! Tsis zoo siab li! Tej ntawd mam muaj rov tom qab. Zaum no, kuv yeej yuav muab ib yam rau koj xwb, thiaj zoo siab." Hais hais, Tswb yeej tsis yuav dab tsi li. Huab Tais thiaj tias:

"Ab! Yog koj tsis yuav dab tsi li no, cia muab kuv tus ntxhais rau koj coj mus ua poj niam. Muab kuv rab ntaj no rau koj thlab muab kuv ib puas tus tub rog rau koj, koj coj mus zov neb. Hos rab ntaj no, yog koj xav txiaj kom toj pob, los toj yeej pob li. Kuv yuav muab li no rau koj. Koj puas yuav?"

Tswb thiaj teb hais tias:

"Ab! Koj ua txiv, koj zoo siab muab li ntawd los yuav thiab."

Ces thiaj muab li ntawd rau tub Tswb. Nws thiaj li koj poj niam, koj cov tub rog thiaj rab ntaj. Nws los los txog ib lub teb chaws. Los pom ib tug hluas nkauj quaj quaj yuag yuag. Pob txha mas muaj pes tsawg tus los pom tag huv tib si li. Kuj muaj neeg tuaj zov coo coob li thiaj. Nws nug lawv hais tias:

"Ua cas es tus poj niam no yuav yuag tas npaum li no?"

Cov neeg tuaj zov txawm hais tias:

"Aub! Tus ntshais no, txawm yog txiv Huab Tais tus ntshais Ntxawm ntag. Tab sis, thaum nws niam yug tau nws los, muaj ib daig duab nrog nws los. Tom qab no, nws muab ua ntub dej nws muab ziab rau ntawm ib tog tsav lawj. Nws txawm tsis nco qab yaws. Txawm muaj ib tug niag liaj, niag liaj ntawd txawm ya los nqa kias nws daim duab los pov kias rau hauv lub niag pas dej no lawm. Ces txiv hnub ntawd los, nws txawm tsis noj ib lub mov, nws chim chim, niag hnub quaj xwb. Tag kis no, Huab Tais lawv tuaj muab daim duab ntawd, mas zaj thiaj nab qa dev muab lawv tom tom, lawv muab tsis tau li."

Tswb txawm hais tias:

"Lis ntawd xwb! Aub, yog li mas yeej muaj tus yuav muab tau."

Ces muaj ib tug neeg laus nyob ntawd, txawm khiav khiav mus qhia rau txiv Huab Tais nyob pem tsev tias:

"Ab! Txiv Huab Tais, muaj ib tug tub hluas koj ib tug poj niam thiaj ib pab tub rog los txog nrad. Nws txawm los nug peb tias ua cas tus ntshais no yuav yuag ua luaj thiaj peb yuav zov coob ua luaj? Peb hais tias yog koj tus ntshais, nws muab ib daim duab. Dav muab nqa los tso rau hauv lub pas dej no lawm. Yeej tsis muaj ib tug yuav muab tau rau nws li. Nws thiaj li niag hnub niag hmo tuaj quaj quaj yuag tas li ntawd. Tus hluas ntawd hais tias yog ua cas qhov nyuag ntawd xwb tseem muab tsis tau rau thiaj. Peb hais tias tag koj lub teb chaws no tsis muaj leej twg muab tau li. Nws hais tias yog li ntawd xwb mas yeej yuav muaj tus muab tau no. Koj ua txiv, koj sim lam mus thov nws ib los saib. Tej zaum nws yuav muab tau laiv. Hos tej zaum nws cov tub rog ho yuav muaj ib tug yuav muab tau rau koj thiaj laiv."

Txiv Huab Tais thiaj li khiav khiav tuaj txog, thiaj li tuaj nrog Tswb tham hais qhia rau Tswb tag.

Tswb thiaj hais tias:

"Txiv Huab Tais, yog li ntawd xwb mas yeej yuav muaj tus muab tau xwb! Tab sis, yog muab tau, saib txiv Huab Tais yuav hais li cas rau tus muab ntawd!"

Txiv Huab Tais hais tias:

"Yog tias koj muab tau mas kuv muab kias tus ntshais rau koj koj mus ua poj niam kias ntag. Rau qhov tias muab tsis tau ces nws yeej yuav tuag. Tuag lawm ces yuav tsis pom lawm. Thiaj kuv tseem muab ib puas tus tub rog txiv rau koj thiaj."

Tswb thiaj hais tias:

"Yog li ntawd no, cia kuv pab koj muab saib puas yuav tau."

Ces Tswb thiaj li rho hlo nws rab ntag uas yog nws yawm txiv ntshuab muab, los tib ntag ntawm ib phab roob qhov dej nkhaus. Dej thiaj tu nrho rau sab tod lawm. Zaj thiaj nab qa dev tawm tag rau sab tod. Txawm pom kias daim duab nyob hauv, cov npe ntawv tseem nyob li qub. Tswb muab cev kias rau tus ntshais. Tus ntshais zoo siab hlo. Sawv daws los tsev. Los tua qalb tua npua, tua nyuj tua twm, noj nqaij hau cawv tau peb hnub peb hmo tag.

Ces Tswb thiaj li koj ob tug poj niam thiaj ob puas tus tub rog los lau. Lawv los los txawm los txog ib lub teb chaws muaj ib tug Huab Tais nyob thiaj. Lawv txawm pom ib tug uab lag kub daj rhuv. Nws tsaws nyob saum tus ntoo. Tab sis, kuj muaj ib tug ntshais nyob hauv qab ntoos zov thiaj lau! Tus ua lag ya mus tsaws qhov twg mas tus ntshais kuj mus nyob qhov twg zov li lau. Uab lag pw saum ntoo, nws kuj pw hauv pem teb zov. Tswb ntsla ntsla, nws txawm hais tias:

"Ab! Txiv Huab Tais, leej twg tus ntshais es pheej yuav caum tus uab lag kub tid ua luaj!"

Huab Tais hais tias:

"Me tub, koj tsis paub! Uas yog kuv tus ntag los mas."

Tswb thiaj hais tias:

"Txiv Huab Tais yog ua li cas es nws ho ua li ntawd."

Huab Tais teb tias:

"Aub! Twb yog thaud, kuv yug tau nws los ces txawm muaj ib nti npihaib kub yug nrog nws los thiaj. Thaum sawv ntsov nws txawm muab hle tso ntawm ntug dej. Nws ntuv muag tas,

nws txawm tsis nco qab muab koj. Thaum ntej uab lag nws daj tus kaus ncauj thiab lub taub hau xwb, tom qab no nws txawm daj tas tus li lawm. Txij hnuv ntawd los, kuv tus ntxhais nws thiaj niaj hnuv caum tus uab lag ntawd saib pua tau nws ntiv nplhaib xwb. Nws caum tus uab lag xwb nws thiaj li yuag tas li ntawd. Tag nrho lub teb chaws no, luag tuaj tua txhua. Xuas phom xuas hneev tua, yeej tsis tau li. Tua phom kuj tsis nrov, tua hneev kuj tsis raug. Ntshai kuv tus ntxhais yuav tuag xwb." Tswb txawm hais tias:

"Txiv Huab Tais, li ntawd xwb, yuav muaj tus pab tau koj xwb." Huab Tais hais tias:

"Me tub lauj! Koj txawj li cas los yeej meem pab. Yog tau no, kuv muab klag rau koj koj mus ua poj niam xwb lauj."

Tswb teb tias:

"Tiag tiag li los, txiv Huab Tais? Koj tsis txhob dag laiv!"

Huab Tais teb tias:

"Tiag tiag lauj me tubi kuv yeej tsis dag li. Kav tsij muab os." Ces Tswb thiab li muab klag tus pas taw ciaj taw tuag. Nws xua tog hauv paus tawg klag rau, tus uab lag cia li poob nthav los. Tswb thiaj li hle klag ntev nplhaib kub. Nws rov muab tog ntsis taw klag rau, tus uab lag rov ya klag li qub lawm. Tswb thiab li nqa klag ntiv nplhaib los cev klag rau tus ntxhais ntawd. Tus ntxhais thiaj li zoo siab lauj! Lawv thiaj los tsev. Txiv Huab Tais thiaj li txo dej txo cawv, tua nyuj tua twm los khi nkawd tes tag. Huab Tais kuj muab ib puas tus tub rog thiab muab tus ntxhais rau Tswb. Ces Tswb tau peb puas tus tub rog thiab peb tug poj niam. Tswb mam li nco dheev tias:

"Abi Lub calj ntev npaum li no, yog tau tsawg xyoo lawm nev?" Tswb thiaj li xam xam hnuv nyoog. Cas twb tag peb xyoo, peb hlis, peb hnuv. Tsuas tshuav peb teev lawm xwb. Ces tag sij hawm li tau teem tseg lawm lauj.

Ces Tswb thiaj li txlav xyoo pu j tswm los fiab tau ib lub phawv loj loj. Nws ua khawv koob ntim tag nrho peb puas tus tub rog thiab peb tug poj niam tib si rau hauv. Nws thiaj li ya plho los tsawg ntua nram nws qab tsib taug. Nws ua khawv koob tsis pub leej twg pom nws. Thaum ntawd ib tag hmo nkaus. Tag kis, thaum yim teev ces lawv khi nws poj niam tes.

Nws txawm los qhib qhov rooj hu tus muam thiab pog tias:

"See thiab pog, qhib qhov rooj kuv los lawm os!"

Pog txawm teb hais tias:

"Abi Tub Tswb, koj twb tuag lawm, koj tsis txhob ua dab los hem wb mog. Wb ntshai ntshai koj li. Txhob ua li ntawd os."

Tswb hu ntxiv tias:

"Tsuag tsuag qhib qhov rooj. No no kuv li lawm na has."

Pog pheej teb tias:

"Tsis txhob los hem wb lauj! Yog koj tshaib koj nqis dab tsi no, thov koj hais, es wb muab rau koj no xwb. Koj tsis txhob los zes wb. Koj yog dab tuag lawm tiag tiag. Wb ntshai ntshai koj li. Tub Toj Xeem twb los hais rau wb tias koj tuag lawm. Ces koj yeej tuag lawm tiag tiag. Koj tsis txhob los ze wb mog."

Niag pog txawm muab mov ntsu kua txob pov ntawm qhov tsev mus rau Tswb. Tswb npau taws, Tswb tib lawg taw qhov rooj qhib plho. Ces niag muam thiab niag pog sib tw khia rau tom txaj lawm lauj! Tswb thiaj li mam los rauv taws nte. Tus pog mas yeej los ntshai ntshai tsis qhib pam taub hau li. Hos tus muam thiaj li qhib pam xauj tom qhov txaj tuaj. Nws ntsia no ua ciav yog Tswb tiag tiag. Tsis yog dab tuag.

Tab sis, Tswb dawb dawb zoo zoo nraug. Tus muam thiaj li tawm, nws txav los ze zuj zus. Ua cas kuj tsis ua dab tsi phem li cas rau nws.

Tus Muam thiaj hais tias:

"Aubi Tswb, ua cas yog koj tiag? Koj twb los lawm lov Tswb?"

Tswb teb tias:

"Yog kuv kawg los mas, kuv twb los lawm. Txhob ntshai mog."

Aubi Niag pog hnov dheev xwb. Nws vau pes lias hauv txaj los lauj. Los txog ntua los plhw klag Tswb taub haus, nws tias:

"Tswb, tub Toj Xeem twb los hais tias koj tuag lawm no, wb mas quaj quaj txog tav li no li los mas. Cas koj ho tsis tuag."

Tswb teb tias:

"Pog thiab See, kuv tuag tiag hos. Tab sis, yog siab ncaj, siab ncees, ho muaj tus cawm tus tsa. Kuv thiaj ciaj rov los xwb."

Lawv sib tham sib tham, ces niag muam hais tias:

"Tswb, tag kis tub Toj Xeem twb mus khia tes rau koj tus hluas nkauj ua niam txiv lawm. Lawv twb npaj tiav tag lawm."

Tswb teb tias:

"Nws yuav lawm los xij peem los mas, See. Kuv twb yuav tau peb tug los lawm thiab. Kav liam! Nws yuav nws mog."

Niag muam hais tias:

"Ua li, koj peb tug nyob qhov twg nab?"

Tswb teb tias:

"Kuv twb koj los rau nrad lawm. Tag kis kuv mam mus koj los."

Lawv sib tham sib tham kaj ntug. Ces Tswb txawm hais tias:

"See nawbl! Muaj ib ce ris tsho zoo zoo no, mas yog ris tsho zaj. Yog zaj tej ntaub tej xov. Kuv muab rau koj hnav. Koj yuav mus nrog kias Huab Tais tus ntshais nyob, nrog nws tham kias ntag. Yog nws nug koj tias Tswb los lawm los tsis tau, koj tsis txhob qhia rau li. Cia ua ua kom txog qhov kawg, kuv mam li tawm los xwb. Koj txhob qhia rau li nawb."

Hais li ntawd tas. Ces Tswb muab tau ib ce ris tsho rau tus muam hnav. Tus muam thiaj li mus rau pem Huab Tais zos lawm. Auh! Tub Toj Xeem lawv tsuas tias tua qaib tua npua, tua nyuj tua twm. Hos tswm ciab paj ntoo mas txawb pawg lug xwb. Cov neeg laus mas ib leeg tuav ib txog hluas npaj khi nkawd tes lawm xwb lau! Muaj ib tug neeg laus twb los pib cheb. Txawm pom kias Tswb tus muam tuaj lau. Nws hnav ib ce ris tsho txawv txawv tuaj. Huab Tais tus ntshais sawv tsees ntawm tsum mov los mus qawm lias nram qhov rooj tag. Huab Tais tus ntshais nug tias:

"Ab! See, Tswb los txog lawm los ua cas, koj yuav tau ib ce ris tsho zoo nkauj thiab txawj tag npaum li kod hnav nab?"

See teb tias:

"Ab! Tswb twb tuag lawm, nws tseem yuav los qhov twg los thiab. Cev no yog cev thaud koj muab rau pog. Kuv tsis muaj dab tsi hnav. Kuv thiaj li muab hnav tuaj xyuas koj yuav txiv xwb. Kuv tu tu siab tias yog Tswb nyob, thaum ua tshoob ua kos li no ces yog ua neb li, khi neb tes ntag. Ua cas Tswb yuav tuag lawm, ua tshoob ua kos, khi tes los yuav tsis yog Tswb neb, yog khi nrog lwm tus lawm. Tu tu kuv siab, kuv lam tuaj xyuas neb ib plig xwb. Tswb ces tsis los lawm os."

Tus hluas nkauj hais tias:

"Ab! See, los hauv txaj no, Wb sib tham ib me ntsis tso os!"

Nws mus txog hauv txaj mas tus hluas nkauj tham nug tham nug lau. Cov neeg laus nraum no zaum zaum pob tw phib tag. Lawv hu kom tawm los, nws pheej teb tias tos ib plig tos ib plig no xwb. Pheej tsis txawj tawm los li lau! Ua ua li ntawd. Cov neeg laus, koj sawv kuv sawv, sawv sawv lawm tag. Ib hnuv tsaus ntuj tsis tau khi tes li ntag. Hmo ntawd pw ib hmo. Ntxias npaum li cas los See hais zaj qub xwb lau.

Tag kis kaj ntug, rov qab rau zau rau mov. Cov neeg laus rov tuaj zaum txij. Tus hluas nkauj thiaj tu siab nrho tias ntshai Tswb yuav tsis los lawm tiag. Yog Tswb los mas nws nug npau li no yuav qhia rau nws lawm. Ntshai yog tuag lawm tiag tiag. Nws thiaj li ua ib siab tawm los nrog tub Toj Xeem khi tes.

Cov neeg laus thiaj li los muab cov xov paj sib faib ib leeg ob txog, nyuam qhuav tuav ntawm txais tes thoob plaws. Tab tom yuav sawv mus khi, Tswb thiaj li ya plaws mus rau puag saum Phas Nyis Is. Tswb thiaj li qoj kias nws lub xim xaus nqes los lau! Sawv daws tab tom yuav khi tes. Ces sawv daws hnov Tswb lub suab xim xaus nrov ploj loog puag saum qaum huab tuaj. Muaj ib tug yawg laus txawm hais tias:

"Ab! Tswb twb tuag mus ua dab lawm, los nws tseem paub tias hnuv no nws tus hluas nkauj mus yuav txiv lawm. Nws kuj tseem yuav qoj xim xaus xa nws tus hluas nkauj mus yuav txiv thiab. Cas tuag ua dab lawm haj tseem yuav paub thiab lau!"

Sawv daws tus yuav hais li cas los muaj. Ua ciav, nrov los ze zuj zus lau. Tus ua tawm mus nraum zoov ntsiav saum ntuj los muaj. Tus es zaum ntawm rooj mov nyo nyo taub hau tsis nco qab qhov twg lawm los muaj. Sawv daws mloog, cas Tswb lub suab xim xaus nrov los ze zuj zus lawm tiag. Tab sis, tsis muaj leej twg pom li. Nrov los ncig Huab Tais lub tsev peb lwm. Ces Tswb tshwm plaws tim Huab Tais qhov muag tsev. Tub Toj Xeem saib zoj. Ua ciav yog Tswb tiag tiag lau! Tub Toj Xeem thiaj li sawv tsees ntawm tsum mov, khiav tiaj liag rau puag tom plawv zoov mus nkag rau hau qhov tsua li lawm.

Tswb thiaj li nqes los txog ntua hauv tsev. Lawv muab kias puas mov thiab zaub ntawd los khi kias nkawd tes ua niam txiv. Lawv noj ngaij haus cawv tau peb hnuv peb hmo ntag lau! Ces lawv mam li ho mus nrhiav tub Toj Xeem tom hav zoov.

Lawv nrhiav nrhiav tsis tau li lau! Tswb thiaj li mus tso nws cov tub rog los nrog nrhiav. Sawv daws mam li taug tau tub Toj Xeem hneev taw. Cas nws khiav dua puag tom hav zoov lawm. Lawv mus nrhiav txog tom hav zoov. Lawv thiaj li mus nrhiav tau nws nyob hauv ib lub qhov tsua ti ti. Nws nkaum tib pob tshee tshee. Nws ntshai tsam Tswb rov los txog, Tswb ho muab nws tua. Lawv thiaj li muab coj tau los tsev. Los txog tsev, Tswb thiaj li tua qaib tua npua, tua nyuj tua twm rov ua dua ib rooj tshoob tshlab. Ces lawv ua tshoob ua kos loj loj. Thiaj li muab Tswb tus muam khi tes klag rau tub Toj Xeem. Ces tub Toj Xeem ua ib siab yuav klag Tswb tus muam lawm. Txij ntawd los Tswb thiaj li los ua nom ua tswv ua Huab Tais. Lawv thiaj li los nyob ua kwv ua tij, sib hlub. Hos Tswb nws muaj plaub tug poj niam. Yog muaj tsov rog yuav tuaj sab twg tuaj mas nws yeej xub xub paub lawm. Vim nws ua ib tug Huab Tais txawj tag txhua yam. Txij ntawd los nws thiaj ua neej tsis muaj tag.

PHIAJ QHIA NPAHIAV ZAJ

Cov zaj.

Phab.

1. Nian tij thiab tij laug tsis hlub ntsuag.	9
2. Nu j Sis Loob thiab Muam Nkauj Ntsum.	17
3. Nyuj qus thiab Mos Swm Xeeb ua rog.	33
4. Xov Kim Zeej mus muab taub dab roog.	51
5. Thoob Ye j thiab Ntxawm qaum ntuj.	67
6. Tub Ntsuag ntaj hnab tawv plis.	87
7. Tub Nplaig Nyiaj thiab tub Nplaig Kub.	103
8. Huab Tais Nplog, ntxhw thiab Hauj Sam.	115
9. Tsov tuaj txeeb Txiv Xauv Xiv nws poj sev.	123
10. Yawg O Pob thiab Huab Tais ntxhais nkauj ntxawm.	145
11. Yob Nraug Ntsuag thiab Huab Tais ntxhais ntxawm.	157
12. Tswb thiab tub Toj Xeem sib txeeb Huab Tais ntxhais ntxawm.	183

3501.0111